



D. b.

21

Ba 152 86 (n)

40

Schwank

A. 1.
9.





EX BIBLIOTHECA
ROSENBERGIANA

D. 6 21

Dir. 2,4

65 $\frac{17}{7}$ s $\frac{12}{5}$







RARIORA
MVSEI BESLERIANI

quae olim

BASILIVS

et

MICHAEL RVPERTVS
BESLERI

collegerunt,

AENEISQVE TABVLIS AD VIVVM

INCISA EVVLGARVNT:

nunc commentariolo illustrata

JOHANNÉ HENRICO
LOCHNERO,

VT VIRTVTI TOY MAKARITOI
EXSTARET MONVMENTVM, DENVOLVCI
PVBlicAE COMMISIT ET LAVDATIONEM EJVS
FVNEBREM ADJECIT

maestissimus Parens

MICHAEL FRIDERICVS
LOCHNERVS

ARCHIATER CAES. ACAD. LEO-
POLD. CAROL. NAT. CVR. EPHEM.
DIRECTOR.

ANNO O. R. M DCC XVI.

RARIORA

MUSEI BRESERIANI

quae olim

BASILIVS

19

MICHAEL RAPERTVS

BRESERIANI



503005

AENERGOVE TABVLIS AD VIVAM

INCLISA EVANGELIUM

hunc commentariolo illustrata

JOHANNES HENRICO

LEONHARDUS

VT VIRTVTVM MAKARITQV

EXSTATET MONVMENTVM DVINO LVI

PUBLICAE COMMISIT ET LAVDATIONEM RVIS

LVNIVRSVM ADIECIT

maestrum hunc

MICHAEL FRIDERICVS

IOHANNES

1946/47

ARCHIVAT ET ACAD. LIB.

POLO. CAROL. T. CAR. BRESERIANI

DIRECTOR

MAVO O. R. M. DE J.

Biblioteka Główna PG		
2. zeszyt	317/5	2006
PG		



MVSEI BESLERIANI haec RARIORA, aeneis tantum Tabulis in lucem edita, cur nunc addita descriptione, ne mancum semiperfectumque amplius foret opusculum, denuo prodeat, *BENEVOLE LECTOR*, non sine ingentis doloris renovatione paucis accipe. Capiebatur Filius heu! quondam meus uniculus, a prima statim studiis apta Juventute, ut librorum et liberalium artium, ita maxime Historiae naturalis amore, ad quam ab Auctoribus, qui in supellectile mea libraria, pro modulo tenuitatis meae supersunt rariores, elegantissimisque figuris aeri incisus instructi, magis magisque alliciebatur. Auxerat praeterea in studio hoc progressus Theca officinalibus uti vocant referta, majoraque desuper incrementa eidem dederat confortium, quod cum commilitone contraxit, Juvene ad optima quaeque nato, ac omnibus animi formaeque dotibus instructissimo, *Engellandio Juniore*, cujus *Parens Basilii Besleri Museum*, ad se haereditatis jure devolutum possidet, Amicorum, quos a prima statim aetate mihi conciliaveram, certissimus. Occasio hinc illi nata, toties de rarioribus hoc in Museo contentis differendi, et quorum haecenus in aeneis tabulis videbat tantum ectypa, prototypa nunc inspiciendi. Audiverat me olim circa Praxeos medicae initia, nudis his Tabulis, a tot Viris doctissimis expetitam descriptionem destinasse, cumque ob tot Praxeos catenata certe impedimenta me praepeditum cerneret, se manum huic labori admoveere velle, spondit. Repressi primitus hos juveniles praecocesque impetus, ast quoties, illo acrius instante, onus humeris ejus minime ferendum praedicerem, toties enixissimis precibus obstabat, meamque ad hoc opus perficiendum implorabat opem operamque. Lacesitus tot precibus, vicistandem, ne igniculos erga studium elegantissimum restingerem, sed nutrirer potius, magisque resuscitarem, me tandem exorare passus sum. Detexi ipsi fontes Historiae naturalis in Bibliothecula mea exstantes, et quae jam olim circa Clinices primordia, de his Beslerianis Rarioribus schedis ille veram confusaneis, ipsi porrigo. Meminisse dolet, imo horret animus, quo perfusus gaudio has

lacinias exceperit, tanquam futura prima hujus opusculi rudimenta. Collectis quotidie ex variis Auctoribus optimis subsidiis, crevit sub manibus, in hanc quam cernis molem. Noricas tandem cum Vitebergensibus Musis commutaturus, hoc quicquid est, mihi reliquit, ulterius in itineribus per Belgium, Angliam Galliasque tandem suscipiendis, locupletaturus, ultimamque in reditu limam et manum cum DEO et die admoturus. Sed spes hominum fallaces! Numini etenim placuit iter in Patriam ipsi coelestem imperare, ut spretis his naturae terrestribus, coelestibus frueretur gazis. Infelicem felicissimi Filii parentem, qui animi aegritudine ob Nati unici praematurum obitum obrutus, quotidie fere morior, quippe

Homo toties moritur, quoties amittit suos.

Sed quid amissum doleo et mortuum, quem tenet Olympus. Vivit ille vita aeternum meliore nactus aevum; Derelictum me potius queror et expositum tot aerumnis, tot calamitatibus, tot mundi immundi illecebris, tot inquietudinibus, frustra enim quietem quaerimus anxii, dum terra caeli nos tenet exules. O! si liceret cum illo conjungi, chorisque beatis interesse; haec votorum summa meorum! Placuit tamen et placebit semper, DEO quod placet, nec enim plus dolori et luctui, quam voluntati Divinae concedo, cui refragari nefas semper duxi mortepiandum; haec Divini Numinis Voluntas, modum ut haecenus sic porro quoque maerori ponat precor; quippe

Hoc meo levamen

Dolori dolor ipse fert, mihi que

quo doleo magis, est minus dolendum.

Sed redeundum mihi in viam, et ad tristes beatissimi Filii sedulitatis has reliquias, quas toties reposui, quoties illas literato orbi tradere, seculo hoc maleferiato, judicandique prurigne refertissimo, in animum inducerem. Obluctabatur maxime argumenti tenuitas, cum Musea Besleriana, illo tempore lucem conspexerint, quo Historia naturalis primitus excoli coepit, hodieque proletaria illa, quae rariora credidit Besleri aevum; accessit et hoc, quod methodo accuratissima, qua naturalis Historiae Studium hodie fulget, minime gaudeant, sed in Tabulis his, praesertim quae lapides continent, indisposita paene omnia, nulloque decenti congesta ordine, et quae plura adhuc alia supersunt, dentatis et aculeatis vitilitigatorum, rigidiorumque Censorum moribus exposita. Dubius sic haerens de manu missione hujus opusculi, vicit tandem publicae utilitatis studium, praesertim cum Rariora haec Beslerorum, figuris solis tantum constantia, tanto tamen literati orbis dignata fuerint favore, ut Viri in studio naturali vere Principes, illa ob figurarum elegantiam, et ad naturae leges expressam concinnitatem, non laudare tantum, sed impensius commendare haud erubuerint. Accessit



sollicita efflagitatio plurimorum, has Tabulas commentariolo illustratas desiderantium, cum melioris spei pollicitatione, fore ut cum alia Musea, licet tempore pariter illo, quo prima historia naturalis incrementa cepit, edita fuerint, in pretio tamen existant, singulari studio conquirantur, et de novo recudantur; his Rarioribus Beslerianis pariter non defuturos emptores. Maxime autem me movit desideratissimi Filii ^{τῆς μακαρίτης} impensus huius labor, et adhibita in iisdem eruendis ex tot Auctoribus (citra ^{φιλαυτίαν} hoc dictum esto,) assiduitas, quo temporis illud spatium, quod juvenilis aetas alias ludicris transigere consuevit, huic impendere constituit operi. Quod si decor ille desit pagellis his, iudicii quoque acumen, quod studium hoc postulat, desideratque aevi huius ^{ὑποτυφία}, omniaque nunc censentium illicita licentia, quibus Veneris etiam scandalum calumniari non est piaculum, meminerint quaeso, hoc quidquid est, e manu Juvenis XVII. annorum, vixdum in physicis tironis, et de grege novitiorum in arte medica prodiisse, ut non mirum sit, navulis hinc inde conspersas esse pagellas. Limatiora hoc in studio forte dedisset, si haec ipsa post absolutum studium, iterque ad externos praemeditatum, adhibitis posterioribus et sapientioribus cogitationibus, (praeisci dixerim) manumittere licuisset. Quod ipse manus medicas opellae non admoverim, prohibuit partim recrudescens statim labore hoc suscepto dolor, cum fluentes lacrymae calami delevere lituras; partim obstitit medica in ampla hac et populosa urbe, qua obrutus sum, Praxis, ubi Horatianum illud quotidie mihi repetendum:

Hic visum vocat, hic auditum tristia, spretis

Omni bus officiis: cubat hic in colle Quirini,

Trans Tiberim longe cubat hic prope Caesaris hortos,

Ille extremo in Aventino visendus uterque.

Sed sufficiant haec de dulcissimi Filii conatibus, qui quamvis commendatione magna digni non sint, tamen ejus laudanda voluntas, quoniam in magnis voluisse sat est. Censorem quod si evitari haud queat, illud Sapientis occidendum reputo:

Carpe quod est lubitum, modo non injurius esto.

Quippe juxta tritum illud:

Μωμήσεται, τις μάλλον ἢ μωμήσεται.

Ad Besleros quod attinet, haud exiguum in scholis medicis promerere laudem; et *BASILIVS* quidem aetate major, *Michaëlis Besleri* Theologi urbis hujus Celeberrimi Filius, et *Hieronymi* Medici felicissimi Frater erat. Humanioribus cum Fratre literis expolitus, et ab incunte statim aetate rei herbariae studio mirifice, (uti ipsemet *prae-fat. in Hort. Eystädtensem* fatetur) captus, hac occasione in magno isto naturae Volumine evolvendo non parum studii et diligentiae posuit, indeque factum est, ut arti se addiceret Pharmaceuticae, utpote in cujus of-

ficinis pleraque ex herbis, plantis, floribus, radicibus, seminibusque praescripta et praeparata constare, ibique verum istarum rerum usum discerneret. Ad eum etiam finem hortulum quendam privatum instituerat, quo animum ulterius in studio Botanico progredi gestientem exsatiaret. Nec effectum caruit nobilis hic ardor: peperit quippe Beslero Summorum Imperii Romani Procerum favorem, celeberrimorumque Botanicorum amicitiam. Primos inter erat praecipue *REVERENDISSIMVS ET CELSISSIMVS EPISCOPVS ET STADTENSIS, DN. JOH. CONRADVS a GEMMINGEN, felicissimae memoriae Princeps*, qui de notitia *Besleri* Botanica edoctus, non solum hortis suis elegantissimis, quibus arcem episcopalem in D. Willibaldi monte cinxit, ac quaqua versum jucundissimo ac amoenissimo prospectu beavit, excolendis *Beslerum* dignatus est, sed et illorum descriptionem, et aeterni operis Editionem, reluctante licet illo, demandare ac delegare non dubitaverit. Inter intimos *Basilii* amicos erat Florae illud Delitium, *Carolus Clusius, MAXIMILIANI II. gloriosissimae memoriae CAESARIS*, Archiater hortique Caesarei Praefectus; hic Vienna redux, urbemque Noricam transiens, firmiori amicitiae nexu cum *Beslero* copulabatur. Exstitit tunc *Basilius* noster *Reverendissimo Episcopo* Auctor Suasorque, ut virum hunc *βοτανικόν*, qui nunquam satis laudando Principi jam notus esset, et primatum inter seculi Botánicos haberet, operi admoveret: verum persuadere Principi non potuit, qui *Beslerum viriderii Eystädtenensis Patrem ac Patronum* appellare dignabatur. Nil tamen hoc impediēbat, arctissimam *Clusii* cum *Beslero* necessitudinem, sed promovebat potius, ut in Belgium postea a Curatoribus Academiae Lugduno-Batavae evocatus *Clusius*, ubi latissimum studii naturalis campum nactus, omnia paene Exotica cum *Beslero* communicaverit, Fasciculoque Rariorum Musei, fundamenta jecerit. *Clusii* amicitia nostro Auctori notitiam Archiatri Caesarei studiique Viennensis Professoris DN. *Johannis Aicholzii* peperit, cujus convictor domesticus Viennae *Clusius* extiterat; cum hic effusissime studium amaret Botanicum, ut ex Panonicis *Clusii* liquet, facillime necebat *Beslero*, et ex hac familiaritate factum, ut suatore ipso laudatissimus *Aicholzius Illustrissimo Noricorum Senatui* aliquot florenorum millia ea conditione elocaverit, ut census quotannis inde fluens in Medicinae Candidatos, quos Collegium Medicum Noribergense, cui cura illa commissa, idoneos judicaverit, ad itinera in exterarum regiones aptius suscipienda derivaretur; et quia stipendium hoc C. florenis aureis constitit, hinc *stipendii Aurei Aicholziani* nomen obtinuit. Nec apud externos tantum volitabat per ora virum *Beslerus*, in patria quoque laus ejus celebrata a viris doctissimis. Quid de *Camerario Patre* dicam, vero Noricorum Aesculapio Collegiique Medici Fundatore; et hic pariter cum Florae delitias reliquis studiis anteposuisse, *Beslerum* hoc in stadio decurrentem impense admiravit, quod et a *Michaële Roetenbeccio Patre*, naturalis studii opti-

optimo Myſta, ob ſtudiorum paritatem factum. *Ludovico Jungermanno*, aſt quanto Botanico ! in concinnando Eyſtädtenſi Horro uſum eſſe *Beslerum*, e Programmate Academico funebri retulit *Cl. Freherus* in *Theatr.* pag. 138. cujus tamen *Beslerus* nuſpiam meminit. Vniverſo autem Collegio Medico amiciffimum fuiſſe, inde liquet, quod Decanus et Collegium commendatitias operi Eyſtädtenſi præfigi curaverit, ut *Besleriani* indefeſſi laboris et patientiæ aliquod exſtaret cum Elogio teſtimonium. Nec Medicis tantum laudatus *Beslerus*, ſed ab aliis ævi ſui doctiſſimis viris cultus ; loco omnium erit illud Conſultiſſimi *Georgii Remi*, *Patricii Auguſtani* et *Reipublicæ Noricæ & Conſiliis*, *Besleri* ſuffixum Iconi in Aylſtädtenſi Horro :

BESLERVM glyptes BASILEION imagine pulcra

Quisquis es o ! Hospes reddidit ecce tibi.

Nempe Viri vultus dedit heic atque ora tueri :

Cernere vis mentis dona ſagacis ? age,

HERBARVM magnum hoc et PLANTARVM Amphitheatrum

Inſpice, quas dotes AREATINVS habet

Divitiasque HORTVS. Paradeiſon dixeris ipſum :

Condidit immortale hoc BASILEIVS opus.

Nec *Beslero* mortuo ejus nominis gloria periit ; viget adhuc illa, vigebitque ceu primæ magnitudinis ſtella, in Scholis Botanicorum ob immortalē, quod luci publicæ communicare geſtiit, opus. Firmat hoc maxime novum Plantarum genus, ab ejus nomine nomen ducens. Facta hæc Plantæ nominis impoſitio ſeculo fere poſt *Besleri* obitum, et, quod adhuc magis mireris, a Botanico Gallo, Reverendo nempe *P. Carolo Plumier*, Ordinis Minimorum in Provincia Franciæ et apud Inſulas Americanas Botanici Regii, in Tract. inſcripto : *Nova Plantarum Americanarum genera*, impreſſ. Pariſ. 1703. Eſt autem *Besleria* Plantæ genus flore monopetalo anomalo tubulato bilabiato aut perſonato. Ex ejus calice ſurgit piſtillum, poſticæ floris parti ad inſtar clavi affixum, quod deinde abit in fructum mollem carnoſum, ovatum, ſeminibusque foetum exiguis. *Besleriae ſpecies ſunt* : *Besleria meliſſæ*, tragi facie. *Besleria virgæ aureæ* foliis flore luteo, major et minor. *Besleria* ſcandens criſtata, fructu nigro. Perennabit ſic in Planta *Besleri* memoria, ne viro de ſtudio Botanico optime merito apud ſeram poſteritatem laudes deſint. Erat caeteroquin in *Beslero* noſtro mira comitas, ſumma morum temperies, tantaque modeſtia, ut ſummis ævi ſui Botanicis comparandus, ſtudioſi titulum affectarit, ut ex ejus ſepulchrali in Coemiterio *D. Johannis* n. 2117. obvia Inſcriptione apparet : *Credo Reſurrectionem carnis. Baſilius Beſler Noricus, artis Pharmaceuticæ Chymicæ Amator ſingularis, rei herbariæ Studioſus. 1629. Vna cuſtodia Pie-*

tas. Vnicum reliquit filium, quo absque liberis mortuo, vidua ejus Henrico Engellandio nupsit, sicque Besleriana haereditas ad virum integerrimum Joh. Chr. Engellandium, Amicum conjunctissimum devoluta est, qui Tabulas Fasciculi aeneas publico ulterius invidere noluit, adeoque eas, ut recuderentur, benevole communicavit. De Nummo in Besleri memoriam cuso alibi dicendi locus erit.

Restat, ut de Viro Excellentissimo, Medico quondam Urbis hujus celeberrimo, DN. *Michaële Ruperto Beslero*, quaedam memorem; cujus non integrum quidem *Gazophylacium*, cum Tabulae aeneae nescio quo facto perierint, sed quae a Viro Exc. DN. *Valentini in Museo Museorum*, laudatissimo certe opere, non referuntur, in Tabulas aeneas conjecta, hisce *Basilii Besleri rarioribus* juncta sunt. Lucem hausit primam M. R. Beslerus hic *Noribergae* Anno 1607. Patre *Hieronymo Beslero*, primo in Collegium ab *Illustri Camerario* tum erectum recepto Medico; Matre *Apollonia Buchneria* ex antiqua nobilique familia oriunda. Cum Frater *Basilii* esset *Hieronymus*, tanta pariter in studium Historiae naturalis ferebatur cupidine, ut vix parem aevum tulerit, ideoque factum, ut per 36. integros annos *Visitatoris Perpetui Pharmacopoliorum* munere cum amplo salario annuo functus sit. Hausit has studii naturalis delicias a Patre et Patruo a prima statim juventute *Michaël Rupertus*, quas, positis prius in Gymnasio *Brandenburgico Heilbronnensi* fundamentis studiorum humaniorum ac Philosophiae, in Italicas excurrrens Academias, acrius insectatus est, et discendi ardore virorum aevi et studii sui illustrium favorem promeruit perennem, quos omnes recensere non erit hujus loci. Inter omnes tamen indulgentissime illum amavit *Marcus Aurelius Severinus Crathigena Tarsiensis Medicus Philosophus acutissimus*, *Regius in Auditorio Neapolitano Anatomiae et Chirurgiae primus Professor*, idque universo literato orbi palam fecit, non tantum *Trimembrem Chirurgiam*, in qua *Diaetetico-Chirurgica, Pharmacochirurgica et Chymico-Chirurgica tradidit*, (ut libri Titulus habet,) sed et *Tr. de Lapide Fungifero* nomini *Michaëlis Ruperti Besleri* inscribendo. Relictis tandem Athenis Italicis, huic Urbi redditus, in Patria Academia exantlatis rite examinibus, habitaque prius de *sanguine secundum et praeter naturam* disputatione inaugurali Anno 1631. summos in Medica arte honores obtinuit, viventeque applaudenteque adhuc Parente, locum in Collegio Medico obtinuit sequente Anno, qui fatalis Parenti extitit, Anno quippe 1632. d. 22. Novembr. aetatis 66. defuncto. Exhibuit statim Patriae, quas in exteris regionibus collegit ingenii opes, habitaque A. 1633. in Orphanotrophio viri ob scelera decollati Anatomie publica, dexteritate secandi, demonstrandique peritia facundiaque se omnibus probavit, quod ulterius scriptis Anatomicis luci publicae commissis, quorum Titulus, *Admirandae Fabricae humanae Mulieris partium, tam ante quam post partum Generationi potissimum inservientium, et Foetus humani, delineatio Tabulis*

V. fol.

V. fol. Reg. aeri incis, et invictissimo Caesari Ferdinando III. gloriosissimae Memoriae dedicatis, Noriberg. 1640. Porro edidit: *Observationem Anatomico-Medicam, Mulieris tres filios viventes naturalis magnitudinis enixae* &c. &c. Anno 1644. Nec Anatomicis solum vacavit, sed studium rerum naturalium et Botanices huic pariter indefesso sociavit labore, cujus testes *Viretum admirandum Norib. 1646.* cujus Tabulae aeneae partem dedere *Gazophylacii rerum naturalium Anno 1642. in Fol. impress.* et quidem e regno vegetabili; suntque potissimum Icones florum herbarumque tunc temporis pro rarioribus habiturum v. g. *singularis Aconiti species foliis Tanaceti ex Alpibus Tridentinis cum floribus albicantibus, Gentiana insignis Alpina floribus aureis, Gentiana Alpina floribus punctatis nigricantibus flavescens, Amaranthus Mexicanus cum Baccis rubris, Papaver spumosum foliis gramineis, Scabiosa latifolia floribus subrubris, Scabiosa Cretenensis arborescens floribus albicantibus,* et commatis hujus plura, proletaria nunc, *Besleri* tamen aevo infrequentia; quas Tabulas aeneas, pluresque adhuc alias, ni fallor, *Austario Horti Eystädtensis*, quod vir solertissimus meditabatur, destinaverat; sed morte praeventus haud, quod dolendum, absolverat. Dubium tamen *Libris an Liberis* illustrior *Beslerus* noster, foeminina praesertim progenie. *Filia* quippe *Barbara*, e prima Coniuge Nata *Mulzia de Schoensfeld*, in fundatissimam non minus ac generosam familiam sponsa collocata est, antiquae nempe nobilitatis meritisque adhuc illustriori *Dn. Joachimo Nuzelio*, Judicii tunc Assessori, postea Senatori Urbis hujus et Praefidi Collegii Medici splendidissimo, quae plena aetate et virtutibus adhucdum superstes, ex *Generosissimo Filio* inclytæ Reipublicae nostrae quoque Senatore fulgidissimo (qui ut publico egregie promovendo diu superesse et perennare possit, ex animo voveo) ferros spectabit nepotes. Altera e secunda coniuge *Joh. Rosae Archiatri quondam Palatini*, postea *Ratisbonensis Medici felicissimi Filia* prognata *Rebecca Barbara* nomine, Collegii Medici Norici Seniori quondam primario, Brandenburgico Consiliario et Archiatro, illustri *Dn. Christophoro Theophilo Scheurelio a Däfersdorff* elocata est. Filius autem *Joachimus Hieronymus*, dum studio medico, avi patruique Patrisque insistens vestigiis, operam dare cupit, infelici lapsu e scala et vitam et *Beslerorum* extinxit familiam; cum jam ante tristia haec Filii unici fata, Parens *Michaël Rupertus Beslerus* ab aliquot annis cachexia scorbutica, cum pedum tumentium exulceratione excruciat, accedente tandem catharro suffocativo, e vinculis corporis tanquam e carcere ad superos evolarit. Sed haec de Auctoribus Rariorum Musei *Beslerorum*, edendique causis praefationis loco dicta sufficiant.

Vnum adhuc te volo, B. L., in Tab. IX. Fig. 8. depictam quidem esse avicularum fere minimam, non tamen descriptam, cum

)()(

Bea-

Beatus Filius, me ejus descriptionem occasione *Ananasae* cujus suavitatem mire insectatur praepetum haec minutula, datum sciret, id quod in commentatione de *Ananasa sive Nuce pinea Indica*, vulgo *Pinhas* dicta, factum. Generale Avicularum nomen *Gvianambi* vel *Gvainumbi*; cum earum variae species, (quippe *Marggravius* jam olim novem descripsit,) varia quoque obtinuerunt nomina, prout pariter varia earum magnitudo, colorumque diversitas. Tanta enim earum speciei certae est corporis levitas, ut unum duntaxat *Tomino Hispanicum* sive XII. grana pendat, unde nomen ejus *Tomineo* fluxit. Nec minor in capite pro specierum diversitate varietas, earum enim illa, quae a *Rocheffortio* et *Blumio Colybridi* dicitur, plumeam in summitate capitis coronam gestat, quam in cristam pro lubitu erigere valet, quam solis illustratam radiis, pretiosissimis lapidibus distinctam et coruscantem, et oculos parvulos par adamantum, chalybi politissimo caerulefcenti infixum e *Rocheffortii* mente quis judicet; nostra tamen avicula corona hac plumea destituitur. *Rostellum* est subrotundum, aequale, tenue et valde acuminatum, rectum paululum tamen versus extremitatem deorsum vergens. *Lingua* bisecta tenuissima instar serici fili tenuissimi, quam extra rostellum longe exferit, ut florum melleum rorem extrahat et lambat, unde a Sinenlibus *Tunchonfung*, e flore *Tonchon* quasi genita, Germanice *Blumen-Specht* vocatur. *Crura* et *pedes* minimi brevesque, cum *Ebeni* ligni nigredine certantes, quatuor digitis instructi. *Alarum remigium* singulare prae caeteris avicularum habent, optime a *Marggravio* descriptum, hujus ope per sat longum temporis spatium in aëre velut quietae se librant, mox tanta pernecitate se movent, ut visu percipi motus vix possit, et alis carere videantur; sonitum tamen inter volandum edunt apicularum bombifationi non dissimilem, *Anglis* hinc *Hummingbird* dictae. Maxima Avicularum harum venustas splendorque in plumulis capitis, colli superioris, dorsi totius et alarum initis, quarum admiranda varietas nomen *Ourissiae* sive radiorum Solis, *Gvarigcobae* et *Gvaracaiba* capillorum Solis peperit. Illam quam tabula nostra exhibet, vivis quasi coloribus depinxit disertissimus *P. Bisselius*: *Pennularum nitor*, scribit, *versicolor lucet*, sic ut *smaragdinum virorem splendor saphirinus*, purpuram vero luteus aurei fulgor provocet. Denique quicquid oculus trahit colorum, id omne supra Pavonum ac Iridis, (*Admirationis filiae a veteribus dictae*) varietatem, in illo Volucris breviario natura miscet, mistumque denuo secernit, haud ineleganti compositae venustatis discordia. Pictorum tormentum invidiamque dixeris, aut profecto manus *Apelleae* solers compendium. Hinc factam est, quod a Phrygionibus admodum expetantur plumulae hae versicolores, ut aureis intertexant flaminibus; et licet mors aviculae plurimum plumularum venustati detrahat, a foeminis tamen loco *inaurium* gestan-

gestantur, cum pretiosissimis certantium. Ambram Moschumque redolere has aviculas, *Rochesfortius* scribit. *Nidulos* e tenuissimis Ananasae Pita dictae fibris filamentisque conficit, ac Xyli floccis plumulisque sericum ipsum superantibus implet, quibus ovula albissima, margaritas maiores aequantia, foemella imponit. Quae *Cl. Piso* de avicularum harum generatione et transmutatione ex *Erucis Brasiliensibus Lagartas dos Vergos* Lusitanis dictis habet, ejusdem veritatis est, ac illud assertum, has aviculas hyeme mori seu potius obdormiscere, vere vero reviviscere; unde *Antillarum Insulis renatae* dicuntur; cum tamen diligentissimus *Marggravius* has aviculas magno numero in sylvis per totum annum observaverit. Strepitum cicadarum susurro aemulum, non cantum edunt, qui *Gomanbuchae* avicularum harum speciei convenit. *Cinis* hujus *Aviculae*, *Reccho Hoitzitzlin* dictae, *epilepsiae* mederi dicitur. *Surinamensis* Sacrificuli in gulae oblectamentum expetunt, hoc avicularum minutias. Hostem experiuntur acerrimum, arenearum genus maximum, *Nhamdu Gvacu* dictum, quod illis insidiatur non tantum, dum in *Nidulo* ovulis incubant, sed et cum floribus insident, ubi unguis arreptas jugulat. Cum vero de stupendo hoc *DEI* ludere gestientis in rebus minimis opificio, abunde egerim loco supra citato, schediasma illud ut consulas haud gravatim, **LECTOR BENEVOLE**, praetereaue sphalmata, si qua irreperunt, pro Tua humanitate emendes, enixe

rogo, contendo, TEque valere
jubeo.



Quam fallax hominum spes sit, quam vita caduca,
Lochnerus Juvenum flosque decusque docet.
Quid non sperandum Patriae! Solertia magna,
ingenium, studium signa per ampla dabant.
Sed praecox fatum subito spem dissipet omnem,
corpus et exanimum terra aliena tegat,
non obit totus, vivit post funera virtus,
Lochneri in Scripto hoc vita perennis erit.

His demulcere illustris DN. Patris ex optimi
Filii obitu conceptum dolorem studuit

LVCAS SCHROECKIVS, M. D.

Archiatr et Comes Pal. Caesar. Nobilis, Acad.
Caes. Leop. Carol. Nat. Cur. Praeses, Reip. August.
Phys. primarius.

Ad

Virum Illustrum,

**D. MICHAELEM FRIDERICVM
LOCHNERVM,**

cum Filio desideratissimo, Eidemque unico, Monumentum, quod
vividus sibi Ipse parare coeperat, aere perennius
exigeret.

Dum dolor et Nati TIBI mors praecordia pascunt,
Gaudia qui quondam deliciaeue Tuae:

Quis non sollicito certat, VIR SUMME, labori
Auxilia alloquio dulcia ferre pio?

Sat vixit, dicunt, artes cui doctus Apollo

Cum Medicis Latias Cecropiasque dedit.

Sat vixit, Superis comes additus. Ecce futuram

Ad vitam gradus est exitus alterius.

Quid? quod non moritur, laudis monumenta superstes

Qui sibi spectata sedulitate parat.

Εὐλὺξοις Is fuerat Μουσέων. Rara juventus!

Figatur doctos inter imago, meret,

Ac nova Besleri Museo ad limina vitae

Vt LOCHNERIADEN Musa Paterna vocet.

Piis Manibus

Nobilissimi Juvenis

JO. HENRICI LOCHNERI,

Medicinae Candidati dignissimi, sui quondam
Auditoris perindusitri, parentaturus scribebat.

Erhardus Reuschius.

LAVDATIO FVNEBRIS,
^{QUAM}
IN SPLENDIDIS EXEQUIIS
JUVENIS NOBILISSIMI,
JOH. HENRICI
LOCHNERI
DE
HVM MELSTEIN,
MEDICINAE CANDIDATI
DIGNISSIMI,
VIRI
ILLVSTRIS EXCELLENTISSIMIQUE
D. MICHAELIS FRI-
DERICI LOCHNERI

DE
HVM MELSTEIN,
SACRAE CAESAREAE MAJESTATIS AR-
CHIATRI EJVSQUE PERSONAE IMPERIALIS MEDI-
CI, S. R. I. NOBILIS, COMITIS PALATINI, ACADEMIAE LEO-
POLDINO-CAROLINAE NATVRAE CVRIOSORVM EPHE-
MERIDVM DIRECTORIS, COLLEGII MEDICI
NORIBERGENSIS SENIORIS,
FILII VNICI ET DESIDERATISSIMI,

Vitembergae IV. Non. Jan. c1o 10cc XV. pie placideque extincti,
coram

Magna Patrum ac Civium Academicorum
frequentia

ex memoria recitavit

M. CHRIST. STEPHANVS KAZAVERVS;
Heroldsberga Noricus, Ord. Phil. Assessor.

10726 10726

PRORECTOR ACADEMIAE MAGNIFICE,

PATRES CONSCRIPTI, VIRI SUMME RE-
VERENDI, CONSVLTISSIMI EXPERIENTISSIMI,
AMPLISSIMI, PRAECELLENTISSIMIQUE,
ET VOS RELIQUI ORDINVM OMNIVM
HONORATISSIMI EXEQUIATORES!

SI, quanta sum animi aegritudine obrutus, tanta mihi dicendi esset facultas, confiderem utique, quas in praesenti partes suscepi, aliquo saltem modo a me peragi posse. Nunc, cum animus adhuc dolore sit occupatus, quem ex obitu nec opinato Nobilissimi Juvenis JOHANNIS HENRICI LOCHNERI, patria Norici, salutaris Artis Candidati dignissimi, solutis jam exequiarum justis rite humandi, jure concepi, equidem nescio, magisne temeritas mea sit culpanda, qui ad hoc laudationis funebri munus animum induxerim, quam commendanda pietas, qui illud ipsum non detrectarim. Minime enim putavi faciendum, ut officium, quantumvis lacrymarum ac moeroris plenum, ab aliis paterer occupari, quippe quod mihi necessitudo et amici et civis multo quidem conjunctissimi vindicare videbatur et imperare. Atque hoc ipsum tamen munus, quo mihi libentius imponi sinebam, eo vehementius angebar, animique pendebam, unde orationem reperirem, quae universae Defuncti vitae, quam pro more hic retexere debeo, par esset, et nunc demum intelligebam, verum esse illud Sapientis Romani: *Nihil difficilius esse, quam magno dolori paria verba invenire.* Hac dum premebar solitudine, forte fortuna sub aspectum meum venit nummus, quem, nisi fallor, anno superioris seculi nonagesimo, DIVUS COMES LEOSTEINENSIS, EVCHARIVS CASIMIRVS, nescio, qua occasione, cudendum curavit. Refert is uno latere ipsum Comitem Illustrissimum, averso autem arborem, in quam Vir quidam securim stringit, cum hac inscriptione, *DUM SCINDOR, FRANGOR.* Me quidem latet, quid sibi hoc nummo voluerit Divus; nihilo minus quotidiana, quod in illo nobis ob oculos ponitur, experientia docet. Quemadmodum enim nihil tam praeclarum, vel ab arte, vel a natura pro-

producitur, quod non cum vita hominis comparari possit, ita in arboribus potissimum reperiuntur, quae plus satis vitae mortalium respondent. Arbor tam diu succrescens atque efflorescens, quamdiu non sit exposita violentis manibus, aut tempestatibus turbulentis, interdum praeter omnem agricolae opinionem ab hisce invaditur hostibus, suorumque spem et expectationem fructuum eludit. Pari modo homines incrementum et conservationem vitae suae ab Autore Naturae benigne concessae sibi semper pollicentur, at quam frustra saepe spem in ea ponimus aetate, quae propter vigorem atque alacritatem procul abesse a morte vulgo existimatur. Certe Noster vix limen attigerat juventutis, cum decedendum ipsi de vita fuit.

Quod si hunc luctuosissimum casum Symbolo aliquo delineare deberem, in similitudine quidem arborum facile manerem, pace tamen aliorum paullo mutarem figuram nummi, poneremque stirpem arboris, ex qua prodirent duo rami, quorum unus altero brevior non nihil atque imbecillior esset. Hunc manus e coelo demissa arriperet, atque a stirpe sua revelleret, quo ipso simul alter ramus densior una cum stipite ita inclinaretur, ut vel penitus frangatur, vel ab interitu quam proxime absit, his inscriptis verbis, *DUM SCINDOR, FRANGOR.* Erat Noster unicus ac minime degener Illustris sui Parentis filius, neque aliter quam ramus a generosa stirpe divellitur, cum quo, si non nominis et familiae, stirpis tamen ac lineae virilis occidunt insignia et ornamenta. Quod eo facilius ad Defunctum me accommodare posse, censeo, quo propius ille ad similitudinem arboris accessit. Sunt omnino, sunt, ut in generosis arboribus, sic in praestantibus familiis semina quaedam, quae propagantur ad posteros, et tempestitiva cura aluntur utique, et ramos longe lateque emittunt. De Lochnero nostro, ex illustri Lochnerorum virtutibus ac meritis apud nos florentissimorum stirpe fato, me vel tacente, optima quaeque promittere Vobis potestis, Exequiatores omnium Ordinum Honoratissimi, eo praesertim Genitore, qui non solum nobilitate generis, sed etiam, quod caput est gloriae, singulari semper eruditione, virtute, fide, gravitate, auctoritate, conspicuus fuit. Est ille, prout optime nostis, Vir Illustris Excellentissimusque MICHAEL FRIDERICUS LOCHNERUS, Sacrae Caesareae Majestatis Archiater Ejusque Personae Imperialis Medicus, Sacri Romani Imperii Nobilis, Comes Palatinus, Academiae Naturae Curio-

❦❦❦ ❦❦❦

Curiosorum Ephemeridum Director, Collegii Medici Noribergensis Senior gravissimus, Vir decus omne laudis complexus. Si alias non spernendae sunt maternae necessitudines, sed dignitatem natis conciliant, et cultum elegantiamque saepe in filios propagant, certe Defuncti nostri Mater non praetereunda erit, Matrona Nobilissima ANNA MARRIA, ex insigni Vierzigmannorum gente prognata, Matrona omnibus, quae vel regendae familiae vel educandae soboli expediunt, dotibus exornata, meamque laudaturi facultatem longe multumque supergressa. Hi tanti Parentes Johannem hunc suum anno praeteriti seculi quinto et nonagesimo, quarto Nonarum Septembris coelesti munere susceperunt, ipsumque sacro fonte initiatum omni cura, quae pios Parentes decet, fovendum putarunt.

Quaedam arbores in pretio habentur ideo, quod nobilioribus in hortis provenerunt, licet ipsa nonnunquam ruraliquid minus vulgare largiantur, et inter rastra saepe adoleverint animae magnae. Non reprehenderim tamen Simonidem, qui inter ceteras felicitatis humanae partes illustrem Patriam quoque numeravit, neque non putaverim gratulandum Nostro, qui percelebrem ac libertate Imperii donatam Noricorum civitatem natalem habuit et altricem. Manat quidem a Deo, tanquam demissus ab sole radius, vis animi divinior, quae nos virtutis et magnarum artium capaces reddit; sed ut emicet illa et adolescat quasi, roburque ac vires accipiat, fomentis etiam externis indiget, neque excitanda solum exemplis egregiis est, sed moderanda disciplinis quoque praeclaris. Quarum rerum ut non ubique copia suppetit, ita illustribus civitatibus vix unquam deest. Noribergae itaque, illustri illa Imperii civitate, cum lucem ac spiritum hausisset Noster, quae nunquam non Viris magnis et omni laude excellentibus aut incunabula praebeuit aut domum; quid mirum, si litterarum honestissimarumque artium amorem vel mature induit animo, vel indole ipsa statim ostendit. Quam praeclara haec fuerit, vel inde agnoscere licet, quod, cum Patruus Ejus, Venerandus nunc Pastor Heroldsbergensis, quibusdam Academiae Candidatis initia linguae sanctae panderet, hic puer decennis si non promptius ac felicius, certe aeque facile dicta arriperet, verborumque sensum erueret, quam illi ipsi, quibus eadem tradebantur. Proin hoc adolescentis naturale bonum velut arborem teneram Parens Illustris flectendam excolendamque dedit peculiaribus, eaque de causa largo stipendio

b

con-

conduētis hortulanis, Praeceptoribus inquam, quorum unus coelo jam receptus est, alii coetibus Christianorum, Scholae alii, etiam nunc magna cum laude praesunt. Inter eos, qui HENRICI nostri animum literis, linguis ac philosophia imbuerunt, non possum non commemorare binos, quos et ego, quoad vivam, persancte colam, Praeceptores, quibus etiam multa se debere, saepe multumque non sine gratae mentis argumento solebat profiteri Defunctus. Primus est JOHANNES HENRICVS MÜLLERVS, in celeberrima Patriae Academia hodie Mathematicum et Philosophiae Naturalis Professor Publicus, ejus insignia in Academiam et rem litterariam merita testibus haud ullis egent; quippe a quo amorem erga Matheseos sacra concepit, altum postea a Cl. DOPPELMAIERO, Professore Norico, quem curiosa Naturae arcana explicantem vice tertia audivit. Müllerum ad Academiam evocatum sequebatur ERHARDVS REVSCHIVS, Liberalium Artium Magister, et Poëta Laureatus Caesareus, cujus pariter luculenta ingenii divini monimenta extant, qui defuncto praecipue in literis tam latinis quam graecis lumen praetulit, ut inoffenso gradu ad tantam metam contendere posset, quippe in hisce Duce nominato adeo profecit, ut difficiliora loca e Scholiastis Euripidis, Nicandri aliorumque promte interpretaretur ac latina civitate donaret.

Inter alias singulares dotes, quas rerum naturalium Interpretes in describendis arboribus recensent, non sunt postremae, quod quaedam arbores non facile crescant, nisi adhuc tenerae ex alio in alium transferantur locum, radiis solaribus optime foveantur, humore item conveniente irrigentur, unde etiam ad fluminum ripas optime succrescant. Haud ab simili modo a Parente Sapientissimo Lochnerus, cum nomen Academiae Patriae paullo ante dedisset, in hanc felicem ad Albim sitam Musarum sedem est dimissus. Meditabatur nempe tunc temporis Vir Illustris GODOFREDVS THOMASIVS iter in Saxoniam. Rogavit itaque Nostri Parens Optimus singularis amicitiae et muneris vinculo sibi conjunctum, ut filio unico Vitembergae quasi viam pararet, ducemque eligeret, cujus et hospitio et convictu et ductu Juvenis uti posset. Hoc facto, Lochnerus noster ante spatium annum et trimestre desiderii sui portum tenere coepit, nostramq; Vitembergam spe optima plenus salutavit. Quo simul atque pervenit, statim, qua singulari erat discendi cupiditate, ducem sibi delegit exoptatissimum, eumque ipsius Illustris Parentis judicio probatum, ADA-

❧ ❧

MUM BRENDELIVM, Doctorem ac Professore in Academia Nostrate Medicum, cujus doctrina exquisita et peritia in arte medendi pereximia meam dicentis infantiam excedunt. Huic publice privatimque adhaesit, hujus ex ore pependit, hoc privatos intra parietes continenter est usus. Eodem suafore, suaque ipsius animi inductione adire gestiit Saxoniae Hippocratem, Illustrem Archiatrum BERGERVM, cujus nomen, doctrinam, merita ne trans mare quidem ignorari sentiebat. Ab hoc tam avide omnia, quae ad artis medicae decus pertinebant, in illo disciplinarum, quas docebat, orbe hausit, ut incredibilem quandam sitim suam restinguere nunquam satis posse videretur.

Vt autem de arborum bonitate boni fructus testantur, arborumque nonnullae mel quoque, mane summo creduntur exsudare, sic Juvenis optimus primo jam aetatis flore apis instar melleum aliquid colligebat. Non jam dicam de specimine, quod domi jam paraverat, cum Schediasma historicum de Fossato Magno, quo Carolus Magnus in agro Norico tentaverat conjunctionem Rheni et Danubii, ope Almonae et Regnesi singulari conscriberet diligentia. Neque alia conamina nunc, quorum plura moliebatur, commemorabo. Illud solum specimen sufficiat citasse, quod dedit in schedis, quas, non sine omine fausto de Apio Veterum pro inaugurali Dissertatione reliquit, *cujus verbae, ut ipsis Nostri verbis utar, omnibus notae, cuncto telluri amicae atque cognitae, olimque et a Diis et ab hominibus honoratae virtutes, et quicquid de ipsa cognitu dignum reperiri posset, ex antiquitate erueret, ex gemmis, nummis, statuis et marmoribus illustrare* moliebatur. Liceat mihi testem pulcherrimi hujus aliorumque conatum appellare Brendelium, peridoneum Defuncti studiorum existimatorem. Hoc enim potissimum Doctore eoque domestico Noster, dum viveret, usus est, ipsumque ingenii, judicii ac morum suavitatibus sic sibi conciliavit, ut ab eo velut in deliciis haberi videretur. Nullum laudis genus est, quo Lochnerum suum minus dignum judicaret Excellentissimus ille Vir, fassus ultro, inexpectatum Juvenis clarissimi charissimique casum sibi peraccerbum esse. Neque alias Noster litteras hic negligebat, maxime humaniores illas, in his praecipue graecas, quibus Medicum carere haudquaquam posse, jam pridem ab Optimo Parente fuerat edoctus. Hinc in quo domi jam elaboraverat, in eo nunc totus erat occupatus, ut Poëtrias Graecas, quas olim Fulvius Ursinus collegerat, nova versione notisque conspectui Eruditorum exponeret. Cum autem praeter alias
ani-

animi dotes, in quibus naturam fautricem nactus erat, memoria quoque valeret, historia delectabatur mirum in modum, sigillatim naturali et literaria. Hujus cognoscendae amorem jam inde ab adolescentia confirmarat Bibliotheca paterna, selectissimorum in omni genere librorum apparatu instructissima. Illius excolendae tanto flagrabat ardore, ut post largos epularum missus, quae ingenii formatores Eundem pascebant, haec Ipse laborum veluti condimenta avide appetere. Vix ullus extabit Historiae Naturalis auctor rarior, quem assidua is lectione sibi non familiarem reddiderit. Quidquid ab orbe extremo novum vidit Europa, latere ipsum non poterat. Et gaudio exultabat, si quid tale Noribergae vel in horto celeberrimo JOHANNIS GEORGII VOLCAMERI, Excellentissimi Noricorum Botanici, Amici paterni conjunctissimi, vel in officinis pharmaceuticis, praecipue peritorum Engellandi et Dieterici, oculis contueri liceret. Testis erit Museum Beslerianum, cujus rariora a Parente olim descripta in schedis invenerat. In quas cum incidisset, facile ab Eodem impetravit, ut digereret istas orbi erudito exponendas. Cum vero abundum ipsi esset in Academias, patriae redditus hunc laborem maturo magis judicio perficere statuerat, quem nunc moestissimo Parenti proferendum relinquit. Denique neque illud hic praetermittendum censeo, tantum abesse, ut Vitembergae, singularis ille impetus, quo olim ferebatur in eas disciplinas, quae in pulvere versantur, deferbuerit, ut potius ad illas intimius pernoscendas, Magnificum Doctorem KLAUSINGIUM, Venerandum Hospitem meum adierit, Praecellentissimi etiam Weidleri opera in iisdem adjutus.

Praeclara atque eximia sunt, quae haecenus de Lochnero nostro praedicavi; modica tamen prae illis, quae nunc essent commemoranda. Quanta enim modestia, quanta comitas, quis incorruptus candor in eo fuerit, nemo quisquam eorum, quibus ille cognitus fuerit, infitias ibit. Quis porro in dictis ejus aut factis, in gestibus moribusve affectatum quicquam, aut fictum arte deprehendit unquam ac notavit? Intemerata cuncta, sine fuce, sine fallaciis omnia erant. Hinc adulatores, homines vanos, futes atque otiosos ab se repellebat, consuetudine ipsorum adeo non delectatus, ut ne aures quidem his praeberet. Quid dicam, quo incredibili amore, quanta pietate ac reverentia Parentes suos Noster sit complexus? Quam vere mihi videor posse contendere, poenitere Patrem nunquam potuisse hunc a se filium esse genitum, Matrem-

tremque veras gaudendi causas habuisse, tam nobile pignus conceptum ab se, ac in lucem editum fuisse. Parentum enim animos nunquam offendit, nisi hoc uno, quod turbato mortalitatis ordine, naturae debitum praemature nimis persolvit. Hinc illae lacrymae, hinc tot gemitus et querelae, hinc, verba sese negant Parentes comminisci posse, quibus vel hujus atrocitatem vel exquisitissimi doloris sui sensum explicare satis possint.

Vix dum arbor succrescit et integra est, praeter omnem spem oritur ventus, molemq; prostermit, nec modo fastigium, sed fundamentum quoque evellit. Perinde ut stirpes ita homines opinione citius affligit tempestas et opprimit, nec juveni et innocenti aetati parcit, atque eo gravius afficit et perturbat. Non meliora fata Lochnerus Noster habuit. Dum enim laeta omnia Parentes de illo cum novi anni auspicio augurantur, dum maxima quaeque expectant, eum nihil tale opinantem invasit pridie Calendas Januarias vehemens ardor, qui ipsum adeo reddidit debilem atque exhaustit, ut maximo sese morbo, quem Epinyctin seu papularum Medici vocant, tentari, ipsemet facile praevideret. Neque sua ipsum opinio fefellit, cum secundo die variolae se conspiciendas praeberent. Excellentissimus Hospes omni ratione remediisque amovendo malo aut infringendae saltem vehementiae morbi multo periculossissimi omnem mature dedit operam, et accedente mox vehementi sanguinis eruptione, in consilii auxiliique societatem ascrivit Aesculapium Saxoniae, Magnum Socerum suum, qui nec ipse quicquam omisit, quod ad reprimendum morbi impetum conducere videretur. Sed tanta illius rabies erat, tantus effervescentis sanguinis aestus, ut omnem generosissimorum alias remediorum vim praesentissimam eluderet: atque adeo hac ratione demonstraret, ne in optimi quidem Medici arte semper esse situm, ut aeger convalescat. Quod ipsum aegrotus cum sentiret, de pretioso contra gravissimam animi labem atque noxam antidoto potius prospiciendum sibi esse arbitrabatur, Venerandum ideo Urbis hujus Ecclesiasten M. Wolffium accersendum curavit, ea ipsa quidem nocte, quae fatalis ei fuit. Hic eum, solo nixum Salvatore Suo, atque a Reverendo Reifmanno Ordinario Confessionario contra mortis et inferorum terrores jam praemunitum, epulo sacro tanquam certissimo coelestis itineris viatico recreavit. Quo quidem pignore reconciliatae cum Deo gratiae accepto, dum Vir Perreendus commutationem extremam veluti praesagiens, oratione omnis divini solatii plena, animam, coelo, cui natus erat, com-

mendasset, fatalis ille terminus, unicuique mortalium semel praescriptus, appropinquavit, et Lochnerus noster inter cantilenas sacras, Eodem, quem dixi, Interprete divino, Excellentissimo item Hospite, me praeterea et alio Cive, quem in contubernium defunctus receperat, praesentibus, pie placideque obdormivit, annum aetatis nonum et decimum vix egressus. Sic exemplo etiam suo docuit, praecocia, atque ob singularem inveniendi et assequendi solertiam admiranda ingenia plerumque non esse diuturna, celeriterque emori, perinde, ac si natura ita statuisset, ut inusitatae uberrimaeque dotes statim velut flores effunderentur, qui perpulchri et optimi interdum opinione citius decerpuntur, et vix se explicantes, languidi compressique jacent, nec sine fastidio aspiciuntur.

Meum nunc esset, ut Vobis, Exequiatores Omnium Ordinum Honoratissimi, ob oculos ponerem irreparabilem jacturam, quam Illustres Parentes ob charissimi filii obitum fecerunt, ut Amicorum, quibus Lochneri venustas, fides atque integritas, auro quovis pretiosior erat, desiderium indicarem. Sed in exaggerando hoc malo quis immorari diutius, quis recens vulnus exasperare ausit et adaugere?

Fuit, fuit, Lochnerus arbori similis pretiosae, quam prudens horti praefectus in extructas eo consilio cellas recondit, ut a tempestatum vi et contumelia sit immunis. Haud aliter Deus, nobile illud gentis suae germen, ex terrestri hoc horto, plantarum arborumque noxiarum pleno, ex hac impetuosissimae tempestatis hyeme, in hortum coelestem ac semper virentem transportavit, ubi Servatori suo dulcissimo conjunctus in ejus amplexibus vulneribusque pascit tantisper, quoad Ver illud perpetuum, vera, inquam, sinceraque veris aeterni gaudia Ipsi cum omnibus piis intueri licebit, quo tempore ineffabili cum exultatione, comitante omni civium coelestium choro charissimis Parentibus suis restituetur. Quibus nunc non ultimi loco solatii erit, audire Filii Johannis sui funus tam frequenti splendidoque Exequiatorum comitatu, tamque prolixo hic celebratum fuisse, ejus inquam Filii, quem nisi tantopere vivum curae cordique habuissetis, mortuum vix ac ne vix quidem tali modo prosequendum judicaretis. Quare et me, jusserunt, suo Vobis nomine gratias agere et habere tantas, quantas insignis Vestra Humanitas, in honore supremo Defuncti nostri manibus praestando abunde perspecta, promeretur, addita vicissim sponsione, omni tempore et occasione, maxime tamen lactiori, officio Vobis studioque suo, nunquam, nunquam, defuturos esse. ODE


ODE
FVNEBRIS
IN
OBITVM
IO. HENRICI
LOCHNERI
NORIMBERGENSIS
CANDIDATI MEDICINAE
IVVENIS
ANTIQVITATE GENERIS
ET
BONARVM LITERARVM STVDII
CLARISSIMI
D I V I

BENE MERENTI

F

ADAMVS BRENDDEL, D. P. P



 Agax recludit Phasias Aesonis
Mucrone districto iugulum, nouis
Et fracta, profuso cruore,
Membra replet, recreatque, succis.

Queis intus actis, en! posita, comae
Vium colorem, canitie, bibunt,
Supplentur adiectoque rugae
Corpore, luxuriantque uires.

Quin pulsa deformis macies fugit,
Et pallor exanguis, putris et fitus:
Miratur Aeson, seque denos
Hunc meminit quater ante soles.

O!

O! Colchis, umbris excita, surgeret,
Hauftumque LOCHNERVM nece pallida
Nouaret: O! succos rigentes
Poeonii recreent liquores.

Sed, DIVE, quo Te proripis, unica
Spes Patris, et pars quondam animi mei?
Promiffa non moesto Parenti
Talia, non dederasque nobis?

Damnosa quid non proruis Atropos?
Raptus malignis uariolis, cadit
Lufro quater uix functus, urbis
Noridis, Euphrosinesque, alumnus.

Deo uacabat dedita mens, bonis
Et literis. O! quanta fcientia
Artis falutaris tenacem
Finxerat ingenii uigorem.


Quicquid Pelafgum, Mufa Quiritium
Quicquid, repostum condiderat libris,
LOCHNERVS infixum tenebat
Pectore, palladiaque lingua.

Heu! fata, quot, quot compulit horrida
Virga fatus Maia tenui gregi
Ciues, acerbos et coegit
Leucorin ingeminare queftus.

Aeuum fed anguftum hoc habet anxiae
Vitae, diu quum uiuere nitimur,
Decumbimus, morbis fubafti,
Mox ftygias fubeamus undas.

Aft non redit iam fanguis imagini,
Nec fas: locatus fiderea domo,
Deum canit, terrena ridet,
Atque, malis uacuu, triumphat.

Hinc Offa ducto molliter aggere
Cubate, dum quondam addimur aetheri.
LOCHNERA gens mox furgat, acta
Per titulos, memoresque faftos.



FRUCTVS




Fructus exoticus Stramonie similis
Fru: den Igelkolben nicht
ungleich.

Fr. peregrin: abieque nuci
similis. Fremder fru:
den dannen Saafen nicht
ungleich.

Guyana fructus squamosus: rotundus.
Ein dergleichen fru: rund:
formb.

Orbicula: peregrin: fructus
nervis distinctus.
In fremde runde Frucht,
so mit adern abgetheilt.

Guyana fructus squamosus forma trochi.
Ein Schupichte Fru: aus Guyana




Fr: arboris
ex Insula
Fru: eines
aus der Insel Iaua.


lanifera
Iaua.
Wollenbaums.



Ananas Indicum.



Fructus Guanabani siue Baobab.





TAB. I.



Mnes inter fructus, quos Tabula haec prima Lectorum exhibet oculis, caput erigit ANANAS, Plantarum Regina, in quam *παιμύνη* Natura omnes gustus suavitates, omnes saporis illecebras contulit. Hunc fructum cum nemo fusius accuratiusque descripserit optimo nostro Parente in Commentat. de *Ananasa* live *Nuce Pineae Indica*, vulgo *Pinhas*, auctarii loco *Hesperidibus Noribergensibus* addita, delibare ex ea nonnulla licebit. *Americam* haec Planta agnoscit patriam, et quidem in illa Novi orbis parte *Brasiliam*, quamvis *Mexicanae* et *Haytanenses Ananasae* quoque praestantissimae, ac in *Antillarum* Insulis, *Jamaica*, *Francia Aequinoctiali*, *Cajenne* et *Gvajanensi* tractu laete propullulent. Apud omnes tamen Historiae naturalis scriptores in confesso est, e *Brasiliensi* et quidem *St. Crucis Provincia* in *Orientalem Indiam* transplantatam fuisse hanc Plantam, successu equidem adeo felici, ut *Brasilienses* fructus proceritate et deliciis saporis paene vicant. Sic in *Java* majori, *Malabar*, *Sinensi Imperio*, *Siamensi*, *Bengalensi*, *Ceylonensi* regnis, maxima *Ananasarum* jam copia. Nec *Africa* hoc pariter vacat fructu; e *Gvinea* enim ante seculum *Belgium* accepit, et Horto in *Capite bonae Spei* dicto, a *Belgis* ad munimentum inibi exstructo, e *Batavia* intulit Amplissimus Senator *Cleyerus*. Nec ab aliis *Africae* Insulis *Mascurenhas* sive *Borbonia*, *St. Mauriti* &c. &c. extorres hodie sunt. Ante aliquot lustra *Europae Germaniaeque* tandem nostrae illatae, ut in *Illustriss. L. B. de Munnichhausen*, *Magnae Britanniae Regis Electorisque Hannoverani Consil. et Thejaurarii Horto Swebbertiano* aliquot centenae *Ananasarum* laete in invidiam *Brasiliensium* progerminant, et nunc vegetam quoque, vigentem et floridam in horto *Noribergensi* domestico *Excell. Dn. D. Volkameri* intueri licuerit, quam *Saccharo* incrustatam in *Besleriano*

apud optimum Virum Dn. Engellandium Museo nunc obviam, et in Tabula hac depictam admiratus sum. A diversitate Regionum fructus hic varias obtinuit denominationes: nec enim *Ananas*, *Ananasa*, *Ananases*, *Nana* et *Nanana* apud omnes audit, sed a primis *Brasiliae* incolis *Panacous* et *Hoyriri* vocabatur, *Sinensibus* *Vnglay* et *Fan-polo-mie*, *Siamensibus* *Saparot*, *Malabarensibus* *Kapa Tsiaka*, *Mexicanis* *Mazatli*. *Oriedus* tria imposuit nomina, *Tayama*, *Boniama* et *Fajagva*, quibus totidem designantur fructus hujus species. Sunt autem *Ananasae* vel *verae* vel *spuriae*. Et *verae* inter se differunt fructuum *figura* vel ovata, vel conica majore et minore, vel *sapore* magis et minus acri, vel *foliorum* colore et *figura*, vel *Aculeorum* situ et frequentia, colore et ablentia; vel *corona* denique, in quo diademate herbaceo regiae subolis futurae primordia, plantaeque e fatifcente morienteque genetrice reviviscentis, rudimenta delitescunt, a plastica terrae vi temporis successu revolvenda et eruenda; qua *corona* sylvestres *Ananasae* destituuntur. Ad has referendae *Kaidae* species, item *Nana brava* Acoltae, Marggravii, non aculeata Pita sive *Metle*, *Kerbita* species Karagvatae, *Chicariri*, et *Nana Pacoba*; de quibus omnibus dilectissimus Parens in modo laudata commentatione fuisse egit, accuratamque totius Plantae Anatomen addidit, e qua, quod fructum in Tabula nostra expressum concernit, mutuo sumimus. Est autem fructus noster in aere depictus, *Ananasa fructu maximo conico*, sic dicta, quod ad similitudinem Sacchari in conicam figuram, Gallis *Pain de Sucre*, nostratibus *Zuckerhut* effigiata sit. Strobiliformis Pini Italici fructum refert, cinarae instar, ad quod Plantarum genus a plurimis Botanicis refertur, foliis futurorum florum operculis eleganti specie constructis, circumstantibus. Putamine hoc fructum quasi obsidente fracto, *nucleus* pulpaque maturi fructus prodit. Caro ex albicante, (pro varietate tamen fructus) flavescit, succulenta, Saporis prae caeteris fructibus gratissimi, acido dulcis et vinosi. In fructus meditullio *stylus* seu *corculum* est oblongum, rotundum, duriusculum, ex albo flavescens, carne subdura, quae lignosis intus est pertexta fibris. Credit dilectiss. Parens, stylum hunc per fructus longitudinem ad coronam foliaceam usque pertingentem, nil aliud quam caudicis caulisque prolongationem e variis fibrarum fasciculis compaginatam, ubi mox triplex fistularum linearum collectio, geminos trachearum ordines intercipit et ambit, mox gemini trachearum fasciculi unicum fibrarum acervum amplexantur et urgent, ceu e fructu per longitudinem dissecto patescit. In fructu autem transversim inciso, oblongae et radiofae striae apparent, e corculo sive stylo medio fructus egredientes et ad corticem excurrentes, quarum caro magis succulenta et flavescens; continet enim pulpa Ananasae fibrarum reticulares plexus, una cum contentis tracheis, et globulis sive nodis acido dulcem sive vinosum succum continentibus firmatur; areae vero utriculis lympham asservantibus perbelle replentur, atque hi in meditullium hiant, veluti in corde accidit, carneis lacertis et fibris valvulas inibi

ibi firmantibus. Haec fructus structura, omnes saporum oddorumque suavitates continens, ut vere nominare Ananasam queamus

Fructum fructibus omnibus priorem,

Qui sunt, qui fuerant, erunt, priorem,

Nanam fructibus eminentiorem,

Quantum sunt teneris cedri salictis.

Plura qui de ejus *Cultura, propagatione, viribus medicis, praeparandi modo, Vino inde confecto, noxisque ex intemperato usu nosse cupit, consulat modo citatam Parentis Commentationem.*

Junctus Anasae FRVCTVS GVANABANI sive BAABAB ALPINI, *Anonam* agnoscens matrem, et quidem maximam, foliis latis splendentibus, fructu maximo conoide, tuberculis seu spinulis innocentibus aspero secundum *Excell. Sloane in Catal. Plantar. Jamaic. p. 204.* Est autem fructus secundum *Cl. Wormium in Mus. lib. 2. c. 28. p. 204* magnitudinis mali citrei mediocris, denso duroque cortice ut cucurbita vestitus, nullis excurrentibus sulcis, extrema ejus parte mucronata qua arbori adhaesit, pediculo crasso et firmo, sulcorum rudimenta cernuntur, in quibus lanugo quaedam est, quemadmodum in malis cydoniis reliquo corpore laevis. Altera extremitas in nostra figura in conum quoque, in Wormiana in obtusam definit rotunditatem, colore fusco. Pulpam continet subrubram, friabilem, quae facile in pollinem resolvitur acidam, ori gratam, per quam sparsa sunt semina, renibus animalium similia, duro cortice, qui rubente quadam materia tegitur. *Interna structura* in Auctoris nostri figura quoque expressa, ideoque ab *Excell. Grew. in Mus. Societat. Reg. Anglic. P. II. cap. 3. p. 195.* his verbis commendata: BESLER HATH A GVOD FIGVRE HEROF, REPRESENTAY IT CVT OPEN, TO SHEW THE SEEDS. Confer. quoque *Clus. Exot. Lib. II. cap. 1. p. m. 21. seqq. Cl. Legatum in Mus. Cospien. L. 2. c. 25. p. m. 137. Museum Calceol. sub nomine fructus Kabub. p. 598. Mus. Moscard. Lib. III. cap. 117. Varias Gvanabani species recenset R. P. Plumier de novis Plantarum generibus p. 42. Rev. P. Bonanni in Mus. Kircher. Cl. VII. n. 30. p. 240.*

FRVCTVS ARBORIS LANIFERAE EX INSULA JAVA, CEIBA sive *Cerba*, a Brachmanis *Valli Sanvari*, a Malabarensis *Moul-elevau* dicitur. Arbor ipsa procera est et admiranda altitudine quinquaginta, crassitie octodecim pedum mensuram haud raro superans. Panjae sive Arboris Lanigeræ species in Horto Malab. T. III. Tab. LI. descriptae esse videtur, et fructus quoque Panjae, fructibus his plane similes oblongo-rotundi, intus in quinque loculamenta, alba ac nitente lanugine ceu gossypio referta, divisi, intra quam lanuginem, dehiscente demum fructu, observantur semina numerosa, rotunda, glabra nitentia, non tamen triplici, ut in Panja, sed duplici ordine locata. *Plura vid. in Hort. Malab. T. III. Tab. 52. Excell. Plukenetius in Phytograph. Tab. 89. Fig. 2.* Iconismum exhibet nostro persimilem, magis tamen apertum, et gossypina vellera in majus spatium diffundentem, quem fru-

Etum ab insigni Botanico Dn. Gvilelm. Courtene dono accepit, arboremque definit: *Xylon sive Gossypium orientale*, foliis digitatis per marginem crenatis, fructu quinqucapsulari conoide lanugine leucophaea refo-
ta; quae lanugo propter brevitatem carminari non potest, neque lintea inde confici, sed lectulis et pulvinaribus conficiendis inservit. Cavendum tamen, ne lana haec flammam, vel minimam scintillam excipiat; nam ignis tenaciter inhaerendo late serpit, nec aqua restingui valet. Vid. *Bontius Hist. nat. et medic.* Libr. 6. c. 14. p. 105. *Mus. Worm.* p. 205. *Clus. Exot.* l. 1. c. 12. *Mus. Soc. Reg. Angl.* pag. 195. seqq. Nisi omnia me fallunt, haec Arbor quoque in Gvinea crescit, et a Cl. *Bosmanno* in descriptione Gvineae p. 307. delineatur. Confer et *Chabraeum* Sciagr. Stirp. p. 26.

FRVCTVS EXOTICVS STRAMMONIAE SIMILIS, quam arborem matrem agnoscat, ignoramus; idem certe fructus est ac ille a *Joh. Baubin.* T. I. libr. III. descriptus *Strammoniae modo tuberculis obsitus*: vel fructu ovali ex fusco subrufescens, tuberculis mucronatis obsitus *C. Baubin.* in Pinac. p. 406. Cl. *Sloane* hunc fructum saepissime collegit in Insulae Jamaicae littus ejectum, cum aliis marinis recrementis. Annon fructus echinatus secundus *Chabraei* Stirp. Sciagr. p. 21.

FRVCTVS PEREGRINVS ABIEGNAE NVCI SIMILIS ille est, quem omnium optime descripsit *Clusius* Exot. libr. II. c. 3. forma nempe Cylindroide, multis squamis imbricis modo dispositis constans, in medio nonnihil compressis oris tenuioribus et quodammodo villosis, instar abiegni strobili, sed brevior, colore spadiceo gravis et nucem vel nucleum continet. Qualis arbor hujus fructus, et Cl. *Clusium* latet, credit tamen vir *Botanicae* plurimum accedere ad *Palmampinum* a *Lobelio* descriptam; vel ex mente Ill. *Grew* in *Mus. Soc. Reg.* p. 200. ad *Palmam coniferam*. In *Curis posterioribus* *Clusius* ramum undecim fructibus his gravidum recenset, ubi insimul figuram ab Ill. *Fabricio de Peiresce* melius delineatam exhibet. Annon *Tecotl* *Mus. Worm.* p. 204. seqq.

GVAJANAE FRVCTVM SQVAMOSVM ROTVNDVM Auctoris nostri ex *Anonae* specie quadam originem trahere vix ambigo, determinare tamen illam non audeo. *Clusii* descriptio accuratissima, quam exhibet *Exot.* l. 2. c. 3. p. 25. *Juglandem*, externum illum viridem corticem adhuc retinentem crassitudine superat, orbicularis paene figurae, magis tamen depressae, et quasi in umbilicum sidentis suprema et ima parte (inter quas trium fere unciarum est interstitium) et paene sex unciarum ambitu; constat vero veluti squamis eleganti serie in obliquum dispositis, ab extimo versus petiolum tendentibus, illisque quodammodo sedis et lacunam habentibus per longitudinem; squamulae autem petiolo proximae sursum vergere nonnihil videntur. Nucis color splendens et spadiceus, eaque nucleum continet; nam commota et agitata strepitum edit, valde tamen levis est pro ejus crassitudine. Videtur hunc fructum quoque Cl. *Olearius* in *Museo Gottdorff.* Tab. XIX. fig. 3. descripsisse, et *Chabraeus* Sciagr. Stirp. p. 21. sub nomine *Nucis Indicae tessellatae*.

11.5

T. II

FRUCTVS.



Picea fructus.
Roter dannen baumen Nuss.



Tedæ arboris Conus.
Udterer Fichtenbaum fr.



Pinas tri maritimi fr.
Fremder Fichtenbaum frucht.



Pinus fructifera Gall.
Kleiner art pinennusslein.



Conus pinastriae.
Pinen Nusslein.




Conus cedri Liban.
Cedern nuss von Liban.



Suber.




Glans Ilicis.
Stein Nussel.



panoffelholzbaum fr.



Conus Laricis.
Lerchenbaum frucht.



ORBICVLA PEREGRINA, FRVCTVS PEREGRINVS NERVIS DISTINCTVS, consimilis videtur illi fructui, quem *Clusius* Exot. l. 2. c. 9. fig. 2. exhibuit, orbicularem, qui pulvinato aliquo integumento inclusus fuisse visus, conjectura facta e fibrarum, quibus putamen praeditum fuerat, vestigiis impressis. Vel certe pertinet ad illos, nervis distinctos peregrinos fructus, quos cap. X. sequenti descripsit.

GVAJANAE FRVCTVS SQVAMOSVS FORMA TROCHI, est ex Arbore *Anona* foliis odoratis minoribus, fructu conoide squamoso dulci violaceo, secundum *Cl. Hermannum in Catal. Plantar.* fructu purpureo est in Ejusd. *Paradis. Batav. Illustr.* *Rajus* fructum viridem conoidem pronuntiat; Excell. *Plukenetius* autem Phytograph. Tab. 13 4. Fig. 3. *fructum e viridi et luteo cortice squamato aspero, nucleis nigricantibus parvis*, (cui noster persimilis) delineat. In *Hort. Malab.* T. III. p. 21. sub nomine *Ata-maram* describitur fructus sive Conus, qui maturus magnitudinem habet citri vulgaris, exterius viridis ac striatus, interius vero albicans, nec non medulla succulenta saporis grati, odorisque suavis refertus. Sed ut verum fatear, nimium quantum Figuræ Iconismus a nostro discrepat. Per omnia autem nostro aequalem exhibet *Clusius*, e Baly Insula Javae vicina delatum fructum, cujus accuratam addere descriptionem consultum duxi: „Suprema parte est angustior“ et velut in metam desinens, ut quodammodo ficus aut Pyri formam aemuletur; aspero rectus est cortice, et ab infima parte sursum versus densis ordinibus, veluti squamularum sibi mutuo incumbentium ornato, quae seungi nequeunt, sed cum integro ordine non valde denso eximi possunt, flavescentis coloris, dum recens ex conditura exemptus, deinde subfufci. Continet pulpam albam, odoratam, instar pyri formatam, sapore acrem, continentem in medio officulum solidum in metam assurgentem.“ Plura vid. apud citat. *Clusium*.

TAB. II.

CONIS glandibusque dives haec Tabula exhibet primo PICEAE FRVCTVM, sive Conum *Abietis marinae* a Bauhino et Bellonio fuisse descriptae; in Alpibus Burgundicis et Bosphoro Thracico passim obviae. Meminit hujus *Beslerianae piceae* *Illustr. Grew* in Museo Societ. Reg. Anglic. P. II. cap. V. p. 212. sub nomine *A cone of the Male Firr*, optimeque sculptam esse praedicat *curiosly pictur'd by Besler*; nec mirum, cum ubique in sylvis nostris abundet, perennetque.

TEDAE ARBORIS CONVS fructus est Pinastris sive Pinus sylvestris Hispanicae majoris Clusii, quae ab Anglis Hortulanis, teste Excell. *Plukenetio*, de *mountaine Pine* dicitur. Vid. quoque *Matthiol. in Dioscorid.* p. 100. Passim in sylvis Noricis laete progerminat.

CONVS PINVS SATIVAE C. B. P. proles arboris Coniferae sive fructus squamosos et ficosos, polyspermos in coni seu metae formam

mam plerunque turbinatos habentis, foliis longioribus, binis ex eadem theca seu tubulo prodeuntibus; nuclei sunt oblongi candidi inclusi, (mediante tunica rutila,) officulis crassis et duris squamato cono dispositis, saporis subdulcis impinguantis, qui cum in omnibus officinis abunde prostant, satius duxi de his silere quam proletaria proferre. Strobili Pini magnae proceritatis habentur, e quorum numero et noster; hinc Martialis L. XIII. Epigr.


*Poma sumus Cybeles; procul hinc discede, Viator,
Ne cadat in miserum nostra ruina caput.*

CONVS PINVS FRUCTIFERAE GALLORVM, fativae quoque pinus strobilus, qui a priori non nisi magnitudine differt, hinc nuclei e pinu hac prodeuntes *les petits pignons* dicuntur Gallis.

CONVS CEDRI LIBANI, fructus arboris a Bellonio et Lobelio uberrime descriptae et delineatae; coniferae nempe foliis perpetuis angustis agminatim in tuberculos sive penicillos velut congestis, conis magnis sursum spectantibus, ut Excell. *Rajō* placet. *Olearius* in *Museo Gottdorff.* figuram coni hujus cedrini exhibet a Fratre Jacobo Golii, Linguae Arabicae Vindicis, in Libano monte degente ipsi transmissi, sed ab *Iconismo Besleriano* nonnihil discrepat, cum alias optime figurae inter se conveniant, ut ovum vix ovo similius. Hunc Auctoris Cedri conum ceu exactum extollit Excell. *Nehem. Grew* in *Mus. Soc. Reg.* P. II. p. 212. (*in which Besler is more exact*,) qui curiosa de proceritate arboris hujus adduxit. Coni hi semper in caelos spectant, ramusculorum extremitati sic agglutinati, ut decerpinequeant, nisi ramusculi particula una evellatur. Vid. *Mus. Septal. Terzaghi* p. 67. et *Scarabell.* p. 134. *Mus. Worm.* p. 195. *Matthiol.* in *Dioscorid.* 122. *Mus. Moscard.* Libr. III. cap. 87. p. 251.

SVBER vel potius GLANS SVBERIS arboris glandiferae apud antiquos notissima, (Graecis *φύλλα* a *φειλέω*, quod *aquis semper innatet*,) caudicosae parumque hamosae, procerae tamen, ligno robusto, cortice uno crasso, disrumpique solito, folio fraxini crasso, oblongiori et deciduo, fructu glandoso Agriae simili, calice autem proxime ad illum accedens, quem ab Anglis ex *Windecaw* allatum Cl. *Clusius* descripsit, et a Virginiae Historiae scriptoribus *Mangunnauk* appellatur. Vid. pariter *Matthiol.* in *Dioscorid.* p. 180. Excell. *Valentini* *Mus.* *Mus. T. I.* p. 257. et prae omnibus *Pomet l'Histoire generale de Drogu.* T. I. Libr. IV. cap. 9. p. 136.

GLANS ILICIS MAJORIS Arboris foliis perpetuis aculeatis cocci-glandiferae, quae in Hispania, teste *Clus. rar. Stirp. Hist.* libr. I. c. 5. *Carasca* nuncupatur, cujus glandibus inibi in secundis mensis pro castaneis vescuntur, quibus etiam haec nostra accensenda. Differt tamen haec Ilicis glandiferae in proceras arbores adolescentis species ab *Ilice coccigera* Monspeliensium, quae exilitate discrepat, et quod *Coccus Kermes* dictos non glandes ferat ab Hispanis *Cascoja*, a Gallis *Arbres de la Grain d'Es-*





Piper caudatum.
Stiel Pfeffer.

Piper nigrum.
Schwarzer Pfeffer.

Piper longum.
Langer Pfeffer.

Piper album.
Weisser Pfeffer.

Caryophylli cum suo fructu.
Gewurz Nagelein.

Piper Ethiopicum.
Neren Pfeffer.

Nuces muscatae valae cum flor.
Kliche art Muscatnuss mit der bluh.

Cinnamomi fructus.
Zimet.



d'Escarlatte dicitur. Vid. Strobelberg *Tr. de Cocco Baphica* cap. I. *Mathiol in Dioscorid.* p. 180. 727. *Pomet l'Histoire generale de Drogues P. II livr. I. chap. XXVI.*

CONVS LARICIS Arboris coniferae et resiniferae, cui sunt semina plura foliacea bina juncta cum nucleo intus candido, pericarpio squamoso duriori seu cono hic expresso ex plurimis squamis composito breviori inclusa. Flores a fructibus sejunctim perfecti, folia acuminata decidua. Totius Plantae habitus est arboreus procerioris stature. In Alpibus Rhaeticis Tyrolensibus aliisque sponte nascitur, atque in Agro nostro, rarius licet, hodie obvia, Therebinthinam fundit, Agaricumque fungum Officinis suppeditat, ceu omnibus notum.

TAB. III.

AD illustrandam *Aromatum Historiam* haec inservit Tabula, ubi primo loco se sistit *PIPER CAUDATUM*, quod optime descriptum a *Clusio* Not. in *Garc. ab Orto* L. I. c. 22. p. 183. 184. seq. et a *Cl. Wormio* in *Museo* p. 214. qui *Piper Benin* esse suspicatur, quas caudati *Piperis* uvas *Lusitani Pimenta del Rabo* nominant, cubebis fere similes. *Cl. Marggravius* *Hist. Bras. L. II. c. 13.* sub nomine *Nhamdu* *Brasilensium*, et *Lusitanorum Bebe Piper caudatum* exhibet, quod tamen a nostro plane diversum esse videtur.

PIPER NIGRUM crescit in Planta *Molago Codi* a *Malabaren-sibus*, a *Bramanis Miri* dicta, sarmentosa, imbecilli et caduca instar *Lupuli salictarii*, quae ut fulciatur, pedamentis indiget, quocirca *Indi* ad *Arborem Fausel*, *Siamenses* ad spinosam arborem *Moe ton lang* serere solent, quam circumvolvendo scandit: sarmenta habet frequentibus nodis et geniculis distincta, quae humi sparsa radices agunt. Ad singulos nodos, singulare protrudit folium subrotundum acuminatum nervosum, flosculis spicatis monopetalis tripartitis. Ad racemorum internodia uvae nascuntur constantes ex acinis rotundis, racematim in petiolo viridi, viginti imo triginta simul proveniunt, primum virides et aequali superficie, dein rubri; ad maturitatem perducti decerpuntur, a quo tempore cortex nigrescit, ceu fusc haec legi possunt in *Hort. Malab. T. VII. p. 23.* et dans le second Voyage du Pere Tachard au Royaume de Siam p. 247. seqq. *Nieuhoof en de gedenkweerdige Zee en Land Reize* p. 259. De differentia, delectu viribusque curiosissima, uti solet, collegit *Excell. Valentini in Mus. Museorum* p. 297. seqq. et literas quoque *Herberti de Jäger* de cultura *Piperis* in *India Orientali Appendici Mus. Mus.* p. 90. adjunxit, *Clusius* quoque consulatur *Exot. L. 2. c. 19. p. 18.* seqq. *Elsholz. Diaetic. L. V. cap. 1. p. 247.* *Pomet l'Histoire generale de Drogues P. I. livr. VII. chap. 2.* qui *piperis nigri* a *Belgis* nobis *Europaeis* transmissi tres species a natali solo differentes constituit, nempe *Piper ex Malabar*, ex *Jamby* et ex *Bilipatham*, pluresque alii *Hist. nat. scriptores*, quos pagina non capit.

PIPER ALBUM a nigro, si optimis hodoeporicorum scriptoribus fides habenda, non differt, et licet in *Hort. Malab. T. VII. Tab. XIII. Cattu Molago* Planta sylvestris, a Lusitanis *Pimenta Domatio*, a Belgis *Witte Peper* oculis exhibeatur, et acini cum vero pipere convenient, nunquam tamen merx haec apud indigenas pro Pipere venit, cum plane insipida sit. Nec nos movet, quod Ludovicus Romanus apud *Wormium in Museo* arborem albi piperis feracem, crassiorem et proceriorem esse referat, cum jam olim *Piso*, et post eum *Herrbertus de Jäger* in Epistola Indica *Mus. Mus. Valentiniano* annexa, et *Horti Malabarici Commentator* fucum annotarint, quod nempe cortice nigro in aqua macerato, et creta cineribusque postea aspersis, dealbatio Piperis fiat; vid. pariter Dale in *Pharmacol.* p. 446. Contrarium tamen probare nititur *Pomet l'Histoire gener. de Drog. P.I. libr. VII. cap. 1. p. 192.* qui plurimum pro albo pipere militat.

PIPER LONGUM proles est Plantae Bengalenfium *Pimpilim* a *Pisone* in *Mant. Aromat.* p. 183. et Mexicanorum *Mecaxochitl* ab *Hernandez* apud *Nard Anton. Recchum in Histor. Mexic.* p. 144. et *Bramanum Tirpali Malabarensium Cattu Tirpali H. Mal. T. VII. Tab. 14. et 27.* descriptae. Lusitanis dicitur *Pimenta longa*, Belgis *lange Peper*. Caules hujus Plantae rotundae virides, nodulati minus lignosi, novos hincinde ejiciunt furculos claviculatos. Folia circa nodos caulium, longissimis interne striatis petiolis erumpunt, forma ut *Cattu-Molago*, est longiore minus cuspidata, fusciore viroris quam *Molagò-Codi*, circa basin incisa, textura valde tenui et molli, superficie lenia, viroris in recta parte fusci, in sinistra clari. Flores monopetali, quinque vel sex partiti, arctissime fructibus insidentes, qui oblongo rotundi sunt, spiris obliquis parallelis in superficie ex diversis partibus striati in spirarum intersectionibus veluti parvis rotundis foliolis scutiformiter obducti; inter spiras gemmae apparent, quibus flores infederunt, eminentes et nigricante puncto notatae, primo ex viridi flavae, carne intus ex flavo albicante; dein viridi fuscae, carne viridi fusca; maturae et siccae e cinereo nigricantes. In fructibus transversim dissectis interstitia videntur, in quibus semina oblonga et nigricantia continentur. Nec te moveat B. L. Iconisimum Horti Malabarici a nostro *Besleriano* differre, quippe illius fructus planta adhuc virenti delineatus atque ideo tam crassi et pleni succi, cum apud Auctorem nostrum exsiccati, multoque tenuiores longioresque apparent. *Nieremb. Hist. natur. Libr. XV. cap. XIII. p. 340.* sub nomine *Tlatlan* cuya piper longum describit. Vid. quoque *Clus. Exot. libr. I. c. 20. p. 20.* De Pipere longo Sinensi *Cao Patria Sinensis* in *Descript. Sin. Art. XXIII. p. 215.*

PIPER AETHIOPICUM Matthioli et *Piper Nigrorum Serapionis* est apud *Bauhin. Lib. XV. c. 46.* Provenit secundum *Wormium* in *Museo*, in siliquis nigris racematim Pisorum aut Phaseolorum modo, granis Pipere nigro minoribus et pertinaciter siliquis inhaerentibus. De-

scri.

scribitur pariter ab Illustr. *Neb. Grew* in *Mus. Soc. Reg.* sub nomine Anglico, *Aethyopian Peeper*, ubi Auctoris nostri figura aeri incisa laudatur, by *Besler curiously figur' d. Pomet dans l'Histoire generale de Drogues* P. I. lib. VII. cap. VIII. p. 197. hoc Piper *grana de Zelim* dicta vult. Vid. quoque *Calceolar. Museum* p. 589. *Matthiol.* in *Dioscorid.* p. 434. *Mus. Mus. Excell.* Valent. p. 299. *Mus. Moscard. Libr.* III. cap. 89. p. 252.

CINAMOMI FRUCTVS ab Auctore aeri incisus, cum reliquis a probatissimae notae scriptoribus oculis exhibitis apte convenit. Mercium haec Indicarum delicatissima, ex optimi Senis *Excell. Wedelii* iudicio, *optimum in Terra Majestatis divinae exemplum praebet inter Aromata cinamomum*. Peculiaribus dissertationibus exposuerunt *Joh. Phil. Hoechstetterus* sub Praesidio J. T. *Schenckii* Jenae 1670. ibidemque paucis ante Annis sub *Wedeliano* Praesidio G. Ch. *Titius* Anno 1707. Cl. *Dechsbach* disp. inaugur. Marburg. Anno 1690. habita de *Cassia Cinamomea et Malabathro*; et Traject. ad Rhen. Anno 1709. Ch. *Lud. Göller Ratisbonensis*, cujus ultimi Schediasma ideo reliquis praestantius videtur, quod ipsi exoptatissima occasio data fuerit, cum viro quodam Clarissimo, ac indefesso curiosarum rerum perscrutatore, colloquendi per literas. Is ipse autem caput et Praefectus eorum, quibus Corticis Cinamomi in Insula Ceylon collectio incumbit, et per viginti jam annos, et quod excurrit, in iis Indiae Orientalis locis hoc officio fungitur, omniaque sedulo inquirendi occasione minime destituitur. Ab hoc honoratissimo viro, cum non solum literas acceperit Cl. *Göllerus*, sed et cistulam variis rebus curiosis refertam, interque illas, quae praecipue ad varias Cinamomi species pertinent, novamque Arboris Historiam, decorticandi modum, cinamomum propagandi et crescendi, non ingratum fore B. L. judicavi, si occasione fructus ab Auctore nostro delineati, quaedam ab aliis forte nondum animadversa e dissertatione *Gölleri*, qui in Patriam redux in flore jam aetatis caelitum adscriptus choro, promerem. Et quidem quod ad ipsam *Arborem Cinamomiferam* attinet, eam nec *adnuciferarum*, nec *pruniferarum*, nec *glandiferarum* genus referri posse docet, sed *anomalam* constituere, diversaeque esse altitudinis et amplitudinis, cum aliae crescant in magnitudinem *mali Persici* aut *Pruni*, aliae annosiores nempe *tiliis*, *quercubus* et *populis* proceritate non cedant, ita ut circumferentia *Cinamomiferarum* Arborum ad octo vel novem pedum latitudinem assurgat. Annosae tales Arbores cortice teguntur crasso, juniores tenui. RAMOS arbor habet multos eosque longos satis et crassos atque enodes, non contortos sed rectos magis, qui perpendiculariter quasi in altum ascendunt. Ex hisce ramis emittuntur RAMULI minores, e quibus enascuntur FOLIA, quae modo bina proveniunt, modo solitaria, annexa petiolis brevibus et tenuibus. FOLIORVM FORMA est oblongo-rotunda, lauri Cerasi foliis non multum absimilis; longitudo duplo major circiter est latitudine, ex basi latiori in acumen desinit, differt vero ratione arboris

C

hujus

huius specierum. COLOR eorum grata et diluta viriditate se commendat, et visum recreat; altera vero parte sunt pallidiora. Quae de Peculiari Charactere Foliorum annotavit Auctor, attentionem certe merentur. FLOREM arbor habet jucundissimum, qui ex iisdem ramulis, e quibus folia enascuntur, excrescit, et admodum est parvus, colore candido superbiens vel ex candido virescente, estque monopetalos, infundibiliformis stellatus: quippe flos ille monopetalos in sex folia dispescitur, quae stellae in formam se explicant, in medio totidem staminula exsurgunt pallescentia, insidetque calici exiguo viridescenti. Florere incipit mense Januario, et flos odore suo gratissimo satis se commendat, quo ad Lilium convallium accedit. Defluxo Flore emergunt FRUCTVS, qui sunt baccae oblongo rotundae, minoris olivae magnitudine et figura, primo sunt virides, hinc quo magis ad maturitatem vergunt, eo magis incipiunt rufescere, donec tandem perfectam adeptae maturitatem nigrescant, vel potius ex fusco in caeruleum colorem abeant, cum egregio quodam nitore. Constant vero pellicula tenui, totam baccam ambiente, quae includit pulpam seu carnem paucam, sub qua continetur nucleus unus grandis, totam explens cavitatem, oblongo rotundus et glaber, qui cingitur Cortice tenui quidem, sed fortiori tamen cartilaginea, qua adempta nucleus apparet, qui per medium fissus in duas dividitur partes; pulpa constat densa, quae coloris est quasi incarnati seu ex albo in rubrum vergentis. BACCAE hae insident CALICISIVE CVPV-LAE, quae sex cuspibus acuminatur, sulcis variis exasperatur, et colore praedita est virescente, fusco, non aliter ac quercus fructus capulis suis. Longius fui in fructus descriptione excerpenda, cum haec apte cum figura ab Auctore nostro expressa conveniant. Lignum arboris albicantem habet colorem, neque adeo durum et solidum est, sed mollius magis et porosius; adhibetur tamen, Baldaeo in descript. Insul. Ceylon teste, ab incolis ad extruendas aedes: saporis et odoris omnis expers est. Radix pro Arboris proceritate variat, cortice tecta exterius obscure rufescente, interius ejusdem coloris non nihil exaltati odorem spirante fortem camphoraceum et sapore eodem conspicuum. Suavitas igitur omnis aromatica residet in Cortice arboris Cinamomi, quo triplici tegitur, externo uno, altero mediano, tertio interiori, qui immediate ligno adjacet, et non nisi pellicula est tenuissima et subtilissima, plurimis plane incognita, nisi Excellentissimo Hermanno, qui vim Cinamomi in interiori hac pellicula adeo concentratam esse tradebat, ut ejus scrupulus unus plus praestiterit, quam integri Corticis uncia dimidia. Plurima hac de fragrantissima pellicula, cortici mediano fragrantiam communicante sequuntur, item de IX. vel X. Cinamomi speciebus, de Propagandi, colligendi et crescendi ratione, quae omnia praetereo, curiosissima licet sint, ne B. L. nimia prolixitate taediosus existam. Confer quoque Herbert. de Jäger in Append. Mus. Mus. qui Historiam Cinamomi naturalem illustrantia quamplurima suppeditavit, et Pomet l'Histoire general.

neral. de Drogues P. I. L. IV. chap. I. p. 125. ut alios Auctores innumeros, qui proleteria de Cinamomo tractant, silentio praeteream. Imprimis de Sinensi Cinamomo, uberrime in Provincia Quoanyfi proveniente, vid. Dion. Cao, ipse Sinensis, in Patriae descriptione Art. XXIII. p. 216.

RAMVM nunc *CARYOPHYLLIS AROMATICIS GRAVIDVM* porrigit tabula, adjunctis *ANTHOPHYLLORVM* binis schematibus, immaturis nempe et maturis fructibus arboris Caryophylliferae, *Tsinka*, vel secundum Linschotanium *Chamke* dictae, olim Moluccensium solum Insularum incolae, nunc autem non amplius ibidem obviae, cum Regis Moluccani consensu omnes eradicatae fuerint, inque Amboinam Belgici regiminis Insulam transplantatae, ubi nunc solummodo luxuriant, lucripetae Belgarum voluntati expositae, cujus aromatis pretium pro lubitu augent minuuntve, et Moluccarum Regulo, quod omnes in regno caryophylliferas arbores aboleverit, singulis annis 24000. florenos solvunt, referente hoc Excell. *Muntingio* in *de nauwkeurige beschryving der Aerdgewassen* p. 149. In Sina tamen Caryophylliferas pariter provenire arbores, testis est Sinensis Cao in descript. Patriae l. c. *Celeb. Plukenetius* in *Phytograph.* Tab. 155. ramum pariter exhibet caryophyllis partim capitellis convexis, operculis florum, partim floribus expansis instructum, visui jucundissimum; omnes tamen elegantia vincit Caryophyllorum ramus apud *Neuhofium* in *de gedenkweerdige Zee en Land Reize* p. 31. depictus et descriptus, Procera alias arbor caryophyllifera, cujus Caudex ad corporis humani crassitiem accedit, et nobiliss. *Wurfbeinius*, Beatiss. *Hermetis Patrens*, in *Itiner.* vernacula lingua conscripto arbores caryophyllos ferentes observavit, quae binas cum semisse emensae fuerint ulnas. *Folia* laurinis latioribus similia, oblonga, lata, glabra, et splendentia, odore aromatico. *Flos* fragrans primo albicans, postea viridis et tandem rufescens, ubi se expandit tetrapetalos, quamvis *Cl. Tournefortio* polypetalos rosaceus audiat. Fructus autem Caryophyllorum aromaticorum nomine venientes sunt immaturi, oblongi instar clavis angulosi, depressi, rugosi, e rubigineo-nigricantes quatuor decussatim stellatis apiculis notati, cum medio capitello convexo, et cavo futuri floris rudimento e *Cl. Hermannii* delineatione; cum e contrario Anthophylli sint fructus maturi, caryophyllis crassiores et tumidiores, includentes sub Cortice duriusculo semina oblonga, fusca, saporis et odoris ejusdem cum Caryophyllis, qui Saccharo conditi pariter ex India ad nos adducuntur, Caryophyllis virtutibus longe inferiores. Inserviunt tamen arborum propagationi, cum ex illis deciduis nova iterum enascatur arbuscula. Haec de Aromate ubivis obvio sufficiant, cum hanc materiam penitus exhaurierit sub *Praesidio* Excell. *Hofmanni* Hallensis *D. Fridel.* Halae 1701. ubi Auctorum, qui hoc de Aromate scripserunt, latissima collectio. Prae omnibus vid. *Pomet l'Histoire general. de Drogues* P. I. Livr. VII. chap. X. p. 198.


NUCES MOSCHATAE VARIAE CVM FLORIBVS ab Auctore hac tabula depictae, tantum meruere applausum, ut Dn. *Diezii* disp. inaugurali Giesae Anno 1682. hac de Nuce habita, et Excell. *Nat. Curios. Arion*, in *Moschocaryographia*, sive *Nucis Moschatae curiosa descriptione*, eas mutuare, operibusque praefigere non veriti sint, ut omnibus, qui hoc inspicere dignantur patet; congeffit Excellentissimus *Paullini* omnia, quae hac de Nuce dici possunt, cui si Cl. *Schulzii* dissert. Medicam Anno 1709. Vltrajecti demum habitam addes, vix desiderare amplius hoc de aromate quid poteris. Exhibet ultima haec dissertatio figuris elegantissimis aeneis, non solum *Ramulum* enuce myrtica progermantem, sed et, quod ab Auctore nostro factum, *Nucem integram* cum operimento, et *binas Nuces uno calice testas*, *Nucem Maci involutam*, cum *testaceo et nuci proximo involucro*, *Nucem moschatam marem et foeminam*, cum *nucibus vulgo regis dictis*. Delibabimus ex hoc fonte, multis historiae naturalis scriptoribus indicta et praetervisa. Excell. *Rajus* arborum Nucis hujus pruniferis accenset, *Schulzius* non contemnendis rationibus *nuciferis* vendicat. *Banda* praecae-teris orientalibus regionibus arborem harum feracissima, ut bis et juxta nonnullos, ter in anno, prout nempe tempestas illis arriserit, colligi possint. *Lignum* arboris spongiosum, nullam vero habet peculiarem cavitatem, ut aliis placuit; *Folia* aliquo modo conveniunt cum laurinīs, maxime cum Lauro-Cerasi foliis, non tamen in ambitu ferrata, qualis *Matthioli* error, brevipediculo nitentia, quibus e ramis dependent, laete viridescencia, splendentia, subrotunda, in postica parte cinerea notato unico nervo cum plusculis venis per folii longitudinem oblique decurrentibus; spirant recentia, et per multos adhuc annos sicca, suavem aromaticumque nuci aemulum odorem, si paululum terantur. *Arborum* Nucis hujus *sylvestrium* plures dantur species, quam cultarum. *Flores* sunt conflati ex quinque albicantibus fimbriatis petalis, quas Excell. *Muntingius* cerasorum et Pomorum floribus similes autumat. *Fructus* circa pediculum nonnihil turbinatus, triplici tunica seu operimento cum nucleo rotundo medio incluso. *Tunica seu integumentum* illud exterius primum est crassum villosum fungosum, et quasi pulvinatum, molle equidem, sed satis densum ut in juglandibus et castaneis coloris viridescens. Cum maturescit fructus, fiunt flavae purpureaeque maculae conspicuae in Calice, quae pro maturitatis signo ab incolis habentur; hinc dehiscit, in ea parte ubi sulcus illud dividit, et ostendit alterum sub eo latentem *Corticem*, quiduriorem et ligneum istum reticulatim certis in locis ambit, et pertinacius circa pediculum haeret, alioquin liber ubi levi compressione facile avellendus, hic admodum rubentem et elegantem in principio habet colorem, sed si saltem per paucas horas aëri exponatur, statim elegantiam amittit et in flavescen-tem abit; dantur tamen nuces, sub quarum calyce nullum macis vesti-gium; Sic *macis* quoque non rubente et flavescente colore, sed albido reper-

reperit datur, quoda vermibus, materiam oleosam intra has membranas contentam exedentibus, fieri credit diligentissimus *Loewenhoe-kius*. Involucro *macis* (quod improprie *florem*, Germani *Muscate-Blüth* vocant, cum nihil minus existat quam flos, sed potius *membrana*, seu *medium nucis operimentum*) subjacet adhuc aliud durum testaceum, corticosum ex spadiceo rufescentis coloris, lignosum quasi, nullo nec sapore, nec odore, multis sulcis hinc inde apparentibus; hocce immediate nucleum rotundum, solidum, albicantibus et spadiceis lineis reticulatim interpolatum includit. In cortice hoc duro duo sunt distincta foramina, quae sibi mutuo adjacent, unum sine dubio ad corticem, alterum vero, uti videtur, ad nucem alendam, quod *Loewenhoeckii* experimento confirmatur; nec nuce siccata cortex hic durus dehiscit, quod *Clusio* olim visum, sed vi potius secernitur, tuncque prodit nux myristica officinarum, figurae olivaris, coloris fere cinerei, extus rugosa, intus multis spadiceis venis, et ex flavo albicantibus lineis undatim, vel ut Hofmanno exprimere placuit, *multis Arabicis literis referta*; quae prae caeteris eligenda, sit insuper ponderosa, recens, pinguis intus ex fusco subrubra, multis venis oleum vehentibus gravida, cum lineae albae pabulum sint vermium, densa porro, bene compacta, acuque puncta oleum emittens, odorem et saporem aromaticum, acrem, jucundum fundens. Haec de Nuce myristica communis satis: superest, ut aliquid de *mascula* oblongiori nuce, quam Auctor quoque noster expressit, addam; non hae e gemmis, uti vulgo tradunt, sed, *Neuhofio* teste, ramorum extremitatibus nascuntur, et Pala Java, a Bandensibus Pala-Metfiri, a Belgis *Mannekens-Nooten* appellantur, quia plebecula sibi persuadet, hanc in cibis nucem viris datam, eos potenter cingere in venerem et solito fertiliores reddere. Est vero nucum harum forma oblonga, saepe fere quadrata, aliquando rimam habent magnam et satis profundam; coloris sunt obscurioris, saporem habent longe debilio-rem, hae quantum faeminis nucibus majores, tantum etiam debiliores, pauperioresque oleo: et hanc ob causam in affectibus ventriculi et capitis commodiores habentur a nonnullis. Sic *Macis*, *Nucem moschatam marem amplectens*, licet aspectu pulchrior, multo tamen debilior est ejus vis aromatica; hinc ab Incolis nullo habentur pretio, et inter arbores sylvestres, *Neuhofio* teste, numerantur; nescio tamen cur nostrates has, reliquis faemellis praeferant, nisi hoc praejudicio concepto fiat, ac si, quae mares appellantur, nobiliores foemellis existant. Dantur etiam *Nuces Moschatae regiae* dictae, ab Auctore nostro in hac Tabula omissae, quae sunt omnium minimae, in una parte ut plurimum rotundae, in altera planae, quanquam talem formam non semper habeant, sed modo in uno latere planae, modo undique rotundae, magnitudine vix piso saepius grandiores, succulentia tamen et odoris fragrantia majores superantes. Sufficiant haec e dissertatione Schulziana excerptisse; plura enim desideranti jam fontes indicavi. De Sinensium Nucibus Moschatis Cao in descript. Chinae l. c.

Admirationem merentur, quae de *Nuce Moschata Theving* dicta Act. Philosoph. Anglic. Mens. Januar. 1669. memorant, quod toto Moschatarum nucum acervo immixta, quamvis unica sit, omnes tamen reliquas corrumpat; quae de exitiali nuce, altum apud omnes Historiae, naturalis scriptores silentium; nec *Pomet dans l'Histoire gener. des Drogues* Livr. VII. Chap. XII. p. 201. seqq. hujus meminit.

TAB. IV.

DEsit in Aromatum Historia Tabula prior: haec sequens in enarratione ulteriori pergit, et primo statim intuitu *TRIA CARDAMOMORVM GENERA, MAJVS, MEDIVM ET MINVS* exhibet. Communem hic veterum, imprimis quoad figurarum expressionem *Calceolarii* in Museo p. 596. *Matthiol. in Dioscorid.* Edit. Bauhin. p. 27. aliorumque erravit errorem, dum binae illae oblongae thecae Ficoides, sunt conditoria *granorum Paradisi*, *Meleguette* vulgo nominatorum, ab Africae Vrbe Melega dicta secundum *Pomet. l'Histoire gener. des Drogues* P.I. Livr. I. cap. 28. p. 40. quae e *Gvineae* ad nos transportantur, teste Cl. *Bosmanno dans la Description du Coté de Gvinee* p. 318. grana nempe angulosa extus spadicea, intus alba, sapore acri et fervido inter Cardamomum et piper, cum quo posteriori virtutibus coincidunt, et, quod pessimum, priori saepius substituuntur. Videntur nonnullis esse fructus Cardamomi majoris Africani Arboresecentis Excell. *Muntingii en de nauvkeurige Beschryving der Aerdgewassen* Lib. II. cap. 62. p. m. 256. descripti, quam Arborem tamen ab Arbore ac fruticibus Malaguettiferis distinguit modo citatus Bosmannus l. c. p. 318. Binae reliquae species, videlicet oblonga illa pro Cardamomo majori Plantae Indicae Benzal dictae; minores pro minori accipi possunt. Omissum tamen Cardamomum medium racemosum, quod pro *Amomo Plinii* nonnulli habent, quippe verum cardamomi genusest, de quo videndus Nobil. *Maronea Comment. in Tract. Dioscorid. et Plinii de Amomo.* Amomum verum autem Arboris Americanae *Caningae* dictae sunt baccae rotundae. *Vid. Hermann. Mat. med.* p. 125. *Clus. Exotic.* Lib. 2. c. 17. et *Ferrant. Imper. Hist. natural.* Lib. 28. p. 676. edit. novissimae *Italicae in Folio.* Mus. Moscard. Libr. III. cap. 97. p. 257. Caeterum quae de saluberrimo Cardamomi aromate dici possunt, in eruditissimam inauguralem dissertationem congeffit Jen. 1704. Cl. *Rhein*, adjunctis e *Bontio* Plantarum majoris et minoris schematims, quos jam antea Cl. *Elsholzius* *Diaetet.* L. V. cap. 1. §. 5. p. 250. inseruit. Vid. quoque *Pomet l'Histoire general. des Drogues* l. c. Sed dolendum, descriptionem et figurarum *Cardamomi specierum* ex *Horto Malabarico* sub nomine *Elettari* plane omissam esse, quae cum nimium a Bontianis figuris discrepent, ut huic defectui supplementum accedat, nonnulla ex Horto hoc non ubique obvio, cardamomi species concernentia suppeditabimus,






Cardomomum majus.
Grosse art Cardomuml.



Cardomomum medium.
Mittelmässige art Cardomuml.



Cardomomum minus.
Klein Cardomuml.



Anacardium.
Elefantens Leys.



Caius fr.




Pepita Indica.



Beretinus fructus.




Pistachia vulgaris fr.
Semaine Pistaken.



Pistachia Indica fruct.
Indianische Pistacien





Quing genera Mirobalani.



Die



funff geschlecht Mirobalani.



III

251



mus, quod equidem cum bona B. L. venia fieri confidimus. *Radix oblonga crassescit, geniculata, albicans tortuosa, sursum virens, e lateribus innumeras fibrosas emittit radículas, quibus veluti pedibus, perinde ac radix Zingiberis, proserpit. Caules, qui e radice emergunt, rotundi, glabri virentes, latum ferme pollicem suo emetiuntur diametro, stipite simplici instar arundinis, cujus texturam aemulantur, surgentes, albicante vappidaque medulla, lignosis filamentis, quorum extrema transversim dissecta, eriguntur, instructa; e quorum corculis subtilia, aquea, telae araneorum instar, candicantia educi possunt fila; foliorum basi, quae superioribus radicum geniculis innititur, theciformibus suis involucris insistent. Distracti, manibusque triti aroma spirant. FOLIA illis Manjuka non absimilia sunt, quatuor circiter spithamas longa lata, viridia parallelis exilibusque venis striata, odore ac sapore forti, subacri aromatico. COSTA MEDIA in adversa parte viridi, diluta, in obversa viridior. FLORES uni fructifero racemo, vel radicali surculo plures, plerumque tres quatuorve, ejusdem oblongis foliolis, veluti capsulis impliciti; nullus enim in foliaceo hoc involucre conspicitur hiatus. Tegmine hoc autem aperto tetrapetalus sese offert flos, quorum tria magnitudine conveniunt, oblongo angusta, viridi albicantia, membranosa quantum quod prioribus ex adverso jacet, tenui stylo, lingulaque donatur, paulo latius ac minus oblongum est interius situm ac viride. Lingula oblongo angusta est, crassiuscula, in interiori facie, quae intimo foliolo ex adverso opponitur accumbitve, sulco striata, in supremo apice bifida, dilute rubescens, suoque sulco exilem, candicantem stylum, qui in tenue planumque desinit capitulum, recipit. FRUCTUS radicalibus fructipromisque racemis appendent, qui uvis et forma et sapore haud perperam assemblantur, orbiculati enim sunt et grate subacidi, viridi, crassiusculo, carnosio aqueoque cortice obducti, striis admodum tenuibus juxta longitudinem pertexti, in tres distinctos loculos cancellatim distinctos, ita ut quodlibet intersepimentum, in sui medio, membranacea fibrilla etiamnum, sed levi ingressu bisecetur, sicque seminum conceptacula efficiunt: adeo ut sex ordinibus, combinata triangularia, pressis planisque lateribus fructus, copiosa insideant grana aromatica, quae medio stylo trigono, cui mediante membranaceo septo affiguntur, cuspidibus suis adhaerescunt. In aprico fructus hi exsiccantur solo, ubi Cortex, qui primo crassus viridisque, extenuatur, et ex ruffo albescit; suntque ipsissimum CARDAMOMUM, nomine Elettari in tres cognitae species divisum, quarum prima hactenus descripta, plane rotundos ac albicantes profert fructus, cujus natale solum, supra COCHIN et CALICUT in locis montanis, triginta circiter a mari milliaribus, pretioque ob praestantiores vires, reliquis praevalet. Secunda species oblongior est, sed vilior, tertia vilissima et plane acuminata; quae posteriores juxta CANONOI aliaque Indiarum loca inveniuntur. Tantum de Cardamomi tribus speciebus. De Usu omnibus cognito addere quid, superfluum judico.*

ANACARDIUM ORIENTALE Cardamomi species sequitur, fructus veteribus Graecis incognitus, recentioribus tamen a cordis cumprimis exsiccati, tum similitudine, tum colore *ἀνανδρόιον* nominatus, vocatur etiam Faba Malaccana, teste Rev. P. Bonann. in Museo Kircher. Class. VII. de fructibus n. 15. Proles est arboris Indicae pruniferae foliis geminatis glabris, flosculis exiguis tetrapetalis luteis racematim dispositis, fructu conoide, cortice pulvinato nucleum unicum, nullo ossiculo tectum claudente; fructus autem compressus aviculae cordis figura, nigricans ac splendens, includens sub duplici involucro, corticoso et duro albicantem nucleum saporis subdulcis, et inter involucris duplicaturam mucaginem oleosam, nigram, saporis acris ac exurentis, ut ex Illustr. *Rajo* hoc refert Cl. Dale in *Pharmacol.* qui insimul addit, Anacardium esse *Oepatam Horti Malabarici* T. 4. Fig. 48. Sed si accuratius inspiciatur Arbor *Oepata*, sive *Vpata Malabarensium* et *Salgeira* Lusitanorum, et folia, flores fructusque examini subjiciantur, magnam quidem cum Anacardio habent similitudinem, pro certo tamen vix quis affirmare poterit; quippe et *Excell. Plukenetius* et *Comelinus*, prior in *Almag. Botanico*, posterior *Notis in Hort. Malabar.* hoc dicere musant. Confer, *Excell. Valentini Mus. Museorum.* p. 301. *Pomet l'Histoire General. des Drogues* L. VII. chap. XVII. p. 209. *Mus. Moscard.* libr. III. c. 95. p. 255.

Orientali subjungitur *ANACARDIUM OCCIDENTALE*, species *Acajiba* et *Acajuba Brasiliensium*, cujus fructus *Acajou* et vulgo *Cajou* dicitur, secundum *Marggrav. Hist. Plant. lib. III.* p. 95. Hinc Cl. *Hermann* p. 36. audit Anacardium occidentale *Cajou* dictum, ossiculi reni leporis figura. A nobilissimo *Rajo* autem Arbor dicitur *pomifera* sive potius *prunifera anomala* Indica, foliis oblongis glabris, sine ordine ramis adhaerentibus flosculis pentapetalis, vel ex *R. P. Plumerii relatione*, monopetalis infundibuliformibus multifidis, e cujus Calice surgit pistillum capillamentis stipatum, posticae floris parti adinstar clavi infixum, quod deinde abit in fructum turbinatum, mollem; cui adnascitur capsula reniformis semine foeta ejusdem formae, *Cajou* dicta. Capsula sive *Castanea* innascens pomo, renis ovilli figuram habet, tecta cortice cinereo crasso ac intus spongioso, qui oleum in se continet acre et mordicans, ita ut cuti etiam leviter illitum, ignis modo urat, et si quis incautus dentibus comminuat, ita linguam et labia exurit, ut magno dolore exinde afficiantur; nucleus quoque Renis figuram habet albus, cuticula flava vestitus, quae separanda. Haec *Marggravius*, et luculentiora adhuc *Hort. Malabar.* T. III. Tab. 54. p. 65. qui sub nomine *Kapamarum* sive *Kasjavomaram* arborem hanc fructumque optime describit, addendo e fructibus hunc potum exprimi, qui debito modo fermentatus, virosus evadit et inebrians. Vsum praeterea Medicum et Mechanicum, ex his fructibus promanantem, haurire qui cupit, ipsos Auctores laudatos adire poterit; cui addendus *Rochefort l'Histoire naturelle des Isles Antilles* Chap. VI.

Artic. VII. p. m. 72. 86. Excell. *Sloane* testatur, fructum hunc in hortis et agris Insulae Jamaicae et Caribearum ubique provenire, in *Catal. Plant. Insul. Jamaic.* p. 187. et ab Anglis vernacula lingua *The Cashew* or *Acaju Three*, vocari. Vid. quoque *Garc. ab Orto* L. I. c. 30. *Mus. Wormian.* p. 183. 192. *Mus. Moscard. Libr. III. cap. 99.* p. 258. *Piso Hist. Brasil.* p. 120. *Bont. Hist. Indic.* p. 192. *Pomet l'Histoir. gen. des Drogv.* P. I. Livr. VII. chap. XVIII. p. 210. qui de *Gummi Acajou* ab aliis indicta profert in *Append.* p. 12.

PISTACHIAE INDICAE fructus a Brasiliensibus dicuntur *Munduby*, Lusitanis *Amenduinas*, Latio *Manobi*, Peruvianis teste, *Monarde Anhic*, Hispanis *Vbimani*; videtur esse fructus sub terra nascens *Monardis*, vel Peruanus amygdaloides subterraneus *Joh. Bauh. T. I. p. 292.* Ab Excell. *Pukenetio* in *Almag. Botanico* p. 341. describitur ceu senna tetraphylla sive Abii congener hirsuta Maderaspatisensis, flore flavo siliquis punctatis, scabris, folliculos sub teram condens. Certe folliculus, in *Phytograph.* Tab. 60. f. 2. delineatus, non abludit ab his pistachiae Indicae a *Beslero* nostro aeri incis. *Marggravius* more solito optime *Hist. Plant. L. I. p. 37.* describit: folliculos nempe ex albicante gryseos radicibus adnasci, figurae minimae cucurbitae, oblonga magnitudine *Myrobalani*, fragiles: quilibet autem continet in se duos nucleos, pellicula saturate purpurea vestitos, carne intus alba, oleaginosa, sapore pistaceorum, qui comeduntur cocti, et inter bellaria apponuntur. Plures Botanicos, qui fructum hunc descripserunt, memorat Excellent. *Sloane* in *Catal. Plant. insulae Jamaicae*, adjungens simul, fructum hunc in Horto Dn. *Harrison* in loco *Liguanee* dicto, feri et laete provenire, et ab Anglis ibidem degentibus vocari *Earth nuts* or *Pindalls*. Vid. quoque *R. P. Franciscus Sterrebek* in *Theatr. Fungor.* Tract. I. Part. III. *en de Anwyssing* ende natuer der Aerdbuylen. p. 314.

PISTACHIAS vulgares in eum tantum finem his Indicis adjunxit Auctor, ut differentiam notaret, quae cum in omnibus Officinis et ubique prostant, inque Horto Volkameriano crescat Arbor, ideoque ab ipso in *Hesperid. Norimberg.* opere descripta, nil amplius addo.


BERETINVS FRUCTVS est ex Insulae hujus nominis Arbore, quam *Fr. Drake* e navigatione illa, qua orbem circumivit, retulit, isque Clusio tunc Londini commoranti, communicatus est. Arbor fructus hujus satis procera est, quercu major, laurinis foliis crassis splendentibus, in ambitu minime serratis; Fructus ipse oblongiusculus exiguis iligneis glandibus similis, nullo tamen calice inclusus, tenui cortice coloris cineracei, interdum etiam atritectus nucleumque continens oblongiusculum candidum, nullo manifesto sapore praeditum, tenui membrana imbutum; hunc fructum edulem esse, eoque more leguminum elixo, aut in farinam trito, et pulvis instar inspissato et cocto, alterius cibi penuria famem compescere posse, ab Insulae incolis fuere edocti. Pertinet igitur fructus hic ad Laurifoliam exoticam Ternatensem

Cass. Bauhin. in *Pinac.* L. XII, Sect. I. p. 461. inque Moluccis quoque repertu datur Vid. *Mus. Calceolar.* p. 601.

PEPITAE INDICAE fructus sunt, amygdalo Peruanæ similes, fusci vel spadicei coloris linea candida *Cass. Bauhin.* in *Pin.* L. XI, Sect. VI. p. m. 442, a *Chusio* Exot. Libr. 2. *Pepitae del Peru* sive acini Peruani dicuntur. Secundum *Excell. Plukenetium Almag. Botan.* p. 28. sunt fructus secundus *Simonis Toivar*, sive *Almendras del Peru*, *Walgonne* Bengalenfibus dictus. Pineae nucis referunt nucleos, licet magna ex parte nostris sint longiores et crassiores, durum similiter illis putamen et idem color. Plani et oblongiusculi, altera parte latiores et laeves.

MYROBALANORVM QVINQVE GENERA ubi vis in officinis Pharmaceuticis obvia, Auctor nobis ab oculis ponit. Nil hic de barbaro nomine Myrobalani sive Vnguentariae glandis a posterioribus efficto Graeculis dicam, nil de incerto numero, qui ab Arabibus, Persis, Indis caeterisque Orientalibus ad ternarium, *Halilejum* nempe, *Amjejum* et *Belilejum* restringitur, dicam; nil de efficacia fructuum horum, cum illos effoetos segnesque, et in prunorum nostrorum affluentia supervacaneos, et ex hyberbolica Arabum commendatione inutiles plane censeat maxima Medicorum cohors, quas lites aliis exercitatoribus in hac palaestra dirimendas relinquimus; sed producamus quas *Beslerus* noster aeri incidi curavit figuras, quarum (1.) *Chebulae* sive *Cabulenses* sistit, Myrobalanos maximos oblongos angulosos pituitam purgantes C.B.P. arboris Folia Persicae similia, Arboris Myrobalanifera Persicae foliis Jonsoni fructus oblongi rugosi, coloris obscure fusci; includentes sub putamine carnosum ossiculum oblongum crassum et cavernosum saporis subacris. Arbor secundum *HERMANNVM* Queboli dicitur vel potius Cabul. (2.) Belliricae, vel secundum *eruditissimum Welschium Belilejae*, sunt fructus Arboris pruniferae Lauri folio subcinericio Jonston. rotundi, saepe angulosi, gallae majoris magnitudinis, in pedunculum crassum desinentes, ex rubigineo flavescentes, includentes ossiculum durum sub putamine carnosum duriusculum, saporis adstringentis post subdulcis. Arabibus *Belleregi* secundum *Hermannum*, *Welschio* autem *Belilei* dicuntur. (3.) *Emblicae* sive *Amlejae*, fructus Arboris foliis securidacae *Cl. Breynii* et *Nilicacamaram Horti Malabarici*, Palmae magnitudine, rotundi, sexangulares Belilejis minores, sessiles e cinereo nigricantes, includentes sub pericarpio carnosum, in sex partes per maturitatem dehiscente, ossiculum turgidum hexagonum, senis vel secundum *Hermannum* tribus cellulis insignitum, in quo nucleus pomaceus spadiceus triangularis; saporis acerrimi. Arbor *Embelli* vel *Amleja* dicitur. (4.) Citrinae sive flavae, Arboris Myrobalaniferae sorbi foliis Azafar dictae fructus oblongi rotundi, pentagoni, teretes rugosi Cabulensibus minores, coloris citrini, includentes sub putamine carnosum ossiculum angulosum. (5.) *Indae* sive *nigrae* Indicae

Ar.




51

FRUCTVS




Nux Ind: cum nucleo.
Ind: Nuss mit dem Kern.



Fruct. reticulato corio.
Fr. gleich: in einem Netz.



Coccus.
Ganze Frucht der Ind: Nuss.




Areca sine Fausel.
Ind: Haselnuss.



Melenbethene sine capillis
Glathe Indian: Haselnuss.



Melenbethene capillata.
Harichte Ind: Haselnuss.



Arboris Myrobalaniferae salicis folio, *Asuar* Arabibus, fructus oblongi reliquis tenuiores superficie octangulati, solidi et duri, rugosi, intus et extus coloris nigri, bituminis instar Judaici, saporis subacidi acerbi et adstringentis. His ab Auctore nostro delineatis Myrobalanis addi potest (6) *Myrobalanorum* genus *Sinense* a Jac. Bontio indigitatum, et a Cl. Welschio depictum et explicatum in Dec. I. Ephem. Nat. Curios. Ann. III. observ. 32. Fructus olivae similis, nullis striis aut incisuris notatus *rostratus* e versione *Ebn-Sinae Plempiana*, quod tamen melius *Welschius acuminatus* vertit, cum vox Arabica, non tantum *rostrum*, sed quemvis apicem cuiusvis rei significet, et olivae quaedam reperiantur acuminatae, et quod caput rei est, *rostra* volucrum non omnia acuta, sed quaedam praeterea lata, atque obtusa spectentur. Vid. Excell. *Welschius de Vena Medinensi* cap. X. de *Myrobalanis Syriacis* *Rauwolfii Chabraeus* Stirp. Sciagr. p. 14.

TAB. V.

HAc in Tabula conspicimus Nucem illam Indicam, *COCCOS* communi nomine dictam, Avicennae *Jansiat Indi*, Arabum *Maron*, Indorum *Tegamaram* et *Lanha*, Brasiliensium *Inaja* *Gvacuiba*, Mexicanorum *Coyolli*, Zeilonensium *Polgaha*, Malabarensium *Tenga*, Bramanum *Mado*, Lusitanorum *Coqueyro*, e Palma Indica coccifera, angulosa ortum ducens, quam Arborem post *Clusium*, *Garciam ab Orto*, *Nardum Antonium Recchum*, *Marggravium*, *Pisonem*, *Rochefortiumque* nemo secundum minimas circumstantias melius, accuratiusque delineavit et explicavit, *Illustrissimo Horti Malabari* Editore Tom. I. quo naturae miraculo, mirandi operis initium fecit. Referamus ex illo tantum, quae *nucem* ab Auctore delineatam concernunt, cum reliqua arboris memoranda huius opusculi limites excludant. *Fructus Coccus* praegrandes sunt, magnitudine caput humanum aequant, saepius superant, et ad *Nuces* referendi. Figura illis triquetra, et ut ex Auctore nostro patet, ovalis. Constant *operimento lignoso*, qui interius ad superficiem internam operimenti seu testae medulla alba obducti sunt, ac intus larga cavitate, quae aqua seu liquore repleta est. Hi dum teneri sunt, et ex capsula cum spicis erumpunt, forma rotunda sunt, colore flavo - albicantes, et calyce flavo - albicante, qui e rotundis foliis mutuo circumvolutis constat, arcte et in totum obducti, intus sub Corticibus, quibus circumteguntur, carne densa albicante, nulla cavitate donati, postmodum vero cum aetate incrementum formae oblongo - angusta sunt in longitudinem maxime aucti, minus vero in latum, in cortice exterius cum nitore viridescentes, calycis foliis, ex quibus cum superna parte emicant, ex rufo rubescentibus, proditque se in iis primum nota parva, oblongo - angusta, cavitatis cum maiore incremento introducendae in ima parte seu ad exortum fructus, antequam

quam autem cavitas se offert, *fructus hi teneri* Malabarensibus *Bellacà*, Lusitanis *Coquinho*s, cavitate autem jam introducta *Fructus* primo sola aqua repleti sunt, ac tum dicti Malabaribus *Caricù*, Lusitanis *Caricà*, absoluto vero cavitatis incremento, postquam omni sua repleti aqua sunt, medulla ad interiorē operimenti superficiem obducuntur. Est autem *medulla fructus*, quae ad certum temporis intervallum augetur, expectata in eduliis, primum tenera et albicans ac subcaerulea, sapore dulci ac grato, minime vero oleoso, dein albicans ac magis magisque indurefcens, cum dura sapore nucis, ac quo vetustior seu durior, saporis magis oleosi, contrita ac tusa lacteum liquorem, qui et sapore lactis est, sed nonnihil oleosi fundens; cum vetustissima est maxime oleosa ac ex oleo caerulefcens, odorem fortem oleosum, qui ingratus est, spirans. Pro diversa medullae consistentia *Fructus* variis nominibus sunt donati, cum ea tenera est et lacti similis ac mollis, dicitur Malabaribus *Corumba*, cum completa est, et non amplius augetur, *Elani*, Lusitanis *Lania*, cum nonnihil dura est, Malabaribus ut et Lusitanis, *Maninga*, cum dura est *Tenga*, Lusitanis *Cocquo*, cum adhuc durior *Barettu Tenga*, ac cum maxime dura *Cotto Tenga*, Lusitanis *Cocco sicco*. Quod ad *Aquam*, quae est intra cavitatem, haec in fructu tenero, *Caricù* dicto, est primum subadstringens, subsalsa et subacida, minus vero dulcis, dein quo fructus vetustior fit, magis et magis dulcescens; in fructu vetusto ut *Barettu Tenga* simul valde dulcis et salsa, ante medullae proventum clara et valde limpida est instar aquae; medulla autem proveniente turbida seu minus limpida et pallide albicans; ex fructu *Caricù*, qui jam omni sua aqua repletus est, facto angusto foraminulo per operculum magna vi radiatim exsilit, minus vero ex fructu, qui medulla repletus est, ut *Corumba* seu *Lania*; Aqua in *Maninga* id proprium habet, quod ut liquor dictus *Sieri* fermentatione ad oculum notabili cietur, cum medulla dura est, in fructu exsiccari incipit, in ollam infusa et aëri exposita saporem dulcem ilico amittit et subacida redditur, idque ocyus si vento moveatur, sine ulla tamen fermentatione, quin et aqua fructus *Maninga* hoc modo omnem suam fermentationem amittit. Quod ad *operimentum*, *aquam et medullam* continens, illud primum tenerum, estque in fructu *Corumba* adhuc molle et esculentum, ac sapore nucis juglandis; quo vetustior fit fructus ac medulla durior, etiam magis indurefcit, ac cum maxima duritie est, sectioni minus pervium, estque exterius tribus futuris eminentibus in longum striatum, ac in parte inferiori inter suturas tribus quasi oculis clausis donatum, quorum unus latior et minus durus est, inter suturas, quae latius distant, situs, uti e *FIGURA SECUNDA TABULAE nostrae* omnibus patet. Est et alia minor Nux Indica *Coccos Cercopitheci caput* repraesentans, descripta in Miscell. Nat. Curios. Dec. I Ann. VI. et VII. et apud Chabraeum Stirp. Scia-graph. p. 21. nomine Nucum Indicarum velut larvas ostendentium. *Operimentum* hoc *medium* nucis adeo durum est, nuce penitus exsic-

cata

cata, ut poliri possit, aurificibusque ob ferventem flammam in usu *Cortex exterior* operimentum medium obducens, in exteriori superficie primum est albicans, ut in fructibus *de Coquinbos* cum tenerrimi sunt, dein viridescens ac cum majori aetate ex viridi flavescens, cum autem fructus vetustior est, ac exsiccari incipit, est tandem siccus cinereo fuscus, et primo quidem mollis ac tenuis est, dein constans intus carne densa, albicante et molli, quae in *Lania* adhuc tenera mollis et sectioni facile pervia est, ac calce illita flavo colore tingitur, post magis ac magis indurascens intus in carne plurimis lignosis ac stupeis filamentis, in *figura prima Tabulae hujus* optime expressis, ad funiculos conficiendos idoneis, quae operimento lignoso exterius arcte adhaerent, est intertextus. Haec de fructu Coccus ejusque medulla, contento succo, e quo liquor Suri conficitur, ejusque operimentis sive corticibus sufficiant. Arborum Cocciferam quod attinet, Palmis accensendam recte de illis judicat ingeniosissimus *Rajus*, quia toto vultu, habitu et constitutione, partiumque fere omnium forma texturaque ab aliis arboribus omnibus differunt, non immerito pro singulari et distincto ab iis genere haberi debeant; hinc a Pl. Rev. P. Plumier Palmae, inter nova Plantarum Americanarum genera primus locus et prima decreta tabula. Non possum quin *Excell. Plukenetii* Judicio de Coccifera claudam Arbore, quod habet in *Almag. Botanic.* p. 135. *Arborum harum Dominos non minus emolumenti ab iis percipere, quam Europaeos a pecore, nam singulae pleraque ad vitam necessaria praestant. E Ligni materia naues fabricantur, e ramis, qui in Malabar olla vocantur, aedium sunt tecta, navium tabulata et opercula, stragula, culei aliaque ejus generis utensilia. Nucis extimum villosum involucrum inservit nautis, nam ex eo rudentes et funes navibus necessarios conficiunt, qui in aqua marina incorrupti manent; illo quoque tanquam stupa naues obturantur et stipantur. E cortice duro Vasa tornantur et Scyphi, ac carbones sunt aurifabris utiles. Medulla ipsa tenera et delicata instar amygdalarum est, bene nutrit, cum Saccharo aut Sagra editur. Ex ea trita, ut ex Amygdalis, lac exprimitur, cum quo oriza coquitur, aliaque edulia. Exsiccata haec medulla Copra dicitur, quae alio desertur ac venditur, eaque utuntur ut castaneis, neque minus grata palato est. Ex eadem ita exsiccata torculari exprimitur oleum dulce, non modo utile ad lucernas, sed et ad oryzam condiendam. Resinam etiam fundere hanc Palmam coloris subfusci et pellucidi, saporis lentis, ac praepinguis, testis est Clar. Syen Not. in Hort. Malab. T. 1. p. 8. Liquor, quem fundit et Sura dicitur; hinc Belgis Suraboorn vocatur, est instar musti et decoquitur ut diutius conservari possit, atque tum Oraque sive Arak vocant. Destillatur quoque ex eo Spiritus, quem Futa dicunt, Spiritui Vini plane similis facultatibus et viribus; si soli exponatur, antequam destilletur, in Acetum degenerat. Solis aestu exsiccata et coagulata in Saccharum coigitur, quod Sagra dicitur. Ex quibus omnibus haftenus recensitis pa-*

lam fit, vix Arborem esse, quae maiorem in vita communi habeat usum, hac ipsa. *Figurae nucis coccos* hac *tabula* expressae omnem certe merentur laudem, hinc Excell. Grew in *Mus. Societ. Reg.* scribit: *There is a good Figure in Besler.* Ultra jam citatos scriptores vid. *Joh. Bauhin.* Tom. I. p. 375. *Linschot.* P. IV. Ind. Orient. c. 12. *Mus. Reg. Olig.* *Jacob.* Sect. VI. p. 27. *Terzag.* *Mus. Septal.* p. 65. *Scarabell.* nel *Mus. Settal.* p. 131. et qui elegantissima e Poëtis de Nuce hac collegit Eruditiss. *Lorenz.* *Legato nel Mus. Cospian.* L. II. c. 24. p. 134. *Valent.* *Mus. Museorum* p. 324. *Miscell. Germ. Curios. Decur. II.* Ann. V II. p. 476. *Nieremberg.* *Histor. nat. Libr. XIV.* cap. VIII. p. 296. *Clusius* sive potius *Garcias ab Orto* *Arom. Hist. Lib. I.* c. 26. *Pomet l'Hist. gen. des Drogues* P. I. Livr. VII. chap. XXIV. p. 214.


Quam pro *ARECCA* sive *FAUFEL* hic depingere curavit *Beslerus* noster figuram, nil aliud est quam fructus peregrinus abiegnae nuci similis, ab Excell. Grew in *Mus. Soc. Reg. P. 2.* cap. 5. p. 200. post *Clusium* pro fructu *Palmaepinus* habitus, qui errorem Auctoris seq. verbis annotavit: *this fruit is pictur'd in Besler but mistakenly for the Arecca or Fausel.*

FRUCTVS RETICVLATO CORIO, optime convenit cum descriptione *CLVSIANA*, minime autem cum figura inibi, *Exoticorum* nempe Lib. II. c. XI. p. 30. expressa, quod ipsemet fatetur, iconem non adeo scite ut decuerat in Tabula depictam esse; est enim duro corio et multis fibris retis in modum quodammodo inter se intertextis et duris, contexto praeditus, foris quidem inaequali et rudi, intus vero laevi et splendente, coloreque ad spadiceum tendente, superna in gibbum extuberans, inferna planus fere, nucleum continens crassum, plenum, et succulentum. Meminit fructus huius, citato *Besleri* nomine et figura, Excell. Grew in *Mus. Societ. Reg. P. II.* cap. V. p. 213. sub nomine *Fibrous Lobe*; et jam ante p. 191. sub nomine *Netted Stoone*, fructus quoque reticulato corio ex *J. Bauhin.* T. I. p. 328. meminerat. Arborem fructus huius *Mameyam* vocant, et arborem *Juglandi* similem pronuntiat C. B. in *Pin.* Excell. *Sloane* autem credit esse malum persicam maximam foliis rotundioribus splendentibus glabris, fructu maximo, scabro rugoso, subrotundo, pulpa dura sublutea, unum vel plura ossicula filamentosa cingente. Ab Anglis *Jamaicam Insulam* inhabitantibus *the Mammee Three* vocatur, ibique in omnibus sylvis montosis abundat.

MEHENBETENAE CAPILLATAE et sine capillis nucis unguentariae vel avellanae Indicae species videntur, inter quas referunt C. B. in *Pin.* et *Matthiol.* in *Dioscorid.* p. 228. Edit. ult. *Bauhin.* et Excell. Grew in *Mus. Societ. Reg.* p. 206. *Mehembetene like a Hasle in New Spain.* Differt tamen species sine capillis, ab altera capillata, quod illa duas cellulas habeat, in quarum singulis nucleus oblongus albus dulcisque; haec vero tres cellulas habet, in quibus nuclei totidem, ejusdem cum reliquis saporis colorisque. Vid. *Clus. Not. in Garc. ab Orr.* *Aromat.*

Hist.

FRUCTVS. T. VI.



Phaseolus Nigritarum.

Lobus Echinodes e Brasilia.
Stachelichte Bonen
aus Brasilia.

*Lob. membranaceus
niger*
Brasilische schwarz
heutige Bonen.

Lob. ex Uringandae.
Bonen aus Virginia

Leblab nig: et rubr:

Lobus ex Insul: S. Thom:
Bonen aus der Insel S. Thom:

Lobus Cartilagineus ex Ins: Mauriti:
Bonen aus der Insel Mauritijs.

TAB. VI.

LOBN MEMBRANACEA niger, Placenta Nodulosa
 esse videtur, et Cl. Breyer Cissa Brevis Glyceriaz folio minor te-
 dens spinosissima, flore luteo spicato minimo, stipula latissima echina-
 temerorendo cinereo, lineis circulisque cincto majore.
LOBN EX WINGENDEORUM, Americae velus septentr-
 onem tendentis Provincia ad Poli Arctici El. ionem XXXV. grad-
 bus sita, quam Angli Duce Walla Raleigh nesciam Virginiam nup-
 amulet loco gestantur in Mol. Kicher. Class. VII. n. 17.
 Il. cap. XV. p. 70. Rev. P. Bonnan. Bonnach ad instantibus Aegyptiis
 distict, noster quippe Clusiano minor. Vid. plura apud Cl. Exet. Lib.
 naceo sulco subrepente et frequenter spinulis hirsuto, magnitudine
 Plant. L. 18. c. p. 87. Constat autem hic Lobus Cornu membra-
 turatiss, latum, speciem antipodicum Cl. Rast. Hist.
 refrigerantibus ultra solium adhibitis vix cedebant. An passioles
 ardentissimas, pulvis exstant, quas vel optimis succis anodynis et
 cum echini et leae purissimas faciem et manus suas adeo insectant ut
 fulimus, videtur esse Alacuna species, de qua Placenta, quod lobo-
 lorum figura hic repertus abulit. St. Hort. Malabar. T. II. p. 37. con-
 Tab. II. Fig. 1. Phytograph. delineatus, nimum quantum a nostra Ber-
 teo, stipula magna multata. Sed ut verum fatear, Lobus, ad ipso
 Almagello est Acacia glorioa lentis foliis spinosa flore spicato lu-
 dis, echinodidis Glyceriazae folis. Excell. Placenta autem in
 Claviss. Breyer in Prox. descriptis, cernitur spinosus spicatus platylo-
 Bauh. in Pin. ad arborum exoticarum spinosissimis foliis refertur. A
 tanis, Mito de Praya, et reliquis Indis. BONDACH dicto. A Calp.
 ribus pullulante et jucunde viridante, Brastillibus Zinnabae, Lall-
 asperis echinato et vix tractabili in lyvis areolis et historiis sitim-
 illis, qui secundum Almagellum et Placenta crectis in Finibus
 OBON. haec Tabula conuocet, et quidem LOBN. ex. e. Bra-

Hist. Lib. I. cap. 26. et *Chabr. Stirp. Sciagraph.* p. 20. qui *Mebenbetene Cortusi* villosas et villis destitutas exhibet, aliasque adhuc Cortusianas ab Auctore nostro omittas substituit.

TAB. VI.

LOBOS haec Tabula continet, et quidem *LOBVM* ^{ἰχναῖον} e Brasilia, qui secundum *Marggravium* et *Pisonem* crescit in Frutice aspere echinato et vix tractabili, in sylvis arenosis et litoribus sitientibus pullulante et jucunde virescente, Brasiliensibus *Snimboa*, Lusitanis *Silva de Praya*, et reliquis Indis *BONDVCH* dicto. A Casp. Bauh. in Pin. ad arborem exoticam spinosam lentisci foliis refertur. A *Clariss. Breynio in Prodr.* describitur ceu frutex spinosus spicatus platylobis, echinoidibus Glycyrrhizae foliis. Excell. *Plukenetio* autem in *Almagesto* est *Acacia* gloriosa lentisci foliis spinosa flore spicato luteo, siliqua magna muricata. Sed ut verum fatear, Lobus, ab ipso Tab. II. Fig. 2. Phytograph. delineatus, nimium quantum a nostra *Besleriana figura* discrepat et abludit. Si *Horti Malabar.* T. II. p. 35. consulimus, videtur esse *Mucunae* species, de qua *Piso* narrat, quod lorum echini et setae pungentes faciem et manus usque adeo infecerint, ut ardentissimas pustulas excitarent, quae vel optimis succis anodynis et refrigerantibus ultra octiduum adhibitis vix cedebant. An *phaseolus Surrattensis*, summum specificum antihydricum Cl. *Raji* Hist. Plant. L. 18. c. 1. p. 877? Constat autem hic Lobus Cortice membranaceo fusco subrubente et frequentibus spinulis hirsuto, magnitudine differt, noster quippe Clusiano minor. Vid. plura apud *Clus. Exot.* Lib. II. cap. XV. p. 70. Rev. P. Bonann. Bonduch ab infantibus Aegyptiis amuleti loco gestari refert in Mus. Kircher. Class. VII. n. 17.

PHASEOLVS NIGRITARVM a *Clusio* pariter *Exot. L.* II. c. XI. fuse descriptus, est *Mucuna* secunda *Pisonis*, quae figura et forma imbellis apparet plana sinuosis oris, cortice non valde crasso praedita, externa parte nigro, non tamen adeo rugoso, (ut in Clusiana descriptione) tumenteque, qua parte Phaseoli inclusi, interna cinereo, cuspide longa et mucronata, dorso satis elato, in quo terni aut plures fructus, quibusdam velut cellulis distincti, orbicularis fere in plano formae, coloris fusci et tanquam annulo sive circulo totum paene ambiente.

LOBVS MEMBRANACEVS niger Flacourtii Voatalalae esse videtur, et Cl. *Breynii Crista Pavonis* Glycyrrhizae folio minor repens spinosissima, flore luteo spicato minimo, siliqua latissima echinata, semine rotundo cinereo, lineis circularibus cincto majore.


LOBVS EX WINGENDECOAW, Americae versus septentrionem tendentis Provincia ad Poli Arctici Elevationem XXXV. gradibus sita, quam Angli Duce *Walth. Raleigh* detectam, Virginiam nunc-


cuparunt, videtur esse *Mucuna Guaçu Pisonis* in *Historia natur. Bras. sil.* crescens ex arbore ejusdem nominis. Faba autem haec nigra pelle lapidis fere duritiei, pilis flavis molliter est vestita, manum longa et tres digitos lata. Vi effracta (nam dicitur a *Clusio* unciam densa esse, quo nomine vapulat *Mus. Societ. Reg. Angl. P. II. cap. V. p. 213.*) pulcherrimi globuli interstitiis divisi inde prodeunt tres quatuorve, punicei et rubri coloris, rotundi laeves, magno hilo. Venenatis fabis accensetur, qualitas tamen deleteria extinguitur, si in Aqua macerentur globuli.

LOBVS CARTILAGINEVS EX INSULA MAVRITII hoc nomine quoque a *Clusio* exhibetur; ab *Excell. Plukenetio* Tab. 213. Fig. 2. *Almag. p. 292.* autem dicitur Phaseolus Americanus frutescens foliis glabris lobis pluribus villosis pungentibus fructu orbiculari plano, hilo nigro, tanquam annulo totum fere ambiente. *Cass. Bauhin* in *Pin.* est lobus Cortice cartilagineo rugoso fusco duplici crista sinuosa donatus. *Joh. Bauhino* vero T. II. Libr. 17. p. 272. Lobus Cartilagineus ex Insula Mauritii phaseolo seu faba nigra; Ejus accuratam descriptionem dabit *Museum Wormian.* p. 198.

LOBVS EX INSULA S. THOMAE, est Lobus crassus Insulae S. Thomae *Clusii* duro crassoque Cortice constans, coloris e cineraceo fusci, de crasso pediculo pendens: videtur autem differre a Faba purgatrice et corde S. Thomae, cum figura Cor minime referat, et figura nostra plane non conveniat cum illa in Museo *Calceolariano* p. 601. Fig. VIII. exhibita. Vid. *Clus. Exot. Libr. III. cap. VIII. Mus. Worm.* p. 198. *Mus. Moscard. Libr. III. cap. 101. p. 259.*

LEBLAB NIGRVM et RVBRVM est Phaseolus Aegyptiacus semine nigro et ruffo C. B. P. vel Pisum Americanum coccineum, aliis *Abrus* J. B. vel *Arachus Indicus* sive Africanus Parkinsoni. Videntur tamen hae Plantae probe dividendae, cum *Alpinus* matrem hujus fructus arborem sarmentosam ad vitis magnitudinem crescentem, sarmentisque vitis modo se extendentem, *Clusius* vero cum *Excell. Rajo* Hist. Plant. libr. XVIII. cap. I. p. m. 388. et 389. contrarium sentiat. Siliqua, quam Auctor noster habet, spadicei est coloris foris, unciam aut paulo amplius longa, semiunciam lata, illaque aliquantulum plana, mucrone aliquantulum incurva, semina durissima ovalis figurae partim rubra, cum hilo eminenti candido, partim nigra, cum hilo quoque albo continentia. *Excell. Rajus* refert prorsus rubra et nitentia ac instar Coralii expolita illa existere, quae probe matura sunt, summa autem parte, qua siliquae inhaerent, omnino atra et prae laevore splendentia esse. Probe omnia expendentem crederem certe *Lablab Alpini* sive Pisum Indicum coccineum sive *Abrus*, plane diversas Plantas esse; quam tamen conjecturam nemini obtrudere cupio; in Museo quoque *Calceolariano* p. 585. aperte distinguuntur. Auctoris certe nostri





Nri figuram *Lablab* esse credimus. Confer. Mus. Moscard. Lib. III. cap. 103. p. 261. Rev. P. Bonann. Mus. Kircher. Class. VII. n. 19.

TAB. VII.

N. 1. **A**HOVAI fructus in Gazophylacio D. M. R. Besleri exstat, quem his Beslerianis rarioribus adungere placuit; nascitur hic fructus in Arbore *Ahovai*, a *Theveto* et *Lerio* primitus descripta, quam Arboribus pruniferis anomalis accenset Illustr. *Rajus*: Excell. autem *Tournefortius*, e *Plumerii* relatione, characteristicas attribuit Florem monopetalon, infundibiliformem, multifidum, e cujus calyce surgit pistillum, infimae floris parti adinstar clavi infixum, quod deinde abit in fructum carnosum quodammodo pyriformem, ossiculo foetum fere trigono, proxime accedens ad lit. Δ graecorum, nucleum condente; antea enim, priusquam hoc a *Plumerio* edocti sumus, ossiculum pro fructu habuere scriptores; quod praeterea durissimum est et tinnulum, unde a Barbaris tintinnabulorum loco usurpatur, et brachiis cruribusque circumdatur ornatus gratia, id quod e plurimis *Ahovai* ossiculis contextum, in figura nostra exhibetur, clavis etiam suis et securibus, aliisque instrumentis alligant. Arbor dicitur esse eximiae proceritatis Pyri majoris magnitudine, foliis semper virentibus et mali nostratis non absimilibus. Teterrium autem haec arbor spirat odorem, Allium e *Lerii* relatione superantem, ut si scindatur arbor, odor tolerari vix queat, propterea a barbaris ne ad pyras quidem usurpatur. Addo Coronidis loco, quae D. D. *Mich. Rup. Beslerus* in *Gazophyl.* huic fructui adscribi curavit: *Fructus arboris AHOVAI dictae mirabilis, cujus Nucleus praesentissimum est venenum, quod Indiarum Incolae in odio conjugali, viri uxoribus infensi et contra uxores viris indignatae propinare non verentur. Exemta medulla, fructus filo Xylino annectunt, unde ex mutua collisione, nolarum ac tintinnabulorum instar sonitum edunt, hinc in saltationibus, ad majorem animi hilaritatem excitandam cruribus ad texturam hanc secundum naturalem magnitudinem affabre delineatam, alligare consuevere.* Confer. Mus. Moscard. Lib. III. cap. 96. p. 256. Add. de Fructu *Ahovai*, in Lapide fissili *Manebachensi* expresso, Dn. *Mylium in Saxon Subterr.* pag. 30.

N. 2. **RAMVS** hic ex eodem Gazophylacio Besleriano depromtus, his verbis describitur: *Racemus insignis Anno 1641. ab Arboris trunco recisus botrum magis repraesentans, a qua prunorum Myrobalanorum, numero Centum et viginti dependebant, visu mirabilis; ponderis tres civiles Libras et $\frac{1}{2}$.*

N. 3. **NINZIN** *Sinensium et Japanensium Panacea* est, cujus primam mancam licet mutilamve notitiam dedisse nobis videtur *Celeb. Wormius in Museo*, et *Cl. Piso in Aromat. Mantiss.* Mira de hac radice referunt, quae fidem paene praesertim circa perennitatem vitae, su-

perant; habet tamen congruentia quaedam cum fabulosa illa herba *Achaemenidon* sive *Achaemenis*, de qua *Plinius Libr. XXIV. cap. 17.* Varia radice hujus nomina, dicitur quippe Sinensibus *Gin Sen* Excell. *Menzelio* e textu Sinensi interprete *Dec. II. Ephem. Nat. Cur. Ann. V. observ. XXXIX.* ex hominis comparatione sive similitudine, quod radix haec cum hominis effigie comparatur, *Gin* enim hominem, et *Sen* comparationem significat; E quo vocabulo detortum *Gensingh*. Solertissimus *Kaempferus Amoenit. Exot. Fasciculo V. Class. III.* plura plantae nomina suppeditat, nempe *Sjusjin*, vulgo *Nissi*, *Nindsin* et *Dsindson*, item *Som*. Tartarice *Sonsai*. Nominum varietas peperit quoque sententiarum discrimen, cui Plantarum generi accensenda foret. Sic *Wormius* ad *Eryngia*, plures ad *Mandragoras*, nonnulli ad *Petroselinii radices*, Cl. *Kaempferus* denique ad certum genus retulit, et *Sisarium montanum* *Coraeense*, radice non rubrosa pronuntiavit. *Coraeense* vocavit, quod in *Coraeae* Insulae montibus et *Cathajae* Provincia *Sjamsa* ut plurimum crescat. *Mart. Martinus in Atlant. Sinico*, regio illo opere, radice hujus in descriptione regionis *Jungping* meminit: *David. P. Kircherus in Chin.* Provinciam *Leatoung* Orientem versus *Coraea* sitam, (per quam Provinciam Tartari, Sinensis nunc imperii Domini, primum sibi aditum pararunt,) nutriculam hujus radice statuit, et hac parte consentientem habet *P. le Comte in Itiner. Sinic.* quibus *Dion. Cao* ipse *Sinensis in descript. Patriae* pariter accedit. In Hortis urbis *Macao* coli et magis quam in ipsa Patria luxuriare, sed virtute fere exortem esse, toties laudatus *Kaempferus* testis est, hinc probe a vera *Coraeana* sive *Sinica* discernendam esse *Japonicam* radicem, optime monet diligentissimus *Breynius* in eruditissima *de Gin-Sen sive Nisi habita dissert. Lugd. Batav. 1700.* qui radicem sequentibus optime describit, ac potius *Petroseliniquam Pastinacae* (ad quam Excell. *Rajus* retulit) illam similem credit, longe tamen minorem, coloris tam interne quam externe e flavo albescentis, teretem praeterea, rugosam, compluribus fissuris subtilissimis fuscis imprimis in Suprema radice dense circinatam, ac *Mandragorae* tandem de more plerumque in duos, (ut in nostra hac figura,) quos crura diceret, rarius in tres divaricatur ramos, si vero, quod rarissime contingit, in quatuor, ut ita non tantum crura, sed et brachia referat humana, unica radix teste Cl. *Rumphio* in *Ephem. Nat. Cur. Dec. II. Ann. V.* a Magnatibus Sinicis aliquando, centenis redimitur imperialibus, et Laris instar colitur. Substantia *Paeoniae* radicem solidiore, constat. Si transversim dissecetur, circulus in medio apparet resinosus, rufescens. Parte infima saepius aliquantulum diaphana est. Sapore praedita est dulci ad *Glycyrrhizam* vergente, quanquam longe suaviori cum levi amaritie, et occulta sive leviori vi aromatica linguam blande excalescente, conjuncto. Odorem pene nullum; digitum longitudinem, crassitiem auricularis rarius obtinent, plures multo breviores, calami majoris crassitiem vix excedunt. *Japonica radix Ninsin* circularibus

istis lineis in *Coraeensi* indigitatis paene caret; intus alba et minus solida est, saporeque et virtutibus magis destituitur. Plantam radice secundum omnes partes accuratissime, uti solet, descripsit *Kaempferus*, uti et colligendi et praeparandi modum. *Vires* attribuuntur hyperbolicae, esse tamen optimum virium amissarum restaurans, inque febribus malignis herculeum remedium, nemo, qui radicem exhibuit negabit, optimusque *Parens* laepius illud *Martini* de hac radice, aeternae veritatis esse fassus est: moribundis ita vitales quandoque vires reddere, ut saepe illis adhuc tempus sit sumendis aliis medicamentis, sanitatique recuperandae. Plura de hac radice praeter jam citatos Auctores *Illustr. Redi Experim. circa Res Natur. ex Ind. all. Excell. Valentini in Museo Museorum; Ephem. Nat. Curios. Ann. IV. Dec. II. Observ. II. cum eruditiss. Scholio Magnif. Praesidis, Cl. DEKKERVS Exercit. pract. p. 667. Cl. Hermannus in Cynosur. Mat. Med. Pomet l' Histoire generale des Drogues in App. p. 4. Helvetius dans le Traitté de maladies les plus frequents, et des Remedes specifiques &c. in fine suppeditant.*

N. 4. 5. 6. 7. *IPECACOANHAE RADICIS* frustula sunt, celebratissimae illius Dysenteriae victricis, quam primitus *Clusius* in *Monard. simpl. Medicam. Histor.* sub nomine *Bexugo del Peru*, (hinc adhuc hodie *Bexugillo* dicitur;) post illum *Duumviri Brasiliensis Historiae* solertissimi *Piso* et *Marggravius* fusius exposuere, et publico notitiam medicaminis hujus vere incomparabilis dedere. Siluere tamen a tempore horum Auctorum encomia remedii optimi, usque dum in Gallia, occasione Centum et quadraginta radice hujus librarum a Mercatore Gallo *Dn. Grenier* allatarum, et cum *Dn. Hadr. Helvetio* Ducis Aurelianensis Archiatro divisarum, dissidium ob lucrum inde haustum, ortum, in gloriam *Ipecacoanhae* et tot aegrorum salutem vergens; quae de re vid. *Illustris Leibnizius, miraculum seculi nostri, in Relat. ad Societat. Nat. Curios. Leopold. Imperial. de novo Americano antidysenterico.* Habebatur a plurimis *Cl. Helvetius* ille ipse, qui primitus ad dysenteriae diras abigendas hoc remedii genus produxerit, *Pometus* tamen dans *l' Histoire generale des Drogues* aliud evincere videtur ostendens, hanc radicem viginti et plures annos prius extitisse in officina Pharmaceutica *Dn. Claqueueller*, quam ab *Helvetio* in usum vocata fuerit. Dividitur autem radix haec in gryseam sive cineream, subnigricantem sive fuscam et albam a materiae Medicae scriptoribus, quibus flavescens non geniculata addi potest, de qua *Excell. Rajus* ex relatione *Dn. Sherardi, nationis Anglicae Smirnenfis Consulis fulgidissimi*, quaedam retulit. Matrem agnoscit haec radix periclymenon parvum *Brasilianum alexipharmacum* *Excell. Plukenetii in Almag. Botanico; a Morisone in Histor. Plantar. Oxoniens.* dicitur *Periclymeno accedens Planta Brasiliana, flosculis congestis albis*, ab *Illustr. Rajo* autem *Herba Paris Brasiliana polycocos sive racemosa*, unde ab *Herba Paris dicta* differt. Stupendae Radicis hujus vires in depellendis cruentis alvi fluxibus ansam dedere,

ut Excell. *Valentini* peculiarem hac de radice dissertat. conscripserit, editam *Gieff. Hassor. Anno 1698.* Hunc securus Cl. Dn. *Leinker*, practicus in patria hac urbe felicissimus, disputationem inauguralem Jenae sub *Wedeliano* praesidio Anno 1705. defendit de *Ipecacoanha Americana et Germanica*; quibus binis dissertationibus omne id continetur, quicquid hac de radice dici potest, ut, ni *Illada* post *Homerum* scribere velim, nihil mihi reliquum, quam ut *Coronidis* loco cum Excell. *Hermann*o definiamus *Ipecacoanham* esse radicem digitum et amplius longam flexuosam calamo tenuiorem, nodosam et quasi geniculatam, in superficie ex numerosis circulis vel annulis exasperatam, foris fuscam, intus pallidam vel buxui coloris, saporis subacris amaricantis et ingrati quodammodo nauseosi. Constat blando sale volatili, et vis ejus in cortice consistit, qui quo recentior, eo quoque potentior. Vid. praeterea *Pometi l'Histoire generale des Drogues* p. 46, 47. et in App. Cl. *Dekker Exercit. Pract.* p. 281. et imprimis *Helvetius Traité des maladies le plus frequentes, et de Remedies Specifiqu.* p. 157. Edit. Eyben. Belgicae.

N. 8. 9. 10. 11. et 12. Varias *FABAE S. IGNATII* vulgo dictae, proles *Cucurbitiferae Malabathri foliis scandentis Catalongay et Cantara Philippinis Orientalibus appellatae.* E mente *Camelli* nux haec *Vomica legitima Serapionis* *Igasur* denominata. *Nuclei Pepitae de Byssayas* aut *Catbalogan*, item *Managog*, id est, victoriosi nuncupati, teste Excell. *Plukenet. Almag. Botanic. Mantiss.* Investiantur lanata quasi tunica, quae dum in aqua macerantur, secedit, et substantiam sub se monstrat nodosam, durissimam, diaphanam ac quasi corneam, quae in rasuram melius ac citius quam in pulverem redigi ac comminui potest; coloris inter album et glaucum, saporis intensius amaricantis, ad *Centaurii* minoris amarorem accedentis, quae tamen non impedit, quominus a vermibus, ut n. 10. apparet, arrodatur. Internam structuram quod attinet, patet ex n. 12. aliquali medulla haec concreta non destitui, indeque e fabarum consortio relegantur. Vires assignantur his *Serapionis* legitimis nucibus vomicis alexipharmacae, et virtus quartanas, nulla alias arte superabiles, abigendi; dum vero vertiginem producant, et ad vomitum stimulant, angvem in herba latere docent. *Acta Anglicana* primitus hujus remedii Anno 1699. postea *Acta Eruditorum* Lips. Anno 1700. Mens. Decembr. meminerunt; denique Excell. *Valentini* in *Polychrestis Exot. Diss.* fusius has *Serapionis* vomicas et in *Mus. Museor.* descripsit; add. Rev. P. Bonan. in Museo Kircher. et passim alii.

N. 13. Novum Americanum calculi remedium sistit *PARREIRAM BRAVAM*, natam *Caapebae Bryoniae et Smilacis asperae* affinis Plantae, Sororem radicis di *Nossa Senhora*, a qua non nisi ratione aetatis indeque dependentis magnitudinis fibrarumque duriæ differt; brachium haec radix saepius adaequat mole, cutis ejus aspera, coloris nigricantis, eminentiis interdum non tamen in omnibus praedita. Saporem habet γλυκύπικρον, odorem, si blando calori admoveatur, liquiritiae aemu-







aemulum. In omnibus *calculi affectibus* specificam possidet leniendi et evacuandi vim, dum viscida incidit, attenuat et per Vrinam eliminat, hinc in *Asthmate* quoque laudatur quam maxime. Plura non addo, cum *Parens dilectiss.* luculentum hac de radice ediderit Schediasma Centur. I. et II. Ephem. Nat. Curios. annexum, in quo, quae radicem hanc concernunt, collegit.

N. 14. et 15. Radices sunt *MVNGOS* vel *MONGVS*, ab animalculo musteliformi sic dictae; crebro vagoque flexu intortae colubrino schemati accedunt, cortice firmiter adnata fungosa, rufa, rugosa, substantia lignosa, dura, fibrarum exorte et fragili, coloris albidus, saporis amarissimi, gentianae instar, sed subtilioris et haud aequae ingrati, a quo amarore nomen Malaicum *Hampaddu. Tanab* i. e. *FEL TERRAE* obtinuit. Planta eminus conspecta faciem exhibet *Centaurii minoris* secundum Excell. *Kaempfer*. in *Amoen. Exot. Cl. Rumphius* tamen et *Herbert.* de *Jäger Clematiti Indicae foliis Persicae fructu Periclymeni* vindicant. Exploratum haec radix antidotum contra Venenum serpentis *Cobra di Capellos* dictae; maxima radiculæ celebritas enata a virtute, quam adversus toxicum *Macassarense* exitiale praebet, cui veneno ante radicis hujus notitiam debellando, nullum aliud remedium, quam *Stercus humanum exsiccatum* supererat. Felicissime quoque haec radix nunc exhibetur in *febris malignis*, inprimis in *purpura puerperarum*, huicque analogo affectu, ceu multiplici edoctus experientia testatur *optimus parens in Mungo Animalculo et radice descript.* et Cent III. et IV. Ephem. Nat. Curios. Append. annex.

TAB. VIII.

HAs quas junctim exhibemus *AVIVM SPECIES*, in tot Tabulis separatim exhibuit Excell. *Mich. Rup. Beslerus* in *Gazophylacio suo*. Natantes et Aquae adstantes aeri incidi curavit, quod in Agri nostri fluentis, tanquam insolitae et nunquam his in terris nostris visae hospites comparuerint.

Et quidem quod sub N. 1. delineatum *CORVVM AQUATICVM* attinet, ille Anno O. R. MDCL. in vivario publico, quod ex duodecim in unum confluit, hincque nomen Dutzetteich ipsi impositum, a viro, cui cura lacus hujus commissa, dum piscibus insidias strueret, globo trajectus est. Ab Excell. *Charltono Phalacrocorax* vocatur, licet alii corvum hunc Aquaticum a Phalacrocorace distinguant, ut apud *Jonstonum* de Avibus Libr. IV. cap. V. p. m. 131. patet. A *Clarissimo Rajo* in opere *Willugbejan. de Avib. Libr. III. Sect. II. Membr. I. cap. 3.* referatur inter aves palmipedes tetradactylas, quibus digiti omnes membranis intercurrentibus connexi sunt. Vocatur Anglice *Cormorant*, in Cornubia autem, Excell. *Charltono* teste, *the Shagge*. In rupibus *Prestolmae Insulae* prope *Bellum* mariscum hujus corvi nidum, et complures

H

alios

alios in excelsis illis arboribus prope Sevenhuysen in Hollandia reperit *Generosiss. Dn. Willugbejus*; idque notatu dignissimum reputat, cum praeter hanc et Graculum palmipedem sive Corvum Aquaticum minorem, nullam avem palmipedem noverit Arboribus insidentem, nedum in iis nidulantem. *Cl. Sibbaldus in Prodom. Historiae Naturalis Scotiae P. II. Libr. 3. cap. VI. in rupibus aestuarii Forthae frequentes corvos hos marinos stabulari refert. In agro nostro rara certe avis*

Nigroque similima Cygno.

In reliquis tamen Germaniae provinciis illam repertu dari, nomen evincit, ubi *Seerab* vocatur, et detorto forte ab hoc vocabulo nomine *Scherben*/ quamvis aliam plane hujus nominis Etymologiam apud *Cl. Joh. Fabr. Schol. in Animal. Novae Hispan. Nard. Ant. Recchip. m. 694. inveniamus*; cum enim Avis haec Carbonem Aquaticum Alberti credat, nunc *Scharbum* dici putat a Corvo, qui Italis *Corbo* et *Corvo* dicitur, vel ab atro *Carbonis* colore, nam Galli *carbonem* vocant *Charbon*, in qua sententia etiam *Albertus* fuisse videtur, Carbonem Aquaticum hanc avem nominans, vel ab acumine marginum rostri ejus; nostri Germani enim acutum dicunt *Scharff*. Conjectura minus absona, quam si vocem *Cormorant*, quis per *corvum morientem* interpretari velit, quod tamen *Cl. Claudio le Fevre* Parisino placuit, a quo dum Sequana Parisios inundaret, horum corvorum Aquaticorum haud pauci observati. *Magnitudine avem* ad Anserem accedere statuit *Ill. Rajus*; longitudinem quatuor et amplius Spithamarum tribuit *Generos. Eques Cassianus a Puteo*, qui insuper de colore scribit, nigrum in hoc praepollere, nisi quod Capitis vertex capillatus, colli supremi mediocris portio, et sub capite ad rostri principium plumae albescant, macula inter hanc albedinem nigriuscula et non parva interclusa. Sub ventre quoque ad crura praecipue candidae sunt pennae; reliquae corporis omnes nigricant, verum non tam saturo atroque colore, ut in corvis nostris, sed aliquid cinerei subobscuri atroque rubentis et in collo subcaerulei admixtum. *Ora pennarum in cauda* quoque albet, quae palmum et dimidium longa ultra pedes extenditur, extrema circumscriptione cum expanditur subrotunda, interius concava, pennae 14. constat rigidis et duriusculis, nullis ei neque in prona, neque in supina parte incumbentibus longioribus pennis. *Rostrum* (in nostro quatuor digitos et quod excedit longum) luteolum, et hoc peculiare obtinet, quod superior ejus pars in fine, ut e figura expressa elucet, acumen habeat, quo unco veluti harpagone acutissimo, ad extrahendos firmandosque pisces dexterrime utitur. *Mandibula* superior nigra marginibus acutis; mandibulae inferioris margines compressi, lati. *Oculi* propius ad aperturam oris siti sunt, quam in aliis plerisque avibus, iridibus cinereis. *Lingua* exigua et fere nulla. *Gulam* patentissimam habeat oportet, cum haec quatuor et sex etiam mediocrium piscium priusquam in ventriculum detrudantur, capax existat. *Ventriculus membranaceus*, superior ejus pars

glan-

glandulosa densa. Intestina longa, aliquot vicibus revoluta. *Appendices* seu *caeca* perexigua, secundum *du Hamel Reg. Scient. Acad. Hist. L. I. Sed. XI. cap. IV. p. 135.* nulla plane. *Hepar* ei amplum, in duos divisum lobos, quorum dexter major. *Pediculis* pallide ruffis, qui in medio dorso magnam maculam nigram habet, infestatur. *Crura* valida, brevissima, crassa, lata, et compressa saltem in junioribus. *Pedes et Ungues* nigri, cute tecti in squamas non integras sed cancellatas divisa. *Digiti* quatuor, omnes antici lata et nigra membrana simul juncti, extimus longissimus est, reliqui ordine breviores. *Medii unguis* parte interiore ferratus est. *Structura* haec *pedum* natationi visa est maxime accommodata: triplici enim membrana quatuor *digiti* una colligati aquam magna facilitate retrorsum agunt. Quin etiam, *Gesnero* teste, pede altero praedam sursum vehunt, cum interim *pedum* *digitis* et membranarum introrsum deflexis aquam sub ventre recta pellunt; nec corpus huc illuc deflectit. Secus eveniret, si *digiti* extrorsum prominere: tum enim idem accideret, quod in scapha cernimus, dum uno duntaxat remo impellitur; ea quippe in orbem agitur, non recta promovetur; ac *pedum* brevitatis huic quoque rei servit. Nam si pes longior esset, obliquus magis foret natatus, ac pes non recta ventri subjectus, facile huc illuc deflecteret. Haec ingeniosiss. *du Hamel. l. c.* qui plurima insuper de structura interna partium avis hujus retulit. *Hodoeporicorum* *Scriptores Indici*, quomodo corvi hi aquatici ad piscium praedam assuefacti sint, referunt, sed non opus est, ut in Indiam recurramus, cum *Anglis Gallisque*, imo *Germanis* quoque nostris, hoc artificium non lateat, et corvos piscationem edoctos, ab *Eminentissimo Celsissimo* quodam *Electore Viennae* missos, hac in Urbe ante aliquot menses conspexerimus.

N. 2. Exhibet *Gallinaginem sylvestrem Aquaticam*, a nemine nomine hoc descriptam. Rostrum si exceperis, plurimum cum *Ciconia nigra* a *Generos. Equite Cassiano a Puteo* descripta convenit. Hanc Auctor noster *Tabellae* descriptionem subjunxit. *Rara haec Avis est in locis paludosis victum quaeritans, colore atro et ruffo, per totum corpus instar holoserici splendescente, rostrum oblongum quodammodo incurvum, crura alta et fusca, digitos longos habet.*


N. 3. Quam Auctor singularem *HIRUNDINIS Aquaticae* exoticae speciem exhibet, nihil ferme cum *Hirundine* commune habet, ideoque notatus ab *Excellentissimo Rajo* in opere *Willugbejano de Avibus*, et jam olim a *Wormio* in *Museo* p. 306. Qui *Colymborum* generi asserit, et *Avem* hanc apud nos hic alias incognitam, in *Pegnese* tamen captam, *Colymbum Arcticum Wormii* *Lumme* dictum credit, cujus *Carolus Clusius* in *Auctario*, et multo fusius *Excell. Wormius* in *Museo* meminit. Addo Auctoris nostri *M. R. Besleri* verba, e *Gazophylacio* avi huic suffixa: *quis non in volucris palustri summam colorum varietatem miretur: a capite enim inchoando superior pars candet, infe-*

rrior floccorum nivis instar albicat, in dorsi principio pennae duae nigricantes, albis punctis distinctae exurgunt. Alias dorsum univcrsum, una cum cauda ferruginei coloris, alae quidem nigricant, punctis tamen niveis ornamenti instar distinguuntur. Pedes exporrecti subfusi coloris, rostrum nigricans ad subulae formam effigiatum, quo pisces quasi hamo excipere solet. In Figuris aeri incis; quarum titulus: *Oyseaux de la Menagerie de Versailles* Tab. 6. haec avis quoque delineata, sub nomine *Plongeon de la mer echiquete*.

Quam N. 4. sub nomine *ADMIRANDAE AVIS CUCULATAE AQUATICAE* exhibuit Cl. *Beslerus*, videtur esse *Colymbi Cristati* species, a nemine hactenus, quam Auctore nostro et post illum a Cl. *Wormio* sub nomine *Colymbi Cristati* sive *Auriti* descripta: verba e *Gazophylacio* jungo: *Animal hocce capite monstruosum, in aquis natare, ex decubitu naturali conjicere licet. Comam quam in fronte cernis ferruginei coloris; ex parte maxillarum, plumae flavescen-tes repullulant, quae in extremitate nigriores factae, circulum egregie repraesentant. Collum cum Ventre albicat, dorsum cum Alis cineritii est coloris, extremitas tandem in albas desinit plumas, pedes cum adnatis membranulis, semicirculis distinctis albicant, ubi in quolibet Pe-de unicum tantum unguem animadvertere licet.*

TAB. IX.

N. 1. **L**ectorum oculis exhibetur *AVIS* illa *PARADISIACA* sic dicta, vel ob Colorum venustatem corporisque speciem, vel quod ubi locorum nascatur, unde venerit, quo se recipiat, hactenus non certo constet. *Manucodiata* dicitur secundum *Excell. Valentin. in Museo Museorum*, a vocabulo Moluccano corrupto *Maotto Tirvata*, quod *Dei avem* denotat. Vocatur pariter *Apus Indica*, quod illam pedibus destitui crediderint *Historiae naturalis* scriptores alias diligentissimi, tanto hoc deliniti praejudicio, ut incomparabilis alias *Aldrovandus Antonio Pigasetae*, qui primus hujus *Avis* notitiam Europae nostrae dedit, dicam scribere non erubuerit, quod avi huic tribuerit pedes, id quod Auctori quoque nostro contigit, qui *Avem Paradisiacam* apodem pronunciavit, quo nomine et Firmamento *Sobiesciano* sive *Vranographiae Ill. Hevelii* illata, plurimisque stellis illustrata cernitur. Pro *Epicheremate* quoque *Apus* fuit *Laur. Pignorio*, cum inscriptione: *TELLUREM PRESSISSE PVDET*. Nec hic substitit error, peperit plura credendi levitas de hac ave figmenta, quae recensere, refutare est; eam scilicet caelesti rore nutriri et vivere, cum ex avium rapacium sit genere; perpetuum exercere volatum, nec nisi alis in sublimi expansis acquiescere, nunquam vivam capi, sed mortuam tantum in terras praecipitari; dari in masculorum dorso cavitatem quandam, in qua foemellae, quibus venter etiam cavus sit, ova sua deponant, atque







atque ita utriusque cavitatis auxilio, ea incubari, quae otioforum credulorumque hominum commenta non tantum ex *Joh. de Laet, Clusio, Wormio, Marggravio*, imprimis autem *Bontio*, fabulosa esse probat *Excell. Rajus* in opere *Willugbeij. de Avibus*, sed et veritatem ex avibus integris allatis pedibusque instructis evincit. *Bontii* locus omnem dirimit litem *Histor. natural. et Medic. Ind. Oriental. Libr. V. cap. 12.* Tantum abest, scribit, has Paradisi aves vel pedibus carere, vel Aëre nutriri, ut unguibus incurvis et peracutis parvas aviculas *Chlorides*, *fringillas* et similes venentur, easque mox sicut reliquae rapaces aves devorent: ut nec illud verum sit, eas non nisi mortuas inveniri, cum et Arboribus infideant, et sagittis a *Tarnacensibus* figantur; unde etiam a celeret reciproco volatu *hirundineo* *hirundines Tarnacenses* ab Indis vocentur; *Vid. quoque Rev. P. Bonann. in Mus. Kircher. Class. VII. n. 9. p. 227.* Quid de ave hac *Cl. M. R. Beslerus*, in *Gazophylacio* habeat, recentebimus: *Pennarum*. scribit, *ambitus discolor est, sed admodum venustus, plumae enim superiorem capitis partem exornantes sunt molles, tenuesve et ex cyaneo mire virides, quae mentum tegunt spissae, colore luteo egregie micantes. Rostrum hirundini prolixius, corporis moles tota pennis fulvis in rufum vergentibus obducitur, quae in pectore et ventre collocantur latissimae, colore nitidissimo fulvae sunt. Alarum Pennae inter nigrum et rufum fulgent: Dorsum fila gemina anne-* suntur tres palmos longa, nec exacte rotunda, nec perfecte angulata, sed media figura, nec nimium crassa, nec summe tenuia, verum sutoris filo haud dissimilia, fila tamen bina nigredine splendent. Pedibus carent. Haec Auctor noster, cui error de pedibus eo magis condonandus, quod cum maximis viris errorem hunc erraverit. Quod autem fila illa siue cirros attinet, nil aliud quam pennarum scapos plumis destitutos iudicat *Excell. Rajus*, illosque vim ullam musculosam obtinere asserit. Addit tamen optandum esse, ut qui *Indiam Orientalem* adnavigant, easve regiones petunt, in quibus *Manucodiatæ* inveniuntur, ab incolis diligenter exquirerent, ubi et quomodo nidifcent, cuique usui inserviant tum pennae illae longissimae, e lateribus pectoris hinc inde magno numero enatae, quae tum ultra caudam in longum aliquousque procurrunt, tum in latum diffunduntur, tum praecipue scapi illi longissimi supra didi, quorum usus, ut verum fateamur, nobis hactenus incompertus est.

N. 2. *MANUCODIATA*, Regis titulo insignita exhibetur, quae rarissima Avis cum e *Besleriano Museo* in *Maenlinianum* delata, cum illo ex urbe hac aliorum venit. Interim delineatio cum illa *Marggraviana* optime convenit, ex descriptione, quam *Cl. Herbertus de Jäger* apud *Excell. Valentinum* in *Museo Museorum* dedit, suppleta. *Arouensis Insulae*, a nova *Guinea* 20. circiter milliaribus distitae, imperio hodie *Bantamensi* subjectae incola est. Caput illi parvulum, summitas coloris miniati, collum digitum longum, coloris cum cervice sanguinei; oculi parvuli, cum macula nigra; pectus plumulis

castaneis ad griseum accedentibus obsitum, apparet inibi semilunaris macula, e plumulis subtilissimis holosericum aemulantibus, coloris ex nigro splendenti viridique caeruleoque mixtis. Rostrum rectum, satis crassum, acuminatum, sesquidigitum longum. Colore ex viridi et caeruleo mixto, versus acumen tamen albicans. Corporis autem longitudo a collo ad caudae exortum vix trium digitorum et semis. Alae supra septem longae. Cauda lata et sex digitos longa. Ala et cauda pennas habet latas et fortes, d giti latitudine. Totum dorsum, infimus venter, alae, cauda, elegantis sunt brunni coloris. Sub alis in lateribus inter alas et crura exoriuntur multae pennae pedem plus vel minus longae, elegantis structurae, quae supra caudam longe extenduntur. Inter has pennas duo quasi fila extenduntur, totius aviculae adaequantes magnitudinem, prope exortum flavi seu aurei coloris, ac versus extremum incurvata umbilicataque, secundum Marggravium obscure brunni coloris, secundum Herbertum de Jäger autem coloris Smaragdini in citrinum desinentis, ex minimis contexta plumulis, elegantissimae structurae, id quod maximam in pulcherrima hac avicula meretur admirationem. Pedibus minime destituitur, quod *Cl. Olearius* in Itiner. Ind. Mandesl. L. 3. voluit; sed si *αυτόπτην Marggravium* audiamus, habet duo crura, quodlibet inferius duos digitos longum; quatuor digitos in pedibus, tres antrorsum, unum retrorsum versum more communi: medius anteriorum paulo longior caeteris; posterior etiam satis longus; quilibet ungue lunato, seu adunco, accipitrino, forti praeditus. Suntque crura et pedes satis crassi ac ad rapinam comparati.

N. 3. *MONSTROSA HAEC* avis in Museo *Basil. Besleri*, quod ad *Dn. Engellandium* haereditatis Jure devolutum, conspicitur, licet rostro arte corpus affictum sit. Monstrat autem avem a variis nationibus varie appellatam. A Brasiliensibus vocatur *Toucana* Plumis nigris, quibus ad saltandum utuntur; Peruviani *Tacataca*, a continuo percussione arborum sono, qui Tac Tac est, appellarunt; hinc non invenuste Hispani vernaculo sermone suo pariter hanc avem *Carpintero*, hoc est, *fabrum Lignarium* nominarunt. Mexicanis, Nierenbergio teste, *Xochitenacatl* dicitur; Oviedo *Picuto*, et quidem secundum *Joh. Fabrum Lynceum* non a Pica vel Pico, quarum generi avis haec accensetur, sed a rostro, quod Hispani suo idiomate *Pico*, et Itali *Becco* appellitant. Accensetur alias ab ornithologis *Picarum* familiae, quod post diligentissimum *Aldrovandum* etiam ab Excellentissimo *Rajo* in opere Willugbeiano factum; modo citatus autem *Jo. Faber Picis* potius *Martii* annumerat, idque sumptis rationibus ex nidi figura, locoque, ac pedibus firmat. Quod ad pedes, suboluit Excell. *Rajo*, quod res est, qui descriptioni avis hujus ex Aldrovando desumptae, haec adjungit et notat: *suspicio ego digitos pedum in hac ave, Picorum more dispositos esse, nimirum binos ante, totidem retro; nam et talis est conformatio pedum Aracari Marggravii, avis huic simillimae; Aldrovandus vero rostratae huic Avi in*
omni-

omnibus Iconibus tres digitos ante, et unum pro calce appinxit. Abstineo a longiori Avis hujus descriptione, rostrum tantummodo avis consideraturus, cum reliquum corpus in *Museo Besleriano* huic avi affictum; et a *Carolo Antonio a Puteo* Equite doctissimo, ex viva ave, quam ipse apud Galliarum Regem in Fontebellaquensi atrio optime delineatum, quod expositioni in Animalia Novae Hispaniae *Nardi Antonii Recchi* inseruit toties citatus *Joh. Faber Academ. Lync.* Rostrum igitur huic avi admodum latum, palnum fere unum et duos longum, ab inferioris partis initio ad superioris extremitatem dimensum. Inferior pars ubi crassior est, videlicet prope oculos, duplo minor est superiori, et prope finem, ubi recurvum est, etiam triplo. Substantia tenuissima licet, ossea tamen, splendida, levissima cava, atque Aëris intus capacissima, ideoque naribus praeter reliquarum avium morem carere quis crediderit. Siquidem tenuitatem ejus Aër facile penetrare potest. Nam siquid aperti in eo natura molita fuisset, id extrinsece fracturae rostrum obnoxium reddere potuisset. Vnde fortassis etiam velut quibusdam dentibus instructum esse voluit, quos ita disposuit, ut rostrum omnino claudi nequeat, aërisque ingressum facile admitti. Est autem ferratum, et velut e squamulis quibusdam compositum, quae unguibus nullo negotio divelluntur. Color rostri secundum *Aldrovandum* flavescit, sed in infima magis quam in supina parte. *Carol. Anton. a Puteo*, superiori sua parte, ubi Capiti adhaerescit, viridiusculo colore tinctum esse, et ex eodem virore ad acumen lineam producere refert, inferiore vero parte capiti quoque commissa caeruleo lucens colore. Totum reliquum rostrum instar ligni serpentini atro rubentis intercurstantibus nigris maculis ac lineis quamplurimis pictum. Interna sua parte croceo versus extremitatem tamen caeruleo fulgebat colore. Promeruit Avis nostra *Tacataca*, ut cum ramo myristicae Arboris, quem rostro tenet et quam arborem saepius forte pulsat, sub nomine *Anseris Americani* vel *Toucan*, e novem stellis fixis constans, *Firmamento Sobiesciano* inter *Phoenicem Eridanum*que infereretur. vid. *Prodr. Astronom. cum Catal. Fixar. Illustri Hevelii* p. 119. et 320. Reverendiss. *Anton. a Burgundia* in *Linguae vitiis et remediis* Emblematicè expressis, pro lingua jactabunda exprimenda, Ave *Toucan* utitur, hoc lemmate: *Minor ore suo est*, et addita explanatione:

Barbara Pica, suo minor ore, (ita testis Vlysses)

Non habitat terras, Belgica Nympha tuas.

Errat bucco sui minor est dum laudibus oris;

Belgica nonne suo pica sit ore minor.


ubi per *Vlysses*, *Aldrovandum*, per *Bucconem*, hominem tumentibus buccis sive jactabundum intelligit. Traditur a nonnullis, hanc avem esse *Piperivoram* sive *Piperis* voracissimam, sed ab Americanis amicis, qui-

bus familiariter usus fuit *Joh. Faber*, nil resciscere hac de re potuit, ut non sine ratione hoc de asserto dubitet; magis adhuc dubiae veritatis erit *Ambrae gryseae excretio per inferiora hujus Avis*, quam sub nomine *Aschibobuch* intelligere videtur *Megiserus in descript. Insul. Madagascar*; id quod lepidissima expressit *Joone Klobius de Ambra. p. 41.* Commemorant hanc avem in Aëre visam, cum Christiani Anno 1571. ductu *Johannis Austriaci* ad Naupactum sive *Lepantum* in sinu Corinthiaco, celeberrima illa navali pugna Turcas superarent, ac in ipso volatu telo confossam, in pugnantium globum decidisse. Vid. plura alia curiosa hac de Ave in *descript. Musei Academici Lugduno-Batavi*, in quo Rostrum hujus avis obvium. Vid. quoque *Olear. in Mus. Tab. XIII. n. 7.* et *Pettiver in Gazophylac. Art. et Nat. 44. 13. c. 523.*


N. 4. *CAPUT ROSTRUMQUE PLATRINCHI* a *Gesnero Wormioque* optime descripti, quae avis, quod rostrum cochleare figura referat, Germanis *die Löffel-Gans* / Anglis *the spoon-bill'd Duck* dicitur. Apex partis superioris rostri vel incuria vel temporis longaevitate abrupta, ut dubium mihi injecerit, an caput hoc rostrumque non extiterit *Phasiani marini* ab Excell. Charltono in elegantissimis Exercitationibus de Differentiis et Nominibus animalium, accuratissime descripti, cujus Phasiani rostrum ad extremitatem instar cochlearis quoque expansum compressumque; sed cum Apophysis incurva desit, anceps haereo. Simile caput avis vid. apud *Olear. in Mus. Tab. XIII. n. 4.*

N. 5. *CAPUT GRVIS BALEARICAE* vel *JAPONICAE*, cum Crista in Capite densa, rotunda, e setis quaquaversum diffusis, porcinis similibus, colore spinularum Erinacei vulgaris composita, qua nota ab omnibus aliis avibus primo statim aspectu facile distinguitur. Prae vetustate, quae omnibus minuitur interitum, calvitium paene huic gravis cristae inductum, ut rarissimae adhuc setae appareant. Num avis haec *Bosmanni* dans la description de la Côte de Guinée XV. lettr. p. 273. quam Belgae *avem Coronatam* sive *Kroonvogel* nominant? An *avis regia*, ejus in *Histor. Scient. Reg. meminit du Hamel libr. III. Sect. IV. cap. 2. p. 264.* An *Catreia* Aeliani, vel *Pavo marinus* Clusii, *Exot. Lib. V. c. XI. p. 105.*

N. 6. *AVIS* est inter *Anserem* et *Anatem feram* media, coloris fusci maculis nigris albicantibusque interdistinguita; Anati, plumis molliissimis *Eider* dictae, per omnia fere similis, cujus accuratissima in *Museo Wormiano* p. 302. descriptio. Notum est hoc avium genus plumis molliissimis, culcitris magnatum fulciendis aptissimis, quae in exigua copia se valde dilatant, et prae reliquis calefaciunt, et nomine *Enderthun* omnibus notissimae. Videtur haec *Anas* eadem esse cum *Colca Scotica* ave, de quibus *Buchananus* de rebus Scotticis L. I. ubi de *Insula Svilskeraja* agit: *In hac Insula, scribit, rarum et aliis regionibus ignotum genus avis conspicitur: Colcam vocant, magnitudine paulo infra Anserem: ea singulis annis Vere eo adventat; Pullosque exclusos eo usque educat,*
dum







dum ipsi sibi prospicere possint. Ad id fere tempus Plumae sponte defluentes e toto corpore nudam destituunt ac tum demum ad mare se recipit, nec ante proximum Ver usquam conspicitur. Illud quoque eis est singulare, quod earum pennae caulem non habent, sed levi, et cui nihil prorsus duri adest, pluma totum corpus velut lanugine vestiunt. Cl. Sibbaldus avem hanc sub nomine Capricalcae delineavit in Tab. aenea XVIII. quae quoad omnia cum figura Auctoris nostri convenit; in Prodr. tamen Hist. Natural. Scot. P. II. L. III. cap. 6. p. 21. Colcae non tamen Capricalcae meminit. Sic in Indice Operis Willugbejani: Capricalca avis Scotica omissa, cum ejus nec in Tabulis aeneis, nec in descriptione ulla injecta fuerit mentio.

N. 7. *ROSTRUM ET CAPUT* est *RHINOCEROTIS AVIS*, sive Indici cornuti corvi Bontii, de quo sequentia habet Beslerus in Gazophylacio: Hujus avis insolens magnitudo, caput duorum dodrantum, cirris ornatum nigris. Rostrum recurvum non rapacium more, sed instar arcus cujusdam. Cornu e fronte enascitur Rhinocerotis cornu non dissimile, sed in fine recurvum (id quod Glyptes in Tabula aerea non accurate expressit) Color in superiore et inferiore parte miniaceus, in media luteus, in margine linea nigra obducitur; substantia hujus Cornu est levissima et cava. An avis Rhinoceros sit Tragopan Plinii, disquirat Cl. Olearius in Museo. Ill. Ludolfus in comment. Hist. Aethiop. Libr. I. cap. XII. num. LXXXIX. pag. 162. per Tragopana Avem Casuarium sive Emeu potius exprimi credit. In Museo Kircheriano Rhinoceros avis cum Toucan ave confunditur; addit Rev. P. Bonanni virtute haec rostra constare alexipharmaca, hinc ab Indis maxime fieri. Vid. quoque Excell. Valentin. Mus. Mus. T. II. p. 156. qui figuram nostram Beslerianam citat.

TAB. X.


DVcit nos Rhinocerotis avis cornu ad Tabulam Cornibus dicatam. Haec inter maximas certe *UNICORNIVVERVM* dedit controversias, cui animalium sit generi accensendum. Catelanus in Dissertat. de Unicornu omnium pene fabulas collegit aeriue impressit animalia unico cornu instructa. Post hunc aureum de Unicornu Tr. scripsit, omnis eruditionis literariae promus condus Bartholinus. Et nemo pariter citius Wormio, ipsoque Bartholino detexit, natales non inter quadrupedia Animalia, sed inter Pisces imprimis cetos quaerendos esse; quibus Amplissimus Amsterodamensium Consul Tulpius in observ. Medicis jungendus est. Accuratus nemo Sachsio in Monocerologia sive Dissert. de Genuinis unicornibus, qui descriptionem Unicornis a Cetariis Hamburgensibus capti Anatomice dedit, de celebrioribus Unicornibus Mantissam subjunxit, Piscisque Nahrval plenariam cognitionem omnibus exhibuit. Veterum praejudicio occoecatus M. R. Beslerus haec verba ad Unicornu latera agglutinavit: *Inter animalia Mo-*

nocerata palmam praeripit illud, quod procerius est pullo equino 30. mensium, in fronte cornu trium cubitorum longitudine, ubique tereti, et quasi fasciis ab imo ad summum ascendentibus, distincto prominet. Coloris est id Animal equi mustelini, caput Cervi instar, rarissimaque jubae ab altera parte dependentis. Tibias graciles hinnuli instar habet, ungulas bifidas, posteriorum tibiaram pars villosa, ferum quidem visu animal, sed ferocitatem natura singulari comitate condidit. Haec ex veterum fabulis *Auctor* noster, sed gerrae haec hodie sunt, atque aedepol lirae lirae; et certe mutasset sententiam, si unicornu cum Capite Piscis *Nahrval*, quod Artificis manus post Besleri fata affixit, intueri licuisset. In America quoque Piscem hunc Monoceratem non extorrem esse, *Rupifortius in Historia naturali Insularum Antillarum cap. 18.* abunde docuit, ut non solius septentrionis Europae Incola, quod hactenus factum, credi debeat. *Consulatur Illustrissimus Willougbejus in Regio de Historia Piscium opere Libr. II. cap. IX.* qui in Tabula, ubi *Piscis Monoceros* ejusque cornua variorum auctorum exhibita, Embryonis aliqujus cornu quoque aeri curavit incidi. Sed quid de hisce Unicornibus censendum, disquirat modo laudatus *Sachsius I. c. Add. Pomet l'Histoire generale des Drogues P. II. Livr. I. c. 33. p. 78.*

N. 2. Ectypon *CORNVM VACCAE*, quae primo intuitu cervina mentiuntur, quorum prototypum in Bibliotheca nostra. Hujus naturae lusus meminit *Leibnizius* in Memorabilibus Bibliothecae Noribergensis p. 18. creditque matris hoc vitio contigisse, quam aut de communicando foetu Cervus convenit, aut impense nimis imagine facta errare permisit natura. Quae si Romanis olim evenissent, aut hostiis majoribus expiassent, aut lectisternia indixissent.

N. 3. et 4. *CORNVM* est *CAPRI BEZOARDICI*, duri ac rigidi, fibris rectis per longitudinem Cornu excurrentibus, foris ab ima ampliore parte nodosum, circulis eminentibus tanquam callis, (nescio an Aetatum indicibus) ad medium circiter, ubi sensim elanguescunt quasi, aut planiores redduntur, exasperatum, intus cavum. Sic graphice cornua haec descripsit *Acad. Nat. Curios. Phosphorus Excell. Major Ephem. Nat. Cur. Dec. I. Ann. VIII. observ. 1.* quae ab illo scripta, optime cornibus in Museo Beslero - Engellandiano obviis conveniunt, maxime autem ab illis capri Bezoardici cornubus differunt, quae ab *Oleario* in *Gottendorpiensi Museo* exhibentur. Putat autem *Excell. Major* rationem differentiae in discrimine vel speciei, vel aetatis, vel sexus esse quaerendam. *Pomet l'Histoire generale de Drogues P. II. Livr. I. chap. 3. p. 10.* Capram Bezoardicam depinxit, sed cornua pariter nostro non conveniunt.

Fig. 5. Genuinum *CORNVM LEPORINVM* exhibet, quod non amplius insolitum, cum plurima cornutorum Leporum exempla prostant, quae collegit laboriosissimus *Paulini* in *Lagographia curiosa Sect. I. cap.*



ANIMALIA.



Lacertus peregrinus squamosus.
Indianische Schuppichte Eydey.




Armadillus siue Tatou.



Lacertus Indicus
Indianischer viereckigt figurirter Eidey.



Lacertus peregrinus.
Selzamfremde art Eidey.



3. §. 1. pag. 47. et Ephem. Nat. Cur. Dec. II. Ann. VI. Observat. CLXXXIII. p. 368.

Abludit tamen plerisque *CORNŪ LEPORINŪ* figuræ 6. Quod subfusci coloris et gyratum est. Confer quæ de cornu Leperino botryoide, et aspidioide habet Excell. Welschius Hecatost. I. Observ. XX.

Fig. 7. Afferit Auctor noster esse elegans *CORNŪ CERVÆ* ideæ protuberans, caputque avis in summitate repræsentans.

Fig. 8. *INCURVATŪ BICEPS CORNŪ CERVINŪ* cum cranii particula, ubi futura conspicua est.

TAB. XI.

Cornibus instructa animalia, squamis et loricis tecta in hac Tabula sequuntur. Et quidem *LACERTVS HIC INDICVS SQUAMIS* undique munitus et armatus, Auctori nostro *Indianische schuppichte Ender* / a *Siamensibus* Lin, ab *Insulae Formosae* Incolis *Diabolus Tajowanicus*, (hoc enim Castellum in hac Insula extructum nomen erat,) teste Cl. Bontio Hist. Nat. et Medic. Ind. Orient. Libr. V. c. 8. p. 60. a Lusitanis *Bicho vergonhoso* insectum verecundum vocatur; Anglis et quidem in Mus. Societ. Reg. P. I. Sect. 2. p. 46. the *Scaly Lizard* dicitur elogio addito: *optime et perbelle figura aenea expressum esse a Beslero nostro (he is well pictur'd in Besler.)* A Pl. Rev. Patre *Tachard dans le Second Voyage au Royaume de Siam*, *Lacertus echinatus vel Erinaceus* nominatur, quod ad instar hujus animalculi ingruente metu se contrahat et corruget, ac mucronatis squamis, quibus totum corpus, gutture excepto et parte Ventrif infima anterioribusque cruribus, horridum, minas quasi intentat; cum tamen innocentissima sit bestiola, nemini nisi formicis insidias struens, ut nil minus quam diaboli Tajowanici nomen mereatur, sic sentiente *Straussio in Itiner. p. 31. Dn. du Hamel in Reg. Acad. Scient. Hist. L. II. Sect. XI. cap. 2. p. 227.* ideo Diabolicas bestias nominari credit, quod talparum more terram suffodiant, oryzam, imo et tectorum fundamenta subruant. Duorum ut plurimum pedum longitudinem attingit; *Scarabella nell Museo di Settalla* c. 30. p. 160. duorum cubitorum pronuntiat. Vulpulam proceritate aequat. Squamarum pariter pro partium diversitate magnitudo, omnes tamen ad exortum striatae corneae obscure flavescens, secundum Cl. *Jacobaeum Mus. Reg. p. 9.* imo ossibus solidissimis duritie pares *Mus. Soc. Reg. Angl.* et ex mente Cl. *Olearii in Mus. Gottdorff. pag. 7. 8.* lamellis fructus Abietis exsiccatae (dem *Dürren Tann Zapffen*) non absimilibus: Illae quae collum et capitis supremam partem tegunt, (ut Cl. *Clusii in Auctar. Exot. p. 375.* verbis me expediam) semiunciam non longae sunt, atque mediam corporis partem inter crura comprehensam muniunt, binas uncias longae, et sesquiunciam latae, quae deinde per eandem longitudinem sparguntur,


adeo amplae non sunt, sed sensim versus ejus extremum procedendo minuuntur, ut extremam caudam occupantes, iis quae collum tegunt, vix ampliores sint, quae autem caudae latera utrinque claudunt, forma prorsus a reliquis dissimiles, nam planae non sunt, aliarum instar, sed cavae quasi incurvatae, quia pronam et supinam laterum partem tegunt. *Cauda* autem valida et pedem fere longa, in superiori parte rotunda, in inferiori aliquantum plana cum parva excrescentia carnis albicantis in extremitate, secundum Rev. *P. Tachard* l. c. Capite et promuscide *Lacertus* hic non est porcino, ut *Armadillo*, sed tenuiori et acutiori *Talparum* more, quo terram commodius evertat. Collo plane destituitur. Pedes breviusculi palmam circiter longi, qui durioribus pilis leporinis vestiuntur, iidemque pili hinc inde erumpunt in dorso ex ipsis squamis; sic guttur quoque et ventris ima pars, nigris obsita villis. Posteriores pedes quinque unguibus brevioribus, anteriores tribus oblongis crassis, sed imbelles curvis armatur, sicut in *Brasilienfi Tamandoa*, quibus aequae ac illa *Formicarum* et vermium latebras, deregat; praedam qualemcunque mordicus tenet, et ut *P. Tachard* credit, anterioribus arripit. Oris apertura, exigua plana, praelonga tamen *Lingua*, teres quam serpentis ad instar ejaculat, sed absque ullo damno. *Tachardus* miratur, animalculum hoc neque legumina comedere, neque fructus ullos, neque *Oryzam*, neque pisces vel carnem, aut aliud quicquam escae loco ipsi objectum, sed mirari desiisset, si lacertum hunc *formicarum* immisisset acervo, tunc enim conspexisset, linguam viscido humore glutinosam formiceto immittere, formicisque inviscatis obsitam extrahere, hocque alimento victum quaerere, teste *avtopta Straussio in Itiner. Bontius* tamen lacertulis quoque insidias struere scribit, illisque pinguescere, unde ejus caro vesca non solum, sed sicut magnae lacertae *Brasilienfes Leguanae* et *Tatou*, inter epulas ab omnibus passim incolis expetitur. An *Lacertus* hic sit *Varchiero*, cujus *G. Psalmanazar e Formosa Insula oriundus in Insulae hujus descriptione* meminit c. 24. p. 170. vix determinare audeo. *Anatomen et internam structuram hujus Lacerti* nosse qui cupit, illam in toties citati *P. Tachardi* itinere secundo *Siamensi*, curiosissimis locupletatam observatis inveniet, qui oculis quoque legentium obtulit, quomodo lacertulae hae squamatae juniores, matris dorso insideant. Vid. pariter *du Hamel Reg. Acad. Scient. Histor. Libr. II. Sect. XI. c. 2. p. 227.* Haec ex optimi Parentis *Myrmecologiae Manuscript. Capite de hostibus formicarum* deprompsisse sufficiat.

Hoc animal *Brasilienfes TATOV*, vel secundum *Thevetum Tatoram* et *Tatusiam*, *Mexicani Ajatochtlem*, *Novae Hispaniae Incolae Chircquindum*, quasi caniculum cucurbitam, *Oviedus Bardato*, unde *Italorum* quoque *Bardalo*, teste *Scarabell in Museo Settilian. cap. 30. p. 157.* fluxit; *Hispani Armadillo* et *Lusitani Encovertado*, quod panopliam, et cataphractum denotat, vel secundum *P. Martireum phaleratum*, *Angli Great Strell'd Hedgog*, *Belgae Schildverken*

ken nominant. Nonnulli *Armadillo* magnitudinem Porcelli, alii canis Melitensis assignant, unde facile patet, diversas Tatou esse species. Exprimunt autem Brasilienses generice nomine *Tatou* totum hoc genus loricatum, variasque illarum species peculiari addito cognomine distinguunt; quarum *Marggravius* L. IV. *Histor. Brasil.* p. 231. et *Piso* *Hist. natural. et Med.* L. VI. p. 101. tres recenset; *Tatupeba*, *Tatuete*, quae et *Verdadeiro* Lusitanis dicitur, et *Tatuapara*, quarum differentias his ex Auctoribus *Excell. Rajus Synops. Animal. Quadruped* inseruit, et quartam speciem *Tatou mustelinum* e *Mus. Soc. Reg. Anglic. ab Illustr. Nehem. Grew* descripto, adjunxit. Nobis sufficit nostratis dedisse descriptionem, ex quibus facile quis subsumere potest, cui sit accensenda speciei haec bestiola. *Magnitudine* porcellum optime aequat et figura et corporis proceritate, os certe porcinum acutum et prominulum, ritus mediocris, haud adeo magnis in qualibet maxilla, secundum *Marggravium*, octodecim dentibus horridus, oculi parvi et profundi, aures longae et erectae patulae membranaceae, tenues. *Caput* respectu corporis tenue et exile, VI. pollicum est ad aures usque, ab auribus ad caudae initium totum corpus duos ferme pedes adaequat, cauda ultra pedem, ambitus pedis cum semisse. Prope occipitium duas habet juncturas, ut Collum moveri possit. Dorsum supra scapulas amplo et lato tegitur scuto, ex orbiculatis juxta *Wormium* tessellis constante, nisi, quod longiores aliquando sint versus extremum. Reliquum dorsi novem ambitur juncturis et circulis, figuris pyramidalibus depictis, lumbos tegit lamina similis ei, qua scapulae teguntur. Constat autem *Lorica* figuris pentagonis, eleganti ordine dispositis, inter commissuras vero constat secundum *Pisonem* (qui aliquoties hos erinaceos Brasilienses cataphractos dissecuit, ut sciscitaretur, quomodo lorica extendere et contrahere possent) parallelogrammis et quaelibet figura squamis lenticularibus, coloris ex albo subflavescentis. Commissurae constant cute admodum lenta. Haec ratio est, quod dormituriens, aut Venatorem eludere volens, prioribus ac posterioribus pedibus collectis more infantum in Vtero jacentium, a auriculis introtractis cum cauda capite, et ad caput relatis, instar pilae se componat, atque per commissuras incurvato dorso ac clypeo, ita lateralibus extremitatibus, ac antica et postica parte confertis, ut nihil appareat nisi *Lorica* capitis ac caudae: adeoque instar *Conchae* firmiter se claudit, ut ne a validissima quidem manu aperiri et dilatari se patiat. Observavit *Marggravius* in dissectione horum animalculorum in quolibet latere musculum insignem longum, et figuram \times habentem, plurimis fibris ita decussatim discurrentibus secundum longitudinem, quorum ope validissime se contrahere et continere potest, hosque musculos *Marggravius* cruciformes appellat. Cauda, praeterquam quod annulis constet duodecim, paulatim magnitudine decreascentibus, ac tessulis quasi Rhomboideis pictis, in apicem squamosum et acutum terminatur. Venter cum gutture, natibus et parte cru-

rum, nulla crusta tectus, sed villis obsitus. *Pedes et crurum pars* eis vicina tessellis etiam obducitur. Haec e Wormio mutuo sumta, egregie in nostrum Armadillo quadrant. In pedibus anterioribus quatuor tantum digitos habet, duos medios aequales, in posterioribus quinque, tribus mediis aequalibus, duobus lateralibus parvis. Monardi si credimus, talpis in terra potissimum nutritur, et Wormio referente, in specubus ut cuniculus conditur, ut una nocte Leucaei spaciū excavare dicatur, nisi ligetur, vix tamen se includi patitur. Piso quoque narrat, in Aquis Amphibii instar degere, quod et *Wormius* confirmat, inque uliginosis lacubus versari ait; ubi Piscibus, Lumbricis et Vermiculis pascitur. Formicis sequenti insidiatur modo: Cubat supinus Armadillo, cauda ori admota, qua recta procedentes formicae incidunt in insidias et cibum deludenti suggerunt. Caeterum fructibus Batatis, Pacobis ac Melonibus caeterisque Plantariis, imo Gallinis vescitur, quamobrem rusticis exosum animal, cui perpetuo vel decipulis vel caniculis insidiantur, quem modum Neuhausius docet in *de Brasiliaense Zee en Land Reysen*. Caro quippe Tatou non solum vesca, sed ob teneritatem et albedinem apud magnates deliciarum loco est, hinc assata, elixa, et in artocreatis modum condita, porcellorum et cuniculorum carni praefertur *Pisone* teste, *Marggravius* Tatuete optimi prae caeteris saporis esse affirmat. De Virtute medica post *Manardem* et *Ximenem* haec notavit *Barlaeus* in *reb. gest. sub Com. Maurit. in Brasilia* p. m. 369. Laminas in pulverem comminutas et Drachmae pondere haustas e Salviae decocto, provocare sudorem, et singulare contra Luem Veneream existere remedium. Penultimum autem caudae ossiculum, quo corpori conjungitur, in subtilissimum pulverem redactum, et cum Aceto rutaceo in pilulas coactum et auribus inditum, miraculi instar eam tollit surditatem, quae a causa calida est. Laminae pariter in pulverem comminutae, et mixta Aqua in massam coactae, extrahunt spinas, e quavis corporis parte. Haec *Barlaeus* et post eum *Scarabell. in Mus. Settal.* cap. 30. p. 158. sed meras fabulas esse Illustr. *Patritius Arctinus Redi* in *Experim. circa res natural. ex Ind. allat.* p. 77. asserit; Hinc *Piso* has ipsi virtutes incomptas esse ait; *Marggravius* autem plane silentio involvit. Haec quoque e *Myrmecologia Manuscript.* optimi Parentis et quidem cap. de Hostibus Formicarum desumpta sunt.

LACERTVS INDICVS Germanice Auctori nostro *Indische viereckichte* figurate *Endex* vocatur. Illustr. *Rajus* in *Synops. Animal. quadruped.* unum eundemque esse credit, quem *Clusius Exot. Libr. V.* cap. 30. et *Worm. Mus.* sub nomine quoque *Lacerti Indici* cap. XXII. et *Mus. Societ. Reg.* nomine *Bugelugey* descripsit, cum nostro; at in plurimis a citatis desecit delineationibus. Longitudo enim vix dimidium *Wormianae* et *Clusianae* adaequat, cauda in longum et tenuem mucronem desinens sesquipedem et aliquot uncias explet, subrufo colore, per totum corpus variegatus, sed variis maculis



ANIMALIA

T. XII.



Scincus Maior.
Großer Egyptischer Scincus.



Camaleon. Kattadey.




Lacerta Viridis.
Grün Edel.



Scincus Minor.
Kleiner Egyptischer Scincus.



Salamandra Aquatica Minor. Kleine wasser Moll.



ex albō ad cinereum vergentibus nigrisque intermixtis, nunc majoribus nunc minoribus quadratis et forma Rhomboidea inordinate dispositis; non tamen accurato schemate illo, quod *Clusius* et *Wormius* exhibent. *Cutis squamæ* circa caput et collum potius oblongae quam rotundae, in dorso quadratae, per caudam oblongae et quoque circulariter dispositae. *Caput* vix duarum unciarum, nec mandibula superior mobilis, uti in Crocodilo secundum *Wormium*, nec crustis indiscrete positis vestita; sic in apice quoque foramina duo desunt, oblongae tamen oculorum orbitae, et ad collum foramina duo, auditui forte destinata. *Rictus* plane a Wormiano differt, quippe Lacertorum similis, lingua Viperina bisulca, dentes perexigui. Anteriora crura minora et graciliora posterioribus, superne majoribus, inferne minoribus squamis dotata. *Pedes* graciles quinque digitis ungulisque incurvis praediti, quorum bini medi reliquis praecminent. Posteriora crura non multum anterioribus crassiora, longiora tamen et majoribus munita squamis. Pedes pariter graciles, sed longis quinque digitis et ungulis praediti, valde aequalibus, quippe tres intermedii ferme aequales, primus et ultimus perbreves.

Vt *Lacertum Indicum* in *Clusio*, sic in *Besleri* nostri Tabula *PEREGRINVS LACERTVS* sequitur, longitudinis duorum et amplius pedum, in ambitu vix septem adaequat uncias. Collum crassum oblongiusculo capiti acutoque hiantē rictu annexum, mandibula inferior superiore largior, parvis acutisque dentibus utrinque armata. Dorsum aliquantulum supereminens circulis albis, cui maculae fuscini nigrique ac cinerei coloris inspersae, interdistinctum, qui circuli annulique caudam quoque in longum mucronem desinentem cingunt et ambiunt. Quatuor habet crura aliorum Lacertorum instar, lineis pariter albis signata, singuli pedes tribus digitis antrorsum spectantibus, et breve calcē posteriorē pedis partem sive calcaneum occupat. Plura quaere in *Clusio*.

TAB. XII.

QVam sub nomine *SCINCI MAJORIS* hic visui sistit figuram, sub *Lucii* terrestris, *Brochet de Terre*, nomine exhibet *Nobiliss. Rochefort dans l'Histoire des Isles Antilles chap. 13. Art. VII. p. m. 149.* ut ovum vix ovo sit similis, et si pedes demas, cum *Lucio* pisce plurimum conveniat. A *Dioscoride* vocatur *χιρσαῖος κρονόδελες Crocodilus terrestris*. *Avicennae* videtur esse *Tinsa*, ex corrupto *Scinci* vocabulo; unde vero nomen *Thyro* obtinuerit, quod a rusticis Africanis his *Scincis* tribui asserit *Ferrant. Imper. Hist. natur. Libr. XXVIII.* latet. Pinnarum loco huic animalculo pedes sunt adeo debiles, ut potius serpentum more repere quam incedere videatur; plani latique sunt humanae manus instar, digiti breviores, unguiculi nulli. Maximi horum *Scincorum* de-

cem vix pollices excedunt, cutis squamulis lucidis, fuscis gryseo argenteis munita, caput oblongum, rictus quasi acuminatus, dorsum latius magis quam in Lacertis, Venter quadantenus pedibus quasi alatus, cauda rotunda lacertorum more, sed brevior, et circa finem incurva. Cum cavernas et scopulorum latibula inhabitent, noctu lugubrem sonum edunt, ranis coaxantibus nondum perfectis similem; hinc est, quod circa Vesperam ingruentem tantum compareant, teste *Rochefortio* loc. modo citat. *Ferrant. Imper. l. c. Lorenzo Legat. nel Museo Cospiano* Libr. I. cap. VIII p. 35.

SCINCUS MINOR, quem in fine Tabulae Auctor exhibet, melius inter lacertulas et Salamandras refertur ab *Excell. Wurfbeimio Salamandrol. cap. VI. §. 8. pag. 57.* ubi figurae *Beslerianae* expresse meminit, et *Scincus Rhafis* esse videtur. Cum passim omnibus in officinis Pharmaceuticis prostant Scinci, abstineo ulteriori descriptione, experientiaeque commito, an Sale volatili blando scateant, ob quod diureticum esse perhibentur, et an habeant insimul vim aliqualem alexipharmacam, et adversus Leporam generosum existant remedium, veneremque stimulan. Vid. *Pomet l'Histoire Generale de Drogues P. II. Livr. I. cap. 29. p. 68.*

CHAMAELEONTIS, quam Auctor delineari curavit, effigiem pluribus, circa oculos, pellem, pedes et anteriores posterioresque aliaque notat *Illust. Nehemias Grew Mus. Societ. Reg. strenuus* in reliquis Musei nostri *Besleriani* Encomiastes; sed erit hoc loco excusationis legitima Auctori nostro, quod animalculum non vivum, sed nescio quibus post mortem annis aeri incisum dederit, in quo membra omnia collapsa, contracta, et a statu naturali recedentia deprehenduntur; nec enim figura *Musei Calceolarii* nostra melior, nec *Olearii* in *Gott-dorffensi Museo*, quae penitus ad ductum nostrae, uti pleraeque aliae ejus figurae, efformata et depicta; et *Jonstoni Chamaeleontis effigies* quoque *Illustri Grew* displicet, sic enim de illa *Jonstoni Figura*, especially as to the feet, very false. Nec *Parisiensium*, quam *Anatome Animalium* intulit solertissimus *Blasius*, quoad omnia exacte convenit cum illis, quas recentiores hodoeporicorum scriptores *Illustr. Whelerus* ei *Sponius*, *Cornel. le Brun* et *Guilelm. Bosmann* exhibuerunt. Et horum pariter differunt *Chamaeleontum* delineationes; quippe Aegyptii differunt ab Africanis Americanisque. Vereor igitur, ne illud mihi quoque in descriptione Animalculi hujus contingat, quod Auctori nostro circa delineationem, praecipue in tot Scriptorum circa *Chamaeleontem* sententiarum divortiis. Non equidem nobis animus, illa veterum de hoc Animalculo promere praesudicia fabulasque apud Zoographos fuse relatas: hoc enim nostrae non conveniret brevitati. Videat cui volupe apud illos. Nobis illa tantum excerpere placet, quae experientia, veritatis indubia magistra, firmavit. Praeunte habemus *Illustr. Rajum* in *Synops. Animal. Quadr.* qui, quicquid *Panarolus*, *Pa-*
rifi-

risienses et *Joh. Faber Lynceus* aliique in Anatome animalis hujus annotarunt, exhibuit. Est autem *Chamaeleon* e quadrupedum oviparorum genere, Lacertis affinis et similis, praeterquam, quod caput, et dorsum non depressa et plana sunt Lacertinorum instar, quodque crura habeat longiora. Aegyptii Chamaeleontes magnitudine Asiaticos et Africanos superant, quippe hi posteriores sex plerumque uncias longitudine non excedunt; Auctoris igitur nostri Aegyptium existere longitudo undecim pene digitorum evincit. Moles seu corporis crassities pro regionum varietate, et animalculo se vel dilatante vel contrahente, variat; haec autem intumescencia et contractio non tantum per thoracem et abdomen extenditur, sed ad pedes usque priores et posteriores, et ipsam etiam caudam pertinet. Mox enim corpusculum tumidum et inflatum apparet; mox contractum vacuumque, adeoque macilentum, ut spina valde acuta videatur, costae omnes facile numerari possint, et pedum tam anteriorum quam posteriorum tendines, valde clare et distincte nudo etiam cernantur oculo, ut Tertullianus *Chamaeleontem nihil aliud esse quam pellem vivam*, non inepte dixerit. Caput, ut Panarolo videtur, quandam cum *sue* similitudinem habet, sed propter acutiem arietinum aemulatur; a medio capite retrorsum ossea pars triquetra eminet, reliqua antrorsum colligitur cava et quasi caniculata, eminentibus utrinque osseis marginibus asperis et leviter ferratis, optime in figura nostra expressis. *Parisienses* Piscis assimilant capiti, optima addita similitudinis ratione. *Crista* in vertice erigitur, et duae aliae supra oculos: inter has cristas in summo capite cavitates sive convalles duo secundum longitudinem extenduntur. Immobile huic animalculo ex omnium pene relatione caput, illud tamen oculorum compensat motus et structura, quae ab aliorum Animalium peculiare quid et diversum obtinet, ceu pluribus *Parisienses* annotarunt lectu certe dignissimis, recensitioni nostrae autem longioribus; hoc tantum annotasse nobis sufficiat, Chamaeleontem, uno oculo aliquando immoto, alterum volvere, unum sursum, alterum deorsum; unum dextrorsum, alterum sinistrorsum flectere; imo quod omnem fere admirationem superat, motus hi adeo notabiles et excessivi sunt, ut oculos sub crista, supercilium efficiente, eousque ad canthos circumagat Animalculum absque ullo capitis, quod scapulis affixum est, motu, ut non minus clare, quae directe retro sita sunt aut geruntur, cernat, quam quae ante; testes hujus rei cito aptas, Illustres *Whelerum* et *Sponium dans le Voyage de Dalmatie de Grece et de Levant*. p. 240. seq. et *Cornel. le Brun*. Pictorum solertissimum in nitidissimo, et innumeris ad vivum ab ipso delineatis aereis figuris refertissimo opere, inscripto *Voyage au Levant* c. 31. p. 161. *Rictum* seu os Chamaeleontis quod attinet, adeo arcte clausum esse nonnulli retulere, ut nullum habere videatur, maxillis linea vix perceptibili junctis, hinc per foraminula duo in rostri extremitate hoc tantum animalculum respirare crediderunt; id quod *Bosmannus* quoque dans le *Voyage de Gui-*

nee Lettr. XIV. p. 265. annotavit, se nunquam Chamaeleontes Africos rictu vel gula aperta exertaque observasse Lingua: modo citatus *Brunius* tamen multiplici experientia comprobat, Chamaeleontes, quorum quatuor Smirnae simul alebat, quoties illos Aëri liberiori mare versus exposuisset, auram ore latissime diducto hausisse, prominulaque lingua et longiuscule exporrecta incautas muscas Formicasque glutine linguae inviscatas devorasse. Sic *Whelerus* quoque refert de Chamaeleonte, quem in terra reptantem manibus prehendit, rictum illum diduxisse, sibilumque instar serpentum dedisse. *Brunius* insuper modum, quo muscarum capturae, tanquam escae solitae invigilant, fuse describit. Ruit sic praeconceptionum illud praejudicium, quo, ut Ovidius olim cecinit,

- - - *ventis animal nutritur et aura*

Confer elegantissimam *Dissert. Tubingae Anno 1681. a Cl. Hopfero de Vitu aëreo, seu mirabili potius inedia Chamaeleontis habita. Linguam ipsam, quam ad vivum delineavit Brunius, quod attinet, teres illa Pici martii in modum, lumbrico terrestri quodammodo similis, per totum concava et sacci instar vel Elephantis proboscidis in summo aperta, in cuius extremo spongiosus quidam et glutinosus nodus, seu ut alii volunt, caruncula lata et rotunda, caput aciculae referens, quam linguam mira velocitate et velut momento Sagittae instar in longum ad 7. aut 8. pollices evibrans, muscas, formicas, aliaque insecta agglutinata corripit, orique, postea ac ventriculo ingerit, quas plures inibi detexerunt hodie-
ni Anatomici. *Intestina* ampla hoc in animalculo detexere *Parisienses*, *Brunius* nullum, qui apertum Abdomen triginta tantum ovulis, filo quasi connexis refertum reperit. Et *Panarolus* quoque memorat, viscera exiguum in abdomine spatium occupare, ut aëre potius plenum videatur quam visceribus: hinc *Whelerus* nullo ex Chamaeleonte, quem aluit, Excrementa ex Intestinis vidit prodeuntia. *Ova* illa, quibus abdomen refertum vidit *Brunius*, avium assimilant ovis, notatus ideo a *Bosmanno*, qui lacertorum potius ovis similia esse, omni testa duriori destituta, asserit. Reliquum corporis truncum quod attinet, quique Thoracem et abdomen continet, tota fere thorax est absque ullo Abdomine, costae enim, quarum in quovis latere XVIII. triplicis secundum *Parisienses* conditionis, ad ilia usque descendunt, cum in aliis multis animalibus in Lumbis vertebrae transversas tantum apophyses habeant, non costas adnexas. Pulmones *Whelerus* per totum fere corpus subtilissime expansos in duos lobos divisos credit, vasis spiralibus sive tracheis in Plantis hoc pacto similibus; vel Cyprini piscis vesiculis secundum *du Hamelin* in *Reg. scientiar. Acad. Libr. II. Sect. XI. c. 2 p. 127. Pedes* omnes similes sunt e 5. digitis, tribus antrorsum, duobus retrorsum spectantibus compositi, posticis duobus anticos tres magnitudine aequantibus: Differunt, quod pedes anteriores duos ab externa, tres autem ab interna parte digitos habeant, viceversa posteriores duos ab interna, tres ab externa. *Ungues* re-
cur-*

curvi sunt. *Gressus* huic Animalculo testudineus in terra; supra arbores velociore, ut volatum pene aemulentur. *Cauda* cum inflata rotundatur, gliris caudam bene satis referens, alias tres secundum longitudinem eminentias habet e spinosis et obliquis vetebrarum Apophysibus compositas, duas insuper, hinc inde unam ex apophysibus transversis factas. *Cauda* etiam ramis circumvoluta, praesertim quando ab arboribus descendit, corpus firmat, eaque tanquam manu utitur. *Pellis*, qua corpusculum obductum, innumeris granulis iisque perpolitis distincta, tenuissima et pellucida ferme transparensque, quo ipso multum ad radiorum variam modificationem indeque dependentem colorum varietatem confert; nec enim praeiudicio occoecati, absolute illud Ovidianum credimus:


Protinus assimilat, tetigit quoscunque colores:

sed restringuntur maxime colorum illae Chamaeleontis varietates. Latissimus hic dicendi campus; sed brevitatis memores, quid *αὐτόπτης* de illis *Brunius*, quem *Bosmannus* quoque exscribere dignatus est, annotarit, ipsissimis verbis e Gallica translatis adjungimus: *Color, quem ut plurimum recipiunt Chamaeleontes, laete viridis est maculis intermixtus flavescens, adeo concinno quidem Schemate, ut penicillo haud exprimi queat; maculae interdum etiam brunni coloris apparent, et totum corpus ad caudam usque colore hoc insciant. Saepius etiam nigricantis coloris sunt instar talparum. Color ordinarius illorum gryseus sive potius pilorum gliris; pellis tenuissima et ferme transparens; saepius colorem mutant, idque spatio dimidio horae terna saepius vice factum memini. Assertum autem quod attinet, has bestiolas omnes rerum, quibus imponuntur, colores assumere, experientia toties edoctus scribo, Naturalis Historiae scriptores hoc articulo deceptos esse, nec enim vel rubrum, vel coeruleum, aliumque assumere. Albi tamen coloris lepidum illi contigit experimentum. Inter quatuor, quos aluerat Smyrnae, Chamaeleontes elegantissimum vespera ingruente perdiderat, quem cum frustra in omnibus camerae angulis cum servo quaesivisset, tandem in vestis cubicularis serico albo confecti summitate, ejusdem cum veste albedinis reperit. Hoc illustri quoque *Whelero* contigit, quod cum ad ulteriorem confirmationem eorum, quae *Corn. Brunius* in hoc animalculo observavit, faciat, bona cum Lectoris venia referendum censeo. Postquam hujus generis plurimas bestiolas, in muro Smyrnenfis arcis repentes, ejusdem cum muro musco viridi obducto, coloris vidisset, tandem Chamaeleontem in ramo quoque *Prunellae* spinosae sedentem conspiciit, laete viridescens coloris, sed statim oculis ejus se subducentem solumque petentem. Cum defixis oculis fugientem undique frustra quaesivisset, tandem foramini rupis adrepentem detegit, ejusdem cum terra pluvia madefacta coloris brunni deprehendit. Hunc sudario linteo aliquantulum impositum, ejusdem coloris albicantis reperit,*


maculis fuscis rubentibusque intermixtis. Haec *Whelerus Bruniusque* circa Colorum varietatem, quibus *Bosmannus* quoque assentit, in hoc tamen a *Brunio* dissentiens, quod *Chamaeleontes* tot annos vivos aluerit, quot *Brunius* illos mentes, in arboribus illos repentes relinquendo, Quomodo autem colorum illa modificatio fiat, et an pro diversis affectibus varios colores induat *Chamaeleon*, inquit *du Hamel Reg. scientiar. Acad. Hist. l. c.* Tantum de *Chamaeleonte* e *Myrmecologia* Parentis. Obliti pene fuisset *Excell. Pechlini*, qui descriptione *Chamaeleontis* in ejus *Observ. Medico-Physic. Libr. II. obs. 70.* reliquos supereminet omnes.

LACERTVS VIRIDIS, veteribus Gracis σαύρα χλωρά et recentioribus χλωροσαύρα, Italiae aliarumque regionum calidiorum incola, ubi nonnulli observarunt, eorum multos simul egredientes morbos praefragiisse Epidemicos. In arboribus aestivo tempore nidulantur, et ranunculorum viridum more sonitum edunt. Communibus Lacertis, quales nostri, majores sunt, saepiusque bicaudatae inveniuntur. Color viridis intermixtus maculis coeruleis, hincque lacerta eleganter variegata. Capite est triquetro, rictu dentibus utrinque minimis licet, acutis tamen praedito, hinc cum serpentibus aestivo tempore praeliatur, eosque adoritur, unde Sylvaticus huic Lacertae nomen *Ophiomachae* tribuit. Duo narium foramina habet in extrema et acuminata maxillae superioris parte sita, oculos pro corporis magnitudine mediocres, aurium meatus ad collum. Crura posteriora prioribus crassiora majora et longiora, digitis quinque praediti sunt pedes, ungulis incurvis et acutis armati, quorum is, qui indicis situm habet longissimus; dorsum pulcherrime variegatum, venter vero flavescentibus tegitur squamulis. Plura vid. apud *Worm. in Museo. De Vsu medico* maximum *Aldrovandum*, ejus Epitomatorem *Jonston. de Quadruped. p. 191.* aliosque. De Cauda Lacertis abscissa et renascente curiosissima refert *DN. Perrault Essais de Physique ou recueil de plusieurs traitez touchant les choses naturelles. T. IV. p. 5.*

SALAMANDRA haec *AQUATICA MINOR* in *Salamandrologiae* Tab. I. Lit. L. ab *Excell. Wurfbeinio* ex hoc *Besleriano* Schemate relata, lacertulorum potius quam Salamandrarum generi accensenda: quantum enim ab his differat, ex definitione Salamandrae *Wurfbeiniana*, quam ex ejus modo laudata *Salamandrologia* desumimus, omnibus patet. Definatur autem, quod Salamandra sit reptile quadrupes figura externaue corporis facie praeter capitis et ventris crassitiem, lacertae viridi quam similem, caudam brevior, et in pelle pingui atque renitente colorem nigrum, maculis luteis plerumque respersum habens, locorum frigidorum et humidorum amantissimum, tardigradum, pluviam apparitione sua praenuncians, et falso quondam creditum in igne non cremari. Omnia haec Salamandrarum acci-




ANIMALIA.



Crocodylus torosus L. Agg.
Ein Aegyptischer Crocodil so
sich zu Land halt

Crocodylus amphibius.
Ein Crocodil so sich zu Land und
in Wasser halt.

Ywana, Lacerta genus.
Ein Indianische Lizard art,
yuana genant.



accidentia, differentiasque adeo rimatus est vir quondam diligentissimus, ut actum agere videar, si plura adderem.

TAB. XIII.

HAc in Tabula medium tenet locum *CROCODILVS AMPHIBIVS NILOTICVS*, Lacertorum omnium maximus, e Musei Regii Anglici testimonio optime depictus; (*curiously figur'd by Besler*) a quo Aethiopum *Cayman* et Brasiliensium *Jacaré* non nili mole corporis differre videtur, cum nilotici XXV. cubitos excedant, et si fides *Joh. de Lopez Hist. Indic. L. VI. c. 1.* habenda, ut et *Joh. Lerio*, ultra centum pedes in longitudine circa Panamam excrecant, Brasilienses vero decem vel quindecim ad summum pedes haud attingant. Cum omnis frigoris impatiens sit hoc animal, atque in fervidis tantum regionibus vivat, non mirum Galliis illatum non diu supervixisse, et duos integros menses nil manducasse. *Illustr. Rajus in Synops. Animal. quadruped.* descriptionem crocodili e *Wormiano* promit; quae ab aliis quoque recentioribus annotata supplebimus. *Caput* latum est et pene totum sola pelle vestitum, rostrum ferme suillum; in extremo rostri apice secundum *Dn. de la Hire*, qui Crocodilum Versaliis mortuum et dissectum delineavit, foramen est rotundum molli carne oppletum; ibi duo sunt parva foramina, ubi *nares*: Sic duo alia supra oculorum orbitas posita foramina, duplici quasi velo obducta, *ures* sunt, quae subducta pellis appendice sunt conspicuae. Altera pellis appendix instar palpebrae est mobilis fibris carnis instructa: ductus brevis in tympani membranam definit. Reliquae organi hujus partes eodem fere modo sunt dispositae, quo in avibus, nisi quod ea cavitas, quae vestibuli loco est, multo sit latior, et canales semicirculares sint excavati. *Oculi* secundum nonnullos suilli, Marggravius tamen Brasiliensibus non suillos, sed magnos, rotundos claros caesios pupilla nigra attribuit. *Rictus maximus* usque ad locum aurium patens; *dentes*, quibus rictus horridus in utraque maxilla sunt acuti albi, robusti, multi, numero incerto, qui fortasse pro aetate etiam variant; in nonnullis sexaginta numerati, imò in Aldrovandini Musei Crocodilo septuaginta deprehensi, teste *Cl. Legato in Mus. Cospiano anesso al famos. Aldrov. Libr. I. cap. VIII. p. 30.* *Conjunguntur* hi *dentes* instar pectinis, et pro infallibili per contactum dolentium habentur dentium remedio. Vid. *Illustr. Redi in Experim. circa Res natur. ex Ind. allat. Lingua* pene nulla, quod tamen *Cl. Thom. Brown*, erroribus popularibus in *Pseudodox. Epidem.* annumerat; Linguae loco *Piso* membranam observavit, quae mandibulae interiori interjacet, et Linguae figuram refert in longum exprorectam, sed angustiore, quam sustollere non potest; Cui consentit *Cl. Dn. du Verney* in dissect. Crocodili Versaliis facta, qui insimul addit, hanc membranam Linguae aemulam variis pertusam foraminibus.

minulis praecipuum esse gustus organon. Vid. Excell. du Hamel Reg. Scient. Acad. Histor. Lib. II. cap. 2. p. m. 208. Recentiores plures Aristotelem secuti Crocodilum solum ex animalibus *maxillam superiorem* movere, inferiori scilicet immobili, tradiderunt. *Illustr. tamen Grew in Museo Regio* ex Sceletto a Generoso Dn. Roberto Southwell suppeditato, et acri inciso, demonstrat ex ossium structura, hoc est articulatione non solum occipitis cum colli vertebis, sed etiam maxillae inferioris cum superiore, quae in hoc animali conformis est cum reliquis, manifestum esse, Crocodilum eodem prorsus modo, quo alia animalia, maxillam inferiorem movere. Haec illustris Anglus; jungam huic Gallum *Illustr. du Verneyum* l. c. *Maxilla*, scribit, inferior cum temporum ossibus duplici articulatione sic necitur, ut sursum et deorsum tantummodo moveatur, non dextrorsum et sinistrorsum, ut in aliis animantibus; cum enim dentes illius acuti sic disponantur, ut sibi non occurrant, sed in spatia gingivarum dentibus vacua incurrant, maxilla ad latera inflecti non debuit, sed sursum deorsumve, ut dentium apices sibi aptata foramina subirent. Totum reliquum corpus haecenus descripto capite excepto, uti optime in figura nostra expressum, squamis pene obductum rotundis in collo et cruribus, in tergo et in summitate caudae velut fasciae quaedam squamosae apparent, fulcis et caelaturis distinctae, adeo ut squamae non imbricatim, ut in majoribus piscibus, sed quasi tessellae juxta se positae viderentur, ac fasciae illae ob dorsi vertebrae hinc inde ad lumbos usque, ita sint porrectae, ut inter eas distincta sint intervalla squamis destituta. Atque in iis solis intervallis locus est vulneri. Nam squamae ipsae sunt adeo firmae et durae, ut pene sint impenetrabiles, mediam inter os et cartilaginem naturae naturam, non fragiles ut ossa, sed flexibiles; hinc de juncturis fasciarum intelligendum, quae *Bontius* de vulneribus Crocodilo circa moenia civitatis Bataviae in palude capto, bipennibus in dorso ac alibi inflictis, memorat. Nam et dorsi et caudae squamae crista quadam muniuntur, ut galeae et cassides et in eundem pene usum. Tenuiores sunt sub Ventre, cauda, cruribus, collo et maxilla inferiori, nec crista munitae, sed uti quadrati lapides dispositae, continuatas fascias ut in dorso non exhibent, neque eam resistendi vim habent, ut illis in locis facile gladio sauciari possint. Caudae longitudo reliquum corpus aequat: annotavit porro *Piso* caudae medietatem, firma pinna superius erecte stante, ad finem usque dotata esse, qua inter natandum, more piscium se gubernet. Crura cum pedibus acutissimis unguibus armatis in latera flectuntur. Interiores partes quod attinet, illae elegantissimae descriptae sunt in *Anatome Crocodili Versaliis dissecti apud du Hamel, in Reg. Scient. Acad.* Carne Crocodili sunt candidissima, quam Cl. *Bontius* comedit, et agreste ipsi et paludosum sapiebat, imo choleram exinde lethalem ferme contraxisse queritur. *Hist. nat. et med. Libr. V. c. 30. p. 33.* *Adeps* animalis vulnera ab ipso illata optime sanat, *Pisonis* teste; qui *testes* quoque myrothecium redolentes care divendi tradit.


dit. Hinc Crocodili Americani aquam dulcem inhabitantes adeo *moschi odore fragrant*, ut aër ad centum passus inde afficiatur, hocque singulari divina providentia factum credit *Rochefort dans l'Histoire naturelle des Antilles*, ut homines animantiaque fragranti odore quasi moneantur, ne incaute hunc in praedatorem incurrant. *Parisienses* quoque jam saepius laudati in dissectione Crocodili annotarunt, circa medium inferioris maxillae utrinque fuisse *glandulam, liquorem suavissimi odoris fundentem et spargentem*. Colore croceo quibusdam esse statuitur Crocodilus, sed ut plurimum ad gryseum et cinereum declinat, quod in nostro quoque accidit. Forsan vivus ad croceum vergit. Animal pigrum nec facile in latus vertitur, recto semper procedens tramite, ut illi, quos bestia prosequitur, si hinc inde currant, eam saepius queant evitare. Ova parit *Niloticus Anserinis* similia, sed *Brasiliensis Gallinarum* ovis magnitudine, non figurae oblongae, sed cylindroideae secundum *Olearium*; haec ova arena obruit, ubi solis fota calore absque ullo incubatu sponte foetus excluditur. Curiosum est, modo verum, quod *Acosta de Arom. Libr. V. p. 59.* memorat; *nunquam comperitum esse, iis qui Cymbis e Mambu confectis, (in quibus nascitur Tamaxir) crocodilos appetuisse, sed saepenumero conspecta esse haec animantia nantantia proxime illas Cymbas, attamen praeteriisse sine noxa.* Omnia quae de Crocodilo dici possunt, congeffit ex omni antiquitate philologicisque rivis stupendi Laboris *Aldrovandus*; hanc Bestiam peculiari Dissert. descripsit *Kirchmaier*. *Leviathanem Jobi* aliaque scriptura loca, ubi de *Draconibus* sermo, per *Crocodilum* interpretatur *Excell. Ludolfus in Comment. ad Histor. Aethiop. L. I. cap. XI. n. 86.* cui jungi potest incomparab. *Bochartus in Hierozoic. De Crocodili lacrymis peculiarem Dissert. edidit Lips. 1662. Chr. Krahe.*

Praecedit Crocodilo nostra in Tabula *CROCODILVS TERRESTRIS AEGYPTIVS*, magnitudinis pene ejusdem delineatus, licet maxime mole ipsa corporis differat. Est autem Animal sub nomine *Cordyli, Vromastigis* et *Caudiverberae* melius apud Zoographos notum, nomenque ultimum obtinuit, quod cauda in modum clavae tuberculis eminentioribus aspera, corpora quibus appropinquat, atrocissime verberare credatur. Hinc Graeci ad imitationem Latini vocabuli *Vromastigen* nominare consueverunt. Figura, quam in Museo Calceolarius exhibuit, non minus ac nostra, impense laudatur *Excell. Grew in Mus. Reg. Soc. Anglor. p. 46. (in Calceolari's Museum there is a curious Picture hierof unde the Name of Crocodilus Terrestris, as also in Besler.)* Apud solertissimum naturae mystam *Gesnerum* e communicatione *Th. Erasti* optime describitur. *Capitis et oris figura* Testudini responderet, brevi collo et parte interiori tumido; *duo circa rictum foramina* observantur, quae an *branchiae*, secundum *Bellonium* et *Rondeletium*, non facile determinari potest, quarum mentio apud *Bossuetum de Aquat. natur. p. 131.* *Pedes ipsi* quatuor, quinis digitis lacertarum more distin-

Æti. *Corpus* pelle duriuscula instar corii vestitum, e squamis durissimis et quodammodo osseis et quasi quadrangulis, quae parum cavae sunt, ut caudam rotundam efficiant, alioquin squamae in cauda tanquam tegulae, quae domorum culmina cooperiunt, simul junguntur: extremitas cujuslibet squamae in spinam acutissimam definit, sunt autem squamae pellucidae, flavescentes sive pallentes cornu adinstar. Animalis hujus *venter* magis quam in Crocodilo tumet. *Tergus* latum et quodammodo planum. Vocatur autem vulgo *Crocodilus terrestris* (quae denominatio Scinco potius convenit) quod aquae adeo sit impatiens, ut si quis Aquam ori infundat, statim exinde moriatur; contrarium autem Bossuetus dedit. *Vid. Cl. L. Legatus in Museo Cospien. p. 34. Mus. Reg. Soc. Angl. P. I. p. 46. sub nomine Swaptad-Lizard. Mus. Moscard. Lib. III. cap. 62. p. 223. aliique Zoographi.*

Duobis Lacertis tertium adjungit Indicam nempe, *SENEMBI*, Caraibis *OVAYAMACA* et *TGVANAM* secundum *PISONEM* corrupte pro *LEGVANE* dictam, licet Figura Legvanae a Bontio suppeditata differat. Ejus *corpus* ut plurimum duos vel tres pedes longum; sicut et cauda, ambitus vel crassities decem digitorum ad summum. Cum *Museum Societ. Reg. Angl.* figuram hanc nostram optime aeri incisam, et *Marggravii Wormii*que descriptionem prae reliquis celebret, (*curiously figur'd by Besler. Wel describ'd by Marggravius and after him, Wormius*) ad hos quoque Auctores B. L. ablegamus. *Johannes de Laet* amphibium esse tradit Animal, cui *Mr. Rochefort Histor. natur. des Isles Antill.* contradicit. *Marggravius* cutem eleganter viridem, sed maculis nigricantibus et albis in modum panni undulati hinc inde variegatam; Rupifortius differentis coloris esse pro regionum varietate asserit; unde a Lusitanis, improprie licet, Chamaeleontis nomine veniunt, refert porro ut plurimum foemellas ad viridem, mares ad gryseum accedere, qualis in nostro *Besleriano* conspicitur, quamvis tergum versus pallide viridescat. *Cutis* constat e squamulis in dorso, cruribus et caudae initio, paulo majoribus, quam in reliquis partibus. A cervice ad extremam caudam, seriem habet planarum sed mucronatarum instar serrae, spinarum, secundum dorso longitudinem etiam viridescens coloris, suntque spinae istae ad cervicem majores, semperque minores fiunt, minimae in caudae extremitate. *Caput* longitudinem habet ut plurimum duorum digitorum fere et paulo minorem, singularibus squamis maioribus quam in aliis partibus tectum, colli longitudo sesquidigiti, crassities quinque. *Singula mandibula* exiguos et nigricantes brevesque dentes habet. *Os linguam* crassam. *Pone caput* in utroque latere emicat albicans macula instar branchiarum Piscis; naribus est patulis, oculis nigricantibus magnis; rictu est diducto et patulo. Sub mento ingluviem ad pectus usque propendentem maximam partem nigricantis coloris habet, quam contrahere potest, et quando irascitur vel terrore afficitur, propendere sinit. *Cibum*, teste *Pisone*, ad ingluviem


1. 2. 3.



T. XIV

ANIMALIA





viem illam pendulam dimittit. *Crura* non solum, sed et eorum digiti perpetuis quoque squamis vestiti, et variis articulationibus praediti, quae omnia accuratissime *Marggravius* recenset. *Crura* posteriora anterioribus quidem majora, sed omnia paribus unguiculis curvis armata. *Inediam* diutissime tolerare potest, ut *Marggravius* ad duos et tres menses sine ullo cibo ac potu habuerit, nec dubitat diutius famem ferre adhuc posse. Aegerrime moriuntur pariter hi *Lacerti* vitae tenacissimae, ut tribus quatuorve plumbeis globis trajecti, et intestinorum praecipua parte absunta, tamen adhuc vivant, *Rupisfortio* teste. Sic *Marggravius* refert, quod pelle detracta vixerit, et cor exemptum subsilierit. *Caro* boni est saporis, cocta et diu fixa butyro, et aequè bene sapit, ac caro pullorum aut cuniculorum, si *Marggravio* credimus; *Rupisfortius* tamen suadet, aromatibus probe condiendam esse. *Laëtius* et *Francisco Ximene* refert, in hujus animantis capite interdum lapillos reperiri, qui praesentissimo auxilio *Renum* lapides comminuunt et foras projiciunt, si *Drachmae* pondere et liquore idoneo hauriantur, aut corpori etiam admoveantur. *Marggravius* vidit eximi lapidem e ventriculo *Senembi*, ovi gallinae mediocris magnitudine et figura, sed compressiore paulo, exterius glabrum albicantem, interius compositum e tunicis instar cepae, ita ut una ab altera separari potuerit lapide contuso. Coloris erat interius albicantis seu grysei, durae substantiae ut *Bezoar*. Quomodo arboribus ut plurimum insidentes, capiantur hi *Lacerti*. *Marggravius* fusiusque adhuc *Rupisfortius* in *Antill. Hist. natur.* p. 144. recensent. Plura desiderantibus suppeditabunt *Worm. Mus. Clus. Exot. Libr.* V. c. 22. p. 116. *Piso Hist. Brasil.* p. 104. *Bont. Hist. nat. et Med.* p. 56. *Hist. Mexic. Nard. Ant. Recchii* p. 744. *Nierenberg. Histor. Nat.* pag. 271. *Mus. Societ. Reg. Angl. Mus. Calceol. et omnium optime Marggrav. Hist. quadr. et serpent. L. VI.* p. 236.

TAB. XIV.

L Acertis *SERPENTVM* Tabulam jungimus, ubi statim se offert *NATRIX TORQUATA*, quae *Myagros veterum* esse creditur, sive *Virgilii Coluber testis assvetus*, et ὄφις ὀμβροῦ domus custos *serpens Aristophanis, Orophia Nicandri, Hydros Theophrasti, Nerophis* hodiernorum Graecorum, cujus mas *Scorzone*, et femina *Scorzonere* Hispanis dicitur. Obtinuit autem *Natricis* torquatae nomen, quod collum circulo quodam velut torque cingatur. Praeter *Aldrovandum, Gesnerum, Jonstonum* aliosque Zoographos, illustris *Rajus* in *Synops. method. serpentis* hujus pleniorē reliquis descriptionem dedit.

SERPENS PEREGRINVS Clusianae delineationi *Libr. Exot.* V. c. 18. obviae, optime convenit, nisi, quod haec rescisso capite, Auctoris nostri tota aeri sit incisa, meliusque colorum elegantissima congeries expressa. *Caput squamulas habet albas, cubicas, ad oras nigras.*

O

Tota

Tota autem pellis squamis tecta, serie quadam dispositis, prona quidem parte minoribus, supina vero majoribus, quemadmodum in reliquis serpentibus observare licet, et illis sane variorum colorum, et elegantissima serie distinctorum; nam dorsum a capite ad extremam paene caudam continuo ordine secundum longitudinem nigricantibus veluti clypeiformibus maculis est ornatum, latera autem alterius formae nigricantibus maculis depicta, venusta sane specie, subfuscus autem quem contraxit ex fumo, ut arbitror, color, valde elegantiam deformat, ipsa vero pellis satis spissa.

JACULUS SERPENS ita dicitur, quod Jaculi instar se vibret, hinc quoque Graecum nomen *Acontias* ἀπὸ τοῦ ἀκοντὸς a telo missili fluit, et Bellonio teste in Lemno Insula *Sagittari*, ab Italis *Saettone* vocantur hi serpentes. Bellonius, qui in Rhodo Insula probe observavit, tres palmos longum, unius digiti crassitiem vix aequantem, pronuntiat. Color ei cinereus sub ventre albus, squamis juxta dorsum et laminis juxta ventrem reliquorum serpentum more munitus. A cervice nigra, duae albae lineae per longitudinem dorfi ad caudam usque percurrunt, deinde maculis nigris oculi figuram aemulantibus, distinguuntur, quae notae lenticula majores non sunt, quapropter non abs re aliqui hunc serpentem *lenticularem* nominarunt. Vid. plura apud Illustr. *Aldrovandum* Hist. *Serpent.* et *Drac. Excell. Raj. in Synops. method. Serpentin. Gener.* p. 290. aliosque.

De *VIPERA* nil habeo quod addam, cum ubique prostant, et Cl. Severinus in elegantissimo de *Vipera Pythia* Tractatu omnium hac de re loculos excusserit. Anatomicen si quis tamen accuratorem desideret, inveniet illam in diligentissimi Tysonis anatomica *Viperæ caudisonæ* descriptione apud *Rajum in Method. synops. serpent. generis*; quae in plerisque cum *Viperis Theriacae* compositionem ingredientibus convenit. Quae Cl. Redi et *Charasium* inter de *Viperæ* veneno ortae lites, omnibus jam notae sunt.

SERPENS MARINUS est a Rondeletio, Bellonio, Salviano, Aldrovando aliisque Ichthyographis jam descriptus, nullus tamen accuratorem suppeditavit Delineationem *Excell. Rajo in aureo opere Wil. lugbejano de Piscibus Libr. IV. cap. 3. p. 107.* qui Romae ab Illustriss. Audore visam et examini subjectam communicavit. Capiti congruo persimilis; longitudo *V.* circiter pedum, corpore exade tereti, gracili, aequalis fere ubique crassitiei, nisi quod prope caudam sensim gracilescat. Color in dorso seu medietate superiore sordide flavicans, qualis in aversa parte membranarum vetustiorum cernitur. In ventre seu medietate inferiore caeruleus lucidior. Rostrum longum, tenue, acutum; ridus immanis; in maxilla inferiore prope ejus angulum seu apicem dentes *IV.* aut *V.* majores acuti, introrsum recurvi ordine positi, reliqui qui in ea sunt minimi et vix conspicui, sibi mutuo vicini: superior maxilla in ipso apice dentes habet majores quatuor; reliqui qui hinc inde sunt minimi,




Fig. I.




Fig. II.




Fig. III.



Fig. V.





Fig. IV.





mi, iisque qui in maxilla inferiore similes; amplissimi omnes sunt, qui in medio palato constituti, rectam lineam efficiunt. Oculi in superiori maxilla siti parvi, iridibus aureis, punctulis fuscis crebris respersi, toti autem cute densiore, diaphana tamen conteguntur. Pinnarum unum duntaxat habet par, nimirum ad branchias. Sunt autem pinnae exiguae superius sitae, ejusdem cum dorso coloris, radiis cartilagineis circiter 16. instructae, quorum medii longissimi, reliqui hinc inde sensim breviores. Foramina branchiarum ut in angvillis a capite sunt remotiora. Pinna dorsi paulo infra branchiarum pinnas inchoata, ad extremam caudam, uno minus digito extenditur, estque ima sui parte dorso concolor, summe nigra, initio et fine humilior, in medio altior. Cauda non plana ut in Angvilla, sed teres, paulatim tenuior, donec in acutum apicem desinat, nullis pinnis fimbriata secus quam in congro et anguilla. Brevitati studens silentio involvo, quae circa internarum partium constitutionem vir eruditissimus annotavit.

TAB. XV.

Serpentem marinum hac Tabula excipiunt alia marina monstra. Et quidem Piscem exhibet Tab. Fig. I. Cetaceis accensendum, cum si vera sunt, quae veteres scribunt, ad Cetorum magnitudinem quandoque excrescat. A Bellonio, Rondeletio, Salviano, *ZYGAEANA* vocatur. Monstrosa capitis figura, qua a reliquis omnibus piscibus differt, varia ipsi peperit nomina; quia τὸ ζυγὸν imitatur, quo transversum librile, ex quo lances dependent, significatur, *Zygaenae* nomen, teste Exc. *Charltono de different. Animal.* obtinuit; hinc Anglis *the Balance Fisch* dictus. Massilienses *Peis Jouziou* sive Piscem *Judaeum* a similitudine tegumenti capitis, quo olim Judaei in Provincia utebantur, dicunt, teste *Rondeletio*; sic a transverso Capitis situ in Italia *Pesce balestra*, et *Pescemartello* appellatur, quod *arcum malleumque* itidem imitetur; unde est quod *Gillius* hunc Piscem veterum *Sphyrænam* esse credidit, quoniam σφύρα malleus est. Alio nomine Romae *Ciambetta* dicitur. Hispanis *Peis limo*, *Limada*, *Toilandolo*. *Aldrovandus* et post illum in opere *Willougbejano Excell.* *Rajus*, *Galeis* potius quam *Cetis* accensendum putant. Noster, quem Tabula haec exhibet, qui nescio quo fato e *Besleriano* Museo in manus Amici naturalium rerum sagacissimi venit, tres ulnas non excedit longitudine, vix dimidiam latitudine. Aptè in illam descriptio *Aldrovandina* quadrat. Monstrosa Capitis figura non rotunda est, non rostrata, non fastigiata neque in latera compressa, qualis in Piscibus reliquis esse solet, sed in latera extensa atque transversa. Cujus quidem frons anteriorve pars, quae utraque clauditur oculo, uti antè in semicirculum fere extuberat, sic ita in aciem acuitur, ut dum celeriter Piscis natat, pisces secare posse credatur, quod etiam natantibus hominibus, si qui obvii occurrant, fieri assolet,

unde qui piscandi, aut quavis alia causa longius a litore per pelagus natant, haud abs re eam exhorrescunt; ideoque, ut *Aelianus* memoriae prodidit, occurfus ejus jam olim navigantibus infaustus habebatur.

Boussuetus de Natur. Aquatil.

*Zygaena aspectu torvo horribilique figura est,
Auspiciis nautis conspicienda malis.*

In medio extremæ utriusque lateralis partis capitis, sunt oculi magni rotundi, deorsum potius, quam in latus aut sursum spectantes. In utroque praeterea ultima frontis parte oculis proxima oblongum insculptum est foramen auditui olfactuive, aut utrique ut arbitror subserviens. Os subtus inferiore parte permagnum habet, dentibus validissimis, planis secundum *Rondeletium* latis, inque latus ferrae modo vergentibus, triplicique, vel *Bellonio* sic sentiente, quadruplici ordine digestis, armatum, id quod e *Fig. II.* quam ideo aeri incidi curavimus, patet; hisce dentibus quicquid illi obvium, dilaniat, a qua saevitia *Massiliensibus Cagnola* dicitur, et ab *Oppiano Leoni* opponitur et praefertur: sic enim *Alievtic. Lib. I. v. 367.* Edit. *Rittershus.* p. 169.

Τῶν ἥτοι κρυφείας τε λέων βλοσυρή τε Ζυγαίνα.

Ex quibus (sunt) horridusque leo, torvaque Zygaena.

et *Libr. V. v. 37. n. 331.*


— — τίς τε λέοντος ἐν φρέσιν αἰθεταί ὁ λυγρὸς


ὅσον ῥιγεδαῆσιν ἀνισώσαιο Ζυγαίνας;

-- -- *Quae autem Leonis in praecordiis ardet vis (tanta)
ut horridis comparari queat Zygaenis?*

Reliquam corporis structuram vid. apud *Ichtyographos* citatos; imprimis apud *Illustr. Rajum* in *Synopsi Method. Piscium* p. 20. Esui ob insuavem saporem interdictus; vid. *Boussuetus* l. c.

Fig. 2. Monstrum monstrat aspectu horridum, a *Calceolari* olim in Museo itidem exhibitum, quod cum optime *Besleriano* hic depicto conveniat, illius quoque descriptionem addere licebit: *Monstruosum hoc Animal, quod spectandum exhibetur, formam illius virulentissimi Basilisci imitari dices: Caput namque (non secus ac hoc delineatur) veluti diademate, ac corona Regia exornatum habet; non absimilem coronae illi, qua antiquitus Latronum Reges coronari consueverunt, quod latrocinandi arte Praefulgerent. Corpus est paussillo, colore fusco, a cujus utraque parte inferiore pinna perinde ac alae in altum eminent, ut fatereris alatum esse Draconem et ad volandum agilem, ni mare ipsum hoc aleret: scias namque, ne quid mendacii hoc nostro in Nomenclatore reperiatur, Basiliscum non esse, non esse Draconem, sed esse Piscem maris alumnium, RAJAM nimirum, laevem, in hanc*







1711

hanc formam artificis manu fabrefactam. Haec Calceolarius, vel qui sub ejus nomine latet *Benedictus Cerutus*. Confer. *Museum Kircherianum* a P. Buonann. edit. Class. VIII. p. 270. *Mus. Moscard. Libr. III. cap. 73. p. 232.*

Rajae in Draconem artis ope effigiatae junguntur Fig. 3. et 4. *OVARIA RAJAE PISCIS*, quae vulgo *MARINI* dicuntur *MURES*, existuntque specificum haemorrhoidum dolentium remedium. Figuram primus exhibuit *Rondeletius* Libr. XII. cap. IV. et post eum saepius laudatus *Boussuetus*, qui Carmine de natura Aquatilium *Rondeletii* opus de piscibus marinis, ovariumque Rajae ovis propendentibus gravidum iconè expressit. A prima statim *Musei Besleriani* institutione delituit hac ovarium, nec inter rariora aereis expressa tabulis alia causa omissum, nisi quod Auctorem lateret, cui Classi foret accensendum, cumque omnibus rarioribus Schedulae affixae essent, destituebatur hac ovarium, certissimo ignorantiae indicio. Praetulit tamen figura *Rondeletiana* et *Boussuetiana* lucem, ideoque hic expressa, cum in officina, imprimis *Dietericiana*, prosteret haemorrhoidalis doloris certissimus averuncus; paucis vero cognitus ante diligentissimum naturae mystam *Spenerum*, qui scripta ad *Excell. Valentinum de marinis his muribus Epistola*, rationem nominis, structuram et virtutes murium marinorum e variis Auctoribus, imprimis descriptione *Brakenhoferiani Musei Manuscript. illustravit*, ad quem lectorem, qui plura his de ovariis nosse cupit, ablegandum censeo. Exhibet autem Figura 3. *Murem* sic dictum *marinum* tam ratione magnitudinis quam figurae cum suis IV. extremitatibus longioribus, ejus apertura, quae pilosa apparet, extremitatibus brevioribus foramini ab opposito conspicuis foliaceis, quae interdum caudam repraesentare videntur. Fig. 4. autem *internam oculis subjicit murium figuram*, eorum corpora e striis conflata: item locum aperturae, ac exactissimam extremitatum duplicaturam.

TAB. XVI.

Elegantissima certe *TORPEDINIS* Figura, quam Auctor aere exhibuit, ut vix *Salviani*, elegantia cedat. Recensetur haec piscis inter Pelagios cartilagineos planos et a Graecis, ob stupefacientem, quae illi attribuitur, vim *νδρυν θαλασσια*, Germanis *der Zitterling*/ item *der Schläfer oder Krampf-Fisch*/ Anglis quoque *the Cramp Fisch* dicitur. Antiquorum scriptorum de hoc pisce scrinia expilavit Zoographorum doctissimus immortalis Gloriam *Aldrovandus*, et qui in nimis angustum compendium redegit *Jonstonus*. *Salvianus* structuram internam et externam rimatus est, intimius adhuc *Titipolitanus Episcopus Steno*, et nunquam satis laudandus *Fr. Redi*; et ingeniosissimus auctor *Borellus*, rationes pro explicanda vi hujus Piscis stupefactiva sug-

geffit, quas latius adhuc exposuit in peculiari libello inscripto: *Observationi intorno alle Torpedini di Stefano Lorenzini Flor. 1678.* edito, quod opusculum excerpfit, et latiali toga indutum Ephem. Nat. Curios. Dec. I Ann. X. inseruit Pl. Rev. P. Adam. Adamandus Koehansky S. J. Presb. His indigitatis fontibus, quin animus sciendi cupidus ex-fatiari possit, nullus plane dubito. Nobis sufficiat breviter annotasse, Figuram Piscis dempta cauda circularem fere esse, segmento ad summum caput ablato. Varias sunt ejus species, colore, maculis, appendicibus prope caudam, oculis, foraminibus post oculos &c. a se invicem distinctae, hinc magnitudine quoque ut plurimum differunt. Sunt enim quae uncias sex pondere non excedunt, sunt aliae, quae libras XVIII. pendunt: *Illustr. Redi* quandam XXIV. librarum appendit, cum Salvianus tamen scribat, se nunquam observasse, quae senas libras excederent. Oculi non admodum magni cute fere cooperti, differentis figurae in diversis speciebus. Retro oculos foramina duo lunulata in gyrum cre-nata, in palatum pervia, per quae nonnihil aquae exsorptae rejectant; creditque *Excellent. Rajus* in *Willugbejano opere de Piscibus*, auditui haec foramina inservire. In partibus lateralibus dorsi apparent vestigia sive lineamenta duorum corporum foliatorum, quae foris mollis sunt substantiae, e plurimis vesiculis irregularibus Aqua repletis composita; ablata pelle observantur esse duo muscoli pulcherrimi, ex fibris multis mollibus, albis, calamo anserino crassioribus, figurae cylindricae a cute dorsum integente perpendiculariter ad illam, quae pectus vestitur, tendente compositi, quarum anteriores breviores sunt posterioribus. Fibrarum harum extremitates, variarum irregularium figurarum vestigia sui relinquunt in pelle dorsi aequae ac pectoris, et colore, figura ac situ, veris ac realibus vesiculis simillima apparent. Separantur ab invicem fibrae per alias transversales nervosque manifeste recipiunt, per transversum eis se applicantes, ita ut jure fibrae motrices vocari possint. Accuratiùs et latius horum corporum falcatorum injecta mentio, cum secundum *Excellentiss. Redi* et *Lorenzini* vis stupefactiva et dolorifica Torpedinis in nulla alia parte nisi in illis corporibus sive falcatis musculis duobus resideat. Caeterum Acephalos videtur hic piscis, adeo latum esse caput, nec a corpore divisum. Os Rajae ori simile, latitudine digitali, rictusque secundum proportionem corporis amplissimus; in utraque maxilla *Dentium* minimorum durorum, uncinatorum, versus fauces incurvorum multi ordines. Infra hunc quinque foraminum falcatorum paria ducunt ad branchias: quibus ex utroque latere, junguntur modo dictorum corporum falcatorum lineamenta. Supina jacente, nares apparent, quarum superficies interna simplicissima, per laminas aut corpus quoddam aliud nequaquam multiplicata, unde torpedine sine dubio olfactus obtusissimus. Pinna corpori utrinque una, in forma Limbi, jungitur. Cauda pluribus instructa est: ad initium ejus utrinque una carnosae; in dorso hujus duae spinosae; extremae alia quodammodo-

dammodo bifurcata, itidem spinosa additur. *Anus* prope caudam fat grandi fissura patet: in cuius labris versus caudam duo foramina falcata conspiciuntur. *Cutis* seu *pellis Torpedinis* infinitis foraminibus, maioribus et minoribus pertusa est, quibus totidem canaliculi diversae item magnitudinis, humore viscoso, pellemque lubricante, referti annectuntur. Separata pelle canaliculi majores in dorso circa partes convexas utriusque corporis falcati, in duos fasciculos collecti observantur altera sui extremitate omnes conjunctim terminari inter oculos et anteriorem extremitatem capitis, ubi quivis canaliculorum sensim affixus est exiguo globulo crystallino, simili semini *Coriandri*, natanti in humore quodam albo glutinoso. Minores vero sunt ramuli alterius cujusdam canalis gemini, corpora modo dicta falcata utrinque cingentis, productaque per totam pellis longitudinem ramificatione, in caudam terminantis. *Internam partium structuram* omittimus, optime apud citatos Auctores reperiundam, cum Auctor externam *Torpedinis* figuram exhibuerit, *Torpedinem mortuam* non stupefacere, sed impune tractari posse, testatur Ill. *Rajus* in *Synops. Method. Piscium* p. 29. *Piscis* est pessimae famae: hinc *Venetis*, ne in foro piscario vendatur, Praefecti sanitatis Auctoritate cautum est. *Massiliae* tamen, *Genuae* et alibi a tenuioris fortunae plebe esui expetitur.

Torpedini ORBIS SPINOSVS in Tabula nostra appositus *Germ. stachlichte Meer-Taube* dictus. Orbis nomen obtinuit, quia rotundus totusque pene capite constat. Refertur ab *Ichthyographis*, praesertim *Excell. Rajo* in *Willugbejano de Piscibus aeterno opere et Synops. method. Pisc.* pag. 42. inter *Pisces* corpore contractiore, et qui plerique insolentis figurae sunt, corpore globoso, et ut *Marggravius* loquitur, corpora sua utris more inflare possunt. Convenit autem ab *Auctore nostro* delineatus orbis exactissime cum orbe maritimo muricato altero *Clusii* in *Exoticorum Libr. VI. cap. XXIV.* descripto, ut ovum vix ovo similis videatur; hinc ejus quoque descriptionem adjungimus nostro orbi apprime quadrantem: *Per universum corpus muricatis munitus spinis, coloris in dorso fusci, et multis nigris maculis conspersi, in ventre autem cineracei; supercilia sunt elata, os aliquantulum prominulum et duobus albis ossibus praeditum; binae in lateribus pinnae non adeo magnae; aliae item binae, quarum una in extremo dorso paulo supra caudam, altera post podicem fusci coloris, nigrisque maculis notata, quemadmodum et illa, quae extremam caudam finit.* Hunc orbem *Excell. Rajus* eundem esse credit cum orbe *Batrachoides Mus. Societ. Reg.* et *Marggravii Gvamacu atinga* sive orbe muricato *Ranae* ritu.

Orbi muricato jungimus *ORBEM NON SPINOSVM*, a *Salviano Aegyptiacum* dictum, eo quod in *Nili* ostiis capiatur. Figura, si caudam excipias, est sphaerica, prorsus a squamis nudus; cute admodum dura tegitur, quam asperam efficiunt aculei parvi, quibus tota

consperſa eſt, quorum reſpectu improprie non ſpinofus dicitur. Ore eſt parvo, dentibus quatuor albis munito. Unicum utrinque *foramen* et *pinnam unicam* habet utrinque ad branchias Capriſci modo; pinnulam aliam in prona parte prope caudam; aliam huic fere reſpondentem in ſupina. *Cauda* in unicam et latam deſinit. Piſcem hunc *Plinii orbem*, vel ut alii legunt, *orchin* eſſe credunt; verba Plinii haec ſunt: *Duriſſimum eſſe Piſcem conſtat, qui orbis (orchis) vocetur; rotundus eſt et ſine ſquamis, totuſque Capite conſtat.* E mari Nilum ſubire creditur; minime tamen eſculentus eſt: totus enim capite vel potius ventre conſtat; hinc exſiccatus vel Alga et tomento oppletus et ſuſpenſus coeli partem, a qua flat ventus, roſtro ad eam converſo indicat; unde a quibusdam Germanis *See-Hahn* ſive Gallus marinus vocatur, quod verum eſſe experimento comperit in parvulo ſuo orbe, Wormius in Muſeo. Vid. quoque Muſ. Moſcard. Libr. III. c. 66. p. 227.

Tabulae medium occupat *TESTUDO MARINA*, Germ. *Meer-Schild-Krot*/a Terreſtri ſive lutaria non niſi magnitudine, qua eam excellit, differens. Teſta enim eſt minus pulchra et concinna molliore, pedibus piſcium pinnis non abſimilibus, ad natandum comparatis. In ingentem magnitudinem excreſcit, ut in Braſilia et Antillarum Inſulis unius caro, 80. vel centum hominibus in prandium ſufficiat, teſte Ruſſfortio in Hiſt. natural. Inſul. Antill. cap. 21. Art. II. p. 246. A capacitate tegminis teſtacei, nomen Teſtudinis apud Latinos, apud Graecos *χέλυς* et *χέλις* obtinuit, a verbo *χέω*, capax ſum. Nolo revocare equidem Veterum fabulas, Solini imprimis, qui in mari Indico tam grandes eſſe ſcribit Teſtudinum teſtas, ut duabus ſuperna parte junctis et inferne deductis, aedes ſuas conſtruant. Nec Aeliani, qui in Taprobana Inſula aedium teſta ex Teſtudinum teſtis conſtare credit. Nec Dio-dori Siculi, qui populos Chelonophagas Aethiopiae et alios Caraman-niae vicinos, ejuſmodi Corticibus Teſtudinum, pro cymbis, quibus ad continentem navigant, item pro Tentoriis uti refert; de quibus omnibus *ὁ πᾶν* Salmaſius in Plinian. Exerc. in Solin. p. 837. Licet haec a veteribus de Teſtudinum magnitudine fidem pene ſuperent, tantae tamen in India exiſtunt, ut parum ſit pariter credibile, ni viris omni exceptione majoribus fidem denegare omnem velinaus. *Generoſ. Anglus Herbertus* in mari Indico Teſtudines tantae molis ſe vidiffe jaſtat, ut quatuordecim homines unius dorſo inſiſtere potuerint. *Joh. Faber Lynceus* in *Expoſit. Animal. Novae Hiſpan. Nard. Ant.* Recchi p. 731. *Nicolaum Trigautium* maximum illum in Sinam Miſſionarium, certo ipſi aſſeveraſſe memorat, in mari illius Regni tantae magnitudinis vidiffe Teſtudines, quantae ejus cubiculum, quod paſſus erat longum decem, latum ſeptem. *Marggravius Hiſtor. quadrup. et ſerpent. Lib. VI.* p. 241. tantae in Braſilia molis pronuntiat, ut a quatuor robuſtis viris vix poſſint moveri; imo Laëtius in tantam magnitudinem excreſcere ſcribit, ut quinque viroſ teſta ſua ſuſtineant, et cum


iisdem

isdem prorepant; hinc non mirum, tam firmam illis testam a natura im-
 pertitam, ut rotis plaustrum onusti currentis minime conteri possint, teste
 Wormio in Mus. p. 316. Nostra Testudinis testa e mediocribus, tantae
 tamen magnitudinis existit, ut commode quis eo pro scuto uti possit,
 quod de *Centurione Mario* memorat *Nierenbergius Hist. Nat. Libr.*
XI. cap. 54. p. 260. Pollicem crassitie excedit; varias habet futuras, e
 variis variarum figurarum tessulis coagmentatas quasi, haud adeo con-
 cinnas, coloris nigri splendentis, lineis flavis vix visibilibus. Partium
 Animalis hujus structuram fusius recensere, rem supervacaneam judico,
 cum illud jam praestiterit *Severinus in Zootem. Democrit. p. 321. seq.*
 post eum *Gerard. Blasius in Animal. Anat. cap. 36. pag. 118.* Edit.
 in *IV. du Hamel in Reg. Scientiar. Acad. Histor. Libr. I. cap. VII. Illustr.*
Redi nell' osservaz. intorno agli Animali viventi che si trovano negli
animali viventi. pag. 95. 140. seq. et omnium accuratissime in peculia-
 ri libro, Italice *Illustr. Fr. Redi* inscripto: *Giov. Caldesi Aretino nell' Offer-*
vazioni Anatomiche, intorno alle Tartarughe marittime, d' Acqua dolce
et terrestri, plurimis figuris aeneis illustrato opusculo, et impresso *Flo-*
rent, Anno 1687. in 4to; et licet haec Testudinis solertissima Anatome
 omnem mereatur laudem, nitidiorem adhuc habuissimus, ni mors in-
 vida abripuisset virum omni elogio superiorem, *Christophorum Gott-*
waldum, Podalirium Dantiscanum, naturae Mystam solertissimum, ceu
 ex aeneis *Musei Anatomici ejus figuris*, quae apud Nobilissimam Vidu-
 am una cum Conchyliorum elegantissimis, et omnes, quas haec-
 nus videre contigit, delineationes superantibus, superfluit, satis patet.
 Cum explicatione et uberiore destituatur descriptione opus fere Regi-
 um, Tabulas tantum recensere placuit, ut salivam moveamus erudito
 orbi, et Bibliopolarum curiosioribus, quo Virum in Historia natura-
 li promovenda solertissimum, paternis gloriose insistentem vestigiis
Joh. Phil. Breynium, Medicum pariter Dantiscanum celeberrimum, Reg.
 Soc. Angliae Socium dignissimum, sub cujus directione et manibus,
 precibus et pretio exorent, ut in publicam tandem lucem opus splendidis-
 simum prodeat. Continent autem, quae Testudines concernunt Ta-
 bulae, et quidem *prima et secunda Testudinis marinae* et, ceu e delineatio-
 ne accuratissima patet, *Tartarugae Lusitanorum* sive *Juracuae Brasilien-*
sium, quibus alae quasi loco pedum, summam et imam faciem. Tabula
Tertia faciem anteriorem; Quarta partium internarum situm natura-
lem, certe omnibus haecenus editis anteferendam. *Quinta, Gulae*
structuram: Sexta partes genitales utriusque sexus, in quibus plurima
 observanda, ab aliis animalibus peculiaribus; et *Trapham* quoque in *de-*
script. Jamaicae cit. *Excell. Rajo* observavit, Marem et foeminam Te-
 studinum per integrum mensem lunarem in complexu Venereo perseve-
 rare; hinc *Wormius* foeminas mares valde reformidare scribit, ob con-
 gressum longiorem nempe, qui ipsis injucundus; *Septima Ovarium ex-*
hibet et Pulmones, quos non in Thorace, sed in Ventre inferiore sub dia-
 phrag-

phragmate fitos *Joh. Faber Lynceus* tradidit, cui hypothefi haec et aliae tabulae favere videntur, hinc *oſtava pulmones cum folliculo aethereo* fiſtit; *Nona Scutum inferius, decima ejusdem Sceleton*, quo clare innuitur, Teſtudines Scuto ſuo, ut vulgus putat, exire non poſſe, quod oculis jam expoſuit *Lachmund Dec. I. Ann. IV. et V. Obſerv. CLXXXIII. p. 240.* Claudit tandem Tab. *Decima cum variis Teſtudinum ſcutis*, e quibus coloribus et magnitudine differentibus varia et elegancia conficiunt opera, quae cum iis certant, quae ex Achate elaborantur. De oyis Teſtudinum varii Auctores varia. *Joh. Ott. L. B. de Helwig* in Inſula Cera Auſtrali-Orientali, ſaepeius 300. et 400. in foveam arenaceam deponi a Teſtudine refert, ſolo calore ſolis ſub Arena, abſque ulla alia incubatione excludenda; cum tempus advenerit excluſionis, pullos recenter excluſos adventantes emari parentes devorare aſſerit, ſi vera ſunt, quae narrat. *Dec. II. Ann. IX. et X. Obſerv. CXCIV. §. 27.* De modo Teſtudines in dorſo reſupinatas capiendi *Rupifort. Hiſt. Nat. Antill. Pomet dans l'Histoire generale des Drogues, Second. Part Livr. I. chap. 36. pag. 86.* tres modos recenset. Conf. etiam *Muſ. Moſcard. Libr. III. pag. 218.*

Teſtudinem *SEPIA* excipit, quae nomen obtinuit ex atramento, veluti putrida quadam ſanie, Graeci *σηπιδόνια* vocant, qua abundat, vel ob *σήπιον*, quod, uti poſtea dicemus, in dorſo gerit, ſic ſentiente *Excell. Charltono de differ. et nominibus Animal. et ſpec. de Piſcib. pag. 50.* Refertur in claſſem mollium piſcium, et optime cum Icone *Sepiae pronae Salviani* convenit, in hac noſtra Tabula expreſſa figura. Proprium huic piſci eſt, (praeter fiſtulam inter caput et alvum prominentem, quod atramenti copia luxuriat, et vel ideo quam in caeteris reperiatur majori,) quod vitam litoralem traducat, et nihil aliud, quo ſibi auxilietur, habeat, cum Polypis et brachia et mutatio coloris inſerviat: unde fit ut atramentum illud, ſive cruorem ſuum atrum per Aquam effundat, cum ſe peti animadvertit, et piſcatoribus iter veluti praefeſſiat; a quo nigro liquore Germanis *Black-Fiſch oder Dinten-Fiſch* nominatur, a molliuscula autem ſtructura *Ruttel-Fiſch*. Hoc ſepiae atramentum Sinenſes cum Brodio oryzae vel alterius leguminis inſpillant et formant, et in univerſum orbem ſub nomine *atramenti Chinenſis* transmittunt; teſte *Excell. Hermann. de Mater. Medica.* Habet et praeter atramentum *Sepia*, in dorſo *σήπιον* robuſtum et latum, inter ſpinam et os mediam prae ſe ferens naturam, ſubſtantiam nempe teſtaceam candidam, levem, utrinque tumidam, parte ſuperna duriuſculam, inferna fungoſam molleculam leviter aſperam friabilem, ſaporis aliquantum ſalini et ſubacris, odoris nullius, in officinis Os ſepiae dictam. Licet aſpectu plane horridus ſit hic Piſcis, in culinam tamen et cibos recipitur, non ab Italis tantum mare mediterraneum accolentibus, ſed et a Gallis, teſte *Pomet dans l'Histoire gener. des Drogues*; hinc *Bouſſuetus de Aquatil. nat. canit:*

Sepia



MARINA.



Pristis. Schwerdfisch.



Pycnosstus. Störfisch.



Gladius siccus terra.


Der Kopf des Schwerdfisch.



Canis marinus. Ein Meerhund



Mandibula canis marini. Des Meerhunds gebiß.



Caput Delphini. Delphin Kopf

1185



*Sepia dura quidem est, sed si semel esca coquatur,
in stomacho et venis et jecore optime alit.*

Apud Veteres quoque in esu ut usu fuisse, fuisse probat, et ex omni antiquitate derivat laboriosissimus *Aldrovandus*, de mollibus, crustaceis et Testaceis Lib. I. cap. 4. pag. 59. Etiam ova Sepiae in siccum ejecta, a quibusdam edi cocta in sartagine, scribit *Rondeletius*. Singularis ovorum Sepiae structura, de qua modo laudatus Boussuetus canit:

*Ova edit baccis myrti forma effigieque,
Qualis vinifera in vite racemus inest.*

De interna Sepiae structura Consul. *Excell. Redi nell' osservazioni intorno agli animali viventi che si trovano negli animali viventi. p. 169. seqq. Edit. Florent. in quarto.*

TAB. XVII.

PRISTIS sive *SERRA PISCIS*, *Anglis The Saw-Fisch*, inter cartilagineos longos edentulos a *Cl. Rajo* in opere *Willughejano de Piscibus Lib. III. Sect. I. cap. 14. p. m. 61.* a *Cl. Wormio* in *Museo* non ad Galeos sed cetos refertur, et licet cum Cetaceis nullam habeat corporis similitudinem, ob molem et magnitudinem tamen saepe *Cetaceus*. Cutim habet rudem et instar *Zygaenae* cutis asperam, cineracei in dorso coloris, in ventre candicantis. Caput Cordis figuram habet, compressum nec crassum; in hujus medietate, paulo tamen versus anteriora, in quolibet latere oculus, et post quemlibet digiti fere intervallo spiraculum, per quod Aquam evomit, (quae foramina *Excell. Rajus* meatus auditorios esse credit,) et sub his in inferiore tamen parte oris scissuram, ut in *Zygaena* fere transversam labiis instar limae acutis sine dentibus. In extremo autem capitis versus Serram in inferiori parte duo sunt spiracula substantiae interius instar branchiarum, quibus sine dubio ferratum rostrum regit, nam has inter branchias serra oritur. Caput igitur in longum et angustum, planum et firmum rostrum porrigitur, de quo mox pluribus. Pinnas piscis habet VII. videlicet duas ad latera, paulo infra branchiarum spiracula, post has in lateribus iterum duas, supra has in dorso unam, deinde in extremitate corporis fere in dorso itidem talem, et pro cauda septimam. Corpus subteres est, angustum versus posteriora. Piscis, quem Auctor noster habet et exhibet, vix e mediocribus est. Ast major fuit, e quo

SERRA PRISTIS improprie Gladius, cujus figura quoque a Beslero nostro hac et eadem producit Tabula; gladius enim Piscis *Xyphiae* est, *Serra Pristis*. Porrigitur, uti modo diximus, Caput *Pristis*

in longum planum et angustum hoc rostrum, utrinque multis dentibus sive osseis firmisque ac rectis spinis ex adverso sitis serrae instar munitum; numero secundum *Illustr. Rajum* incerto, in aliis enim XXV. in aliis XXVI. in aliis XXVIII. utrinque cernuntur. In nostra Serra viginti sex numerantur spinae, in Serrula vero, quae pisci adhuc agglutinata, viginti. Longitudinem quod attinet, binas ultra ulnas adaequat, unde Piscis magnitudo facile aestimari poterit. Per longitudinem porosi ossis, duas habet cavitates, quae juxta extremitatem coalescunt, nec in apice hiant. Vid. Cl. *Jacob. Mus. Reg. Danic. Sect. III. p. 15.* Plura de *Pristi* ejusque Serra scire qui desiderat, evolvat *Clus. Exot. Libr. VI, cap. 19. p. 135.* seqq. *Museum Worm. Libr. III. cap. XV. p. 288.* *Pis. Hist. Nat. Brasil. Libr. III. p. 54.* sub nomine *Aragvagua.* *Rochefort l'Histoire naturell. des Antilles. p. 190.* *Museum Gottdorf. Olear. p. 38.* *Mus. Calceolar. Sect. I p. 82.* *du Hamel Hist. Scient. Acad. Reg. pag. 270.* pluresque alios.

PISCEM STURIONEM optime aeri incisum et delineatum esse, testis et Censor est omni exceptione major, *Illustr. Grew in Mus. Soc. Reg.* qui ad *Salviani* optimam expressionem nostram pariter accedere refert: (*especially that of SALVIANVS with is curious figure. The like in BESLER.*) Corporis figura longa est, secundum *Schoenfeld. in Ichthyol. sive Nomenclat. Animal. marin. fluviat. et lacustr. Holsat. et Excell. Charlton. in Onomast. Zoic. trianguli seu prismatis fere figura*, secundum *Illustr. Rajum in Willugbejano de Piscibus opere, Pentagona*, quinque scilicet squamarum ossearum ordinibus in quinque angulos tributa. *Squamae superioris ordinis* in medio dorso, caeteris majores altius assurgunt. Harum numerus certus et definitus non est; in aliis enim piscibus XI. in aliis XII. in aliis tredecim observavit *Rajus.* Ordo hic usque ad *pinnam dorsi*, (quam unicam hic piscis habet, non longe a cauda) nec ulterius extenditur. *Ordines laterales* a capite incipientes ad ipsam usque caudam procurrunt, triginta aut XXXI. alteruter spinis compositi. *Ordines inferiores*, qui planum ventris lateraliter terminant, a priori pinnarum pari inchoati, ad secundum par desinunt; constantque singuli XI. XII. vel XIII. squamis. *Squamae omnium ordinum* in universum omnes spinam habent in fastigio brevem, validam, retrorsum incurvatam. Praeter hos V. ordines squamas duntaxat binas habet infra anum in medio Ventre. *Caput* pro mole corporis exiguum, ut et *oculi* iridibus argenteis. *Os* in prona parte rotundum, semper hians, absque dentibus, magis ad sugendum quam masticandum accommodatum, ante quod propendent appendices carnosae quatuor. *Μακρογυχότερον* rostro longiori, quo more suis terram fodit, unde Sturionis forte nomen illi impositum credit solertissimus *Gesnerus*, quibus *stieren und stören*/ caenum aut vadum aquae fodere et commovere significat; quae nominis deductio certe melior videtur illa maximi *Salmasii*, Criticorum facile principis, dum Sturionis nomen
exi-

existimat a *Thursione* Pisce, *διεσθαγμένως* deductum. *Olaus Wormius* dictum putat a corporis proceritate, quia *Stur* vel *Steer* magnum in lingua Danica denotat; hocque jam olim acutissimo *Jos. Scaligero*, illustriore Literarum quam Veronensi Principatu, suboluit, qui *Gothicum vocabulum Sturionem* pronuntiavit: a *Sturionis* Latino nomine Gallorum *Esturleon*, et Anglorum *Sturgeon* indubie descendit. Haud minus inter se pugnant Auctores de *Acipenseris* nomine, quae collecta videbis apud *Illustr. Rajum in Willugbeiano Opere*, pag. 241. Gignunt equidem *Maria* hunc piscem, maxima tamen fluvii dant incrementa: teste enim *Schoenfeld. in Ichthyolog.* p. 9. nisi utriusque *Aquae dulcis et salae beneficio fruatur vicissim libere, aegre incrementum sumit, ut in junioribus ex mari in vivaria et lacus translatis experientia docet.* Piscis imprimis nobilis, pinguedine flava abundans, palato Apiciorum gratissimus; et *Διὸς ἐνέριον Jovis Cerebrum.* Hinc in convivii pisces hos coronatos per servos coronis redimitos, junctis instrumentis musicis, apposuerunt, quasi quadam non deliciarum, sed numinis pompa, ut *Athenaeus loquitur Deipnos* L. VII. c. 15. Unde *Ovidius in Halievt. Tuque peregrinis Acipenser nobilis undis: et Martialis Libr. 13.*

*Ad palatinas Acipensera mittito mensas,
Ambrosias ornent munera rara dapes.*

Plurima ad delicias Piscis hujus facientia collegit *Cl. Elsholz.* et Doctiss. *Bebrens* in *Diaetet.* Sed unde digressus sum, eo revertor: *Pinnae* huic pisci subalbidae; quarum binae ad branchias, totidem ad ventrem sitae sunt. A capite per dorsum ad caudam usque funis seu nervus digiti crassitie excurrit, integrum roborans piscem et firmans; coqui dum macerant, funem extrahere solent. Cauda qualis *Galeorum*, cui classi accensetur, bifida quidem sed adeo, ut superius cornu, una cum ipso corpore tenuato, ultra inferius longe procurrat. Color Piscis in superna parte sordide olivaceus, aut ex caelso nigricans, in prona argenteus; media insuper *Iquamarum* pars albet. Internarum partium structuram sive *Anatomen* Piscis hujus, in *Cadomeni Academia* factam, et a Reverendissimo *Abrincensium Episcopo Huetio* *Academiae Scientiarum Regiae Parisinae* missam, recenset in *Academiae illius Historia* *Cl. du Hamel* *Libr. I. Sect. V. cap. IV.* Ova piscis hujus Sale condita, et in massam coacta, *Caveare* vocant Itali, forte a *Moscovico* nomine, *Ikari*, deducto, ut *Cl. Oleario* in *Itinere Pers.* pag. 204. placuit. *Julius Alexandrinus*, non imi subsellii Medicus, *Libr. de tuend. valetudine* Caviaro Veterum garum esse credidit, ideo refutatus a *Cl. Nonno* *de re cibarij.* *Libr. III. cap. 14. p. m. 416.* Saponem viridem plane colore et substantia refert haec massa, quae quamplurimis in delitiis habetur, viresque ejus medicae praedicantur variae. Sic Reverendiss. Episcopus *Jovius* de *Pisc. Rom.* refert, Summum Pontificem *Julium* secundum hoc magna-

te appetitum plane prostratum restituisse. Nonnulli aphrodisiacas illecebras in hoc coagulo quaerunt. *Condiendi modus* e *Platina* a *Gesnero* refertur, reperiturque ejus differentia, quippe quem Itali *Caviaro negro* vocant, ex *ovis Sturionis*, *caviaro rosso* in Vrbe *Capha* ad *Tanaïm* fluvium sita, e *carpionum ovis* conficitur, quem *Judaei* expetunt, quippe lege *Judaica* *Sturio* *Piscis* ipsis *cibus* vetitus. Aequale *Caviaro* condimentum *Botarga* dictum (quod *Ὠα τέρηα* sive ova salita proprie esse *Cl. Nonnus* credit,) e *capitonis* sive *Mugilis*, Provinciae *Incolis* *Mujou* dicti, *ovis* quoque confectum. De quo *Pomet l'Histoire generale des Drogues. P. II. Livr. I. Chap. 44.* de modo *piscis Sturiones in Volga fluvio capiendi* *Straussius in Itiner. p. 112.* qui aliquot *piscium* horum centenas, per diei unius spatium obtineri retulit, modo vera sunt, quae narrat.

CANIS MARINVS sive *LAMIA* sequitur. Refertur *Piscis* hic inter *Cartilagineos* longos, *dentatos* *spinis* destitutos et *Galeorum* omnium maximus, ut *curru* impositus vix a duobus *equis* vehi possit. *Rondeletius* vidit 1000. *librarum* pondere, imo *Gillius* 4000. *librarum* pondere captum fuisse annotavit; hinc *Rondeletius* in *Santonico* litore captum vidit, *cujus* *os* et *Gula* tanta erant vastitate, ut *hominem* etiam *obesum* commode potuisset capere: Vnde in quodam *loricatus* *homo* repertus, teste *Excell. Charltono in Onomast. Zoic. sive different. et Nomin. Animal. Class. de Pelag. Cartil. p. m. 7.* Hinc *Theologorum* nonnulli opinantur, nec sane praeter rationes praegnantes, *Jonae* *Propetae* *deglutitorem* fuisse *Lamiam*. Vid *Illustr. Rajus* in oper. *Willugbejan. de Piscibus* *Libr. III. Sect. I. cap. I. p. 48.* Quam sententiam tamen contra *Cl. Majum* et *Paullinum* destruere conatur, *Lamiae* substituendo *Balaenam*, *S. A. Pfeiffer in dissert. Anno 1697. Lubecae impress.* Tam amplum et vastum *os*, amplissimum etiam latissimumque *caput* requirit. *Os* autem non in *rostro*, sed ut aliis *canibus* *supina* parte, ejus *scissura* maxima est, et in qualibet *maxilla* *dentes* durissimi. *Dorsum* breve et ad caeteras *mustelas* comparatum, latissimum. *Laterum* et *tergoris pinnae* longe quam in quovis sui genere majores habet. *Binae* earum haud procul a *cauda*, una superior, altera inferior, ad *branchias* *binae*, ad *podicem* *aliae* *binae*, alia rursus in medio fere dorso. *Cauda* si reliqui corporis magnitudinem spectes, minus crassa spissaque, duabus constans *pinnis*. *Podex* inter *supinas pinnae* latet. *Cute* aspera integitur, in qua vasa sunt observatu dignissima, existunt enim fontes unctuosi humoris *Piscium* superficiem oblinentis, qui tumor aequè necessarius est ad *piscium* in *Aqua* motum faciliorem reddendum, ac necessarium est *naves* mare sulcaturas *axungia* et *pinguibus* aliis obducere. *Oculi* *pisci* huic sunt maximi rotundi, quorum *musculi*, qui sursum deorsum, dextrorsum sinistrorsum movent, manifeste conspiciuntur. Plura qui de ejus externa internaque structura nosse cupit, adeat *Illustr. Rajum* in reg.

reg. opere Willugbej. de Piscibus p. 48. Noster in Tabula depictus minoribus vix accensendus, uti et

MANDIBULA seu **RIGTVS** potius **CANIS MARI-
NI**, quem Auctor aeri imprimi curavit, optime nisi magnitudinem excipias, cum illo in Museo Regio Danico a Cl. *Jacobaeo* expresse conveniens. Scatet autem *maxilla* rictus quaelibet dentium numerosa serie, ut plurimum seno ordine dispositi sunt dentes durissimi, et acutissimi trianguli figura utrinque ferrati. Qui in priori ordine sunt, extra prominent, et in anteriorem partem vergunt, secundi ordinis recti sunt, tertii, quarti, quinti et sexti in os recurvi, maxima ex parte in utraque maxilla carne molli fungosaque contacti secundum *Excellent. Rajum*. Quid quod *Excell. Charltonus* ex acutissimo *Stenonio* notat, in inferiori piscis mandibula tredecim dentium ordines observari. Quaelibet maxilla ut plurimum 72. comprehendere debet dentes, quae summa est in utraque 144. dentium; sed numerus omnino incertus est, quippe pro aetate piscis variat, et observatum, novos quotannis dentes huic piscium generi, quamdiu vivunt, succrescere. Accuratissime haec omnia rimatus est Reverendiss. *Titopolitanus Episcopus Steno* in *examine Capitis Carchariae piscis, Myologiae ejus annexo*; quam Anatomem pariter *Cl. Blasius Anatom. Animal.* p. 263. intulit. Credit modo laudatus *Steno*, *Glossopetras* vulgo dictas e terrae erutas gremio, revera non lapides, sed majores *Carchariae* canis dentes olim sepultos esse; qua de re alibi. Confer ad hunc Piscem, quae *Cl. Rupifortius in Histor. natur. Antill. Insul. de pisce, Requiem* dicto, habet p. 191. *Mus. Olear.* p. 32. et 36.


CAPUT DELPHINI potius **PHOCAENAE** est, (differentiam quippe exhibuit in opere *Willugbejan. diligentissimus Rajus*) carne omni integumentisque cassum, rictu dentibus horride armato. Vocatur Germanis *Meer-Schwein* / Septentrionalibus *Marsswin*, unde aliarum gentium denominationes detortae. Captus talis Piscis *Apenradæ* in *Holfatia* Anno 1661. longitudinis 13. crassitie 7. ulnarum, teste *Cl. Oleario in Museo Gottdorff.* ab *Excell. Majore* examini Anatomico subjectus; quod *Ephem. Nat. Curios.* Dec. 1. Ann. III. Observ. XX. insertum, et a *Cl. Blasio* pariter *Anatom. Animal.* illatum. In vertice cernere licet *spiraculum* illud semilunare sive hydragogum, quod omnium accuratissime descripsit *Excell. Major*; sub cute gyrosus quidam plexus velut Labyrinthus est, rugosus duplex, unus superior nigricans, alteri candido superincumbens. Hinc stylo adacto distincti duo ductus, quos hydragogos ab usu vocare licet, manifesto deprehenduntur, profunde per cranium ad ipsam palati tunicam pertingentes, et interposito septo osseo, cujus apex est instar cristæ Galli, crassities vero pennæ Anserinae, ab invicem discreti, perque ductus istos vel fistulas *Phocaena* aquam ore haustam potenter et tanquam e Siphone ejicit, sicut *Physeter* et *Balaena* per duplicem prominentem tubulum. Annotat insuper *III. Rajus*, fistulam summa parte, antequam in duo foramina narium aemula dividitur,

glandulosa carne intus cingi, quae a plurimis foraminulis ceu papillis li-
quorem quendam in cavitationem fistulae excernit. Convenit porro
cranium nostrum cum illo, ab Excell. Majore delineato.* Dentes adeo
pulchra serie dispositi sunt, ut inter spatia illorum excipiantur dentes
maxillae oppositae, acuti omnes, parvi licet, et quod mirum obscure mo-
biles. Wormius 150. numerat; Bartholinus 92. Major et Rajus 96.
totidem quoque in maxillis Capitis Tabulae nostrae numerantur. Plura
quidem de Pisce hoc legere desiderat, praeter Ichthyographos, et hactenus a no-
bis citatos Auctores, consul. Schoenfeld. in Ichthyolog. et Nomenclat. Ani-
mal. marin. Holsat. p. 77. Jacobaeum in Mus. Reg. Danic. Wormium
in Museo aliosque, imprimis Anatonem Phocaenae Tysonis; et si quis fa-
bulis similia amat, adeat Aristotelem, Plinium, Aelianum, Agellium alios-
que veteres, qui plurima de Amore Delphinorum erga homines et Mu-
sicam annotarunt.

TAB. XVIII.

CANCER hic *MOLUCCANUS*, quem pronum et supinum,
nitidissime delineatum exhibet Auctor noster, a Cl. Wormio in Mu-
seo Libr. III. cap. V. inter crustata rotunda refertur, quia, si cau-
dam acutam exceperis, totum ejus corpus ad rotunditatem accedat.
Americanis vocatur *Signok*, Malajensibus *Balancas*, Javanis *Meme*,
sive *Mimi*. Joh. de Laët in descript. Ind. Occident. l. 2. c. 19. *Ara-
neum marinum*; solertiss. Rumphius in de Amboinische Rariteit - Kam-
mer Libr. I. Sect. 21. p. 21. *Cancrum perversum* nominat. Cl. Clusio, qui
primus ejus notitiam dedisse videtur, *Cancer Moluccanus* audit, eo quod
circa Insulas Moluccanas copiose capiatur; quamvis et alibi, imprimis
secundum Rumphium l. c. in Manado Promontorio Celebes reperiatur.
Et Helsingoeriae quoque in mari Danico ejus generis vivus captus, teste
Cl. Wormio: ubi tamen notandum, quod eodem tempore quinque na-
ves Belgicae ex India Orientali reduces appulerint, ubi haud levis suspi-
cio orta, annon quisquiliis et algis navibus adhaerentibus implicatum,
hucque delatum fuerit animalculum. Est autem crustatum, duabus
crustis duris desuper rectum, quarum anterior patellae instar convexa
admodum crassa duplicata, circa frontem orbicularis et elegantissime con-
formata, qua alteri conjungitur, semilunae in modum excisa, anteriori
latere tuberculis quibusdam et alicubi brevibus et obtusis aculeis distin-
ctis ordinibus asperatur. Posterior crusta priori minor est, Rhombifor-
mis et utrinque dentata foraminulis quibusdam, pulchro ordine varie-
gata. Cauda crustacea oblonga et longitudine quidem corpus longe ex-
cedens, trigona, et a sui medio ad cuspide usque aculeis veluti serrata
et aspera, atque in fine spiculi instar acuta, qua si quem imprudentem Pi-
scatorem laeserit, ei non minorem, quam Scorpius dolorem infert; hinc
vere de illo Cl. Bontius Histor. Nat. et Med. Ind. Lib. V. cap. 31. canit:

Quis-




MARINA

T. XVIII.


Cancer Mollucensis pronus.
Krebs aus der Insel Molluca
kriechend.



Cancer Anonymus
mg Rondeletii.



Cancer marinus vulgaris.
Gewainer art Meerkrebs.



Cancer Mollucensis supinus.
Krebs aus Molluca Bfm Rücken
liegend.



Cancer
Heracleotus
aus Ron:
deletii.



*Quisquis caudati sensisti tela Paguri,
Disce meo exemplo morsus vitare dolosos
Dente Leonino, quos aula volubilis infert
A tergo, et pejus retinet fors cauda venenum.*

Concava parte plura crura habet instar Cancri, et quidem primo octo breviora, dein bina oblongiora, et alia rursus bina breviuscula, officulo obtuso veluti remigio instructa, quibus natare creditur. Duas praeterea circa os exiguas admodum chelas, quibus mandit; sub posteriore crusta vesiculae aliquot sibi invicem superpositae, quae haud secus inflantur ac ranarum buccae solent. *Clusius* in descriptione hujus Cancri, notante *Illustr. Grew* in *Mus. Societ. Reg.* crassum erravit errorem, quod partem anteriorem cum longo aculeo esse dixerit, cum sit posterior. In litoribus marinis paludosis degunt, semper ferme bini, mas nempe et foemina, cum vero mas semper foemella minor, illius dorso insidens undique circumfertur. Plurima ova continet, oculis non obvia, modum tamen ea detegendi *Cl. Rumphius* l. alleg. demonstrat. Praeter citatos jam Auctores vid. *Olear. Mus. Gottdorf.* Tab. 28. p. 50. *Ephem. Nat. Curios. Dec. I. Ann. II. Observ.* 102. *Sachs. Gammarol. cap. 6. p. 113.* *Jacobaei Mus. Danic. Sect. III. p. 17.* Nulla tamen figura Auctoris nostri ferme comparanda, (licet a *Jonstono Olearioque ex Besleriano Museo indubie mutuo sumpta videatur*;) hinc *Illustr. Grew* l. c. scribit: *The best figure hereof is given by Besler, who alone Shews the Eyes; yet not so clearly, as could be wished.* Cancri Moluccani fragmentum fossile et lapideum delineavit et descripsit *Excell. Scheuchzer Specim. Lithograph. Helv. cur. p. 65. seq.*

CANCER ANONYMVS RONDELETII nascitur in mari et marinis stagnis, eoque frequentius in Gallia Narbonensi vescuntur. Caret nomine, hinc *Rondeletius* Anonymum vocavit, et in genere ab Incolis *Cancre* appellatur. Brachia habet non admodum magna, pedes longos in acutum desinentes, cornicula duo. Super Carbores assatur, vel elixus et crusta spoliatus in sartagine frigitur, et hecticis imprimis commendatur, optimusque est, cum ova habet. Vires ejus medicas cecinit *Boussuetus de Aquatil. nat. P. I. p. m. 231.*

CANCER MARINVS vulgaris, *Κάριον* & *Γαλδός*, cum apud omnes Ichthyographos descriptus sit, non ero in eo describendo longior. Optime aeri incisum et quoad omnes partes explicatum dedit *Cl. Rumphius* in *de Amboinische Rariteiten Kammer* 7. *Hoofstdeel* p. m. 10. Eorum apud Venetos innumeris numerus, et *Granceoli* vocantur ac molechae; cum igitur plebecula Veneta iis saepius vescatur, *Mangiamoleche* vocantur, sicut Mediolanenses *Mangiaboseche* *Kaldaunen-Schlucker* / Neapolitani *Mangiabrocolli* *Kohl-Fresser* / referente


hoc Cl. *Sachsio* in *Gammarol.* p. 110. *Elsholz* in *Diaet. Libr IV. c. 6. §. 2. pag. 238.*


CANCER HERACLEOTICVS RONDELETII maximus e *Pagurorum* genere, cruribus brevibus, forcipibus admodum validis, ab illustri Vrbe Ponti *Heraclea* ita dictus, vocatur etiam *Gallus marinus*, quia ejus brachia in cristae morem tornata sunt, sic sentiente *Sachsio* in *Gammarol.* p. 110. Describitur a *Bellonio* et *Rondeletio*: sed desiderat immortalis gloriae *Aldrovandus*, quod posterior in sua descriptione nullam fecerit mentionem tuberculorum, quorum plurima conspiciuntur per dorsum, colore fere miniaceo; neuter autem eorum, cornuum intra oculos, exiguo a se distantium spatio, et ex plurimis articulis seu internodiis constantium, meminerit. *De mollib. et crustac. test. et Zooph. L. II. cap. XIX. pag. 188.* De ejus *Vsu in medicina et cibus* *Bouff. de aqu. Nat. pag. 225.*

TAB. XIX.

Inter *univalvia non turbinata* agmen et principatum ducit *NAUTILVS*, a verbo Graeco nomen trahens, quo piscis, et nauta simul designatur; carinam igitur simul et Nautam e *Polyporum* prosapia *Auctor noster* exhibet, utrumque solum *Nautilum* nempe et *Pompilum*. Cl. *Rumphius* illum eo modo, uti in mari velificat et remigat, ad vivum delineari curavit, et postmodum *Ephem. Nat. Curios. Dec. II. Ann. VII. obs. IV.* communicavit, cum antea *Carinam Nautili* elegantissimam, ab *Aquila marina*, e mari cum *Polypo* ereptam, ejusque unguibus *Polypo* tantum affixis iterum solutam, et a *Piscatoribus littoris Amboinici* repertam, *Magnif. Febrio Acad. Nat. Curios. Praesidi secundo*, dono dedisset; *vid. Dec. II. Ann. IV. observ. 109. p. 210.* Optimus naturae interpret *Plinius l. 9. c. 29.* tam apte, tam concinne, *Piscis* hujus naturam expressit, quam si ipse in ejus carina habitasset: *Inter praecipua miracula est, qui vocatur Nautilus, ab aliis Pompilos; supinus in summa aequorum pervenit, ita se paulatim subrigens, ut emissa omni per fistulam Aqua, velut exoneratus sentina, facile naviget, postea duo prima brachia reflectens, membranam inter illa mirae tenuitatis extendit, qua velificante in aura caeteris subremigans brachiis, media cauda, ut gubernaculo se regit.* Haecenus *Plinius*, et paulo post: *Ita vadit alto, liburnicarum ludens imagine, et si quid pavoris interveniat, hausta se mergens aqua; quae omnia verissima et convenientissima esse, avtoptae in Indiis Cl. Rumphius modo laudatus, et Cl. Bontius in Hist. Natur. et Medic. Ind. Libr. V. cap. XXVII. testantur, et quidem posterior damno suo edoctus scribit; nam dum talem Pisciculum in mari captum, imprudenter manibus contredasset, tantus ardor manum invasit, tanquam si aqua ferventi suffusa esset: unde Piscem hunc Nautili incolam Holothuriorum generi accenset.* Non autem in Mari solum Indico velificat, sed et in Adria-







Adriatico, ubi illum inter sepias prope littorales scopulos Piscatores deprehendunt, illic enim frequenter pascitur; hinc Italis *Polpo moscardino*, aut *moscarolo* vocatur. Nauta viso, *carinam* quoque inspicimus. Constat autem illa ex testa purissima, argenti aut margaritarum Orientalium instar pellucida, ac limpidissimis striis artificiosissime contexta, subtilissima insuper ac folio papyraceo similis, adeoque valde fragilis, hinc *Cl. Rumphio* Nautilus tenuis, Amboinensibus *Roemagerita* vocatur. Naviculam exprimit tribus compactam partibus, nempe lateribus binis, et carina. Vid. fusius hunc Nautilum describentem *Rumphium in Mus. Amboinens. Libr. II. Art. III. p. 63. R. P. Buonannum in Recreat. Oculi et mentis P. II. Class. I. n. 13. Incomparabilem Listerum in regia Conchyliorum Historia Libr. IV. Sect. IV. de Polypis testaceis p. 549. seqq. diligentiss. Pettiver in Icon. et nomin. Aquatil. Animal. Amboin. Tab. X. Fig. I. Cl. Gottwald. in Mus. Tab. V. Capl. 15. n. 433. et passim alios plurimos.*

Sequitur alia *NAVILI INDICI* crudi species, quem sub nomine Indico *Biapapeda*, *Nautilicrassi* sive *majoris Cl. Rumphius in Mus. Amboin. et Rupifort. in Antillar Insul. descript. c. 19. Art. 4. p. 223.* sub nomine *Burgau* descripsit. Incola nautili hujus a praecedente differt, et licet a *Cl. Rumphio* Polypodium pro sapiae accenseatur, mirum in modum tamen differt, ceu ex figura Tab. XVII. Lit. B. expressa patet. Excell. *Listerus in Hist. Conchylior. Libr. IV. Sect. IV. f. 553.* Vermiculum exiguum album nautiloidem, algae fere adhaerentem, oculis exposuit. Margaritarum conchis simillimus est Nautilus hic crassus, hinc concham vocarunt Margaritifera, non quidem ex foecunditate, qua margaritas producat, ut falso cum aliis multis credidit Boussuetus de Aquatil. nat. pag. 49. Sed Margaritifera dicitur a Colore, quo margaritis assimilatur. *Porcellanam* Galli nominant, quia teste Bonann. Recreat. Ocul. et ment. ex ejus testa aliarumque cochlearum ab Indis confici fama est; hinc a Gallis passim *Coquille de Pourcelaine* vel *grosse coquille de nacre de Perle* dicitur. Pocula ab Indis exinde parantur, nec in Europa infrequens, sic enim Boussuetus l. c.

*Hinc ipsa argento fulvoque includitur auro,
Fiuntque hinc oculis pocula grata meis.*

His Vasibus et Nautilo confectis, murrhina antiquorum Vasa comparat *Aldrovandus*, indeque *murrhinum nautilus* vocat. Pars externa induitur tunica quasi ossea, castaneo maculata colore, haec ab Indis imaginibus insculptis exornatur, quas Auctor noster sub titulo *NAVILI SCULPTURIS INDICIS CONSPICVI* ob oculos pariter ponit: exstatque elegantissimum Nautili tale poculum sculpturis fulgidum, nitide et affabre effectum in Museo Conchyliorum *Cl. Gottwaldi pagina ultima. Interior Nautili Pars* unionum apparentiam, sive Gemmae opali

variā, ad varias luminis reflexiones exhibet. Interna fabrica in triginta ac plures concamerationes dividitur, ut ex figura *Rumphiana Tab. XVII. Lit. C.* elucet. Ex una in aliam pro lubitu animalculum transmeare putarunt aliqui, per siphunculum quendam, quo in omnibus aditus patet, ut in angustiore semper, et magis intimam stationem secedens, pericula tutius evitare queat. Verum quia foramen illud vix subulae exili aditum concedit, et animal in latiori parte Testae, ut ossibus caro conjungitur; hoc minime credendum opinatur Rev. P. Bonannus l. c. qui insuper addit, structuram hanc ad motum inservire, ut animal facilius in aqua supernatare posset.

CONCHA ECHINATA CRUDA, quam hac Tabula Auctor conspiciendam praeber, videtur esse *cochlea maris mediterranei, dicta a Rondeletio echinophora*, et Tuberculis, quibus spinae frequenter gibbulosae intumescunt, et proportionem servata diminuuntur, candida colore, sed rara. V. R. P. Bonann. P. II. class. 3. n. 18.


CONCHA MARINA INDICA POLITA dicitur a P. Bonanno Perlata, non ex margaritis ab illa productis, sed a margaritarum nitore, quo fulget decorticata cute lapidea et rudi. Fascia colore puniceo aspersa cingitur, qua insignis pulchritudinis nota illi augetur.

TAB. XX.

*Aspicito, variis repleta est cochlea rugis,
et latum summa in parte foramen habet.*

His ab Auctore delineatam *COCHLEAM RUGATAM* et *UMBILICATAM* innuit Bouffuetus de Aquat. Nat. Haec falso tertia Nautili species esse traditur, cum nullus unquam hac in concha viderit Pompilum; qui minor est, quam ut tantam concham secum trahat, cujus etiam structura a facili natatione aliena est ob transversas rugas, cum in animantibus marinis hoc diligentissime caverit natura, ne quid esset, quod natationi moram aut impedimentum afferret, annotante hoc magno Aldrovando de Testac. L. III. cap. 34. pag. 390. Obtinuit autem a rugis nomen, quibus tota Cochleae testa per transversum ducta est, ita elatis, ut et striata dici possit. Colore intus est albo, foris flavescente, valde fragili. Turbinis claviculae in acumen non desinunt. Foramen valde apertum et longum. Annon Buccinum magnum ampullaceum tenue, rostro leviter sinuoso profunde sulcatum Excell. Listeri? Hist. Conchyl. Tab. 898. in Gottwaldiano Museo Caps. IX. Tab. I. n. 1. 2.

MUREX ACULEATA MARMOREA Auctori dicta est Murex marmoreus Rondeletii, interque murices primatum ducere videtur, optimeque convenit cum Illustr. Listeri Buccino bilingui gravi, labro et columella subcrocea, acutis muricibus horrido, clavicula dense striata; non tamen



T. XX.

CONCHILIA.



Cochlea rugosa et umbilicata.

Rundlichte nabel-
förmige Schne-
cken muschel.

Murex aculeata marmorata.
Grosse stachelichte muschel.

Concha imbricata
Ziegelförmige Muschel.

Strumbus magnus.

Pinna magna.



famen apte convenit cum murice orthocentro *Aldrovandi*, ut inspicientibus facile patet. Obtinuit autem nomen Muricis ob figuram: significantur enim hac voce saxorum aspera, unde Poëtarum Princeps Maro:

*Concussae cautes, et acuto in Murice remi
Obnixi crepuere.*

Eadem pariter voce exprimitur bellica clava ferreis horrida aculeis, cuius erat Barbaris praecipue frequentissimus usus, truculento Marte cum hostibus dimicaturis. *Marmoreus* insuper dicitur, quia testa admodum crassa tuberculisque horrida et aspera, ideoque aculeatae nomine insignitus. Parte interna ex albo purpurascit, figura inter buccina et conchylum media. Vsum medicum Muricis epigrammate complexus est *Boussuetus de Aquatil. natur. p. 35.*

CONCH. AE. IMBRICATAE figura non quadrat ad *Rondeletianam*, sed potius *Tridrachnae Aldrovandi*, pedalis quippe longitudinis; testa imbricata undata, ad undarum sese attollentium similitudinem distincta, eo loco quo sibi invicem connectuntur. Singulae duos digitos per transversum crassae; intus candicant et glabrae sunt. Imbres externae adeo mirifice dispositi, ut difficillime sermone exprimas, oculis vero usurpes jucundius. Convenit optime cum concha marina imbricata *Ind. Orient. Illustr. Lister. n. 385.*

STROMBUS MAGNUS ad buccina et turbinatorum genus in anfractum intortum pertinet, quod ore quidem lato, mucrone autem acuto clauditur, juxta *Ovidii* illud:

*Cava buccina sumitur illi
Tortilis in latum, quae turbine crescit ab imo.*

Quamobrem sonum edunt, si voce inflantur, et Tritonum ori admotas Pictores et Poëtae exhibent, quos inter *Naso* Neptunum describens canit:

*Caeruleum Tritona vocat, conchaque sonanti
Inspirare jubet, fluctusque et flumina signo
Jam revocare dato.*

Imo ab antiquis Romanis loco Tubarum fuisse adhibitae, affirmat *Virgilius*:

Buccina jam priscos cogebat ad arma Quirites.

Dicitur autem Strombus, quia *στρομβών* nomine intelliguntur, quae in longum turbinem desinunt, et in anfractus contorta. Descriptio Strombi igitur magni *Audoris* optime convenit cum *Bonanniana*; novem enim anfractibus producit proportione servata diminutis, illique primi orbis longitudine commensurantur. Circa orbium commissuras veluti capillorum tricae circumvolvuntur, et singulis eorum labrum

quoddam annectitur, quo veluti distinctus Cortex indicatur. In parte interiori e carneo colore albescit, exteriorem vero semicirculares maculae albae, rufae et castaneae invicem alternatae condecorant. Labrum, quod reflexum orbi propinquo adjacet, minutissimis crenulis corrugatur, quod vero expansum, oris aperturam amplificat, undosis sinubus crispatur. Invenitur in mari Europae adjacente, sed coloribus dilutis picta labrisque crenatis ac tuberosis. De Vsu in cibis et Medicina fuse *Aldrovandus de Testac.* L. III. cap. 6. seqq.

PINNA MAGNA concha est, e duabus composita testis, et a mytulorum figura, magnitudine excepta, non multum differt. Ab inferiori et strictiori parte in amplam latitudinem extenditur, illic arctissime clauduntur testae, hic facile diducuntur. Exteriorem faciem terreae glebae similem habet multoque luto maculatam: hinc nonnulli crediderunt, nomen Pinnae ex Graeco *πιννα*, quae vox *sordes* denotat, provenire. Tubuli vermiculares et Balani saepius parti pinnae exteriori adnascuntur, uti ex figura nostrae pinnae apparet. Inferior pinnae facies rubida sive helva cum nitore, pars vero acuminata, ubi animal adhaeret, margaritarum vulgarium aut aeris aemulatur colorem. Varium a variis concha haec nomen obtinuit. Apud veteres Graecos vocabatur *ἀσπερδὲς κογχύλιον*; Anconitanis et Venetis *Astura*, Tarentinis *Paricella*, Massiliensibus *Nacre*, aliis *Nacharone*, Neapolitanis *Perna*,

a forma Pernae, quam gerit, assimili.

Adnascuntur huic Pinnae *fila* vel *lineum capillamentum*, in figura quoque nostra expressum, unde Genuenses *pinnam lanam*, et *lanam pinnam* nominant. An bysso veterum analoga haec materia, pluribus disputat *Aldrovandus de testaceis* p. 540. seqq.

TAB. XXI.

PROstant hac in *Tabula* sub *Fig. 1. 2. 3. 4. et 5ta.* non naturae quidem nova opera, sed Artis. *LARVAE* enim sunt e *variis Conchyliorum testis concinnatae*, ad oculos aequae oblectandos, ac animum ad Creatoris optimi sapientissimique laudes tam varia naturae miracula, in vilissimis naturae rebus effingentis, alliciendum. Leves sunt tenuesque hae testaceae Larvae, nec comparandae iis, quas *summe Rev. Bonannus Recreationi mentis et oculi* Class. III. n. 407. coronidis loco adjunxit. Et hae tamen non accedunt iis, quae in *Regia Crypta Versailliana* spectantur, in qua signum Solis sculptrix manus simulavit, apud Thetidem orbe peragrato diversantis, additis e Musivo opere ornamentis, quorum materiem undarum foecunditas in Conchyliis subministravit.

Fig. VI. MYREX EX APPENDICIBVS QVINQVE, instar brachiorum extensis, et circa labrum additis, a Graecis *Pentadactylus* dictus. Strigis crispatus elegantissimis albi, brunni et ad sanguineum acceden-







cedentis est coloris, mire maculis variegatis ludens; oris aperturam minutissimis incisuris rugatam habens, maxime insuper expolitus; intus croceus color in albedinem se diffundit. Estque murex hic *Purpura Pentadactylus Bellonii*, cujus Figura optime exhibetur ab Excell. *Listero* in *elegantissima Conchyl. Historia* n. 870. et in Excell. *Gottwald. Mus. Conchyl.* Tab. IV. Capf. VII. n. 141. b. diligentissimus *Pettiver* in *Aquatil. Animal. Amboin.* Icon. et nom. Tab. XIV. n. 3.

Fig. VII. *BUCCINUM MUSICUM* est crassum, clavicula muricata instructum in Insulis *Jamaica*, *Barbados* et *Corassao* obvium, ab Excell. *Listero Hist. Conchyl. Libr. IV. Sect. XI. c. 2. n. 805.* delineatum et a *P. R. P. Bonann. in Cl. 3. n. 296.* descriptum. Vocantur *Musica Buccina*, quod musicis notis lineisque *Natura* signaverit, ne forte *Marinae Nymphae* figuratis defraudarentur cantilenis, *Neptunusque Jovis* non invideret delitiis, aut si commentum non assentiris, ut spectantium saltem oculis suis numeris absolutam *Harmoniam* efficerent, ut elegantissime jocatur *R. P. Bonannus*. Colores jucundius oculis usurpantur, quam calamo referuntur: sunt enim lineae aureo fulgore notabiles, notulae sanguineae, puncta e flavo rubescentia, testa autem subjecta vel vinosa vel onychina. Has conchas *Musicas* omnium optime delineatas reperies in Excell. *Gottwald. Mus. Conchyl. Tab. III. capf. VI. n. 117. 118. 119.* *Cl. Rochefort dans l'Histoire naturelle des Isles Antilles Chap. 19. Art. XI.* concham *Musicam* exhibet, *Coquillage couvert des Notes de Musique* dictam, illa tamen non *buccinis*, sed *conchis Venereis*, si figura vera est, accensenda.

Fig. VIII. *CONCHA HAEC VENEREA* est *literaria* dicta a *Cl. Rumphio Ephem. Nat. Curios. Dec. II. Ann. V. obs. CXII.* communicata *Arabica*; qui eam postmodum *Museo Amboinico Libr. II. Art. XXIII. n. 11. lit. M.* pariter intulit, descripsit eam quoque *Listerus in Hist. Conchyl. Cl. V.* ponderosa longiuscula et angustior ventre subplano albicante, lateribus crebris maculis nigricantibusque mediocribus distinctis dorso velut characteribus quibusdam depicto. Fig. IX. et X. *CYLINDRI* sunt, in quibus tamen patentiores et magis expressi *Arabi* characteres. Eorum plurimos depictos habet *Museum Gottwald. Tab. III. Capf. V. et Tab. II. capf. XXVI.*

Fig. XI. e numero rarissimarum Concharum *VULVAM MARINAM* exhibet; et figura oculis subjecta nominis rationem exprimit, ut ulteriori explicationi non indigeat; aculeis instar pubis horrida. Descripsit et depinxit illam *Cl. Rumphius in Museo Amboin. Tab. XLVIII. Fig. 5.* et ante illum *Olearius in Mus. Gottdorfiano Tab. XXI. Fig. IV.*

Fig. XII. a *Cl. M. R. Beslero* his verbis describitur: *Stella Marina elegans, cochleam in medietate veluti gemmam annulo inclusam completens.*


TAB. XXII.

Marina *STELLA* praecedentis Tabulae ad alias *MARINAS* nos ducit, *MAJOREM* nempe et *MINOREM*. Referuntur ab *Aldrovando* in Zoophytorum classem; ab aliis ad Insecta Aquatilia apoda, multas incisuras in radiis habentia. Graecis ἀστὴρ, *Sylvatico* fidus marinum vocatur. Radii quinque in multis particulis, tanquam e vertebis componuntur, ut in aqua mobiles existant; cavi praeterea sunt hi radii ac in meditullio os constituunt, quo alimentum attractum conficitur, et per omnes partes dispergitur. Colore vergunt hae stellae ad cinereum.


Quae sequitur *MARINA STELLA TREDECIM RADIORVM*, optime describitur a *Cl. Clusio Exot. Libr. VI. c. 29. p. 144.* licet Figura longe melius ab Auctore nostro expressa. Est autem haec *Stella* ex aculeatarum genere, satis amplo corporis orbe, non valde longis tamen radiis constans, qui tredecim numero sunt, illique omnes directi non sinuosi, aequaliter longi prona parte, quinque aculeorum ordinibus praediti, tribus medium occupantibus, duobus aliis latera, sic ut singula latera decem aculei pectinatim muniant, coloris rubescentis; supina pars flavescit, et vertebrae illas, e quibus singuli radii componuntur, manifeste ostendit. Decem radiis stella marina describitur ab *Illustr. Fabio Columna in Phytobasan. pag. 13.* Decem pariter, sed multiplici radiorum flexu *Cl. Rumphius in Mus. Amboin. TAB. XV. Lit. F.*


SOLENI FOEMINA haec ab Auctore delineata multiplici exprimitur nomine, quorum *Plinius* meminit. *Solen* sive *AVLOS*, sive *DONAX* sive *ONTX*, sive *DACTYLVS*; et quidem *Solen* dicitur a canalis similitudine. Ἀύλος, quod Tubae modo excavatur, Δόναξ, a figura arundinis crassae ac cavae ad amnes crescentis, quae δόναξ et *Cypria* arundo nominatur. ὄνυξ vero i. e. ab extremis tenuitate et figura unguibus simili. *Dactylus*, e mente *Plinii* pariter ab humanorum digitorum similitudine. A Venetis vocatur *Cappa longa*, a Bononiensibus *Pesce canella*, aliis Italis *Cannolichio*, Gallis *Couteau*, quod cultri manubrium referat. Ex quibus denominationibus omnibus figura Solenis liquet. Vivit ut *Tellina* sub arena; testa septem ad minimum digitos longa, vix unum lata; huic summa cuticula. Vid. *R. P. Bonannus p. 106.* quod noctu luceat, *Boussuetus* affirmat de Aquat. nat.

Quam *SPONGIAE FOEMINAE* nomine delineatam exhibet, ego potius *FAVAGINEM* sive *Μελιγγαν* *Aristotelis*, aut *Alcyonium* secundum *Dioscoridis* crederem; quae massa quaedam est ex innumeris constans pelliculis sive vesicis, iis similibus, quae e *Pisis* excorticantur, dum coquuntur, invicem unitis et spongiae instar concretis, vacuis, coloris ex albo flavescientis, pugni quandoque magnitudine, quandoque major,




T. 7411











major, quandoque minor, cujus genesis, e mente Aristotelis, sequenti contingit modo. Purpurae, mytuli, buccina, aliaque ejus generis ostracoderma, emittunt lentorem quendam, sive humorem mucosum, velut e feminis natura, semen vero eorum nullum est. Ex illo, purpuris verno tempore congregatis, veluti favus ex putaminibus cicerum coctorum alborum, inter se cohaerentibus coagmentatur, quam alii pro maris spuma, alii falso pro spongia ostentare solent; indeque pariter factum, ut Auctor noster spongiam foeminam crediderit. Vid. plura in *Mus. Worm.* pag. 236. et apud *Aldrovand. de Testac.* Libr. III. pag. 300.

Et *VVA* quoque *MARINA* favaginis species esse videtur, alii pro ovis Rajae piscis ovario exemptis, et peculiari modo arefactis venditant; quorum jam Tab. XV. e Boussueto facta mentio. Nulla enim uvae marinae *Rondeletii* cum nostra hac similitudo.

TAB. XXIII.

Occasione spongiae faeminae praecedenti delineatae Tabula, quam *Alcyonium secundum Dioscoridis* esse diximus, Auctor copiam nobis facit *ALCYONII MARIS RUBRI*, quod a *Cl. Legato* quoque *Spongia corallina* vel *Coralloides spongiosa* nominatur, illudque esse creditur, ad quod *Philipp. in Anthol.* collineat: *πόντις τρεματόεντα λίθον*: Ponti pertusum lapidem. *Aldrovandus in Museo Metallico* pag. 291. vocat *Pseudo-Corallium rubrum Calamites*. Excell. *Welschius* Auctori nostro dicam scribit, quod nullo antiquitatis testimonio et levissimo coloris argumento *Alcyonium maris rubri* nominet, cum potius sit *Tubularia Coralloides pulcherrima*, et pro *Tubularia purpurea*, sive *Alcyonio Milesio Ferr. Imperat.* haberi possit. Cum autem concretum hoc semper pro maritimo habeatur, miro tamen casu in Pago Svevico Sontheim, Heilbronnae urbi vicino, pugni mediocris magnitudine miro casu, lapidi quadrato muscoso adhaerens repertum, ac ad Virum rarissimae Eruditionis in *Historia naturali Joh. Matth. Fabrum* delatum, qui illud *Anat. Botanolog. Pilae marinae* p. 202. inseruit et delineari iussit. Vid. quoque *Clariss. Rajus Hist. Plant.* T. I. Libr. 2. c. 2. p. m. 64. Excell. *Tournefortius Instit. Rei Herb.* p. 575. *Mus. Calceolar.* p. 22. *Mus. Worm.* p. 237. quod corpus purpureum tamen differre videtur.

ALCYONIUM ALBUM Auctoris, prima impressio aut delineatio Madreporae creditur *R. P. Boccone, dans les Recherch. et observ. naturell. Epist. XVI.* pag. 139. qui *Besleri nostri Museum* citat, et *Alcyonium tuberosum Ferr. Imperati* esse credit. Est autem substantia marina, porosa, fungo similis, levis, intus aspera pumicem referens, alba tamen, acris saporis, odoris expers, uti alia *Alcyonia*, quae e mari ortum habent, cujus Aquae cum salsae sint, ex ejus spuma, cum tenuissimis for-

dibus permista, accedente succo lapidescente, in varias figuras concre-
scant. Confer. de *Alcyonio Excell. Langii Hist. Lapid.* p. 72. 73.

ALCYONII ALIA SPECIES videtur esse Lapis fungites cere-
briformis *Excell. Raji.*

PLANTAM HIRSVTAM FORMA CORALLIORVM
credo Escharam Coralliodem a *Clusio Exot. Libr. VI. c. 9.* descriptam,
solidam totam, candidam et in varios ramulos creberrimis foraminulis di-
stinctos divisam, valde eleganti conspectu. Vel potius Porum cervinum
Ferr. Imp. Hist. nat. Libr. 27. p. 630. Edit. *Venet. nov. Cl. Olearius*
in Museo Gottdorf. matricem Coralliorum credit; vel Fruticem coral-
loidem, qui omni ex parte refert hirsutum cornu cervinum, quod lanu-
gine obducitur adhuc novellum. *Worm. in Mus.* p. 233.

PLANTA SAXEA ALBA et *RUBRA*, non colore tantum,
sed structura maxime differunt. Plantam Saxeam rubram quod attinet,
colore est rubri pallidioris, substantia et figura externa osteolithis non
absimilis, duriori tamen, saporis aliquantulum acris, odoris nullius. Plan-
ta saxea alba cum in sequentibus Tabulis quoque occurat, illic differendi
locus supererit. *Vid. Tab. XXVI. Fig. IV.*

Sola restat *HIPPVRIS SAXEA*; equisetum hoc est in multos
graciles ramos divisum, ac frequentibus distinctum nodis et articulis,
singuli articuli striati, ac veluti canaliculati, ad singula vero genicula sive
nodos graciliores, fusci splendentis tamen coloris, ut etiam singuli ar-
ticuli fusco aliquo glutine connexi videantur. Interior pars lignosa,
quemadmodum ex abruptis quibusdam articulis conspici licet; mi-
nime autem *Clusiana* figura, quam habet *Exot. Libr. VI. cap. 8.* cum
Auctoris nostri convenit, illa vero quae in *Olearii Museo Gottdorffiano*
reperitur datur, e *Besleriana Tabula*, ut plures aliae indubie mutuo sum-
pta videtur. De Planta hac saxea vid. *Illustr. Raj. Hist. Plant. Libr.*
II. Sect. II. cap. 6. p. 68. et sub nomine Calbahar littoreum in *Append.*
Mus. Museor. p. 111.

TAB. XXIV.

QUERCUS MARINA THEOPHRASTI Auctoris plurimum dif-
fert ab illa, quam *Clusius Exotic. Lib. VI. cap. 4. p. 121.* et postea
in *Cur. posterioribus p. 90.* exhibuit; aptius autem convenit de-
scriptio *Ill. Sloane Catal. Plant. Insul. Jamaic. p. 3.* quod sit *Corallina Fru-*
ticosa humilior et crassior, ramis quaque versum expansis, superficie tuber-
culata, quae in littoribus omnibus *Insulae Jamaicae* inter alia maris
purgamenta frequentissime invenitur.

PLANTA RETIFORMIS MAXIMA illa ipsa est, quae ab
Insul. Antill. Scriptoris Rupisfortio et R. P. du Tertre, *PENNA-*
CHES DE MER vocatur, *Anglis Sea-Feather. C.B. in P.* dicitur *Co-*
rallina cortice reticulato maculoso purpurascete instar virgulti lignosa,
et


PLATE

PLATE



T. XXIV.

MARINA.



Frutex marina maior.
Meer Stauden groß.



Planta retiformis.
Ein gewächst wie ein
Netz.




Quercus marina Theophr.
Meer Ahehen.



Ruscus marina.



Erica marina.
Meer heiden.



et prorsus tamen plana, in frequentes ramos eosque etiam planos, sparsa, ex quibus in longitudinem exeunt multi nervi retis instar fere contexti, adeo firmi, ut ex aereo filo conflati videantur, lumini tamen apppositi glutinis substantiam verius referunt. In *Mus. Reg. Soc. Anglic. P. II. Sect. V. cap. I. p. 245.* ab Excell. Grew vocatur: *Frutex maximus reticulatus* sive *Flabellum marinum maximum*, a great see Fan. Scarabell in versione Italica *Mus. Settal. et Terzag. in Lat. Mus. Septal. Messicanam Coralloidem* vocant, qua mulieres in Mexico pro ventilabro utuntur, tam affabre a natura edito, ut videatur filo ferreo contextum; varias ventilabri hujus species promunt. Talem Plantam quoque retiformem, qua Puellae Sinenfes in decoquenda herba Thee focum excitare solent, expressam videbis in immortalio opere Biblioth. Vindobon. *Sacratissimi et Invidiissimi Monarchae nostri ab illustr. Lamb. edit. Tom. five Libr. VIII. Comment. p. 659.* et in Cl. Nesselii *Catal. Biblioth. Caes. Manuscript. Part. VII. pag. 163.* Confer. *Mus. Calceol. p. 16.* Annon *Akarbabar Kipas Rumphii*; In *Append. Mus. Museorum p. 109. 110.*


FRUTEX MARINVS MAJOR optime descriptus exstat apud *Clus. Exot. L. VI. cap. 2. p. 120.* durus prorsus et lignosus atque valde planus flabelli instar in ternos aut quaternos crassiusculos ramos divisus, a quibus innumeri alii minores producuntur, qui deinde in alios iterum minusculos dirimuntur, in longum et latum se dispergentes tam miro ordine, ut simul quodammodo coalescant, vacuaeque tantum quaedam spacia relinquunt, cribri aut reticuli foramina imitantes. Integer Frutex nigro purpurascens colore nitente est obductus. Sed saluginosae materiae, qualis Clusius meminit, uti in Wormiano, sic in nostro quoque nullum vestigium. Nautae Corallium appellant; sed ad Palmae marinae Theophrasto descriptae genus aliquod referendum censet Bauhini Epitomator *Chabraeus. Rupisfortio in Antill. Histor. c. 19. Art. 18. p. 234.* vocatur *Arbre de mer*, picturaque plane Auctoris nostri similima, *Ill. Sloane Catal. Plant. Insul. Jamaic.* scribit, in profundis maris Jamaicensis scopulis et rebus solidioribus innasce copiose, unde frequenter in vicinum littus ejicitur. Vid. *Excell. Raj. T. I. Hist. Plant. p. 67.* cui in paucis a praecedente Planta retiformi differre videtur.

Planta marina RESEDAE nomine, ut optime *Wormius* notavit, in maximam quandoque excrescit magnitudinem. Planta plana est, ut marinae pleraeque, nullos ramos nisi ad latera transmittens, interior substantia lignosa, albicans obducitur cortice duro, nigro splendente et ad naturam Corallii nigri accedente, qui rursus falsa et alba materie obducitur, efformata in modum vasculorum rugosorum, quae semina matura Plantae Resedae continent, ex albo cinerea minora paulo et infima parte ut plurimum ipsis ramulis connexa, vacua, fragilia et quae digitis attrita facile in pulverem solvuntur, saporis salii. Vid. *Clus. Exot. Lib. VI. cap. VI. Excell. Raj. T. I. Hist. Plant. Libr. II. Sect. II. cap. V. pag. 68.*

ERICA MARINA a Clusio Exot. Libr. VI. cap. 5. p. m. 122. descripta; videtur esse *Corallina fruticosa elatior ramis quaquaversum expansis teretibus*, Anglis *Sea-Feather* sive *Pinus marina*; assurgit statim haec maris soboles ab infimo in frequentes ramos, atque illi denuo in minores alios dividuntur; interdum simul coalescunt, ut in plerisque Plantis in mari nascentibus evenire solet: tenui tegitur cortice, terrestrisque est coloris. Totus porro frutex plana forma excrescit, ramique tanquam quibusdam tuberculis obsiti sunt. Tota planta lignosa et dura, atque lapidi aut scopulo innata videtur, salsi saporis, tanquam Oceani nata. Hanc marinam Plantam sub nomine *Acarbabar rutti rulti* descriptam invenies in *Mus. Mus. Append.* p. 110.


TAB. XXV.

Toties jam concretionum Corallarum facta mentio, ut opus sit ad ipsa progredi *CORALIA*. Maxima de Corallio, an *vegetabilium* vel *mineralium* regno sit inserendum, inter Historiae naturalis scriptores nata lis et controversia, quorum rationes ex utraque parte non contemnendas attulit Excell. Etmüllerus in elegantissima de *Coralliorum Tinctura disputatione*, tandem quere pensitatis omnibus concludit, *Corallium* (derivatur quippe Graecis a voce *κόρη* puella et *θάλασσα* mare, quasi puellam sive maris filiam dicas) esse lapidem in fruticis speciem concretum. Hinc Auctor quoque noster Corallia (ut vulgo scribitur) et productiones Coraloides ad lapidea concreta refert, cum per extrapolitionem seu additionem partis ad partem, non vero per succi nutritii intus susceptionem crescant et augeantur, ut hoc vir ingeniosissimus et rei herbariae callentissimus Rev. P. Paul. Boccone *αυτόπτης* saepius observavit, et ex ejus observationibus Gallice inscriptis: *Recherches et observations naturelles touchant le Corail &c.* palam fit. Consentientem hac in hypothesi habet Medicum Avenionensem Gvifonium, qui in literis ad P. Bocconem datis nullum prorsus Corallii genus Plantam esse asserit, ast purum putum minerale et multo sale ac pauca terra potissimum compositum. Existimat quidem variorum Salium cum Terra aliisque mixtionis principiis arietantium occursum atque praecipitationem tam nobile mixtum emergere, non secus ac famigeratam illam incrementi tantum non extemporanei Chymicorum arborem metallicam, quae Mercurii et Lunae capellatae in Aqua stygia prius dissolutorum et Aquae communi dein innatantium subsidentia atque nexu per appositionem partis ad partem accrescit. Haec Gvifonius, sed accuratorem genesin *ορφύτατος* Etmüllerus exhibet, generari nempe credit Coralia, e succo quodam minerali, salino nitroso, pinguedine et viscositate quadam sulphurea impraegnato, quae per subterraneum ignem per poros fundi maris erumpit, ast ubi attigerit marinas Aquas, protinus tum frigore tum congelante earum salsedine subsidet, primaque fundamenta agit futurae concretionis,





Corall: alb: Indic:
Indianische weiße Corallen.



Corall: imatur: cinereo colore
Aschefarbe unzeitige Corallen.



Corall: interstincto rubro et albo colore.
Corallen von roter und weißer farb vntermengt.



Corall: maximus truncatus.
Der größten art Corallen.



Corall: rubicundiss:
Corallen der höchsten Rotenfarb



Corall: albiss:

Sehr weiße
Corallen.

1867.

1867.

1867.

ex allabente vero et exspirante continuo novo succo, coagulata ista materia sensim distenditur, sensimque in altum elevatur, quae novo novoque corpusculorum sulphureo-salinorum affluxu non tantum condensatur, sed ulterius quoque ascendendo, ob copiam succi turgens hinc inde in ramos erumpit, qui ex novo appulso succo primo quidem verruculas quasi promunt, quas recens salinus liquor ulterius extendendo, in surculorum e ramulis enatorum speciem expellit. Quod si abundantia nimia distendendo arbusculam disrumpat, vel e ramuli extremitate exsudet, exstillans liquor spermatis naturam assumit, sicque novam Coralii propaginem fundat, et quamcunque rem attigerit, tanquam fertile solum osculando, novo superingesto spermate in arbusculi speciem similiter extollitur. Eodem ergo modo celebratur haec Coralliorum genesis, quo caeterae salium efflorescentiae contingunt, vel quomodo enati sunt silices, alique lapides, qui ramulis insignes et fruticum speciem gerentes reperiuntur, quales se vidisse ad Albim prope ostium Tangrae, memorat *Encelius* de re metall. l. 3. c. 3. Quae antiquitas olim tradidit, ac si Corallium molle et sub undis herba fuerit, aut in lapidem,

*Quo primum contigit auras,
tempore dure scat;*

Experientia nunc falsi convincit, ad oculum quippe diligentissimus *P. Boccone*, qui Coralliorum Piscationi in canali, Calabriam a Sicilia distinguente, interfuit, in literis ad *Alexandrum Marchetti Pisanum Mathematicum* exaratis demonstravit, non minus sub undis quam supra undas durum et lapideum esse, cortice duntaxat molli et muscoso (qui tamen facile deraditur) integri. Observavit praeterea vir ingeniosissimus, quod excipiendae sint ramorum summitates subrotundae, quae inflatae sunt et tenerae, succumque lacteum parva licet quantitate fundant, lactucae aut *Tithymali* quodammodo similitudine. Extremitates haec sive fastigia tumida grandiora non sunt *Ribesii* aut *Berberis* baccis, neque apud historiae naturalis scriptores descripta aut depicta reperiuntur, quandoquidem in Corallio ex Aquis extrahendo non satis diligentes et cauti fuere. Ipse enim observando didicit, Corallium retibus implicitum teneras suas extremitates, ad abrumpendum pronissimas, plerumque amittere. Item *P. Boccone* crustam tartaream Corallium integentem, in rubro Corallio rubram esse, in albo albam annotavit, quin et sub crusta exteriori plures rugas seu sulcos ad extremitates praedictas terminatas cerni, ubi cellulae quaedam observantur. In extremitatum autem circuitu clarissime discernuntur complures pori seu foramina exigua stellata, quae in omnibus aliis partibus ad pedem usque habentur. Pororum nomine intelligit notas quasdam in 7. aut 8. fissuras divisas, quae omnes simul stellam efformant, nudo etiam oculo absque microscopio conspiciendam, quas ramorum productioni inservire credit. Extremitates rotundas supradictas curiosius examinans, et unguibus

rumpens, plerasque omnes invenit in sex cellulas distinctas, humore quodam albo et pingui repletas, sapore acri cum aliqua adstrictione ad Piperis et Castaneae saporem accedente, qui in recens e mari extracto Coralio manifeste sentitur, in exsiccato evanescit, adstrictione tantum residua. *Succus*, quem diximus, *lacteus* intra sex circiter horas, postquam Coralium e mari extractum est, siccescit, et colorem mutat. Ille ipse succus lacteus sive Coraliorum spermaticus per eorum Canaliculos extrusus, quaequale etiam corpus contactu ferit, illis adnascitur, hinc rupibus non tantum et saxis agglutinata Coralia, sed a Piscatoribus extrahuntur, ossa, lateres, tabulae lignae, ferramenta aliaque coralis confecta. Sic sagacissimus naturae scrutator *Kircherus* rupis integrae partem in Musei rarioribus observavit, e profundo maris extractam, totam coralis obsitam, cui varia Conchyliorum adnata sunt; in hac rupe partim e concava Conchyliorum parte, et aliorum convexa, partim vero ex ipsa soliditate saxea erumpunt Coralia. Vid. ejus *mund. subterr.* L. 9. *Sec. 3. c. 6. et Mus. P. II. c. VIII.* Sic *M. Dux* *Hetruriae* Pisis in Gazophylacio habet *cranium humanum*, e quo *Coralina* planta excrevisse spectatur. Sic in eminentissimi Cardinalis *Barbarini* Gazophylacio Coralium, tandem in Myricae affinem Plantam desinens invenitur; quin e *Delphini duro* Corio Coralia propullularunt. Sed tempus est, ut vela contrahendo a Coralii Piscatione et genesi ad Auctoris nostri tabulam reditum paremus. Sistit hic primo **CORALLIVM RUBICUNDISSIMUM**, intensioris nempe rubedinis qualis cocci, figura autem est arborea multis ramis tortuosis, qui rursus in alios minores divaricantur. Citat hunc nostrum Auctorem in recensione rubicundissimi hujus Coralii *Excell. Turnefort. Instit. Rei Herb. Class. XVII. Gen. V. pag. 572.* nec figura multum a nostra abludit, nisi quod disci figulini limbo adnatum sit, quod in Museo suo asservat modo laudatus *Turnefortius*.

CORALLIVM ALBISSIMUM, quod rubicundissimo subjungit, non est verum Coralium album, quippe illud a rubro non nisi colore differt, duritie superat et carius venditur. Hoc autem Auctoris nostri est *Coralium album majus officinarum oculatum* *J. B.* ceu primo statim intuitu patet; illud elegantissime quoque depictum reperies in *Museo Gottwaldiano Tab. de Corall. III. Fig. IV.*

CORALLI MAXIMVS TRVNCVS videtur esse Coralio affinis *Perus magnus* *J. B.* sive *Madrepora maxima arborea Turnefortii*, et *Poromagno Imperat.* Exhibet quoque hoc Coralium porosum ex mari *Tabraca* allatum *P. Buonanni* in *Museo Kircher. Class. VIII. n. 4.* Truncus enim circa radicem crassitudine fere est brachii humani. At cum Corallii collata; altitudine sua non resplendet. Nam brevi intervallo, qua truncorum divisura est, a crassitie sua deficit atque minuitur; neque enim alte afforgit. Terminatur in germina crassitudine digitali. Circa truncos solidus est instar Coralii, at ultimi rami admodum porosi sunt et



Fig I.



Fig II.



Fig III.



Fig IV.





et fragiles. Color ei albus, superficies rugosa et stellata, caeterasque obtinet conditiones, poris in genere tribui solitas. *Annon Corallium verrucosum maximum indefessi naturae mystae Gesneri de Fig. lapid. pag. 132. 133.*

CORALIVM INTERDISTINCTO RVBRO ET ALBO COLORE non ubique occurrit et rarioris commatis. Hinc a Cl. Turnefortio quoque, citato *Auctore nostro*, inter Coralliorum species recensetur. Vocatur ab Aldrovando in *Museo Metall.* p. 287. *Erythrolevcon.*

CORALIVM IMMATVRVM CINEREO COLORE potius Poris quam Coraliis accendendum, foraminibus quippe stelliformibus hinc inde obvium, colore quoque a Coraliis differens, quoad colorem cinereum convenit cum Lithophyto cinereo rugoso J. B. Exhibuit tamen *Corallium cinereum ramosum et monoclonon unico longo caule* Cl. Rumphius *Ephem. Nat. Curios. Dec. II. Ann. III. p. 77. 78.*

CORALIVM quoque INDICVM ob poros, quos continet copiosiores, *Madreporae* potius quam *Coralii* progenies. Qui veterum placitis de Coraliis delectatur, adeat Gansii *Historiam Coralliorum*. Kirchmaieri *diff. de Coraliis* A. 1665. Witteb. et Linsii *Jen. 1675. de Corallo juxta ductum Plinii habitam.*

TAB. XXVI.

Fig. I. **V**ocatur ab D. M. R. Beslero in Gazophylacio *Massa Coraloides albicans porosa, maris fluctuationem egregie repraesentans*; estque revera *Astroites undulatus major politus*, quem Pl. Rev. Pater Boccone dans les *Recherches et observations naturelles Lettr. XVII p. 141.* descripsit, quemque Mercatus in *Theatr. Metallic Manuscripto Lapidem Lumbricalem* vocat. An *Batu Parudan* Append. Mus. Museorum p. 116.

Fig. II. Est secundum nostrum *Auctorem PLACENTA CORALOIDES ALBICANS SINVOSEA*, et si accuratius inspicatur, erit quoque *Lapis astroites undulatus major nondum politus* modo laudati Boccone, qui *Fasciculum rariorum Basilii Besleri nostri* notat, quod *Astroitem undulatum* nominet quidem, sed neque depingat, neque describat, vid. loc. cit p. 144. *Olear. Mus. Tab. 34. N. 1.*

Fig. III. Vocatur **FVNGVS LAPIDOSVS** ab Auctore nostro, et est revera elegantissimus ille *Fungus*, quem e Nilo et mari Indico ad Cel. Clusium detulit Mercator Amstelodamensis, *Exot. Libr. VI. cap. 10. p. 125.* et licet magnitudine a *Clusiano* differat, est tamen pariter saxeus et candicans superna parte ab umbilico ad circumferentiam, multis profundis striis oblique quodammodo excurrentibus ornatus; convenit quoque in reliquis cum *Clusiano Fungite*, ut nullum supersit dubium, unum esse eundemque. *Fungum hunc Alcyonis* potius accensendum putat P. Buonanni in *Museo Kircheriano*: nam etsi fungi figuram imita-

tur, structura tamen differt, nam rimulae sive striae, quae a Centro ad circumferentiam in fungis sunt, semper in parte inferiori humum respiciunt, e qua enascuntur; in hoc autem partem superiorem exornant. Class. VIII. n. 22. Ejus quoque Icon in *Museo Olear.* Tab. 34. n. 2. in *Gottwaldiano Museo* Tab. I. Capf. I. omnium accuratissime depictus est.

Fig. IV. Describitur a Beslero: *Truncus elegans substantiae lapideae, Fruticem Corallii albi repraesentans, minutissimis punctis et porositatibus scatens, conum in summitate triplicem producens.* Nisi me tamen fallunt omnia, videtur esse *Arbascula Coralloides Pisonis Hist. Bras. fil. natur. et medic. Libr. IV. cap. 68.* *Curang Bonga Append. Mus. Mus. p. 115.* et non multum differt a *Planta Saxea Abrotoneide Clusii*, cujus jam mentio injecta. *Cerurus* in *Museo Calceolariano* elegantissime et descripsit et figuram dedit. Excell. *Gottwaldus* in *Museo* Tab. III. Corall. Fig. 2. et 3. hanc Plantam accuratissima quoque delineatione expressit. Vid. pariter Excell. *Langium Histor. lap. Figur. p. 57.* et *Mus. Moscard. libr. II. p. 187.*


TAB. XXVII.

Nondum productionum Coralloidum finis, dolendum enim quam maxime, omnem in his Tabulis Lapidum deesse ordinem, nullum selectum, ut methodus illa accuratissima, quam viri in studio hoc ingeniosissimi, *Aldrovandus, Listerus, Luydius, Scheuchzerus, Langius, Beierus* aliique nobis exhibuere, observari minime queat. Occurrit hac in Tabula, post *Besleri* nostri mortem certe exarata, *CORALLINA MARINA*, non illa quidem officinarum, sive *Musculus maritimus*, vel *Corallina alba* off. quae elegantissime depicta apud *Pometum l. Histoire generale des Drogues P. I. Libr. V. c. 18. p. 165.* sed potius *Corallina fistulosa fragilis J. B.* quae numerosos progignit cauliculos, cinereo filo crassiori pares, superficie crispa, seminum saccharo conditorum, circularibus zonis densis praecincta, fragilis admodum et levi digitorum attritu in arenam solubilis, sapore fatuo. Annon *Corallina Hippurioides Cl. Welschii Hecatost. I. obs. XVII.*

LAPIS CORALOIDES ALBUS videtur esse *Corallium album fragile ramusculis aequalibus contiguus dumosum Moris. Hist. Oxon. P. 3. p. 656. Sect. 15.*

FUNGVS MARINVS LAPIDEVS is ipse Fungus Niloticus, et quidem altera ejus pars, cui pediculus brevis et crassiusculus adhaeret, qui a scopulo aut petra abruptus videtur; de quo fungo in Tab. praeced. Fig. 3.

ANDROSACE vel potius *ανδρεσας*, quod το σαρσ ανδρεσ scutum viri praesentet. Plantula marina haec nihil aliud est, quam congeries fungulorum cum suis Pileolis vel scutulis humore Corallino in mari
super



LAPIDES.



Corallina Mar:



Materia oberust. varia in fonte poetarum francofurt. ad Oder :




Herba Marina Androsaces dicta



Fungus cum Lapid:




Lapis Coralloides alb




Fungus Marin: Lapid:



Osteolithos




Hoplites cum Lapid:



Osteocollon





super petram, concham, (ut in nostra hac tabula) et alias res induratum. Lobelius in Advers. Stirp. p. 165. optime descripsit, et Cotyledon marinum vocat. Ipsi videtur esse e genere plantarum earum, quas parasiticas festive quis dixerit, propterea quia non nisi aliena quadra vescuntur, cibo et disco; aliis, uti modo diximus, rebus innatae; Haec Lobelius, qui plurima adhuc circa loca, ubi capiuntur, habet lectu non indigna. Cl. Wormius credit hanc plantulam marinam, illam ipsam esse Fungimappam ab indefesso naturae scrutatore M. Aur. Severino in Epistola ad Joh. Simonem a Gratia descriptam, sed aliter plane sentiet, qui lapidem Fungimappam exhibentem, inspexerit: stipites enim e filiculo vegetationi substrato assurgentes, unica Mappa teguntur omnes, cum in Androsace, unusquisque Funguli pedicellus pileolo suo tegatur, uti ex Figura, Epistolae Severini praefixa, patet. Nec ex lapide Lyncurio sive Fungifero prodeuntes funguli sunt, de quibus in Epistola ad Cl. Mich. Rupert. Beslerum fusius egit, quem modo laudavimus, Tarfigena Severinus, quos fungos esculentos cum substrato lapide aeri incidi curavit Illustr. Academ. Nat. Curios. Praeses Tertius, immortalis gloriae Volkammerus, Dec. II. Ann. III. observ. 116. Talem lapidem (qualem Carol. Avantijs eruditiss. in Coenam Bapt. Fier. Not. p. 47. nomine Fungi Lyncurii descripsit) cernere mihi licuit in horto instructissimo, Hesperiid. Noriberg. Auctoris nobiliss. J. C. Volkammeri.

MATERIA OBCRUSTATA VARIA IN FONTE POETARVM FRANCOFVRTI AD ODERAM. Notorium est, plurimos fontes ex illo saxi calcarii genere, quod cognatum est gypso, salire, et ubi erumpunt, ochra quadam, et vario colore cuncta inficere, ac lapidem gignere stalactiten, figura extus varia, ac zonis intus et crustis ob coloris atque structurae convenientiam et pulchritudinem, oculos pariter et animum pascentibus distinctum. Fontem autem Poëtarum Francofurti ad Oderam esse illum, quem Thurneisser. Libr. VII. de Aqu. mineral. et metall. p. 304. memorat, videntur probare incrustata cochlea et ligni frustulum ab Auctore nostro delineatum; Sic enim modo citatus Thurneisserus in lingua vernacula: *Wir wollen dessen/ so auffer der Garthauß zu Franckfurt an der Oder nicht vergessen/ dann ob dasselbige Wasser an Gestalt einer andern Eigenschafft/ ist es doch an Holz/ Nuß: Schaalen/ Schnecken: Häußlein und andern dergleichen in Stein zu verändern/ kräftig erfunden.* Hoc de eodem confirmat fonte Excell. Becmannus de Memorand. Francof. et quidem brevi urb. Francof. descript. c. 3. p. m. 34. qui insuper addit, eum plures adhuc circa urbem hanc fontes incrustandi vi praeditos detexisse, plurimaeque ibidem reperiri.


OSTEOCOLLA tradit; quae cum Auctor in Tabula nostra quoque exhibeat, illa, quae laudatissimus vir Editori Ador. Philosoph. Anno 1668. Mens. Septembr. n. 4. communicavit, breviter excerptenda duxi: *Osteocolla nempe crescere in solo arenoso, sed non sa-*

buloso, nunquam in terra pingui argillo saepe terra. Non aequalis crassitie sunt rami instar plantarum crescentium supra terrae superficiem; ad duplam hominis altitudinem radicatur radicesque frequentius directae ad perpendicularum, rarius per latera diffundit ramusculos. Locus ubi Osteocolla crescunt, inter subflavam arenam albicans neque pinguior arena apparet, vocata ab iis, quorum opera in eo investigando utuntur, Flos hujus substantiae. Osteocollum statim erutum molle est, friabile tamen magis quam ductile; nam semihoram vel paulo amplius soli expositum, illam acquirit duritiem, qua venale in officinis prostat. Species Margae videtur, cujus ingens in vicinia Osteocolli copia. Causa divisionis in tot ramos a radicibus, subter terra se passim diffundentibus, provenire autumat; inde est, quod per Osteocollum semper porrigatur media linea obscura, quae indubie radice pars; addit alia quoque, quae attentionem merentur, a nobis brevitatis amore praetermittenda. Plura enim de re ubique obvia dicere non licet. Ejusdem commatis videntur

OSTEOLITHI, vel potius Holostei dicendi, cum non differant ferme ab Osteocollo, nisi quod nulla cavitate sint praediti, sed toti repleti materia friabili; imo reperit quoque Excell. Becmannus l. c. Osteocollon penitus non cavum, ubi observavit, illud non adhaesisse circum crassae radici, quin potius semet collegisse circum complures fibras tenues, unde etiam ejusmodi Osteocollon adeptum fuerat poros per totam longitudinem, sed non cavitatem, prout alterum Osteocollon cavum. Osteocollo similes vel certe non multum distant Coni Norici, de quibus immortalis Welschius Hecatost. I. p. 86, forte Geodes figura oblonga specie stercoris canini. de quo vid. Excell. Beierus in Oryctogr. Nor. p. 33.

HOPLITES CVM LAPIDE est cornu Ammonis matrici adhaerens, quod cum ferrea sit armatura, Hoplites vocatur, de quo lapide cum Tab. 34. agere decreverimus, hic calamo silentium imponimus.

FUNGVS CVM LAPIDE videtur concretum illud esse, quod sub spongiae elegantis nomine descripsit Exot. Libr. VI. cap. XI. Cl. Clusius, inhaeret enim non minus ac ille lapidi suo durissimo nigroque. Fungus sive lapidea spongia vel floris exprimit imaginem vel infundibulum, nam cavus est, in infima, qua saxo inhaeret, parte valde angustus. Confer Cl. Wormium Mus. p. 237. Est et fungi lapidei species Szjamur taxis dicta Javanis, Malayis autem Tsiandawan Karang, sive fungus lapideus infundibiliiformis, tuberi regio innascens, usu medico pollens, de quo Herbert de Jäger in Epist. III. ad Rumphium et Excell. Valent. Mus. Mus. T. II. p. 96. De Lapide Filtro Vid Excell. Valentini in Dissert. pecul. Giessae A. 1702. habita.



Coralli nigri. T. XXVIII.

LAPIDES.

Lap: Spongiæ. Alcyoniūm Lapid:
forma Cornū Cervi.



Planta Lapid: marina




Fūgūs Lapid: Porosūs



Fūgūs Saxeūs minor



Fūg: Lapid: Striat:





TAB. XXVIII.

TAbula haec post tot *Coralia* et *coralloides productiones* tandem *CORALIVM NIGRVM* profert, cujus Tab. XXV. ubi variae *Coraliorum* species recensitae et delineatae, mentio injicienda fuisset, sed dolendum post *Besleri* fata incisus Lapidum Tabulis nullum plane ordinem inesse. Et quidem *Corallium nigrum* in Tabula nostra delineatum, quod concernit, neque *Corallium nigrum* verum est, quod a corallio rubro non nisi colore differt, pretiique rubro majoris, neque *Antipathes* sive *Pseudo-Corallium nigrum*, neque unum ex illis nigri *Corallii*, sive *Acarbaha* *Pohor* speciebus, in *Appendic. Mus. Mus.* p. 107. seqq. descriptum, sed artificiale quid, nec nomine nec descriptione, nedum delineatione dignum.

PLANTA LAPIDEA MARINA jam Tab. XXVI. descripta est *Carang Bonga* *Append. Mus. Mus.* p. 115. sive *Planta Saxea Abrotanoides Clusii*.

*ALCYONIVM LAPIDEVM FORMA CORNV CERV*i maxime convenit cum illo, a *Cl. Clusio Exot. Libr. VI. cap. XII. pag. 126.* descripto, nisi quod cranii loco, cui cornua *Cervina* lapidea adhaesisse videbantur, in nostro lapis conspicitur; in ramos caeterum instar *Clusiani* sparsum, inferna parte denso corpore et crasso spongioso tamen saporis falsi. Videtur esse *Planta tophacea marina simile al Corallo bianco con alcune grossi rami tuberosi, rotondi, inequali e striati &c. &c. Estremita di lei pedale forma, una base rotonda e tuberosa come nelle Corne de cervi, con le quali parimente questa Pianta ha qualche similitudine di figura.* Vid. *Cl. Legato nel Mus. Cospien. Libr. 2. cap. 24. p. 131. Consul. Ill. Rajus Hist. Plant. T. I. Libr. II. c. 13. p. 82.*

FVNGVS SAXEVS MINOR MARINVS, qui compressus floris formam quodammodo exprimit, exacte cum *Clusiana* descriptione, quoad longitudinem, latitudinem et altitudinem convenit; striae, quae externa parte a pediculo ad circumferentiam excurrunt, non sunt valde conspicuae, quae autem in parte interna profundiores et magis conspicuae, simul etiam in medio coeunt, quemadmodum et figura aeri incisa accuratius multo, quam in *Clusiano* schemate, expressa.

FVNGVS LAPIDEVS POROSVS ad *Astroites* referendus, in *Mus.* pariter *Olearii Gottdorfiano* depictus. Sed cum de *Astroitibus* Tab. XXXVI. agere decreverimus, abstinendum nobis hoc loco.

SPONGIA IN LAPIDEAM SVBSTANTIAM CONCRETA, lapis est cavus oris inaequalibus sinuosis in partem internam reflexis. *Spongites varios* produxit *Excell. Welschius Hecatost. I. pag. 30.*

TAB. XXIX.

Quae Auctor noster hac Tabula exhibet, proletaria oppido sunt, idoque illis non diutius immorari animus, cum passim non tantum in omnibus officinis Pharmaceuticis prostant, sed et reliquis artis salutaris et Historiae naturalis paene ignaris nota sint. Et *HAEMATITEM* quod concernit, cum ex ejus minera ferrum excoquatur, et Magnes, (extra controversiam martialis prosapiae) per calcinationem in haematitem convertatur, imo magnetis instar, licet non adeo potenter, ferrum trahat, omnino ad martialia referri debet; quamvis de Saturno quoque participet, hinc in fodinis, e quibus stannum et plumbum album excoquitur, *neben den Zwitter-Gängen/ und unter denselben/ Albi-* no teste reperitur, ac ex artefacto Haematite, capite nempe mortuo florum, ex limatura ferri plumbo et Sale ammoniaco sublimatorum, et vi emetica Saccharo Saturni analogapatet. Quem Auctor noster *Haematitem* vocat, verae metallica est substantiae, instar ligni petrefacti, vel Antimonii, strias vel fibras oblongas habens, et acuum instar acutas, colore saturate rubro, nulla admista sorde aut venis intermediis. Stupendae saepius molis est, ut frustum *Centum et X Librarum ponderis* apud solertissimum DN. *Dietericum* intueri licuerit. Post *Aldrovandum* in *Mus. Metallico*, *Caesium de mineralibus*, *Boëtum a Boot de Gemm. et lap.* aliosque consul. imprimis *Praesidem Academ. Nat. Curios.* primum et *Fundatorem Bauschium in schediasm. de Haematite.*

Quem *SPVRIVM* nominat *HAEMATITEM* Auctor *SCHISTUS* Sest, qui cum facile in longas rectasque laminas atro-rubentes findi potest, Schistus Germ. *schwarzer und schiefrichter Blut-Stein* nominatur, de quo lapide peculiari Dissert. disseruit modo laudatus *Excell. Bauschius.*

Succedit Haematiti *MAGNES* martialis pariter prosapiae, inque haematitem per calcinationem redigendus, qui ob mirabilem virtutem, inter reliqua lapidum genera facile palmam obtinet, unde vastis voluminibus conscribendis occasionem praebuit, quos inter scriptores primus de eo nugari desiit *Gilbertus* Anglus, qui *Harveo* teste, *experimentis de Magnete factis quinquaginta nummorum millia consumpsit;* quem postea secuti *Cabaeus*, *Zucchius*, *Grandamicus*, et in diffuso opere solertissimus *Kircherus*, ac *Leotaudus* in *Magnetologia*, in qua, si titulo fides, exponitur *nova de magneticis Philosophia.* Illustriss. *Baco de Verulamio* inter posthuma de Magnete quoque inquisitionem reliquit, inter Belgas celeberrimus Navarchus *Laur. Real*, et ante annos aliquot mole quidem exiguum, sed si experimentorum et hypothesium selectum spectes, utilissimum de *Magnete* edidit librum *Exc. Zwingerus;* nec contemnendus liber Gallice inscriptus: *Traité de l'Aimant* par *Mr. D**** quod opusculum Germanice versum, insertum *Tom. III. Mus. Mus. Excell.*



LAPIDES.

T. XXII



Hematites Spurius.
Schwärzlicher Blutstein.

Hematites. Blutstein.

Lapis Lazuli cum Malachite
Lazurstein mit ein Malachiten gewachsen.


Malachites Crudus.
Unpoliter Malachitstein.

Magnes.
Magnetstein.

Lapis Lazuli.
Lazurst. oder Bergblau.

Galactites.
Milchstein.

Lapis Aldenbergensis odoris Violacei.
Ein Stein von Aldenberg von Violgeruch.



cell. *Valentini*. Exposuere lapidis hujus efficaciam dissertationibus Academicis. *J. C. Ludekus Witteb.* 1634; *Salzmann.* Argent. 1648; *N. Klein Lips.* 1660; *J. C. Letschius Witteb.* 1661. *Waldschmid. Marpurg.* 1683. imprimis *Cl. J. J. Spenerus de Magnete errores variorum detexit in dissert. habita Lips.* 1688. Quis igitur nobis vitio vertet, si post tot volumina jam conscripta, sileamus de Magnete.

MALACHITES CRVDVS ad Jaspidis vel Prasii species referendus, lapis viridis et opacus instar foliorum Malvae, unde Graecum nomen fluxit, albas habet venas noster, maculisque inficitur nigricantibus, et ut e Scheda affixa apparet, Auctori nostro e Sylva Hercynia missus; minime ideoque cum Orientalibus comparandus. Licet inter Gemmas ob aspectum non admodum gratum huic lapidi nullus locus, ab officinis tamen pharmaceuticis minime excludendus, modo vera forent, quae de illo cecinit *Marbodaeus*:

*Infantum cunas virtute sua malachites
Protegit, et casus abigit quoscunque sinistros,
Ne teneris membris pars possit iniqua nocere.*

Hinc Germanis nostris *Schrecken-Stein* dicitur.

LAPIS LAZULI CVM MALACHITE, quem Auctor exhibet, videtur esse tertium genus Malachitae *Anselm. Boëtii a Boot*, cui color caeruleus distincte intermixtus.

LAPIS LAZULI vel potius *LAZURI*, Arabice enim Azur vocatur et Germ. *Lasur-Stein* / videtur esse Plinii Sapphirus, quippe haec ei opaca gemma aureis punctis collucens, id quod in Lapidem nostrum quadrat, qui Lapis est durus, colore florum Cyani caeruleo, punctulis aureis ac flammulis exornatus; Has aureas micas nonnulli verum credidere aurum, cuius extractionem proposuere *Kircher. in Mundo subterr. T. II. Libr. III. Sect. IV. cap. 3. et Libr. XII. Sect. V. P. III. cap. 4. Propos. 12. Excell. Langius Lips. de Mat. Med. p. 316.* ideoque lapidis hujus differentia orta, nempe in ignem immisione, ubi in Orientali scintillulae illae aureae pulchriores redduntur, in Germanico sive ignobiliori evanescere dicuntur. *Strobelbergerus* tamen de Confect. Alkerm. nunquam tale quid se deprehendisse ingenue fassus est, sed omnes, qui ignis persensere vim, scintillas illas non aureas, sed marcasitae potius flores, amisisse. At *Strobelbergero* Pharmacopaeorum nonnulli contradicunt, inque Transylvano et Hungarico lapide Lazuli revera Auri miculas existeret et remanere statuunt, penes quos fides sit; hancque rationem fuisse credo, quod Confectionem Alkermes, seu cordiale, uti vocant, ingrediatur cum *emetica* tamen *vis*, (quam ex aerariis metallifodnis, ubi effoditur, contrahit) ac *purgans* manifeste in illo deprehendatur, et colore Matrem, in cuius sinu natus, prodatur. Confer. *Excell. Pechlin. de Purg. c. 22. et Ephem. Nat. Curios. Dec. II. Ann. V. observ. 37. Schol. et de Vi electrica Lapidis hujus. Dec. I. Ann. VI. et VII. observ. 218. Dissert. pe-*
culia-


culiari hunc Lapidem examini subiecit Argentoratensium quondam Aesculapius *Sebizius*, impressa *Argent. An. 1668.*

Quem Auctor noster *GALACTITEN* exhibuit, Germ. *Milchstein* nominatur, eo quod lacteum succum, cineritii licet coloris sit, emittat, dulcisque existat, ad *Lac Lunae* sive *Agaricum mineralem* referendus, quem cum elegantissima disputatione Kilonii Anno 1667. impressa luci publicae exposuerit Maximus *Major*, Purpurae laciniam asfuere non audeo. Vid. quoque *Lachmund. Oryctogr. Hildes. p. 18.*

LAPIS ALDENBERGENSIS ODORIS VIOLACEI; sive *Jolithos Schwenkfeldii*; nec enim omni odore destituuntur lapides, odoremque alii gratum fundunt, alii ingratum, teste *Anf. Boëtio de Gemm. et Lapid. L. I. cap. 6. pag. 21.* Sic Moschi odorem habet lapis Marienbergius, qui in vena divi Fabiani et Sebastiani repertu datur. Serpilli odorem habet Thuringius, qui prope Beuchlingam invenitur. Musti odorem Zeblicius Ophites. Vinum olet *Echites apud Solinum.* Ingratum odorem cornu uli habet *Enosteus.* Sulphuris odore gaudent filices illi, ex quibus ignis elicitur. Non igitur mirum, et nostro Aldenbergico inesse odorem violaceum, licet *Boëtio* suspitio orta, huiusmodi odorem a musco quodam eluteo viridi lapidi adhaerente, provenisse, quo detracto, lapidem nullum amplius odorem sparsisse, quod ex *Agricola* et *Schwenkfeldio de Siles. Fossil. p. 382.* hausit *Boëtius.* Asserto tamen huic Experientia contradicit; nec in nostra ulli musci adhaerentis vestigia. Candidissimus *Gesnerus* refert, ipsum a *Georgio Fabricio* jam olim Lapidem odoris violacei accepisse. Et *Kentmannus* Geodem illum Aldenbergicum cinereum violam olentem Germ. *Biolen oder Beylichen Stein* / inter lapides odoratos recenset: in *Nomenclat. Rer. Fossil. Misn. Tab. 6. p. 6.* Imo *Autourus* Excell. *Ledelius in Miscell. Acad. N. C.* lapidem absque musco vidisse, odoremque violaceum in illo deprehendisse ingenue fatetur; sic in cornubus Ammonis ditionis Scaphusinae odorem hunc violaceum quoque expertus est Excell. *Wagner.* in *Hist. Nat. Helvet. Sect. 6. Art. I. Vid. Dec. II. Ann. VIII. observ. 28. p. 81.* ubi in primis *Scholion Magnif. Acad. N. C. Praesidis Dn. Schroeckii*, legi meretur.


TAB. XXX.

NE actum agere videar B. L. monendum duxi, hanc Tabulam totam Excell. *Bauschium* ab Auctore nostro mutuo sumsisse, ipsoque honorifice nominato, Schediasmati de **LAPIDE AETITE** conscripto, non tantum intulisse, sed et quod caput rei est, singulos, ratione contentorum, loci natalis, figurae, coloris, superficiei, magnitudinis, consistentiae, odoris, saporis et virium descripsisse, ut nil paene nobis reliquum, nisi quod Beslerum nostrum notet, illum **BELEMNITEM GERMANICVM FLUVIATILEM**, Germ. den *Teutschen Adlerstein*



1777

LAPIDES




Atites cinerei coloris.
Klapper oder Erdstein.



Atites triangularis.
Ein dreispitziger Adlerstein.



Atites lapis, rotundus punctat.
Runder getropfter Adlerstein.




Atites Arabicus.
Ein Adlerstein aus Arabia.



Atites ex Insula Banda.
Ein Adlerstein aus der Insel Banda.



Atites duplicat African.
Ein doppelter Adlerstein aus Africa.




Belemnitis rotundus fluviatilis.




Belemnitis Germanic: fluviatilis
Ein Deutscher Adlerstein so in flüssen gefunden wird.




Geodes atites Species.
Runder kleiner Adlerstein.





T. XXXI

LAPIDES




Lapis fulminis



Caro et ossa
Lapid



ANNO · 1557
DIESER BAUM IST MIT
SANT BARBARA PRVLN. STOLN.
ANTROFFEN VOM MVTLOCH H.
2000. VND VOM TAG SEIGERISO.
LACHTER DEN 17 FEBRVARI IM
IOACHIMSTAL.




Dens Maxillar
Lapid



Conus picea Lapid



Lignum Fagi Lapid



Truncus ex Valle Joachim
in Lap. convers.



Dentes Lapid



Pseudocorona
anguina

Stein/ so in Flüssen gefunden wird/ et *BELEMNITEM ROTUNDUM FLUVIATILEM*, minus recte *belemnites* vocasse, cum *belemnites* diversi sint, quod a nobis occasione *daetylorum* *daeorum* indigitatum. Forte hic lapis Auctoris nostri minus recte denominatus, *Enhydros* erit, *Aëtitis species*, quod loco *Callimi* sive lapilli inclusi, aquam contineat, quae intus in eo veluti in ovis liquor, fluctuat; hunc *Taphiusium* Plinius vocat; ut sic tres *Aëtitis species* ab Auctore nostro recensitae fuerint; *Aetites* proprie sic dictus silice vel callimo praegrans, quales sex priores; postea *BELEMNITES* improprie ab Auctore nostro vocati, potius *Enhydri* sive *Taphiusii*, et denique *GEODES*, qui callimi loco terram vel arenam continent. Non autem terra tantum vel Arena, et *Ochra* item ac *cinnabarina terra* et *bolo rubro* replentur, sed putamine quaque ex ferro et Ochra investuntur *Aëtites*; id quod *Aëtite Clivensi* probat Excell. Menzelius Pater Ephem. Nat. Curios. Dec. II. Ann. 6. obs. 46. qui pariter *Aetitem siliceum* rarissimum Ejusd. Ann. observ. I. postea observ. III. *Conchitem Aëtitoideum* descripsit. Excell. Welschius. Hecatost. I. p. 53. *Aëtiten nucis moschatae figurae* exhibuit. Vires lapidum horum in praecavendo abortu et partu facilitando, a plurimis Medicis, imprimis festivissimo Ammanno, mire laboratas restituere nititur Excell. Albrecht Eph. N. C. Dec. II. Ann. IX. obs. 70. p. 36. Recensentur *Aëtites* ab Excell. Bajero in *Oryctograph. Noric.* optime inter eos lapides figuratos, qui tales sunt *Lusu naturae figurarum mathematicarum rotundarum*.

TAB. XXXI.

DENTES MAXILLARES LAPIDEI non admodum rari, plane similes habet in *Mus. Metall. Aldrovandus* pag. 828. Tab. VI. Fig. 1. Major. in *Memorial. A. Sect. III. de Fossil. Littor. Kilion.* Dentem molarem lapideum vel hominis vel bruti cujuscumque animalis se possidere, proxime penes mare, procul a venis metalli et montibus ab ipso repertum testatur. *Odontoides* varii recensentur a Gesnero de *Figur. lapid.* et Excell. Langius quoque *odontopetras molares* nostris plane non dissimiles exhibet in *Histor. Lap. Fig.* Quod de maxillaribus, illud pariter de *ALIIS DENTIBVS LAPIDEIS*, in ima Tabulae hujus parte ab Auctore nostro delineatis, dictum esto. De *maxilla Quersfurtensi Lapidea* Cl. Buttneri *Rudera diluvii testes* p. 222. de *dentibus Gigantum* confer. *Dissert. Cl. Hofmanni Jen. Anno 1670. habita de Gigantum ossibus* c. 2. Sect. 2.

Vix ovum ovo similis ac *CONVS PICEA LAPIDEA Strobiliti*, sive *pineum fructum* aemulanti Lapidi apud Ill. *Aldrovandum* in *Museo Metallico* p. 829. delineato et descripto.

TRUNCVS LIGNI E VALLE JOACHIMICA IN LAPIDEM conversus inque fodinis, ut Inscriptio ostendit, ibidem Anno 1557. d. 17.

Febr. repertus et ex aliquot mille Orgyiarum profunditate extractus, tantae est duritiei, ut si polietur, Jaspidem et colore et duritie aemuletur; qualem pyri truncum lapideum hic loci in *aedibus Generosissimae cujusdam familiae* videri mihi contigit, huic quoad omnia similem, cujus fustulum ab artifice artis hujus gnaro politum, insignibus incidendis Jaspidis instar optime inservit. *Vid. Excell. Bajer. Orythogr. p. 52.* Caeterum *Lithoxylorum* Historia a plurimis illustrata, imprimis ab *Exc. Valentini in Musei Museorum P. II. cap. 4. p. 25.* ut his aliquid addere supervacaneum. Imo in agro nostro Norico ultra duodecim ligni petrefacti species collegit et descripsit *Excell. Beierus in Orythograph. Noric. p. 51. seq. de Ligno fossili eruditissimum Tract. edidit Franciscus Stellutus, quem Excell. Major cum notis denuo editurum promisit.*

In Censum hunc pertinet *LIGNUM FAGI LAPIDEUM*, quod *oxyhten* nominare lubet, cum *Oxyam* Graecorum Botanici *Fagum* credant, alio lapideo aemulum productum, de quo *Pontanus in Meteor.*


videas lapidescere Sarni

Caeruleo sub fonte alnum filicisque maniplos.

de Phegithe vid. Excell. Beier. orythograph. p. 52.

CARO et OSSA LAPIDEA. Massam hanc informem, carnem ossibus agglutinatam et petrificatam exhibentem dijudicare, aspicientibus haud difficile erit, quibus addere licebit *Pernas* integras, non procul ab urbe *Roth* regiminis Serenissimi Principis Brandenburgici - *Onoltsbacensis* versus Palatinum superiorem, repertu dari, in lapideam substantiam conversis sale inspersis, fumoque induratis Westphalicis non absimiles. De *Carne lapidescente* vid. *Cl. Buttneri Rudera diluvii testes p. 140. de Petafunculo laudat. Beier. Orythogr. Nor. p. 47.*

LAPIS FULMINIS sive *CERAUNIAS* ad Quercum arborem diffractus est, id quod Auctor noster cum *Gesnero, Kentmanno, Boëtio a Boot, Aldrovando* aliisque credit, cum fulminis stupendi effectus aliam plane massam fulmineis inesse telis sat satis evincant. *Vid. Exc. Charlton. Inquis. Anatom. prim. qua Anatomen pueri caelo tacti instituit. Cl. Major dissert. de Fulmine tactis. Kilion. 1673. cap. 2. §. 9. 10.* Nec *Europaei* tantum hanc de Fulminis telis sententiam foveant, superant eos hac in re, qui *Indias Orientales* incolunt, *Vid. quae de Ceraunia spatula metallica ex Indiis Ephemeridibus Nat. Curios. Dec. II. Ann. IV. Observ. CX. et Dec. II. Ann. VIII. observ. III. communicavit solertissimus Rumphius, et postea pluribus auxit in Mus. Amb. Libr. III. cap. VIII. et IX. et de Chrysocolla cum Fulmine coelo delapsa nobiliss. Balduinus in Venere Aurea Dec. I Ann. VIII. App. annexa. Confer. Elegantiss. diff. Hoechstetterorum de Lapide fulminari Altorffi. habitam Anno. 1701. et Joh. Gottfr. Laue dissert. de Telo fulmineo Lips. 1706.*





7. XXXII

LAPIDE S

Lapides Iolebiani, quibus
impressa forma mustela
piscis.
Stein aus dem Eysle,
bischen Berckwerck, darinn
eine Kuypen zu sehen.

Marmor in agro Ephyopatz Eystet:
tensis, cui impressa figura Cancr,
Lucij, et Funduli piscis.
Eystattischer Marmelstein,
darinnen ein Krebs, Secht,
und Grundel
zu sehen.





PSEUDOCORONA ANGVINA, Agyrtarum delusionibus accensenda, quibus vulgus credulum decipere consueverunt, quippe nihil aliud sunt, quam *dentes molares porcellorum*, *substantiae candidae*, *superficie inaequalis*, *acutis eminentiis seu apicibus pulchre exasperatae*, *inferiori parte rotundae*, ita ut ob id elegantis coronae formam prae se ferant, et a Circulatoribus pro Pseudocoronis serpentum candidorum *Schlangen-Frönlein* divendantur; de quibus pluribus egit Cl. *Wagnerus* Dec. II. Ann. V. observ. 106. pag. 211. et dilucidiora adhuc promit *Magnific. Nat. Curios.* Praeses *Schroekius* in Scholio annexo, et eruditissimus *Welshius* Hecatost. I. observ. 27. qui Draconites sive *opheostaphaniscos* fictitios e maxillis aprorum se collegisse, et decussis quibusdam eminentiis laevigatos, limaue expolitos, ad lubitum efformavit. Vid. quoque *Mus. Soc. Reg.* cui fraus suboluit. Hinc *double tooth or grinder*, *dentes molares duplices* vocavit. p. 256.

TAB. XXXII.

Tabula haec *ICHTHYTES* varios sistit, quorum plurimos Exc. *Scheuchzerus* in exaustissimo Schediasmate, *Piscium querelae et vindiciae* inscripto, et Tiguri Anno 1708. impresso, recensuit; et quidem *FIGURAM LUCII PISCIS in MARMORE AGRI EPISCOPALIS EYSTETTENSIS* expressam, quod attinet, hujus pariter laudatissimus Dn. *Scheuchzerus* citato, *Beslero* nostro, meminit l. c. p. 4. ubi *Lucium* quoque ex *Oeningensi Lapidicina* protractum exhibet, qui non superficiali ut *Auctoris* nostri *Lucii* similitudine gaudet, sed totius *Piscis* substantiam oculis exponit, ceu indubius antediluvianus testis.

Lapides binos *ISLEBIANOS E MANSFELDICO Comitatu* Tabula haec promit, in quorum primo *MVSTELAE PISCIS* effigies in Lapide fissili nigro aeris divite, aureis striis a pyrite massulis aspersis et intermixtis. Producit pariter hos, citato *Auctore* nostro, *Excell. Scheuchzerus* l. c. absque tamen schemate.

ALTER ISLEBIANVS LAPIS PISCEM SQVAMOSA EXHIBET CVTE, illaque ex parte detracta, interior carnis structura apparet. Exc. *Scheuchzerus*, qui similem aeri incidi curavit e truttarum genere, *Piscem* esse autumat, non tamen absolute eo illum referre ausus fuit, propter ventralium pinnarum absentiam. Cl. *Rumphius* in Museo Amboinico quoque Tabula LIX. Lit. B. Lapidis hujus figuram, uti et Ill. *Rajus* in libell. de *Mundi primordio, mutatione et interitu* p. 189. exhibuit. Vid. Exc. *Alberti* in *Disp. Lips.* 1675. habita, de *Figuris variarum rerum in Lapidibus et speciatim fossilibus Comitatus MANSFELDICI* habita: et Nobiliss. *Mylius* in *Memorab. Saxon. Subterr.* Rel. I. *Lungershausen* de *Imitam. Nat.* §. 4.


TAB. XXXII.


FUNDVLVS sequitur in marmore agri *Eystättensis* expressus, hunc cum *Pisciculo* in fissili lapide candido e *Museo Vallisneriano* comparandum putat, toties jam laudatus Exc. *Scheuchzerus*. l. c. p. 12. Conf. Cl. *Jungium* de mineralibus Sched. 15. p. 6, qui *Auctorem* nostrum citat.

Omnes hactenus recensitos *Ichthyolithos* pene superat in *Marmore Eystättensi* expressus *GAMMARVS FLUVIATILIS*, indubie e *Solenhofensi* Lapidicina desumptus, quippe non superficialiter ut reliqui lapidi impressus, sed totum crustaceum putamen, quo totus veluti cataphractatus integitur, ostendit, cum ejus cauda sive potius collo, quinque tabellis, et quinque pinnis cum hirsutis extremitatibus, pedibus articulatis, chelis sive forcipibus denticulatis, capite, fronte, oculis, cornubus et appendicibus hirsutis; nec tamen hujus egregii *Gammarolithi* ac *Besleriani*, qui illum continet *Musei* mentio, neque in Exc. *Sachsi* *Gammarologia*, nec in annexa pariter maximi Majoris eruditissima *Dissert. de Cancris et serpentibus petrefactis*. *Miscellanea Berolinensia* lapidem *Ilmenaviensem cancri figuram* in sinu ferentem, delinearunt, cum nostro tamen vix comparandum. Ast latis de his *Ichthyolithis* *Islebiensibus* et *Eystättensibus*, qui plura praeter allegatos jam *Auctores* scire desiderat, adeat Dn. *Mylium* in *Memorabil. Saxon. Subterr.* Exc. *Valentin. Mus. Mus.* T. II. cap. 7. pag. 37. Exc. *Spener. in Miscell. Berolinens.* p. 100. Quae inter viros in *Historia naturali* summos Dn. *Woodward* et *Luuyd* Anglos, et *Helvetios* Dn. *Scheuchzerum* et *Languium*, circa generationem horum lapidum lites ortae, notae sunt ex eorum scriptis publicae luci expositis, quas tandem componere studebit seculi nostri *Oraculum*, *Illustr. Leibnizius*, in *Dissertatione*, utinam mox proditura! de antiquissimis *Historiae vestigiis in ipsius naturae monumentis*. Huc quoque spectat Cl. *Buttneri* scriptum, cui Titulus: *Rudera Diluvii testes* impress. Lips. 1710.


TAB. XXXIII.

GAMMAROLITHUM praecedente Tabula descriptum, excipiat *PAGURVS LAPIDEVS*, qui medium Tabulae hujus occupat, et plurimos sibi similes in variis *Museis* ostendit. Sic optime convenit cum *Paguro lapideo*, parte supina expresso, apud solertissimum *Gesnerum* nostrum de *Figur. lapid.* p. 167. apud laboriosissimum *Aldrovandum* in *Mus. Metallic.* p. 461. in *Museo Veronensi Calceolarii* p. 479. in *Museo Neapolitano Ferrant. Imper.* in *Tigurino* teste Cl. *Wagnero Hist. Natur. Helv.* p. 131. In *Museo Societ. Reg. D. Nehem. Grew.* p. 255. ubi figura nostra *Besleriana* citatur. *Paguri* quoque non *Gammari lapidei* figuram habent *Cancris petrefacti Sinenses*, quos *Lusitani* *Petro de Kameron* vocant, et in *Ephem. Natur. Curios. Dec. II. Ann. obs. CXLVIII.* exposuit Cl. *Grimmius*. Nec ab hic diversi ab amplissimo *Rumphio* in *Museo Amboinensi* Lib. II. cap. 84. descripti *Paguri lapidei*, a *M. Martinio* in *Sinenfi Atlan-*





Lap Amoris ferreus




Conchula striata
Lapidea



Pectunculus ferreolus
duplicatus



Pectunculus Lapideus
bifer.



Conchia Levis Lapid
Glate Stein Muschel




Cochlea Lapid



Pagurus Lapidus
Steiner Meer Krebs



Conchites duplicat
Steiner doppel Muschel



Pecten Lapid. Guttata
Jacobs getroffene Muschel




Cancer Marinus Min
Steiner, Kleiner Meer Krebs



Conchia striata

2

2 XXXIII.



Atlante primitus descripti, a Lusitanis *Crängejo de Pedra* dicti, quorum virtutes medicae fusc ibidem recensentur. Quibus adde Exc. *Scheuchzerum in Pisc. Querel. et vind.* p. 29.

CANCERUM MINOREM MARINUM referens lapis ad cancriformes quoque lapides referendus, et quidem inter illos, qui Animalia integra continent. Quadrat autem figura in lapide expressa optime in *Cancrum anonymum Rondeletii*. An is sit *carcinolithos*, cujus sub nomine: *Lapis Cancer marinus* meminit *Stephanus Antiochenus* interpres *Ibn Abbas*, cui dicam exinde scripsit ὁ πύτυ *Welschius*, asserere pro certo non audemus.

CONCHA LEVIS LAPIDEA referai potest ad *Conchitem laevem aequilaterum subrotundum mediocrem subcinereum ventre crassiore*.

CONCHITES DVPLICATVS et concha striata, pertinent ad *Conchites valvis aequalibus aequilateros striatos subrotundos*, quo etiam *conchula striata*, quae non nisi mole differt, referri debet. Maxima *conchitarum* harum ubique multitudo. De *Querfurtensibus* confer. Cl. *Buttneri rudera diluvii Testes* p. 263.

PECTEN LAPID. GUTTAT. ad *pectinites* refertur, quia figura concham cui pectinis nomen a *Rondeletio* impositum, exacte repraesentat, ex utroque verticis latere apophyses vel aures prodeunt, in nostro quoque lapide conspicuae; plures equidem apud Auctores pectinites repertu dantur, praecipue apud diligentissimum *Aldrovandum Mus. Metall.* quorum nullus tamen nostro comparari poterit, hinc ab Auctore nostro recte *guttatus* exprimitur.

PECTUNCVLIS LAPIDEVS Auctoris est *pectunculites parvus capillaribus striis donatus*, qui auctoritate *Excell. Listeri* sic dicitur, quod auriculis destituitur; et Cl. *Scheuchzerus* insuper annotavit, semper reperiri eos bivalves, propter valvarum inaequalitatem anomios, et aliquando circellis quibusdam veluti fasciatis; noster hic armatura ferrea insuper vestitus.

PECTUNCVLVS FERREOLVS pertinet ad *Conchitem laevem*, minimum ab *Excell. Lang. Historia Lap.* p. 138. descriptum, nisi quod armatura ferrea adinstar praecedentis instructus sit. Similem habet Exc. *Baier. Orythogr.* p. 75.

CORNV AMMONIS FERREVM, non equidem est, et constat e ferro fusio, sed sub insolita minerae ferreae figura se offert, simile illi cornu Ammonis ferreo, quod cum matrice sua depingi curavit Cl. *Wagner. Ephem. Nat. curios. Dec. II. Ann VIII. obs. CXLIX.* p. 321. seq. Plura de Ammonis cornubus Vid. Tab. XXXIV.


COCHLEA LAPIDEA *Cochlites* est, sive Lapis ad cochlearum quandam imaginem figuratus, turbinatus, h. e. una velut Testa in conum procedente donatus, intortus sive anfractuosus, et hoc ipso ad cornua Ammonis quoque accedens.


TAB. XXXIV.

ELucet prae reliquis in Tabula hac contentis, *MARMOR CVM FRUTICIBVS, HERBVLIS ET ARANEA*, optime expressis, ut penicillo nil pingi aptius, nil fingi possit. Pertinet igitur Lapis hic ad *Dentrites*, vel potius est *Dendrites Arachnoides*. Quod autem ad *Dendrites* attinet, cum nunquam satis laudandus Exc. *Scheuchzerus* eos acutissimo examini subjecerit, eorumque genesin, ut ab omnibus capi possit, clare et perspicue expresse, *optimoque parenti*, pro ea, quae illos intercedit arctissima animorum conjunctio, inscripserit in *Dissertat. Epistolica Appendic. Ann. V. et VI. Dec. III. Ephem. Nat. Curios. affixa*, nil superest, quod *Dendriti* Auctoris nostri addere possem; nisi quod Vir modo laudatissimus in *Herbario Diluviano* (cujus pariter pars citata *Dendritarum* dissertatio est) Tab. VII. Fig. VIII. et *ultima*, elegantissimum *Dendritem* in lapide fissili marmoreo candido, e *Lapidicina Solenhofensi* exhibuerit, nostro si araneam exceperis simillimum. Cum autem, cui *Dendritarum* speciei et *Plantae* accensendus, dicere musset vir ingeniosissimus, quis a iudicii mei tenuitate crisin expectet?

Aliquot in Museo Metallico *CHEIRITES* sive *Chirites* Lapides nempe, qui *HOMINIS MANVM IMPRESSAM GERVNT*, suppetavit indefessus Naturae scrutator *Aldrovandus*, e materia alba et gypsea, qui cum Auctoris nostri Lapide colore cinereo, cui forma manus impressa, minime conveniunt, Lapis enim noster satis durus, coloris ut jam innuimus, minime albicantis sed cinerei, digitique iusto ordine et longitudine rite dispositi, cum aliquibus obscuris licet unguium rudimentis. Elegantissimum quoque et nostro fere similem *Chiritem*, prope Arcem *Blankenstein* effossum, et ab Illustrissimo Comite *Hazfeldensi* Excell. quondam *Sachsio a Löwenheim* dono datum, exhibet in *Gammarologia sua* pag. 159. adjuncto pariter *Chiritis* Schemate.

Lapis, qui vocatur *CORNU AMMONIS AUREI COLORIS* ad *Chrysammonites* seu potius *Ammochrysos* refertur ab Excell. *Ambrosino* in *Mus. Metall. Aldrovandi* et a *Cl. Reiskio* in *Exercit. Hist. Physica de Cornu Ammonis*; et licet voces *Ἀμμόχρυς* ἢ *χρυσάμμος* proprie lapidem denotent, qui ex Arena aurea compactus, colorem refert aureum, ac resolutus in pulveres, scripturae postea conspergendae, aut siccandis literis inservit; cum *Ambrosinus* tamen cornua Ammonis coloris aurei hac voce pariter designet et figuris exprimat, applaudente illi pariter *Reiskio*, et nostrum quoque *Ammonis cornu aureum Chrysammonitem* vocabimus; aurea praeterea vel Orichalcea potius armatura, ad *Hoplites* referendum. Plura qui de Cornuum Ammonis differentia et structura legere et scire cupit, adeat Exc. *Baierum* in *Oryctogr. Nor.* p. 59. seq. qui prae aliis hos lapides in ordinem redegit.





1902



LAPIS AMMONIS CVM FERREA ARMATURA, nil aliud quam *Hoplites*. Vocant enim metallici *armaturam*, quod ferri politi, aut aeris, aut auri, (ut praecedenti lapide,) similitudinem gerat, vel ut *Ferdinandus Imperatus* Italice hoc exprimit: *Vestite di color metallico, ilche chiamano armatura*. Estque igitur nomen ὀπλιτῶν ἀπὸ τῶν ὀπλῶν i. e. ab armis ut *Ambrosino in Museo Metallico Aldrovandi et Cl. Reiskio* l. c. placuit. Solertissimus *Agricola* Libr. de ort. subterr. annotat: *Cornua Ammonis quae plerumque amatura ferri politi colorem referente obducuntur, succo Aluminis infecta aurei fieri coloris; patet inde quomodo in Tab. nostra praecedens Ammonis Cornu ab hoc differat lapide*. Crederem hoc Ammonis Cornu ferreae armaturae Auctoris nostri, cum *Listeriano de Cochlitis Angliae* P. I. Tit. III. p. 207. descripto, comparari posse, quippe Ammonis Cornu spina in Ambitu eminente, striis lateralibus, ex toto orbem extimum trajicientibus limatura ferrea.

LAPIS INSIGNITVS FORMA SERPENTIS commode inter Ammonis Cornua referri posset, quia tamen laevis et nodis tuberculisque caret, serpenti assimilatur, et ab *Ambrosino in Mus. Metallico Aldrovandino* OPHIOMORPHITES vocatur. *Gesnerus* huc quoque collineat cum Lapide nostro haud absimili de *Fig. Lap. cap. XV. p. 167. Lapidis Serpentis in spiram convoluti effigie*, ita ut caput in circumferentia promineat, extremo vero cauda pro Centro sit. Hujus generis lapidum infinitum poene numerum repertu dari in Angliae oppido quodam *Keysham* vocato, quinto lapide a *Bristol*ia Vrbe distante et alibi pariter testis est *Exc. Charltonus de different. et nomin. Fossil.*

LAPIS MULTIS SERPENTIBVS CONGLOMERATIS insignis, *ophites* dici meretur, et ex illis est, quos nonnulli *Piscium viscera* crediderunt, humore aliquo lapidescente indurata. Annon ad *Vermes Melitenses* petrefactos *Wormii* referri posset? illis dijudicandum relinquo, qui acutius in hoc studio cernunt. Memorat *Exc. Bauschius Diss. de Aetite*: *Inter lapides in antro illo prope Aldorffium Teuffels-Loch dicto, inventos extitisse, qui plures serpentes in spiram revolutos exhibuerint; de Tubulis vermicularibus vid. Excell. Baier. Orythogr. pag. 72. Spongites tubulis serpentiformibus constratos exhibet Exc. Welschius de Vena Medinensi p. 93.*

CONCHAE IN LAPIDEM CONVERSAE *Conchites* sunt, qui passim in agro nostro effodiuntur, et ubique prostant; teste *Excell. Beier. Orythogr. p. 73.* innumerus tamen eorum numerus in *Alzeyensibus* montibus inferioris Palatinatus, quos ideo *Conchiferos* nominavit *Exc. Geyerus in dissert. de montibus conchiferis Alzeyensibus*. His Auctoris nostri simillimos *conchites*, reperi in monte vico *Zürndorfsensi* vicino, ab arce veteri diruto *Alte Besten* dicto, clade Suecorum funesto, cum dilectissimo Patri aegrum in vicinia visitanti, comes existerem.


TAB. XXXV.

TAbulae initium promit *PISOLITHVM* Germ. nostris *Erbse-Stein*/ dictum, cum *Pisa* optime exhibeat, hinc Gesnero *Orobia*, quod e multis ceu pisib; ceu ervis constet praeduris, suis quaeque inclusis loculis, e quibus levi negotio extrahuntur, quae dentibus frangi nequeunt, colore fusco; non abludunt ab hoc *Pisolitho Pisa* sic dicta *Carolina*, e guttis Aquarum Thermarum rotundis seu sphaericis in lapidem ejusdem figurae coagmentatum. Extra Matricem pisa haec lapidea in agris reperiuntur Bethlehemiticis ex *Monconnyssi* relatione T. I. p. 313. confer. de his *lithosphreïs* sic enim Graece vocari posse credit *Calceolar.* in *Mus.* p. 410. *Worm. Mus.* p. 52. *Ambros. Mus. Metall. Ald.* p. 512. Exc. *Major. in Memorial. de Fossil. Littor. Kiloniens. observ.* III. §. 8. *Boetius a Boot de Gemmis et Lapidibus* Libr. II. cap. 239. p. 424. qui hunc lapidem *Bezoar minerale* appellari credit, squamis enim seu cuticulis constat ut *Bezoar*, deinde subjacens cutis splendet, color etiam similis, aut paulo plus rufescit.

Forlan eadem cum *Boëtio* mens *Auctori* nostro, qui *BEZOAR MINERALE pisolithis* subjungit. Meminit hujus ceu arte elaborati *Pietra d'Avventura* dicti, *Cl. Wormius in Museo*, sed coloris et consistentiae ac substantiae ratione quae ipsi vitrea quasi est, plane a nostro *Bezoar minerali* differt; accedit potius ad *Bezoar minerale*, quod *P. Paulus Boccone* vir in Historia naturali certe eruditissimus, dans le *Recherches et observ. naturell. Lettr.* 22 p. 225. seqq. descripsit, et *Bolo Armenae* albae quoad gustum et consistentiam persimilem pronuntiat, et ni color obstarét *Bezoar minerale Serapionis* et *Rhasis* esse credit, quod tamen citrini coloris, friabilis, nulliusque saporis est; forsan ex illo pocula illa et vasa Bezoardica fabricantur coloris viridescantis sulphurei, quae in curiosorum museis asservantur, et qualia citat hoc loco, et postea nell' *osservazioni ove se contengono materie Medico-Physiche et di Botanica. Bonon.* 1684. impressis aeri incidi curavit. Non autem Bezoardici Siculi hilapides, matricibolaris substantiae inclusi, rotundi sunt pisorum instar, quod *Boetius* voluit, sed figurae partim oblongae partim compressae, ceu ex figura tabulae nostrae ubi vacua exemptorum lapidum loca facile conspiciuntur, patet; lapides autem ipsi omnium optime apud laudatum *Boccone* in *observationibus Gallice et Italice* scriptis delineati. De *Viribus* nil addo, quas fuisse recenset, plurimisque testimoniis confirmat; quibus si fides Lapidibus pretiosis Bezoardicis e regno animali vix amplius opus esset; huic lapidi non multum dissimilem citato *Auctore* nostro exhibet. *Cl. Bauschius de Aetite* p. 27.

Succedit *Pisolitho* et *Bezoardicis* mineralibus lapidibus, *MECONITES* Germanice *der Nogen-Stein* dictus, quod ovis piscium similis sit, vel quod Graecum vocabulum *Meconites* vult, seminibus papaveraceis,

TAB. XXXI.



J. xxxi

LAPIDES




Meconites. Regenstein.




Bezear minerale.
Mineralische Bezeer



Pisolithus
Erbsenstein.




Dactylus Idcus.
Luchstein



Astroites Ind: Sternstein aus India.



Trochites.
Lopffstein.



Entrochius.
Rederstein



Asteria vera fissilis.
Gemainer sternstein.



Astroites undulatus et
stellatus.



Judaicus lapis
Judenstein.

1844

raccis, vel arenulis compactis, unde Hammites minor dicitur, sub *Hammitis majoris* enim vocula Pisolithum exprimit *Gesnerus* et *Boëtius*. Friabilis interdum hic lapis, ut facili modo in arenulas sive granula, e quibus constat resolvi possit, non tamen omnis Hammites hujus naturae, sed saepius ita confusus et in solidam duramque massam coagmentatus, ut silicem non figuratum primo aspectu referat, teste Exc. SCHEVCHZERO in *Specim. lithograph. Helvet. curios.* p. 40. et postea in *wöchentlichen Erzählungen der Natur-Geschichte des Schweizer-Landes*, n. 27. p. 106. Auctoris nostri *Meconites* inter friabiles recensendus ex ovulorum subluteorum congerie in massam facile resolvendam coagmentatus, hinc forte ex illorum genere, qui in agro nostro et quidem inter *Heimbürg* et *Sulzberg* repertu dantur, quorum meminit Excell. *Bajerus* in *Ορυκτογραφία Norica* cap. 7. p. 67. Cl. *Lachmund Orythogr. Hildesh.* Sect. III. cap. XIV. qui nescio qua de causa Ammonitem vocat. Vid. quoque optimum Parentem nostrum de *Meconite* in *Meconopægnio*. p. 24.

DACTYLI IDAEI sequuntur, id nominis adepti, quod in Ida monte olim reperti fuerint, et digitum repraesentent. *Belemnites* audiunt quoque Auctoribus aliis, quia Sagittae Graecis *βέλεμνον* figuram referre creduntur, quod nomen Auctor noster aliis lapidum figuris tamen attribuit; Germanis quoque nostris a sagittae similitudine *Alpen-Schoß* / *incubi Sagittae*, (huic enim morbo mederi olim crediderunt) et *Schoß Stein* / nominantur. Sunt autem uti ex Auctoris figura patet, lapides teretes, oblongi, in apicem obtusum desinentes variis coloribus, quandoque vacui, quandoque silicibus turgidi; extitit quoque in Museo Excell. *Majoris*, qui alium minorem dactylum continebat. Omnes pene extrinsecus linea vel crena per longitudinem inscripti, intus verosi transversim frangantur figuram stellulae radiorum plurium ferentes. Quos Auctor noster habet semipellucidi sunt, dantur tamen alias et pellucidi et opaci. *Dactylorum unus* frustra *majori silicis* inhaeret, et quasi impactus, qualem quoque Cl. *Major* recenset, qui pene ducentos varii coloris et molis possedit, interque illos marchasita coloris aurei obductos, sive armatura aurea, ex Insula Helgolandia allatos. Tot licet possederit, nullus tamen ab illo in his lapidibus odor notatus, quem tamen instar urinae felium vel Lyncis, hinc *Luchs-Stein* Germanice dicti, de se fundere veteres putarunt; nec vis electrica sive paleas trahendi in illis ab Excell. *Majore* deprehensa, qui omnium optime hos descripsit lapides. *Memorial. Anat. Obs. Tert. de Fossil quibusd. littor. Kiloniens.* §. 15. seqq. Confer. quoque *Mus. Worm.* p. 70. *Bellon. observ. Libr. I.* cap. 25. p. 21. *Gesner. de Lapid.* p. 91. 6. *Lachmund. Oryth. Hildesh.* p. 24. *Ambros. Mus. Metall.* p. 620. seqq. *Orythogr. Nor. Excell. Bajeri.* p. 34. *Mus. Museorum P. II.* p. 13. *Mus. Olear.* p. 63. *Kentman.* pag. 34. *Ephem. Nat. Curios. Dec. I.* Ann. IX. et X. pag. 225, et

infinitos alios, impr. Exc. *Scheuchzerus*, qui singularem de lapidibus istis dissertationem promisit, *specim. Lithograph. Helv.* p. 26.

ASTROITES INDICVS, lapidum quos tabula haec habet elegantissimus. Dicam scribit Auctoribus sedulus *Gesnerus*, quod Astroitem vocent, a Graeco *ἀστρον*, sidus vel stella, unde melius *astrites* ternis syllabis, vel *Astrios* potius dicendus; Germ. *Stern-Stein*/ quod plures in illo stellae conspicuae. Lapis est opacus, quo ipso ab Astroite gemma distinguitur, moderate durus, colore cinereo fusco nigricante, eximiae magnitudinis, quippe ad humani capitis magnitudinem illum saepius ex crescere refert *Cl. Worm. in Mus.* p. 68. Aceto impositus hinc inde moveri dicitur, ac si vivus esset, hocque procedere ajunt ab aceto per poros lapidis se insinuante, et aërem illis inclusum premente, qui exitum dum molitur lapidem trudit ac movet. Hoc experimento innixus *P. Kircherus*, Testudinem arte factam quasi viventem seque automatis instar moventem huic lapidi impositam vult in *Arte Magnet.* sed opus est ut melior sit experimenti successus, quam *Cl. Oleario* accidit qui levem admodum motum in pluribus plane nullum observavit, in *Mus. Gottdorff.* p. 65. Ferunt illum in cubiculo suspensum, araneos aliaque animalia venenata abigere, quod experientia edoctus *Wormius* falsum deprehendit; ejusdem veritatis, quod gestanti victoriam conciliare credatur hinc Germanis *Sieg-Stein*/ quam fabulam false exagitat Exc. *Valent. in Mus. Mus. P. II.* p. 13. *Vires* huic lapidi plures assignantur, sed ejusdem veritatis sunt, ac *Marsilii Ficini* assertum, qui lapidem hunc *Draconitem* dictum censet, quod ex Draconis capite eximatur. Vid. *Boetius a Boot. L. II.* 145. seqq. Elegantissimum *Astroitem* reperit optimus *Parens* ad Regnesi et Pegnesi confluentiam, marmoreae duritiei, ab Exc. *Baiero* in *Oryctogr. Noric.* p. 42. descript.

Succedit in Tabula *ASTROITES VNDVLATVS* et *STELLATVS*. Quatuor enim *Astroitem* genera statuit *Boëtius a Boot*, unum qui exacte formatas stellas refert, qualis est quem modo descripsimus et hic stellatus, qui a priori nonnisi magnitudine et figura differt; *alterum* quod undarum et vermium gyros referat, undulatus inde dictus; *de reliquis duobus* quorum unum genus rosas, alterum, quod confuse et obscure maculas potius, quam praedictas figuras ostendere creditur, cum ab Auctore nostro non exhibeantur, silentio quoque praeterimus. Confer. de his Astroitibus Exc. *Scheuchzerum* in *Lithogr. Helv. curios.* p. 36. seqq. et *R. P. Boccone, observat. Naturell.* cujus tamen Astroites undulatus et tubularis majoribus stellis maxime a nostratibus differt, et alio loco a nobis explicandus. *Astroites* hos lapides *Asterias* nominat Exc. *Welschius Hecatost.* I. p. 16.

Astroitibus sive potius *Astriis* jungimus *ASTERIAM* veram fissilem, qui lapis e mente *Bootii* potius nomen stellaris meretur, quam praecedentes, constant autem ex tessellis plusculis ut plurimum novem ad decem transversim sibi met arcte incumbentibus, ita concinne junctis

et

et aptatis, ut nullus artifex melius jungere potuisset, separari autem facile a se possunt; hinc *Asteros sphragis* Gesnero vocantur. Sunt autem tessellae istae, ut e figura ab *Auctore* nostro expressa patet, planae, utcunque angulosae, superne ac inferne insculptae veluti stellulis quinque radiorum. Conf. de his *Baubin. in Baln. Bollensf. c. 1. p. 31. Lachmund. Orythogr. Hildes. imprimis Exc. Majorem Memorial. obs. III. §. 13. de Foss. Litt. Kilion. Worm. Mus. p. 69. Exc. Welschius rariores Asterias entrocho similes exhibet Hecatost. l. p. 16. De Alteria Gemma dissert. conscripsit Hentschelius Witteb. 1662.*

ENTROCHI figura Germanice *Räder = Stein* sequitur, et proprie est trochitarum plurimarum conjunctio, conjunguntur autem invicem suprapositi tam eleganter, ut arte videatur conjunctio facta. Nam radii unius, alterius striis inseruntur, quemadmodum in commissuris cranii humani videre licet, interdum viginti hoc modo committuntur. Trochitas autem separatos quod attinet, obtinere nomen, quia rotae aut Horologii in horas divisi figuram refert; pars ejus rotunda laevis est, utraque vero plana habet modiolum, a quo ut in rotis fieri solet, radii eminentes ad extimam orbis partem ita procedunt, ut inter illos striae fiant. Quod si trochitae in Entrocho sibi super impositae sint longiores, *Entrochi columnares*, sive ut Imperatus exprimit Italice *Colonnette*, dicuntur. Exc. *Scheuchzerus in Spec. Lithogr. Helv. p. 2. Asteriam columnarem Entrocho similem* exhibet. Germ. dicitur quoque *Spangen-Stein* / cujus nominis Etymon rimatur Exc. *Valent. Mus. Mus. T. II. p. 17. e* consultissimi *Vinkelmanni Chronica Hassiaca*, quippe arci Spangenberg, a multitudine lapidum inibi reperibilium, ab his lapidibus nomen datum fuisse credit, quod et olim jam *Boëtius a Boot*, meminit in *Lap. et Gem. Histor. Libr. II. c. 127.*

Quem *TROCHITEM* Auctor noster nominat, nihil minus quam Trochites est, et Germanicum nomen adjunctum satis explicat, nil aliud esse nisi *Tofum* sive Tophum, lapidem nempe asperum, facile in arenam resolubilem. Vid. *Gesnerus de Fig. lap. p. 33.*

Superfunt in Tabula adhuc explicandi *JUDAICI LAPIDES*, qui cum Trochitis magnam cognationem habere dicuntur. Variis insigniuntur nominibus, et quidem *Judaici*, quod olim ut plurimum in Syria et Judaea reperiiebantur: a Plinio Encroës vocatur, quod Vrinam fluere faciat, et *Tecolithos*, quod calculum resolvat. Ut nomine variat, sic et figura, ut ex Tabula nostra patet; qui instar glandis et balani est, *Phoenicites*, qui instar nuclei Olivae, *Pyrenes*, qui instar spinæ echini marini, a quibusdam *echinites* appellatur. Sunt autem omnes cinerei exterius fere coloris, oblongiusculi striis multis et inaequalibus a basi in apicem dotati, ac si arte torne facti essent. Meminit hujus lapidis jam *Aëtius Amidenus* Obsequii Comes Libr. 2. *Tetrabibl. cap. 19.* et ad calculum renum efficacem pronuntiat. Aliqui distinguunt sexum, et minores foeminas, majores masculos arbitrantur, illos vesicae lapidem

fundere, hos lapides Renum expellere judicant. Hinc Poëta de illis :

*Salve Arabum mare, Tecolithum mortalibus aegris
Largitum ad morbos nobile praesidium.*

Confer Petr. And. Matthiol. in Dioscorid. Libr. V. cap. V. Gesner. de Figur. Lapid. p. 128. Boetium a Boot p. 408. seq. Caesalp. de Metall. Lib. 2. c. 45. Ambros. Mus. Metall. Aldrovand. p. 711. Hist. Nat. Ferr. Imper. p. 576. Mus. Worm. p. 69. Lapid. Judaicos ferreos exhibent Ephem. Nat. Curios. Dec. II. Ann. VIII. Observ. 149. p. 322. Exc. Beier. Oryzogr. Nor. p. 44.


TAB. XXXVI.

SEMINA ANISI ET FOENICULI LAPIDE INCRUSTATA, sunt illa elegans *Stalactites* species, quae *Tivoli* in Italiae agro Romano repertu datur; cumque inaequalis ac variae figurae, tam exacte semina saccharo obducta ac incrustata refert, ut iis fallere multos liceat; quocirca et nomen hoc apud Italos obtinuit, ut *Confetti de Tivoli* vocent. Substantia est non usque adeo dura, et ex ea optimam calcem conficiunt accolae aedificiis idoneam. Lapidea haec seminum Anisi et Foeniculi confectio describitur pariter in *Mus. Societ. Reg. Angl. P. III. c. V. p. 296.* sub nomine *Small Tibuline Sugar-Plum*, additque Exc. *Nehem. Grew: Besler figures several of these under the Name of petrify'd Anise seeds, Fenil seeds &c. &c.* Vid. quoque *Mus. Worm. p. 52.* et Exc. *Valent. Mus. Museorum P. II. p. 11. Cl. Behrens in Hercyn. curios. pag. 19.* ubi cryptam parvam, lapidea hac confectioe refertam, in antro Baumanniano recenset.

COCHLEA CYLINDROIDES in lapidem conversa, est *Cochlites cylindroides sive pyramidalis* Excell. *Langii in Histor. Lap. Figur. p. 112.* qui figura sua praefert Cochleam Cylindroidem Rondeletii, e qua nomen quoque habet. Haec a figura cylindro proxima cylindroides vocatur vel etiam pyramidalis, quia pyri modo turbinata est. Os proxime a basi, seu a spiris, vel in se convolutis, vel parum productis incipit, et usque ad alteram extremitatem extenditur, quae a potiori in acumen definit, et frequentius in figuram cono alicui aut pyramidi similem.

Quos **FRUCTVS PINEAE LAPIDEOS** recenset Auctor, melius conveniunt, quam quos Tab. sequenti sub nomine *Nuclei pinei* delineavit, quosque melius *radiolo cucumerino* Ill. *Luydii* convenire credimus.

FRUCTVS CYBEBARVM LAPIDEI sunt quoque stalagmitae Bellariis similes, majores Exc. *Langii Histor. Lap. p. 31.* et nascuntur ut stalactites ex Aqua non adeo depurata, in parva subrotunda corpora,



LAPIDES

Confect. sem. Anisiet fœnicul.
Lap. in crustat.



Fructus pineæ Lapid.



Fructus cubebar. Lapid. Amigdal in Lap. convers.




Lapis trinitatus



Exuvia serpentis in Lapid.
convers.




Cochlea cylindroid. in
Lapid. convers.




Rhabarbarum in Lapid.
convers.




Pisæ maior Lapid.




Lap. Margaritifera.



Sem. Lupini Lapid.





pora, semina saccharo albissimo obducta non inepte mentientia, concre-
scente, et inter illa pariter, quae vulgo *Confetti di Tivoli* dicuntur, uti
modo innuimus, recensenda, eruntque fructus hi cubearum lapidei sta-
lagmites bellaria subrotunda aspera referens. In Museo *Societatis Regiae*
Angl. p. 296. vocatur: *a Great Tibuline sugar Plum*. Dantur quoque
cubebae ferreae. *Ephem. Nat. Curios.* Dec. II. Ann. VIII.

AMYGDALA IN LAPIDEM CONVERSA ad lapides bel-
laria mentientes referenda, et *Amygdaloides* dicendi. Nobiliss. *Mylius*
in *Memorabilibus Saxon. subterr.* Relat. V. plura de his amygdaliformi-
bus lapidibus in saxis non procul *Zwiccavia* et pago *Wilsau* repertis
refert, horumque historiam e *Boetio a Boot* et *Gesnero* illustrat. Con-
fer. quoque *Excell. Valentini*, qui in *Mus. Museor. Part. II.* p. 19. se lapi-
dem *Amygdaloidem*, illis qui cinnamomo obducuntur, et *Zimmet*
Mandeln dicuntur, per omnia similem possidere scribit. In *Mus. So-*
cietat. Regiae Angl. p. 266. vocantur *petrified Almonds*, et *Beslerus*
noster citatur.

LAPIS CRINATUS *Pyritae* species et quidem illa, cuius *Ges-*
nerus meminit de *Fig. lapid. cap. XII.* p. 1406. pilos referentis, aut *Βοσφύξης*
h. e. cirrhos, cincinnos vel plexos mulierum crines.

EXUVIAE SERPENTIS LAPIDEAE a *Musei Regii Angli-*
cani Excellentissimo *Auctore*, citato *Beslero* nostro, *fistulari Alcyonio*,
sive *Ferrant. Imperati vermibus marinis petresactis*, Italice *Vermi ma-*
rini impetriti accensentur.

RHABARBARVM LAPIDEVM illud nomen non nisi colo-
re *Rhabbarbari* meretur, cum structura plurimum a radice illa *Sinensi*, in
officinis nostris pharmaceuticis usitata, differat.

LAPIS MARGARITIFER, conchites est margaritifer ab *Am-*
brofino in *Mus. Metall. Aldrovand.* descriptus. Quamplurima frustra
horum lapidum nobis e *Montibus Alzeyensibus* ab *Excell. Geyero* de-
scriptis afferuntur, et justae magnitudinis sunt cum *Berberi Indorum*
sive *concha margaritifera* ab *Illustr. Listero* in *Exercit. Anatom. 3. Con-*
chyl. bivalv. Tab. IX. depicta, et in regio opere *Histor. Conchyl. n. 221.*
222. repetita.

PISA MAJORA LAPIDEA sunt *Pisa* *Thermarum Caro-*
linarum, quae *Pisis* magnitudine, et forma similia. *Stein-Erbsen* dicta a
Kentmann. in *Catalog. Rer. fossil.* Tit. VI. §. 24. p. 38. *Museum Regium*
Anglicum quoque memorat, et nostris similia pronuntiat; ap-
paret in nonnullis armatura quoque ferrea. *Vid. Ephem. Nat. Curios.*
Dec. II. Ann. VIII. observ. CXLIX. Plura non addo, cum horum *pisorum*
injecta mentio, ubi de *Pisolithis*. Tab. praecedenti.

SEMINA LVPINI LAPIDEA nihil aliud sunt, quam *Sta-*
lagmites bellaria laevia majora referentes *Excell. Langii* in *Hist. lapid.*
quorum jam aliquoties hac in Tabula facta mentio, et his Tabulam
claudimus, quibus initium factum.

TAB. XXXVII.

Priores quatuor lapides fructus exhibent in lapideam duritiem concretos. Sic e *MYROBALANORVM* genere *unus* comparet, cui vix similem in Museis quis reperiet; sicut et *PIPER LONGVM LAPIDEVM*, vegetabile exacte referens. *OLIVA* et *NVCLEVS PINI LAPIDEVS*, antiqui *Lapidibus Judaicis* annumerarunt, sive ad *balanites et glandarios*, sed minus recte et exacte, ceu tabula praecedenti innuimus. *LAPIDEAM OLIVAM* quod concernit, assimilari poterit commode illi lapidi, quem Excell. Beyerus *Orythogr. Noric.* p. 45. exhibet, vel *Pyrenae in Mus. Worm.* p. 69. In *Mus. Societ. Reg. P. III.* cap. 2. p. 267. haec leguntur: *Besler two or three Stones Somewhat like this, which he calls Petrify'd Olives.*

NVCLEVM PINI LAPIDEVM ad radiolum cucumerinum *Luydii* reducendum modo diximus, qui insuper apice acuminato singularis est, quales nondum *Cl. Langio in Histor. Lap. figur.* visi.


LAPIS STELLA MARINA INSIGNITVS e rarioribus Museorum est. Exhibet quidem *Ambrosinus in Museo Metallico Aldrovandi Echinitem forma Stellari* pulcherrimum, cum nostro tamen non comparandum, in illo enim anguli plane obtrusi, cum in nostro sint acutissimi; *Stellae marinae* per omnia similis est, nisi quod radii inaequales, inferiores enim superioribus breviores.

HYSTEROLITHOS spadicei coloris, potius *Lithocardites* nominandus, cum *Hysterolithos* proprie lapidem denotet, qui pudendum muliebri figura sua repraesentat, a quo noster plane diversus. Convenit melius cum *Bucardite* n. 2. ab *Aldrovando Mus. Metall.* p. 479. delineato, vel cum *Bucardite* Excell. *Langii in Hist. Lap. Fig. Helvet. Tab. XL.* n. 4. Excell. *Baier Orythogr.* p. 76.

HYSTEROPETRA subalba major ad *Bucardites* potius referenda quam ad *Hysterolithon*, differt tamen a reliquis *Bucarditis* interna concavitate, et concharum valvis convexis; quoad colorem convenit cum *Bucardite Wormii in Museo* p. 81. Cor utrumque, non tamen exacte referens. In *Museo Reg. Societat. Angl.* *Bucardites* quoque noster refertur, additurque: *Figur'd by Besler with the name of Hystera-petra.*

AMMONIS CORNV PYRITI adhaerens, quale illud a *Bauhino in Balneo Bollenfi* Libr. IV. p. 15, 16. descriptum.


LAPIS NIGRICANS ROTVNDVS ALBIS MACVLIS. Nisi omnia me fallunt, crederem hunc esse *VARIOLATVM* fule ab *Ambrosino in Mus. Metall. Aldrovandi* Libr. IV. p. 882. seqq. descriptum; vel *Variolitum Lucernensium* nigrum variolis seu pustulis albescentibus insignitum apud *Cl. Langium Hist. Lap. Fig. Helv. Libr. 2.* c. V. pag. 40.



T. xxvii

LAPIDES.

Myrobalanus Lapid:




Oliua Lap:




Nucleus Pinæ
Steinen pinien Nüßlin



Stella marina
Steinerer Meerstern.




Hysterolithis minor
Spadicei Col:




Piper Long: Lap


Hysterapetra subalba
maior.




Amonis Cornu adhaerens
Pyriti




Lapis Nigricans rotund: alb
maculis



Oculus Virulmūs




Lapis Vermiculatus



11-11-11






Lap: undulatus cum silice



Marmor in quo Crux




Lap: Herbipolens forma Zinziberis




LAPIDES

T. XXXVIII.


Lap: Herbipel.




Glossopetra species



Lap: forma Cordis



Lap: Lideus in quo Crux alb





OCULVS VITVLINVS videtur esse *Leucophthalmus* sive potius *Lycophthalmos* Plinii a Gesnero de Fig. Lap. p. 144. et 156. descriptus, colorem enim habet rutilum, et in medio nigricante, gryseo et albicante cingitur. Vid. *Erasm. Stell. in libell. de Gemm.* P. IV. cap. 6.

LAPIS VERMICULATUS Auctoris nostri, nullam plane similitudinem et convenientiam habet cum lapidibus vermiculatis, ab Auctoribus Lithographicis descriptis; nihil enim illi commune cum tubulatis vermicularibus *Cl. Langii*; sed lapis est filiceae quodammodo substantiae, cavitates intus exhibens, nidis, in quibus vermes exclusi, non absimiles. Si conjecturae locus, forte terra est, in qua *Vermes Melitenses petrefacti*, de quibus *Wormius in Museo* Libr. I. Sect. II. cap. 13. p. 90. vel filici Moeskircheni verminoso analogus, cujus meminit *Exc. Welschius Hecatost.* I. observ. 48.

TAB. XXXVIII.

GLOSSOPETRAS variae magnitudinis exhibet Auctor, quos aptius ad *Odontopetras* referri et nominari credit *Excell. Langius Hist. Lap. Fig. Helv.* L. III. c. 1. p. 49. Multum differunt a Linguis *Picae* avis et serpentum, quae non triquetrae, sed teretes et bifidae, planeque ab his *Glossopetris* abluunt; hinc *odontopetras* has *Exc. Luydius* dividit in *incisores* et *molares*; per *incisores* intelligit dentes magis acuminatos, et eos *Ichthyodontes* cuspidatos appellat: per *molares* vero magis obtusos, et eos *Ichthyodontes Scutellatos* nominat. Ex nomine *Ichthyodontum* apparet, ab *Exc. Luydio*, ut et ab aliis plurimis, lapides hos pro dentibus *Canis Carchariae* et *Lamiae* Piscis haberi, id quod πύξ καὶ λᾶξ defendit ingeniosissimus *Stenonius in Anat. Capitis Carchariae* Piscis; quam opinionem destruere conatur *Cl. Reiskius in Dissert. de Glossopetris Lüneburgensibus*. Variant autem *Odontopetrae* magnitudine figuraque, prout etiam pisces diversis dentibus muniuntur; nec minus coloris differentia. Monstruosas et rarissimas in *Lib. Joh. Laet de Gemm. et Lapid.* videre licet. Nec in Italia solum, ubi *Lamiarum* copia, sed et in Germaniae nostrae Provinciis passim proveniunt, ut non opus sit ad *Melitenses* tantum recurrere. Sic de *Alzeyensibus* et *Flonsheimensibus* *Geyerus*, de *Mansfeldicis* *Alberti*, de *Lüneburgensibus* *Reiskius*; de *Quersfurtensibus* *Buitnerus*; de *Helveticis* *Langius*, de *Holsaticis* *Major*, de aliis alii passim. *Vsum Medicum* e pluribus breviter contraxit *Cl. Langus Confer.* prae aliis plurimis *Exc. Scheuchzerus in Piscium quærel. et vindic.* p. 17. 18. seqq.

LAPIS FORMA CORDIS sive *Cardites* minime ad *Bucardites* referri potest. Vid. *Mus. Fern. Imperati*, qui primus eum descripsit; nec convenit cum filice *Bucardite Aldrovandi*, nec cum filice *cardite Scheuchzeri in Specim. lithogr. Helvet.* in quo ventriculi bini cordis, eo-

rumque figura satis apte discriminantur; sed siliceus lapis, aliud quid potius quam *Cor* referens.

LAPIS LYDIVS, IN QVO CRUX ALBA. *Stavrolithos* live *crucifer lapis*, a crucigeris lapidibus, qui viginti milliaribus a Fano divi Jacobi Compostellae dicto eruuntur, et ab *Ambrosino in Museo Metall. Aldrovandi* describuntur, multum distans, cum enim (1) omnes hi lapides per transversum secti, figuram cordis ostendant, (2) lapides molles sint; noster hic *Stavrolithos* e genere *lydiorum* duritiei extremae est, cui crux tantum in superficie impressa, coloris albicantis in lapidenigro. Quoad duritiem melius conveniret cum *Silice Stavrophoro* ab eodem *Ambrosio in Mus. Metall. Aldrovand. p. 735. n. 2.* descripto. An illis lapidibus noster hic similis? qui in regno *Chilensi* in exiguo flumine, *Flaragvete* ab incolis dicto, prope oppidum de *Petegvelea* inveniuntur, signo crucis signati. Figura equidem irregularis est, sed ubi crux visitur, ovalis; formatur ea per intersectionem rectangularem diametri majoris et minoris, atque sanguinis instar rubet. Vid. *Journal des observ. Physiqu. Mathem. et Botaniqu. du R. P. Louis Feuille*, quibus continentur Observationes Physicae et Botanicae ac Mathematicae, jussu Regis Galliarum in America Meridionali et India Orientali ab An. 1707. usque ad An. 1712. factae.


MARMOR, IN QVO CRUX, convenit quodammodo cum silice *Stavrophoro* ab *Ambrosino* descripto, qui expressam quoque a natura crucem ferebat, et marmoris instar radiabat. Coloris tantum ratione differt, cum *Aldrovandinus* silex viridi et obscuro colore insignitus cum cruce coloris herbacei, cum in nostro lapis albescat, et crucem includat quoad infernam partem nigram, quoad supernam cineream.

LAPIDES HERBIPOLENSÉS, quorum unus figuram *Zingiberis*, alter *Stalactiten* repraesentat, siliceae sunt duritiei, naturaeque lusus non adeo admirandi.

LAPIS VNDVLATVS CVM SILICE nil aliud esse videtur, quam species *Ostracitis Silicei undati rugosi* a Cl. *Langio in Historia Lapidum Helvet. Lib. 6. cap. 10. p. 150.* descripti. Vid. *Lachmund. Orydogr. Hildesheim. c. II. p. 32.*

TAB. XXXIX.

CONTINET ut plurimum Lapidēs e regno *Animali* desumptos. Et quidem quos Auctor LAPIDES ASELLORVM MAJORES nominat, apte conveniunt cum Lapidibus *Corvuli* et *Umbrae* Piscis, a Cl. *Ambrosino in Mus. Aldrovand. Metallic. p. 796.* descriptis et depictis; sunt enim gibbosi juxta partem exteriorem, habentesque tuberculum in medio cum appendice. Hos Lapillos sub nomine *Lapidum Manati* Amsterodamo missos accepit solertissimus Pharmacopaeus *Dietericus*, in substantia cerebri repertos, ideoque plane differentes a lapide isto



LAPIDES.


Lap. Asellorum maior





Lap. Asellor. minor: et. minim.




Lap. ex Felle Tauri.




Lap. Bezoar Oriental.



Lap. Tuberium





Lap. Bezoar Occident.




Scolopendrites.

Echinites.



Ovum Anguinum



Batrachoides.



Lap. ex Canero.



Lap. ex stomacho gallinae



Alectorius.




Palatum Animalculi.

Chelidonium.



Lap. Carpio.



isto *Manati*, siue osse ad Auditum spectante, quod hoc sub nomine in Muleis et officinis Pharmaceuticis prostat. Quod Lapidum istorum efficaciam concernit, vulgo dictum lapidem *Manati* si non superare, aequare certe visi sunt optimo *Parenti*, qui aliquoties eos felicissimo cum successu in coërtendis Sanguinis fluxibus exhibuit. Tales quoque lapides in *Asellis maioribus*, vulgo *Cabeliam* dictis, repertos fuisse, nullum dubium, cum Exc. *Welschius* scripserit *Hecatost.* I. obs. 28. Nullum hucusque *Piscium* genus in ejus manus venisse, in quo, si copia daretur, discerpto capite praeter ossium lapides etiam lapillos veros non repererit.

LAPIDES ASELLORVM MINORVM sunt lapilli Piscis maris Balthici Accolis *Dorsch* dicti, candidi, oblongi, incurvi, laeves, sed in limbo utrinque pulcerrime crenati, circa basin Cerebri obvii, teste Excell. *Major* in *Memorial. Anat. observ. V. de Animal. Littor. Kilon.* §. 7. Minimi autem lapilli sunt *Percae* piscis in Officinis Pharmaceuticis notissimi.

LAPIS E FELLE TAVRI e majoribus est, qui extrahuntur, nec eum illis convenit in *Museo Aldrovandino ab Ambrosin.* L. IV. p. 790. delineatis, quibus ut plurimum in vesicula fellis humani reperti similiores, quos adumbravit in *Lithogenes.* siue de *Microcosmi membr. petresact.* cap. X. p. 21. *J. G. Schenkii* a *Grafenberg.* *Sylvaticus* lapidem hunc *Majatium* interpretatur. Quae *Bellonius* hoc de lapide annotavit, illum apud Turcas maximo haberi in pretio, ac Arabice *Hazaczi* ab *Avicenna* vocari et commendari, ac ab Judaeis Orientalibus morbo regio obnoxiiis ceu praesentissimum remedium exhiberi, experientia quoque apud nos confirmat. Vid. prae aliis plurimis, qui lapidis hujus meminere, solertissimus *Welschius Hecatost.* I. p. 116.

De LAPIDIBVS BEZOAR post Cl. *Sylvaticum*, *Baubinum* et *Deusingium*, qui tractatibus integris, et *Rolsinkium* ac Cl. *Vesti*, qui dissertationibus Academicis peculiaribus, et hic quidem *Erfurti* Anno 1707. ille *Jenae.* 1675. luci publicae exposuere, cui *Laur. Caelani* quoque libellus e Gallica in Germanicam Linguam translatus addi potest, nil nobis superest, quam ut rem omnibus notam breviuscule delineemus: *Lapidem Bezoar Orientalem* esse substantiam lapideam foris splendidam, glabram, quasi laevigatam, coloris foris atro virentis, interdum dilutius virentis pallescentis, intus obscure cinerei; forma modo rotunda, modo oblonga, tereti, vel ovali, magnitudinis variae, compacta e plurimis lamellis instar caeparum sibi invicem incumbentibus, ostendens in meditullio cavitatem notabilem continentem paleas, pilos, fibrillas aliaque similia, nata in sacculo peculiari ventriculi Gazellae Indicae cornibus rectis nigris longissimis prope caput annulatis, Tab. X. a nobis descriptis, odoris nullius evidentis.

LAPIDES BEZOARDICI OCCIDENTALES sunt substantia lapidea Orientalibus fragilior et laxior, foris scabra et minus laevigata, coloris modo ex viridi nigricantis, modo cinerei, instar caeparum pari-

ter tunicata, forma u plurimum rotunda, interdum quoque, uti e figura Auctoris patet, ovali et oblongiuscula, magnitudine varia, res heterogeneas in meditullio continens, nata in sacculo peculiari, optime ab avtoppta *Pomet l'Histoire gener. des Drogues* descripto, ventriculi Animalis Bezoardici occidentalis *Vicuniras* live *Toraguas Acoftae*, *Teuthlama came Hernandez*, *Cuguacu Pisoni Marggravio*que dicti. Quamvis Exc. *Hermann*o teste, hoc proprium in India Occidentali, quod vix animal reperiatur, in quo non generentur Lapilli tales, omnesque hoc nomine ad nos deferantur. Sic Cl. *Rumphius* palmam inter Bezoardicos lapides tribuit illis, qui e simiis Borneae majoribus colliguntur, *Culiga Kaka* dictis, Lusitanis *Pedra vel Culiga de Buzio*. Vid. ejus *Mus. Amboin.* Lib. II. Art. LV. Horum Lapidum jam ante *Rumphium* descriptionem dedit *Magnific. Nat. Curios. Praeses Volkammer*. *Ephem. Nat. Curios.* Dec. II. Ann. II. observ. 189. p. 420. Cum merx haec plurimis mangoniis exponatur, cautelis opus, quas optime exposuit Exc. *Valent. Mus. Museorum Tom. I.* p. 426.

LAPIS TVBERONVM vel potius TIBVRONVM sive Canis Carchariae aut Lamiae Auctoris nostri plane dissimilis illi, ab *Ambrosino in Mus. Metall. Aldrov.* Lib. IV. c. 58. p. 797. exhibito, Quoad substantiam hic noster non dissimilis *Lapidi Manati*, quem eundem cum Tiburonum lapide censuit olim diligentissimus *Clusius*. vid. *Worm.* in *Mus.* cap. VIII. p. 58. ideo refutatus ab Exc. *Stahlio Dissert. de Lap. Manati*, qui differentiam amborum lapidum curiosissime, uti solet vir *πολυμαθης*, rimatus est, ususque medicos addidit.

SCOLOPENDRITES et ECHINITES non nisi magnitudine differunt; Et quidem *Scolopendrites* Auctoris convenit cum *echinite filiceo fastigiato* *Excell. Listeri de Cochl. Angl.* p. 219. Meminit hujus lapidis illustr. *Grew in Mus. Societ. Reg. Anglic.* P. III. p. 260. *Besler figures a small Conick Helmet by the name of Echinites: a great one, by that of Scolopendrites.*

ECHINITES quod concernit, sunt illi secundum Exc. *Beierum* e Classe *univalvium testaceorum helicibus carentium*, figurae ut plurimum subrotundae, quos illustr. *Luydius* apposite nuncupat *fibulares*, propter formam glomerulo vestiario (ein *Knopff*) accedentem, dividunturque in *papillosos* et *suturis aut sulcis lineisve* ornatos, quibus Auctoris nostri accensendi.

OVVM ANGVINVM, ad *Brontiam* sive *Ombriam* a nonnullis relatum, est Echinites pariter orbiculatus depressus filiceus, ab *Excell. Listero* p. 220. descriptus. Ovum hoc anguinum Nobiliss. *Luydio Lithophyl. Britann.* p. 100. vocatur echinites maximus laticlavus. Rarissimi hi lapides in Britannia integri inveniuntur, at fragmenta satis elegantia circa Oxonium saepius occurrunt. De Vsu medico hujus lapidis varia *Olear. in Mus. Gottdorff.* p. 32. seqq. Qui victoriam sibi ex hoc lapide pollicentur

tur. Ensis capulo conjungi curant. Rusticae Danae contra incantationem vasis lacteis apponunt.

BATRACHOIDES vel *Crapodini* vulgo dicti lapides, quorum capitibus contineri multis persuasum. Auctor noster duas species exhibet, a *Gesnero* quoque de *Figur. Lap. Cap. XIII.* pag. 161. b. descriptas. Rotundus intus cavus, foris convexus, coloris albescentis ad subcinereum tendentis; alter major et oblongior; addit *Gesnerus* lapidem posteriorem et rariorem vocari quoque *Ophitem*, *Schlangen-Stein* oder *grossen Kröten-Stein*. *Aldrovando* dicitur *Batrachites Orientalis* figurae ovalis et oblongae, quem in Museo Metallico, nostro plane similem delineat. *Mus. Metall. Libr. IV. cap. 60. p. 814.* Citatur Auctoris nostri figura in *Mus. Societ. Reg. pag. 299.* *Besler figures this, with the Name. of Batrachoides.* Plura de hoc lapide in *Cl. Libavii singularibus. P. IV.* et quidem *Batrach. L. II. cap. 23.* et *Exc. Paullini in Bufone: Sect. III. cap. 3, p. 20. seqq.* *Baldneus in descript. orae Malabar. Coromandel et Ceylon. p. 162.*

CHELIDONII LAPIDES ab Auctore nostro delineati, plane differunt a lapide *Chelidonio Cl. Wormii*, qui lapillus est perexiguus, magnitudine seminis *Lini*, sed figurae hemisphaericae, coloris obscure lutei splendentis parte convexa et rotundiore, purpureo et nigricante parte sessili; hunc in ventriculis hirundinum inveniri fama fert. Ad normam *Wormiani* pariter delineat *Exc. Langius Hist. figur. Lap. Helv. Libr. V. cap. V. p. 115. Tab. L.* Nulla plane lapidum similitudo cum nostris, nisi cum *Aldrovando* distinguere velis inter lapides *Chelidonios fossiles et animales*. Lucem majorem praebet *Excell. Welschius Hecatost. I. pag. 74.* qui hac in re consulendus. *Cl. Sachs. Gammarol. pag. 306.*

CARPIONVM sive *Cyprinorum LAPIS*, proprie non lapis, sed triquetra cartilago coloris subflavi mollis, nec caeteris hactenus descriptis duritie respondens; modo laudatus *Welschius* ossa lapidescentia pronuntiat, quae spina capiti connectitur acetabulo imposita, adeoque dentis vertebralis in homine similitudinem gerentis. Genuinos vero lapillos geminos exiguos planos albosque cuius in cerebro cyprinorum inquirenti obvius fieri, scribit *Hecatost. I. n. 28.* De viribus medicis hujus lapidis Vid. *Worm. in Mus. Exc. Sachs. Gammarol. p. 307.*

ALECTORIVS LAPIS similis ferme *Calceolariano*, quem a *J. B.* Porta ceu donum accepit, licet non satis accurate triangularis existat; nec constat, an in ingluvie, an in Jecore repertus sit. *Marboda* ei versus de hoc lapide recitat *Ambrosinus in Mus. Metall. Aldrovand. LAPIDEM E STOMACHO GALLINAE* pro filice devorato et in stomachoposito habemus.

LAPIDES EX CANCRIS melius vocantur, quam *oculi cancerum*, sunt enim proprie lapilli crustacei, duri albicantes glabri orbiculati, diversae magnitudinis, una parte compressi et sinuati, altera convexi,

nati utrinque unus, in ventriculo Astaci fluviatilis, saporis et odoris nullius evidentis. Licet omnibus noti sint hi lapilli, non tamen omnibus eorum est ortus. Vt plurimum Mense Junio et Julio languere et aegro tare incipiunt hi astaci, cumque non nutriantur, exanimantur fere, et in eorum ventriculo tunc reperitur materia quaedam lactea, quaequae sensim post aliquot dies concrevit in lapillos, qui deinde sensim iterum consumuntur, et ut probabile est, in restorationem cedunt, exuvias enim tum reponunt et resumunt; haec *Excell. Hermannus*. Fusius ista ex Viri incomparabilis *Wepferi* observatione explicat, diligentissimus *Sachsus* in *Gammarolog.* qui omnia, quae de lapillis his dici possunt, congeffit.

TAB. XL.

CUM Tabula XXVII. occasione *Androsaces LAPIDIS FUNGIFER-RI* et *Fungimappae* injecta fuerit mentio, immortalisque Gloriae *Severinus*, Epistolam de *Lapide Fungifero* nomini *Celeb. Mich. Ruperti Besleri* inscripserit, quam *Cl. Carolus Avantius*, *Baptistae Fierae Coenae* notis illustratae adjunxit, liberque hic inter rarissimos nunc esse coeperit, consultum duximus rariora hujus epistolae, relicta luculenta *Severini de Tuberum natura et generatione* digressionem, excerpere, aliisque ad *lapidem fungiferum* spectantibus, ex aliis Auctoribus supplere. Tam oppido obscuram, tamque retrusam naturam nactus est lapis, quem vulgo fungiferum appellant, ut ne etiam nomen unum apud omnes retinuerit, aut ad unum tantum genus relatus fuerit. Aliis nempe volentibus, *Lyncurium*, aliis *Electrum* aliis *Tuber Fungarium*. An *veteres* hujusmodi Fungorum cognitionem ullam habuerint, non facile erit determinare. *Theophrastus* quidem *Hist. Plant.* l. 4. c. 8. in mari Erythraeo fungos nasci tradit: qui sole tacti ἀπολιθύνται lapidescant; quales et nos quoque in rarioribus *Beslerianis* exhibuimus. At e lapide fungos prodire, non dum se legisse meminit *Cl. Avantius*. Quod enim scribit *Hermolaus Barbarus*, *Coroll.* 698. esse ubi *Plinius* hoc innuerit, modo laudatus *Avantius* certe in auctore illo, quem non perfunctorie se legisse profitetur, nihil tale observasse scribit. *Matthaeus Sylvaticus* equidem in *Pandectis* cap. 447. *Evacis* mentionem injicit, qui hujus lapidis *Lyncis*, meminisse fertur, sed hunc *Evacem*, Arabum Regem *Neroni* familiarem, legitimum scripti Auctorem fuisse, eruditi omnes dubitant. Quid vero si de his loquatur *Aristeas* apud *Athenaeum*? μάταισι δ' ὀρέχθαι τὸ λαΐνον πέδον. Fungos concupiscit lapidosus ager. E primis qui lapidis hujus Fungiferi meminere, erit *Baptista Fiera Mantuanus*, in *Caena*. De *Matthaeo Sylvatico Pandectario* modo diximus, ut et de *Hermolao Barbaro*. Meminit pariter hujus lapidis *Andr. Caesalpinus de Metall.* c. 25. *Julius Caes. Scaliger* in *Cardan.* de *Subtil. Exerc.* 87. *Petr. Andr. Matthiol.* *Comment.* 78. l. 4. in *Diosc. Vltad. lib. de sensib.* c. 33. *J. B. Porta Villae lib.* 10. et *Phytognom.* l. 6. c. 26. *Ferdinand. Imperatus* cap.




Fig. VI.



Fig. II.



Fig. I.



Fig. VI.



Fig. VIII.




Fig. VII.




Fig. III.




Fig. V.



LIBA



cap. V. et VI. *Clusius Tract. de Fungis, Sterrebeek, Theatr. Fungor.* fusius-
que his de fungis eorumque natura et generatione se tractaturum promi-
sit *Cl. Avantius in Paraleipomenis Botanicis.* Esse autem lapidem
Fungiferum, de quo nobis sermo, legitimum *Lyncurium*, si modo unquam
in rerum natura exstitit, minime probari ullis potest argumentis; quis
enim teste *Severino* et *Avantio* sibi persuaserit, e *Lyncis* animalis non
valde magni lotio, lapides centum et interdum plurium librarum excres-
cere; quibus adde huiusmodi lapides effodi pluribus Regni Neapolitani
Tractibus, in quibus nullos nasci *Lynces* apud omnes in confesso est. Si
quid igitur in hisce vulgi ineptiis conicere licet, existimat toties lau-
datus *Avantius*, id nominis Lapidem factum esse, quod optimae notae ef-
fodiantur ad Collem Pardi, ditionis Procerum Columnensium, unde cele-
bratissimae Anticoli aquae derivantur; atque ex natali loco primum
Lapides collis Pardi appellatos fuisse; inde vero sciolum quempiam ex
Pardo Lyncem, et ex *Lynce* demum *Lyncurii* nomen ineptissime effinxit
se; vel quia fungi ex eo prodeuntes, crebris illis, quibus sunt sparsi,
maculis, maculati tergora *Lyncis* quodammodo referre videantur. *Est*
autem Lapis hic ex *Avantii* descriptione, qui a *Tobia Aldino* illum dono
accepit, *magnitudine bubuli capitis*, cuius etiam figuram non inconcinne
referre dicitur, (quamvis figura variet, nec enim ille, quem *Excell. Vol-*
kamerus e Neapolitano obtinuit Regno, huius figurae,) *superficie aspera,*
rugosa, rimis nonnullis hiulca; colore partim intenso nigro, partim di-
lutiore, et ad cinereum vergente; substantia porosa, pumici non absimili,
longe vero ponderosiori; quae et silicis frustula quandoque inserta habet,
ut conmatum esse videatur, argumento quidem non levi, lapides istos e
lento ac glutinoso terrae succo, et adjacens quidlibet inviscante coalesce-
re. Hic pingui terra modice textus, et tepida subinde conspersus, Fun-
gos fert suavissimos. Illorum generationem aut si mavis productio-
nem, latius e *Severino* describimus; *Portio*, inquit, *fungiferi triplex:*
Vna quae sub Terra, radix et fibrae colore pullo. Secunda pedunculus al-
bo luteus. Tertia Fungi umbella. Radix propemodum arborescentem
processum refert i. e. indivaricatum: scissilis est et geniculata, ut *Zin-*
ziberis Penae, Iridis Sylvestris Matthioli, &c. &c. Radicis extimae fi-
brae sunt veluti capillus, tenuissimae ac varie implicatae crispaeque,
quales ad unguem stipitis *Oryzae* sunt paleae minutae. *Fungi* germen
primum et stipes, si plenis suis numeris adoleverit, digitali usque longi-
tudine attollitur: infimo pediculo nixus, quo magis terrae propinquat,
gradatim tenuiore. Cui *Fungo* primum erumpenti *Vesicula* major est
gemmae vitis magnitudine, aut paulo majore; quae digitis compressa
reddit humorem aquae specie, saporis aciduli gustu. *Est autem Fun-*
gus facie, qua coelum spectat, umbilicata, et levi: inferiori vero conti-
nenti serie distincta, punctulis quam creberrimis et alveolis minutissimis:
Jungimus Severiniana descriptioni Avantiianam: Fungi figurae modo
rotundae, modo ovatae, saepe etiam inaequali labro, variisque ac sinuo-

sis anfractibus humanas auriculas aemulantibus Vid. Fig. I. II. et III. Colore interdum flavo, (ex albo flavescentes erant in Horto Volkameriano prognati Vid. Floram Noribergensem. p. 178.) interdum dilute purpureo, semper vero crebris spadiceis, vel atrorubentibus maculis aspersi; quae prius quam obsolescant, non parvam ipsis elegantiam conciliant. Illud quoque admiratione non vacat, quod scapus, qui ab evulso fungo Lapidi adhaeret, sensim induretur, ac eandem cum Lapide soliditatem et substantiam acquirat; ita ut fungus lapidem et matricem suam, ut ait Fiera in coena alere, et alimentum, quod accepit, ipsi quodammodo rependere videatur. His non contentus Cl. Severinus Analysin quoque Hermeticam huius Fungi, opera Nobiliss. Josephi Donzellii Neapolitani, et Magnifici quondam Academiae Naturae-Curiosorum Tertii Praesidis Beatissimi Volkameri, quem amicissimum vocat, instituit. Extracta Aqua fatua spiritus et oleum ad L. Quajaci per retortam pulsi saporem et odorem maxime accedens, cinis e quo Sal valde acre extractum. Spiritum vulnerarium optimum deprehendit Severinus, ut ejus ope solius ex umbone, qui ad folliculi lulum cubito inducitur, per vim illiso vulnus inferiore labro transossum quatruidi spatio curarit. Fungiautem arefacti pulvisculum audiverit Medico cuidam in Calabris usitatum, Plevritidis et Nephritidis remedio, quod abscessum aut mature dissolvit, aut suppuratum jam dirumpit ac purgat. Cumque esui pariter gratum, verum erit medicamentum alimentosum. Haecenus ex Avantio et Severino Fungiferi Lapidis descriptionem dedimus, differt tamen ab illa maxime quem modo laudatus Excell Volkamerus Ephem. Dec. II, Ann. III. exhibuit Fig. IV. a nobis pariter expressum, et dum Neapoli apud Cl. Severinum studiis Chirurgicis incumberet ipsi, una cum aliis a Generosiss. Equite Cassiano a Puteo, et Marco Schipano Severino communicatis, quae fungiferi Lapidis Species Fig. V. VI. et VII. exhibentur, ut exinde clare pateat, diversissimas dari lapidum horum fungaeas excretiones. Sequitur Lapidis Fungiferos Fig. VIII. et IX. FUNGIMAPPA ab Excell. Severino Epistola ad Johannem Simonem a Gratia descripta. Estque hic Lapis Coticula parva ovi anserini longitudine, sed eodem complanatio. Si perconteris de magnitudine cotis, unciolas tres examinata pendit. E cujus diametro circumquaque surgit Seges capillamenti, recti, digiti pollicis infantis longitudine, colore candidissimo, rigentibus setis, quae cuspidulae extremae, si quidem obtutu diligenti et acri spectantur, acetabula et cotyledones referunt exilissimos; visa est haec habitudo tota barbam canam referre; quibus tamen pilis instructissima Cos plurima parte deglabrata; seu quidem extremo squalore collapsis, seu frequenti manuum attritione detrimenta passis. Caeterum haec fila dentibus attrita gustum linguae salsum excitare, terreumque echini marini spiculorum sensum stridentem reddidere. Qua delapsi parte capilli facies Cotis asperior et hispidior, ut cognosceret quis inde relictas vestigia decussorum pilorum. Indicavit autem Simon a Gratia Severino, sylvescentes Saxo multos ac tenuissimos quasi capillos, summis suis apicibus tenus communi obductos umbella, et convexa propemodum fungae patella; quam ob causam dubius, an fungiferum, an Herbiferum lapidem vocaret. Qua caeteroquin umbella non comperta, credidit facile Severinus longinquioris agitatione vecturae decussam. Hac igitur particula, quam non vidit superposita, licenti in renova vocabulo Fungimappam vocare ausus: quod fungae soboles mappa quadam inducta superne contegatur. Credit autem Fungimappae procreationem in Saxo convenire cum his, quae relata sunt de Coralliis et stirpibus, quae in statuis lapideis concrevere. Exhibet autem Figura VIII. Fungimappam cum superstite Umbella, ubi AA. Siliculus substratus vegetanti locus. BB. stipites assurgentes. CC. Mappa superdata. Fig. IX. Fungimappam discussa umbella sistit, et quidem DD. Siliculum vegetationi substratum. EE. stipites sua mappa orbatos ac propterea reclinatos.

FINIS.

